

ГАБРИЭЛ ГАРСИА МАРКЕС

# БУЗРУКНИНГ КУЗИ

*РОМАН*

Тошкент  
“Янги аср авлоди”  
2008

Таржимон  
ИБРОҲИМ ФАФУРОВ

ISBN 978-9943-08-259-5

© Габриэл Маркес “Бузрукнинг кузи”. “Янги аср авлоди”, 2008 йил.

Габриэл Гарсия Маркес (1928 йилда туғилған) – Жанубий Америка қитъасидаги Колумбия мамлакати адиби. Илк ижодини ўткир журналистик очерклар, мақолалар ва серможаро ҳикоялар билан XX асрнинг эллигинчи йилларида бошлаган. Унинг ilk йирик асари «Хазон ятроби» қиссаси 1955 йилда чиққан. У Лотин Америкаси мамлакатлари ҳалқларининг тарихий тақдирлари, озодлик ва тараққиёт учун ўта фожиали, ўта қонли, шафқатсиз курашларини ва бу курашлар тегирмонига тушган ранг-баранг инсон қисматларини юксак эмоционаллик билан акс эттириди. Унинг «Полковнишка ҳеч ким ёзмайди» (1958), «Ёвуз соатда» (1962) роман ва қиссалари, «Катта Онанинг дафни» (1962) ҳикоялар китоблари тез тилга тушди ва адига жаҳоншумул шуҳрат келтириди. Кўп ўтмай Маркеснинг «Юз йил танҳоликда» (1967) ва «Буэрукнинг кузи» (1975) деган катта роман-эпопеялари дунёга келди. Уларда Лотин Америкаси тарихининг жўшқин воқеалари юксак бадинят ва таъсирчанликда ёритилди. Бу асарлар кўплаб дунё мамлакатларининг миллий тилларига таржима қилинди. Маркес бу асарлари билан дунё адабиётининг энг буюк адаблари қаторига кўтарилди ва энг кўп ўқиладиган адаблар сирасига кирди. Адид ўз ижодий манифестида эркин роман тарафдори бўлиб чиқди. У «роман-миф», «роман-мўъжиза» сингари наср турларининг дунёга келиши ва китобхонлар қалбидан мустаҳкам жой эгаллашида катта улушини қўшиди.

Адабининг бадиий-ижодий услубида кучли реализм қудратли азал мифологизм билан чамбарчас чатишшиб кетади. Ижтимоий инсон ва мифологик инсоннинг ажойиб қўйма образлари яратилади. Азал ҳиндулар, испанлар, инглизлар, шимолий американцлар ва бошқа кўпдан-кўп дунё ҳалқларининг вакиyllари бир-бираига чатишшиб кетган Лотин Америкаси мамлакатлари адабиёти ва санъатлари учун бу ниҳоятда табиий-дир.

Фантазия ва гротеск бу оригинал фусункор бадиий услуб тўқимаси-нинг замирига табиий тарзда кириб боради, воқеалар, тақдирлар драматизмини беҳад, чексиз бойитади, кучайтиради. Маркес Лотин Америкаси ва у оша янги жаҳон насринда фусункор реализм деб аталган ўзига

хос йўлнинг асосчилари ва ёрқин намояндаларидан биридир. Адибнинг «Олдиндан маълум бўлган ўлим тарихи» (1981), «Вабо чоридаги муҳаббат» (1985), «Содда қиз Эрендира, унинг тошбагир бувиси ҳақида гаройиб қайгули қисса» (1972) сингари асрлари умумжаҳон адабиётларида инсон ҳақида айтилган янги сўз бўлди. Булар унинг ижодиёти тимсолида янги бадиият, янги сўз поэтикаси дунёга келганинидан дарак берди. Габриэл Гарсиа Маркес 1982 йилда адабиёт соҳасида Нобель мукофоти билан тақдирланди. Бундан бир неча йиллар бурун Маркесни ўзбек тилига ўтириш тажрибаси бошланиб, унинг машҳур «Юз йил танҳоликда» романини китобхонлар ўқишга мусассар бўлган эдилар. Буюк адаб ижоди билан ҳозирги замон ўқувчиларини кенгроқ таништириш мақсадида Маркеснинг «Бузрукнинг кузи» деб аталган фусункор реализм адабиёти учун ниҳоятда жозибадор бўлган роман-эпопеясини ўқувчилар эътиборига ҳавола этмоқдамиз. Романда воқеалар жуда олис тарихлардан келаётган ягона оқим сифатида тасвирланади. Шиддатли тезоқар оқим ва унинг даҳшатли пўртаналари ичида унинг иштирокчилари – алоҳида шахслар – индивидумлар ва ялпи тарих иштирокчи халқнинг ўртанган, ёнган, куйган, изтиробга тўла ҳайқириқ-нидоси доим эшитилиб туради. Гватемалалик машҳур адаб, Нобель мукофоти лауреати Мигель Анхел Астуриас «Лотин Америкаси романи бу – асрлар қаъридан келаётган алам-изтироб нидосидир», деган эди. «Бузрукнинг кузи»да бундай алам-изтироб ҳам нола, ҳам нидо, ҳам ҳайқириқقا айлангандир. У гуманизм ва антигуманизм ҳақидаги жаҳон адабиётининг ёрқин саҳифаларидандир.

*Таржимон*

Ўлаксаҳўр калхатлар ҳафтанинг охирида деразаларнинг сим тўрларини чўқиб йиртиб, деразалар ва айвон орқали президент саройига кирдилар, қанотларини қоқиб сарой пучмоқларида қотиб қолган вақтнинг бўғиқ ҳавосини тўзғитиб юбордилар, ва ниҳоят, душанба куни өрта тонг чоғида шаҳар ўзининг пўпанак босган бутун улуғворлиги билан асрий караҳтликка чўмган уйқусидан уйғонди; фақат шундан кейингина биз ичкарига киришга журъят этдик, ҳолбуки шунгача ичимиизда баъзи бир энг ботирларимиз нураган истеҳком деворларини ёриб ўтиш, бошқа бирорларимиз эса бош дарвозани ҳўқиз араваларнинг шотилари билан уриб йиқтишини таклиф қилган бўлсалар да, бунга ҳеч қандай ҳожат қолмаганилиги аён бўлди, бинобарин, қўлимиз тегмасданоқ алмис соқдан қолган замонларда Уилям Деймпер<sup>1</sup>нинг замбарак ўқларига дош берган ушбу темир қопланган дарвозалар ўзидан ўзи ланг очилиб кетди, ва мана ниҳоят биз ўтмишга қадам қўйдик, ва сал бўлмаса ҳокими мутлақнинг харобага айланган ушбу улкан уясида ҳаво етишмай бўғилиб ўлаёздик, ҳар ҳолда бунда ҳатто сукунат ҳам чирик, нур гира-шира, мана шу қалқиб турган бека-рор ёргуликда барча нарсалар мубҳам кўринарди; тош пилталари қушқўнмас ўти чиқиб, ўрнидан кўчиб ёрилиб ётган ташки ҳовлида биз қочиб кетган кўриқчилар пала-партиш улоқтирга! қурол-яроғлари, аслача-анжомларга дуч келдик, устига якшанба дастурхони ёзилган, қалашиб ётган идишларда саросима ичиди ташлаб кетилган овқатларнинг сарқитлари сасиб-бижғиган узун тахта столни кўрдик, ярим қоронғу бадқовоқ бино олдидан чиқдик, бунда бир маҳаллар маҳкамама жойлашганди, бунда утом-уюм кўриб чиқилемаган иш қофозлари устидан заҳарли, йилтироқ қўзиқоринлар бод-

<sup>1</sup> Уилям Деймпер – XVII аср охири – XVIII аср бошларида яшаган инглиз денгиз сайёҳи.

раб чиққан, туссиз қўланса гуллар очилган, ишларнинг кўрилиши эса энг бемаъни, энг салиқасиз ҳаётдан ҳам кўра узоқроқ чўзилган әди; биз яна бу ҳовлида шоҳсупа тепасига купел<sup>1</sup> ўрнатилганини кўрдик, бу саройда истиқомат қилганларнинг бешта авлоди унда чўқинтирилган әди. Яна ҳовлининг ичкарисида вице-қиролнинг арава саройга айлантирилган алмисоқдан қолган отхонасига кўзимиз тушди, бунда гужрон ўйнаб учган куялар орасида Буюк Шовқин даврининг каретасини кўрдик, вабо вақтининг усти ёпиқ араваси, Думли юлдуз чиққан йилнинг от-араваси, Таракқиёт доирасидаги тартиб-интизом замонининг дағи маросими улови, Илк Тинчлик Асрининг телбакезик лимузини ҳам шу ерда әди, яна буларнинг бари чанг-губор ва ўргимчак уяси билан қопланган бўлса-да, анча яхши сақданиб, улар миллий байроқнинг ранглагрига бўялганди; ундан кейинги ҳовлида темир панжаралар ичра худди ойнинг гарди ёғилгандай нуқра атиргуллар очилганди; бу истинодгоҳнинг энди ўтмишга айланган гуллаб-яшнаган нурафшон замонларида ушбу гуллар тагида песс-моховлар ётиб ухлашарди; қаровсиз қолган гуллар тарвақайлаб ўсиб, шоҳ-буталари бутун атрофни тутиб кетганди; ҳавода атиргулларнинг бўйи анқирди, бироқ унга боғнинг ичкарисидан чиқаётган қўланса ҳидлар қўшилар, бунга товуқхонанинг сассифио сигирлар чалпакларининг бўйи, шунингдек, аскарлар сийдигининг шиптири ҳиди ҳам аралашиб кетарди – аскарлар эса эски вақтлардан буён мустамлака бутхонасининг деворлари орасига чоптиришарди, ҳозир бу ер сут фермасига айлантирилганди; атиргулларнинг буталари орасидан нафасимиз қайтиб, бўғилиб, димиқиб ўтдик-да, арк айвонига чиқдик, бу ерда тувакларда ўсган чиннигуллар, япроқчалари қат-қат баҳмалгуллар, капалакгуллар чаман очилиб ётарди; бу ер унинг хотинлари учун қурилган товуқхонанинг ташки айвони бўлиб, ҳар жойда тўда-тўда бўлиб уюлиб ётган латта-путталар, ашқол-дашқоллар ва тиқув машиналарининг кўплигига қараб, бу капада қанча хотинлар яшаганлигини билса бўларди; сони мингдан асло кам бўлмаган хотин-халажнинг ҳар бирининг бир этак чала туғилган

<sup>1</sup> К у п е л – чўқинтиришда ишлатиладиган идиши.

чурвақалари бор эди. Ошхоналар қаровсиз, билиқсиб ётарди, тосларда ювиш учун ташланган кийим-бошларни мөғор босганди, солдатлар ҳамда хотин-халаҗ учун умумий бўлган ҳожатхонанинг оғзи ўрадай очилиб ётарди, – яна улкан тостувак идишларда Кичик Осиёдан тупроғи билан бирга келтирилган Бобил самбит гулларини кўрдик – уларнинг япроқлари худди аёзда шудринг тушгандек кўкимтири товланарди – самбитгуллар ортида эса кўз ўнгимиизда унинг боргоҳи – баҳайбат, бадқовоқ, ҳўмрайган уй гавдаланди, темир қопқалари кўчириб ташланган яланг деразалардан ҳали-ҳамон калхатлар дам учиб киришар, дам учиб чиқишарди; эшиклар турмини бузишга ҳожат қолмади, худди бизнинг сасларимизга бўйсунгандай улар олдимиэда ўз-ўзидан очилди-кўйди, ва ниҳоят, биз гулли ҳашамдор гилам тўшалган тош зинадан асосий – юқори қаватга кўтарилидик – гилам сигирларнинг түёқлари остида топталиб кетганди – биз биринчи саҳидан тортиб, охириги хобгоҳгача барча хоналарни бирма-бир қараб чиқдик, барча хизматхоналару сон-саноқсиз қабулхоналардан ўтдик, қайтга бормайлик, ҳамма ерда боқибегам сигирлар тентираб юришарди; улар барқут пардаларни ямлашар, юмшоқ ўриндиқларнинг шоҳи жилдларига сўлакайларини оқизишар, синган ашёлар ва янгигина ташланган сигир чалпаклари орасида ётган муқаддас санамлару саркардаларнинг суратларини топташарди; ошхона ва концерт залида ҳам сигирлар тўда-тўда бўлиб юришар, пишқириб бу ерларни ҳаром қилишар, ҳамма ерни сигирлар эгаллаган эди; яна биз домино ўйналадиган синиб ётган столларни, худди сигир подалари ўтгандан сўнгти ўтлоқларга ўхшаб оқиш-кўкимтири бўлиб қолган бильярд столларининг матоларини кўрдик, бир бурчакда шамол паррак тўнтарилиб ётар, бу ўйнинг эгалари ўз соҳилларини ташлаб кетган денгизни соғиниб ўртанмасликлари учун унинг парраклари истаган йўналишда денгиз шамолига ўхшатиб елпир эдилар; биз яна ҳар жойда осилиб турган, устига ёпқич ташланган қушларнинг қафасларини кўрдик – улар ўтган ҳафта кечаси ёниб қўйилган ҳолича қолиб кетган эди; сон-саноқсиз деразалардан эса шаҳар қўриниб турарди – у ўз бошига тушган тарихий душанба воқеаларини ҳали англаб-англамаган улкан маҳлуқقا

ўхшарди, шаҳардан нарида эса бир маҳаллар дengiz тўлқинланиб ётган охири кўринмайдиган текисликда худди ойнинг шалдироқ қули каби уюм тепаликлар, вулқонларнинг хувиллаган ҳалқумлари ҳув уфқларга довур чўэилиб кетарди; яқинларда ҳар ким ҳам киришга журъат этолмайдиган ёпиқ ибодатхона ортидан эса чириган ҳид — ўлимтиклар ҳиди анқирди, у ердан калхатларнинг ҳирқираб нафас олган саслари әшитиларди, ва биз ўша ёққа қадам босдик, кўнгилни айнитадиган ёмон ҳидлар келаётган ва калхатлар учайтган томонга қараб юриб, мажлислар залига етиб бордик, бунда ҳам яна сигирлар устидан чиқдик, фақат улар ўлиб ётишар, тўшларида қортлар ўрмалашар, залнинг улкан ойналарида уларнинг ясси биқинлари кўпайиб акс этарди; биз ён томондаги унинг хонасига элтадиган әшикни итардик, ва шунда уни ҳеч қандай аломат-нишонлари бўлмаган ҳарбий дала кийимида, оёғида этик билан ётганлигини кўрдик; чап оёридаги этик пошнасида олтин нағал ярақлаб турарди; ер юзасидаги ўлимга маҳкум ҳар қандай жонзотдан ёши улуғроқ, сув ва қуруқликдаги ҳар қандай азалий маҳлуқдан ҳам қарироқ бу зот кафтларини ёстиқдай ёзиб, унга юзини босганча мук тушиб ётарди — гўшанишин мустабид ўз узоқ ҳаётининг ўзидан узоқ кечаларида доим мана шундай алғозда ухларди; аммо башарасини кўрмоқчи бўлиб ағдарганимизда, уни таниб бўлмаслигини тушундик, гап унинг башарасини калхатлар чўқиб ташлаганида ҳам эмасди; уни ҳаётлигига ҳеч биримиз кўрмаган бўлсак, уми — у эмасми, қайдан билайлик? Гарчи унинг афтьашараси ён томондан танга пулларга бўрттириб зарб қилинган, алоқа маркаларига туширилган, ични юриширадиган дори-дармонларнинг ёрлиқларию белдамчалару шоҳи туморларда акс эттирилган ва гарчи унинг кўксига байроқ ҳамда аждаҳо билан тасвирланган чорчўпга солинган тошибосма сурати ҳар доим ҳам ҳамма ерда ҳар кимнинг шундоқ кўз ўнгида турса ҳам, биз билардикки, булар энг қадимги нусхалари бўлиб, улар Думли Юлдуз йилидаёқ аслига тўғри эмас деб топилган эди, ўша пайтлар бизнинг ота-оналаримиз ўз навбатида ўз ота-оналаридан, улар эса ўз катта боболаридан унинг кимлигию кўриниши қандайлигини сўраб билишаркан; биз жуда ёш чоримизданоқ унинг мангалиги

ва Ҳокимият Уйи ва мангу ҳукмронлигига ишониб ўрганган эдик; биз байрам арафасида оқшом пайти Ҳокимият Уйидаги қўналрасида думалоқ шамлар ёқсанини кимлардир кўрганини билардик, кимлардир унинг ғамгин кўзлари, президент каретаси даричасида ёса унинг оқарган дудоқларини кўрганлиги ҳақидаги гап-сўзларни эшитардик, аллакимлар худди чёрковнинг ҳошиядор енгчаси каби нуқра кашта билан безатилган дарпарда узра узатилган – ҳувиллаган, бўм-бўш кўчани хаёлчан саломлаган қўлларини кўрганини билардик, унинг соғ-саломат әканлигини бир кўр дайдидан әшитгандик, кўп йиллар бурун ўша дайди якшанба куни унтилиб кетган Рубен Дарио деган шоирнинг шеърларини беш чақа ҳақ олиб ўқиб юрганда кўчадан ушлаб олиб кетишган, лекин тез орада чўнтағига битта тоза тилла танга солиб омон-эсон қўйиб юборишган, буни фақат унинг ўзи учунгина ташкил этилган шеърият кечасининг ҳақи деб тортиқ қилишган әди; албатта, дайдининг кўзлари кўр, шунинг учун унинг ўзини кўрмаган әди, лекин мабодо кўр бўлмаганда ҳам, барибир генерални кўролмасди, зеро Сариқ беэгак замонларидан буён уни биронта тирик зот кўрган эмас әди. Шунга қарамасдан, биз барибир унинг борлигини билардик, чунки ахир, ер айланарди, ҳаёт давом әтарди, хат-хабарлар канда қилмай келиб турарди, шаҳар идорасининг мусиқа жамоаси эса де Армас майдонининг чанг босган пальмалари ва маъюс хира фонарлари остида то шанба дам олиш жоми чалингунча тентакнамо вальслар ўйнаб турарди, ва ҳамиша янги қари мусиқачилар ўлганларнинг ўринини босишарди, ҳатто әнг сўнгти йилларда ҳокимият истинодгоҳидан на одамлар товуши ва на кушлар сайроғи эштилганда, зирҳ билан қопланган дарвозалар очилмай қўйганда ҳам, биз даргоҳда кимдир борлигини билардик, зотан илгари дengiz томонга очиладиган, худди кема иллюминаторлари сингари деразаларда шуъла пайдо бўлганини кўрадик, мабодо агарда аллаким яқинроқ боришга журъат этса, истинодгоҳнинг баланд деворлари орқасида туёқларнинг тасирлашию аллақандай йирик ҳайвонларнинг пишқиришларини эшитардик; кунлардан бир куни январь ойида эса биз президент балконида туриб кун ботишини томоша қилаётган сигирни кўриб қолдик; ўзингиз тасаввур

қилинг, ватанинг бош балконида сигир турган бўлса-я! Қанчалар bemazagarchilik! Шу ҳам мамлакат бўлдими?! Бироқ кейин ҳамманинг боши қотиб, шубҳаси ортди, шундай бўлиши мумкинми ахир, президент балконига сигир чиқиб олиши ақлга сифадими? Ахир сигирлар пиллапоялар, бунинг устига сарой пиллапояларида ва яна гилам пойандозлар тўшалган ерларда bemalol сайр қилиб юриши мумкинми? Шундан кейин гап-сўзлар шунчалар кўпайиб, авж олиб кетганки, охири биз нима деб ўйлашни ҳам билмай қолдик: биз ўзи бу лаънати сигирни президент балконида кўрдикми, йўқми ёки кунлардан бир куни кечкурун де Армас майдонида бизга шундоқ бўлиб туолдими? Ахир бу балконда аллақачонлардан бери ҳеч ким ҳеч нарсани кўрмаган, отинг ўчкур жума кунининг тонготарига довур шундай бўлиб келган, кейин бу ерга, одатда, камбағал бечоралар bemorxonaси бўғотларида мудраб ўтирадиган биринчи калхатлар келишди; лекин шу калхатларнинг ўзигина келгани йўқ, олис-олислардан жуда кўп тўдалар пайдо бўлди – уларнинг адоги йўқ, кети узилмасди, бир пайтлар анави уфқ ортида, ҳозир илгариги денгиз ўринида чанг-тўёон уммони тўзғиб ётган томондан худди тўлқинларсимон ёпирилишарди; кун бўйи калхат тўдалари ҳокимият қароргоҳи узра оҳиста оҳиста сузиб юришди, сўнг ниҳоят уларнинг етакчиси – узун бўйни худди тож каби оппоқ укпарлар билан безанган уларнинг подшоҳи ўзига маълум тилда амру ишора қилди, шундан кейин ойналар шарақлаб сингани эштилди, улут майитнинг уфунати тараглди, калхатлар ўзларини ҳар томонга уришар, дуч келган деразалардан учиб чиқишарди, әгаси тарқ әтмиш хонадонда, тирик зот қолмаган ерда худди мана шундай бўлади; душанба куни биз ҳам юрак ютиб кириб бордик, бўм-бўш истинодгоҳда ўтмиш ҳашаматларнинг харобаларини кўрдик, унинг гавда-лошини топдик, калхатлар юзини чўкиб ташлаган кўллари хотинларникига ўхша силлиқ эди – ўнг қўлининг отсиз бармоғида давлат муҳори туширилган узук тақилган эди; бутун танасига ва айниқса қўлтиғи ва човларига майда тошма тошган эди; белидан брезент белдам ўтказилган, у худди буқанинг буйрагидай шишиб кетган каттакон даббасини тутиб, кўтариб турар, калхатлар унинг фақат даббасигаги-

на тегмаган әдилар. Бироқ биз ҳали ҳам унинг ўлганига ишонмас-дик, зеро, у илгари ҳам бир сафар мана шу хонасида ўлган ҳолда топилганди; афтидан, у худди табиий равишида уйкуда ётганда ўз ўлими билан ўлганга ўхшарди; бир замонлар фолбин хотин тогорага солинган сувга қараб туриб, унинг айни мана шундай алфоз-да ўлажагини башорат қылган әди; у пайтлар умрининг ҳазонрезги кузи эндигина бошланганди; мамлакат ҳали унда ўз күч-қувватини унча-мунча йўқотмаган, шу боис у ҳали ҳатто ўз хуфя хобхонасида, ўз иш кабинетида ҳам ўзини хавф-хатардан эмин деб ҳис қила билмас, шунга қарамасдан у ҳеч қачон ўлмайдигандек ҳукм сурар, бинобарин, президентнинг саройи ўзининг барча ҳовлилари ва хизматхоналари билан биргаликда саройдан кўра кўпроқ бозорга ўхшаб кетар – ушбу бозорда оғир хуржунлар ортилган эшакларни юқидан бўшатаетган, сарой ичкарисига мева-чева, сабзавот ва товуқлар тўла саватларни ташиёттан ялангоёқ хизматчиликнинг тиқилинч издиҳоми орасидан ўтиш амримаҳол кўринарди; бунда тўда-тўда хотинлар орасидан ҳам тиқилиб ўтишга тўғри келарди; улар расмий меҳр-мурувватнинг мўъжизаларини кутиб, қўлларида қорни оч болаларини кўтариб зиналарда мудраб ўтиришарди; тун ичи сўлиб қолган гулларни янгиларига алмаштириш учун унинг уришқоқ маъшуқалари гулдонлардаги лойқа сувларни пайдарпай сепиб ташлашар ва ҳар сафар бошингизни улардан базўр олиб қочишга улгурадингиз; ўшал ойимқизлар ҳўлланган латталар билан полларни артишар, балконларда гиламларни қоқишиб, қўлларида супургиларини оҳангдор тапирлатишиб гуноҳ ишқу муҳаббат ҳақида қўшиқлар куйлашарди; супургиларнинг тарақ-турүки ва қўшиқлар умр бўйи амал курсисида ўтириб иштонларини йиртишган амалдорларнинг бақириқ-чақириқларига аралашиб кетар, улар бир-бирларига сўкиниб қичқиришар, ёзув столларининг тортмаларида bemalol ўтириб тухум очаётган товуқларни кишкишлаб ҳайдашарди; бу товушларга хотин-халаж ва аскарлар учун битта умумий бўлган бадрафхонанинг шовқин-сурони, қушларнинг қулоқни қоматта келтириб сайрашлари ва мажлислар залидаги дайди итларнинг ғажишиб акиллашлари қўшилиб кетарди; ва ҳеч ким бу ерда кимнинг кимлигини билмас, юзлаб

ҳайҳотдай эшиклари ланг очилган ушбу саройда нима борлигини англамас, ва боз устига, ушбу тўс-тўполон аросатхона, ушбу қиёмат қойим қўлган масканда ким ҳукумату ва у қаерда жойлашганлигига сира ақли етмасди; сарой соҳиби ушбу бош-кети йўқ бозор ғалавонурида иштирок этибгина қолмасдан, шу билан бирга, унинг ижодкори ва илҳомчиси, пешталқини ҳам әди; хўрзлар ҳали илк қичқириқларини бошламай туриб, унинг хобхонасида чироқ ёнган ҳамоноқ президент шахсий аскарларининг тунқаторлари янги тонг отганлигидан дарак бериб бургуларини чалар, бунга бу ерга яқин Конде казармаларида дарров жўр бўлишар, ундан хабар нарироқча Сан-Херонимо базасига ўтар, бу ердан у портдаги қалъага этиб борар, қалъа ҳам тонготарнинг олти зарби, олти оҳангини такрорлар, булар ҳаммадан олдин пойтахтни уйғотиб, сўнг бутун мамлакатта тараларди; бу пайтда саройнинг эгаси қўлда кўтариб юриладиган заруратнинг курсичасида ўтириб тонгти хаёлларга берилар, ўша пайтларданоқ асабига тега бошлаган бошидаги шоввқин-суронни босишга уриниб, қулоқларига кафтларини босарди; худди зумрад каби кўкимтири товланган, тўлқинланиб ётган денгиз узра сузиб бораётган кемаларнинг чироқларига термулар, ўшал шонли йилларда денгиз ҳали унинг деразалари остида шалдиради; шундан сўнг у сут фермасига йўл олар, бугун тонгда қанча сут соғишганини текширап ва уни жой-жойига тарқатишни тайинларди; шундан кейин президентнинг учта каретаси сутни шаҳар казармаларига тарқатарди – шахсан ўзи қанча сут соғилганини кўрар, президент саройида қўним топгандан бери мана шу сут тарқатиш билан шахсан ўзи шуғулланарди; кейин у ошхонада бир Финжон қора кофе билан бир бўлак касабе<sup>1</sup> ер әди ва янги тонгнинг шамоллари ўзини қасрларга учириб кетишини кутар; кун бўйи нима қилишини билмас, шунинг учун хизматкорларнинг вакъир-вукӯрларига бажонидил қулоқ соларди; у ҳамиша шундай қиласарди, зотан ушбу қароргоҳда у фақат хизматкорлар билан тил топишар, улар билан апоқ-чапоқ гаплашар, хизматкорларнинг

<sup>1</sup> К а с а б ә – ихрож (маниок) ўсимлиги оиласига кирувчи бута илдизидан олинадиган ундан пиширилган ширин кулча.

оғизларидан ўзига чиқаётган мақтовларни жуда қадрлар, улар-нинг қалбларини яхши англай биларди...

Алалхусус, у кофе ичиб, бир бўлак ширин кулча ерди, кейин соат тўқизларга яқин ўзининг шахсий ичкари ҳовлисидан бодом дараҳтлари тагидаги парланган шифобахш япроқлар билан тўлдирилган тошҳовузинга тушиб, қайноқ сувда ўн биргача ётарди; бу унга ноаён хавотирдан халос бўлишга, навбатдаги турмуш уринишлари олдида хотиржамлик касб этишга кўмаклашарди; бир замонлар уни президент қилиб ўтқазиб қўйган денгиз десантчилари энди-энди тушган маҳалларда у десант қўшинлари қўмондони билан бирга битта кабинетга кириб ўтирар, у билан бақамти турли-туман қонунлар ва низомларга катта бармоғини босиб, юрт тақдирини ҳал қиласди; бинобарин, у маҳалларда тамомила саводсиз бўлиб, на ўқиш ва на ёзишни биларди; бироқ унга юрт ва ҳокимиятни ёлғиз ўзига ташлаб кеттаниларидан сўнг, у эҳтиёткорликни талаб қиласидан илмоқли қонунлар устида бошини оғритиб ўтиришни истамай, мамлакатни кўнглига сикқанча идора қила бошлади, у ҳар ерда пайдо бўлар, гапини икки қилишга ҳеч кимга йўл қўймас, ҳокимият чўққиларида қояларга ўрмалаб чиқувчилар сингари эҳтиёткорлик билан ҳаракат қиласи ва шу билан бирга, ёши бир жойга етганига қарамай, гайрат-шижоат кўрсатар, ва ажабмаски, унинг атрофини доим кўр, мохов ва шоллар ўраб олишар, тўда-тўда бўлиб юришар, ундан ёлвориб бир чимдим туз-намак тиланишар, бинобарин, унинг қўли теккан туз-намак шифобахш бўлиб қоларди; шу билан бирга унинг атрофини сонсиз-саноқсиз дипломли сиёсатдонлар, сурбет лўттивозлар ва хушомадгўйлар қуршаб олишган, уни зилзилалар, само башоратлари, кабиса йиллар сингари худойимнинг саҳву хатоларининг коррехидори<sup>1</sup> деб эълон қилишганди; у эса худди қор устидан юриб бораётган фил каби саройда баҳайбат оёқларини судраб босар, йўл-йўлакай жуда осонлик билан давлат ва турмуш ишларини ҳал қиласи, манов эшикни бу ердан олиб анов ерга қўйинглар, деса, буни бир зумда

<sup>1</sup> К о р р е х и д о р – ҳоким. Бу сўзининг яна бир маъноси: ислоҳ қилювчи, яъни зилзилаларни ислоҳ этувчи.

адо этишар, билъакс, яна шу заҳоти энди эшикни у ердан олиб бояги жойига қайтариб ўрнатинглар, деб буюрса, буни ҳам иллобиллога келтирмай бажо қиласдилар; агар у минорадаги катта соат ярим кечаси ва кун ўртасида ўн икки марта эмас, икки маротаба занг урсин, шунда ҳаёт аслида бўлгандан кўра икки баробар узоқроқ давом этади, деб айтса, бу амри ҳам дарҳол адо этишарди – унинг ҳар қандай амри сўёзиз ва қатъият билан бажариларди, заррача шубҳага йўл қўйилмасди. Фақат пешин чоридагина ялпи ўлик сукунат чўкарди, ҳамма нарса тақа-тақ тўхтарди, у бундай пайтларда туш чорининг иссигидан хотинлар товуқхонасининг нимқоронгу пучмоқларида ором топарди; танлаб ўтиромай биринчи дуч келган хотинга ташланиб, тутиб оларди-да, уни ечинтириб ўтиромай, ўзи ҳам ечинмай, тўшакка кўндаланг итқитарди, эшикни ҳам беркитиб ўтиромасди, илло бутун саройга унинг оғир пишқиргани, итга ўхшаб ингиллаб фингшигани баралла эшитилиб турарди, у шошқалоқлик билан ҳансирар, оёқлари тўхтовсиз дириллаб тургани боис, этигига қадалган нағали<sup>1</sup> тўхтамай жингир-жингир қиласди; ҳалиги хотин ҳам бу ишқивозлик дамларида ўзини ориқ, ингичка, чала-чула болаларининг кўзларидан яширишга уринар, қўрқинч, ваҳимага тўла овоз билан қичқиради. «Йўқол бу ердан! Ҳовлига чиқиб ўйналаринг! Нима қиласан бунга қараб! Болаларга уят бўлади!» Шунда она ватан осмонидан мулоим, ювош фаришта учиб ўтгандай бўлар, овозлар ўчар, ҳамма ҳаракатдан тўхтар, бутун мамлакат бармоғини гўё тек тур дегандай лабига босарди: «Тиш-ш! Овоз чиқарманг!.. Жим!.. Генерал ишқивозлик қиляпти!..» Аммо уни яхши билганлар давлат ҳаётидаги ушбу қисқа ҳордиқ дамларига ҳам ишонмас, унинг ишқ эрмаклари билан бандлигига бовар қилас, зотан ҳаммалари унинг бир вақтнинг ўзида, одатда, дам унда, дам бунда пайдо бўлиши ни жуда яхши билардилар: кеч соат еттиларда уни домино ўйнаётган ҳолда кўрардилар, бироқ кеч соат роса еттида у сигир таппинин тутатиб мажлислар залидан чивинларни қувиб чиқараётган бўларди; барча деразаларда чироқ ўчмагунча, ва унинг

<sup>1</sup> Н ағ а л, наъл – отни ниқташ учун этикка қадаладиган широр.

ётоқхонасидаги әшиклар учта қулфининг шарақлагани, учта зул-финининг шиқиллагани ва учта лўқидоннинг тарақа-туруқ тушгани әшитилмагунча ва чарчаб ҳолдан тойган тананинг гурс этиб ўйнинг тош саҳнига қулагани маълум бўлмагунча ҳеч ким ҳеч нарсани афтидан аниқ билмасди; сўнг матьсум гўдак ўйкусига чўмган қариянинг тез-тез хириллаб нафас олаётгани келар, тунги денгиз сувлари кўпайиб юқори кўтарилгани сари унинг нафас олиши тобора равон ва чуқур бўла бораради; шунда шамол арганунлари чирилдоқларнинг қулоқ пардаларига урилаётган сайрашлари овозини босиб кетар, оппоқ кўпирган азamat тўлқин виде-қироллар ва буканерларнинг<sup>1</sup> кўҳна шаҳар кўчаларига гулдурос солиб ташланар, даричалардан ошиб ўтиб саройни кўмар, чиганоқлар ойналарга ёпишиб қолар, мажлислар залида акулалар жағларини йириб очишар, тўлқин эса азалий уммоннинг энг юқори нуқтасидан ҳам юқорироқ кўтарилар, ер юзини, вақт ва маконларни сув ўз комига тортарди, ёлғиз унинг ўэзигина, шу ҳарбий дала кийимидағи, оёғига олтин нағалли этик кийған якка-ёлғиз чўкиб ётган ким-сагина ўз тушларининг ойдин денгизида сузиб борар, юзини мисоли ёстиқдай икки кафтига босиб, сузгани сузган эди.

Унинг бир вақтнинг ўзида турли жойларда ҳозир бўлиши, иккинчи қаватга чиқатуриб, айни пайтда биринчи қаватга тушиши, ўзи ёлғиз бепоён денгиз бўйида хаёлга фарқ бўлиши ва айни чорда ишқ лаззатларининг титроқларида чўмиб ётиши, хушомадгўйлари айтмоқчи, унинг қандайдир фавқулодда шахсиятига хос алоҳида хосиятларнинг намоён бўлишигина эмасди, бу унинг муҳолифлари айтмоқчи, оммавий рўё ҳам эмасди; омади гап шу әдики, унинг баайни худди ўзига ўхшащ иккинчи нусхаси бор эди – бў Патрисио Арагонес деган кимса бўлиб, унга худди итдай вафодор ва унинг учун ҳар нарсага тайёр эди; уни умуман маҳсус қидириб юрмай тасодифан топиб келишган эди; кунлардан бир кун президентта шундай хабар еткизиши: «Жаноб генерал, худди президентимизиңкига ўхшаган аллақандай карета ҳиндулар қўналғала-

<sup>1</sup> Б у к а н е р – Испаниянинг Америкадаги мулкларини талаган қароқчилар.

рини айланиб юрибди эмиш, унда қандайдир бир лўттивоз ўзини гўё сиз деб танитармиш, одамлар бунга чиппа-чин ишонишар ҳам эмиш, жаноб генерал! Одамлар каратанинг қоронғу ичидагининг ғамгин кўзларини кўришганмиш – унинг кўзлари айни сизнинг кўзларингиз эмиш, жаноб генерал; оқарган лабларини кўрибдилар – худди сизнинг лабларингиздай, жаноби генерал; худди сизнинг қўлларингиз каби нафис ипак қўлқоп кийған қўллари билан каратанинг дарчасидан дардманларга ҳовучлаб туз сочармиш, касаллар йўлларда қатор бўлиб тизилиб тиз чўкиб туришармиш, каратанинг ортидан эса зобит либосидаги икки отлиқ киши гўёки мана шу шифобахш туз неъмат учун пул йиғишармиш. Ўйлаб қарасангиз, қанчалар шаккоклик бу, жаноб генерал!» Аммо у, лўттивоз дарҳол жазога тортилсин, деб буюриб ўтирумади, аксинча хуфёна равишда, ҳеч ким танимаслиги, президент билан адаштирумаслиги учун бошига қоп кийгизиб саройга келтиришни амрқилди. Лўттивозни тутиб келтиришгач, генерал ўзини худди ташқаридан кўргандай бўлиб, кўнглидан ғалати бир таҳқирланиш ўтди, бу найрангбоз билан ўзининг қандайдир тенг бўлиб қолганини кўришдан унинг шаъни нафсониятига озор етганга ўхшарди. «Падарига лаънат, ахир бу одам – мен ўзимман-ку», деди у ичидаги ўзиға ўзи, лекин у пайтларда ҳали бундай әмасди, ул кимса ҳали унинг амрона сасига ҳатто тақлид ҳам қилолмасди, бунинг устига, қаззобнинг қўл кафтидаги толе чизиги батамом аниқ кўзга ташланниб турарди; худди мана шу нарса уни ҳаммасидан қўра ортиқроқ ташвишга солиб қўйди, худди мана шунинг учун ҳам у фиригарни дарҳол отиб ташлашга буйруқ бермади: унинг кафтидаги толе чизиги қандайдир бир тарэда ўзининг тақдирига таъсири қилиб қўйишидан чўчили; Патрисио Арагонесни ўзининг расмий нусхасига айлантириш фикри унга кейинроқ, бундай хавотир олишга асос йўқлигини билгандан сўнг келди. Патрисио Арагонес эса бу вақтга келиб, олти маротаба қилинган суиқасдни бошидан миқэтмай ўтказди, оёқларини судраб босишни ўрганди, ёғоч болға билан товоnlарига тинимсиз уриб, товоnlарини теп-текис қилиб, ниҳоят у бунга эришди, айниқса қиши чоғлари ва қўпроқ тонг қоронғусида у қулогидаги ғувиллашдан ва осилиб турадиган чур-

расининг оғришидан азоб чекадиган бўлди, этигидаги олтин нағалнинг гўё барча чуваланган боғичлари ва тасмалари билан овора бўлаёттандай қилиб кўрсатишни ўрганди; у қабуллар чоғида вақтни атай чўзиш учун шундай қиласди, ўзини ечилиб кеттан нағални қайтадан боғлаёттандай қилиб кўрсатар, яни: «Куриб кетсин, мана шу фламанд усталарининг чала-чулпа иши-да, на тасма ясашни қойил қилишади ва на бошқа нарсани, қўлларидан ҳеч нарса келмайди!» У отасининг устахонасида шишаозлик қилиб юрган чоғларида қувноқ, шўх, ҳазилкаш йигит әди, энди булардан асар ҳам қолмади, у бадқовоқ, хўмрайган, индамас кимсага айланди, бироннинг оғзидан чиққан сўз унинг қулоғига кирмас, сўзларга эътибор қилмас, фақат суҳбатдошининг кўзларининг тубтубларига тикилиб турар, улардан айтилмай қолган сўзларни уқиб олишни истарди; у саволларга дарҳол жавоб қайтаришдан ўзини тиядиган бўлди, унга берилган ҳар қандай саволга савол билан жавоб берарди: «Ўзингиз нима дейсиз?» У куни кеча майиб-мажруҳ ногирон бечораларни мўъжизалар кўрсатиб дардларини даволаб ялло қилиб юрган такасалтанг фирибгар әди, энди бирдан ғайрат камарини боғлади, бир эум жойида тек турмас, доим алланималарнидир афдар-тўнтар қилас, сўнг бирдан нокас қурумсоққа айланарди; кейин худди хўроэга ўхшаб хотинларни ўқдай учиб бориб қийқиртириб босарди, қуруқ ерда ечинмай, бошига ёстиқ қўймай, юзини кафтига босиб ётадиган бўлди; у ўз кўнгли майлига юришдан, ўз-ўзига ўхшашдан, пешонасига ёзилган ишдан – шишаоз бўлиб шишелар ясашдан воз кечди, яхши ниятлар амрига бўйсуниб, бу иш билан бироз вақт шугулланиб ҳам кўрди; олий ҳокимият соҳиби доим ўлим хавф-хатари ичизда яшайди, Патрисио Арагонес мана шундай хавф-хатарга қўйди, биринчи ғишт қўйиб иккинчиси ҳеч қачон қўйилмайдиган жойларда, нималарнингдир очилиш маросимларида тантанали суратда ленталар қирққанида унинг жони доим мана шундай хавф-хатарга дучор бўларди, атрофи ғанимларга тўла әди, кўпдан-кўп фариштадай ҳарир-ҳавоий, етиб бўлмасдай кўринадиган гўзаллик маликаларига тож кийдириш маросимлари-чи, бу ойимқизларга кўл теккизишга у ботиномлас, зотан ўзининг ночор ва нобоп то-

леига тан бериб қўйған эди: у энди ўзидаи бўлолмайди, у энди фақат кимнингдир сояси ва нусхаси; албатта, бир қараганда бунга уни ҳирс ва очкўзлик мажбур қилгани йўқ ёки эътиқод юзасидан у ўз-ўзидан, ўзлигидан воз кечди деб айтиш ҳам қийин – чунки унинг бошқа иложи ҳам қолмаган эди, эндиликда бир умр бирорнинг сояси ва нусхаси бўлиб юришга, ҳар ойда әллик песо маош олишга, қирол бўлмай туриб қиролдай яшашга мажбур эди, булар унга муқаррар ўлимдан олиб қолингани эвазига тортиқ этилган эди – нимасини айтасиз, бурнини жишириб ўтирадиган аҳвол әмас? Лекин кунлардан бир кун сарой соҳиби кечаси Патрисио Арагонесни денгиз бўйида муаттар ёсуманлар буталари тагида афтода-ҳол бўлиб оғир-оғир хўрсиниб ўтирганини кўриб қолди, ростакамига ажабланиб, Патрисиодан нима бўлди, деб сўради, бирор овқатингта заҳар қўшиб бердими ё аллакимнинг кўзи тегдими, нега бунча ғам-ғуссага ботиб эзилиб ўтирибсан, деди; Патрисио Арагонес: «Ундаи әмас, жаноб генерал, ундан кўра бешбаттарроқ!» – деб жавоб берди. Маълум бўлишича, у шанба куни карнавал маликасига тож кийдириб, у билан биринчи рақсга тушган экан, энди бунинг таассуротидан ҳеч қутулоурса ва ўзини қайси эшикка уришини ва қайси йўлга кириб қочиб қутулишини билмас әмиш, зоро ўша қиз – дунёдаги энг гўзал қиз әмиш, у мисоли осмондаги ой – қўл билан узиб олиб бўлмасмиш, жаноб генерал! Агар сиз уни кўрсангиз эди! Шунда генерал бирорз енгил тортиб, бунинг бари шимилтириқ, деди, одам хотин кишини деб ич-этини еб ўтирадими, лекин сенинг аҳволингни тушундим, хотинларни соғинганга ўхшайсан, деди-да, ўша ойимтиллани ўғирлаб қочишни таклиф этди, кўп тегманозик нозанинларни мен шундай қилганиман, кейин улар мен билан жон-жон деб яшайверишган. «Мен уни сенинг қўйинингта солиб қўяман, – деди у, – тўртта сарбоз уни икки қўли ва икки оёғидан ушлаб туришади, сен катта қошиғингни солиб қандингни ураверасан то роса тўймагунингча. Қани бир тирп этиб кўрсан-чи! Буларнинг бари шимилтириқ! Энг тарбия кўрган ойимтиллалари ҳам олдин роса зарда қилишади, нозифироқни авжга чиқаришади, кейин ялиниб-ёлворишга тушишади: «Мени тишлиланган олмадай ташлаб юборманг, жон генерал!» Би-

роқ Патрисио Арагонес буни хоҳламади, унинг кўнгли бошқа нарсани – ўша оқ қиз уни севишини тусади, қанийди у мени севса, дерди у. Зотан унинг дунёда тенги йўқ, у севги нималигини, қайдан ва қандайлигини билади, уни кўрганингизда сиз ўзингиз бунга ишонч ҳосил қиласиз, жаноб генерал. Шунда хўжайнин Патрисионинг аҳволини енгиллатиш йўлини топди, ўзининг маъшукаларининг қўнағаларига элтадиган яширин йўллар, сўқмоқларни унга кўрсатиб қўйди, мушкулини осон қилиб, маъшукаларининг кўнглини истаганча овлайверишига рухсат берди, лекин фақат бир шарти бор, уларга худди мен каби хўроздай ташланасан, ечинмай ва ечинтириб ўтирамай ишингни бажараверасан; шундан сўнг Патрисио Арагонес бошқаларни ўлдим-кўйдим деб сўйишиш ботқорига жон-дилдан шўнғиб кетди, шундай қилсан улар ёрдамида ўз қалбимнинг ўти, истакларимнинг алангасини сўнди-рарман, деб ўйлади, лекин юрагининг ўти, эҳтироси шунчалар чексиз, истаклари шунчалар катта әдик, у баъзан ишқ билан қандай шуғулланиши кераклигини фаромуш этар, буни шошапиша эмас, жуда кифтини келтириб бажарап, ишнинг туб-тубига етиб бора, ҳатто эркалашга энг ҳуши йўқ хотинларнинг ҳам шавқини қўэгатар, тошметин бўлиб кетган қалбларини жунбушга келтирап, улар лаззатнинг зўридан чидолмай инграшар ва қоронфуда ҳиқиллашиб пичирлардилар: «Вой, мунча шўх бўлиб кетяпсиз, жон генералим, қариганда қилиқ чиқаряпсиз!..» Ўшандан буён на генералнинг ўзи ва на Патрисио Арагонес ва на биронта хотин қайси бола кимдан бўлганини билишолмас, ким кимнинг ўғли, ким кимнинг отаси – аниқлаб бўлмас, бинобарин, Патрисио Арагонесдан ҳам, унинг хўжасидан ҳам фақат чала болалар туғиларди. Мана шундай қилиб, Патрисио Арагонес яқинлар ичида энг яқинига, энг суюклига, боз устига, энг қўрқинчли кишига айланди, генерал эса Патрисионинг шарофати билан кўп ишлардан қўли бўшаб, асосий вақтини қуролли кучларга бера бошлади, бир маҳаллар олий лавозимга ўтирган чоғларида худди шундай бутун диққат-эътиборини унга бағишлигар әди. Бизнинг наздимизда қуролли кучлар ҳокимиятнинг асосий таянчи бўлгани учун шундай қилади, деб ўйлардик, лекин аслида бундай эмас экан. Ак-

синча! У қуролли кучларни ўзининг энг қаттол табиий душмани деб ҳисобларди, шунга мувофиқ тарэда зобитларни бир-бирлари билан уришириб қўйишга ҳаракат қилар, қай бировларига сенга ановлар чоҳ қазияпти, деб юракларини қизитар, фитналарнинг олдини олиш учун уларни бир ерда тинч қўймас, дам бу ердан у ерга, дам ундан бунга кўчиради; у қазармаларни патронлар билан таъминлар, ҳар ўнта патрондан тўққизтаси пуч-пахтавон бўларди, ўқ-дориларни ҳам денгиз қумига аралаштириб юборарди, ўзининг эса аъло даражадаги аслаҳаҳонаси бор эди, у сарой ертўлалиридан бирида жойлашган эди, ертўланинг қалитлари бошқа эшикларнинг қалитлари билан бирга бир шодада жаранг-журунг қилиб турарди, яна ҳар бир қалит биттагина нусхада бўларди; аслаҳаҳонани фақат унинг ўзигина очишга ҳақли эди, бунда уни қадрдан дўсти, тўлчи зобит, мудофаа министри ва президент гвардиясининг қўмондони генерал Родриго де Агилар қўриқлаб соядай эргашиб юрарди, у яна тирик жонзотлар ичидагенерални доминода ўйнаб ютишга изн берилган жуда оэчилик кишилардан бири эди, бир куни генералга сунқасд уюштирилган ерда президент каретаси бу жойга етиб келмасидан бир неча дақиқа бурун портловчи динамитнинг зарядини зарарсизлантиришга уриниб, ўнг қўлидан айрилган кимса ҳам худди шу Родриго де Агилар эмасмиди ахир? Генерал Родриго де Агилар ҳимоясида ва Патрисио Арагонеснинг қиёфаси ортида ўзини ишонч билан бемалол тутадиган бўлди, у ҳатто ўзини-ўзи сақлаши кераклигини ҳам ўйлатмай қўйди, тез-тез одамлар ўртасига чиқадиган бўлди, ҳатто ёлиз биргина адъютантининг ҳамроҳлигида давлат тамғалари туширилмаган оддий каретада журъат қилиб шаҳар айланарди, карета дарпардаларини суреб, пиштдан терилган ҳашшаматли жоме-ибодатхонани томоша қилар, бу ибодатхона президент Фармони билан дунёдаги энг кўркам ибодаттоҳ деб эълон қилинган эди; қадимги пиштин биноларни кўздан кечирар, назарида уларнинг равоқларида олис-олис замонлар мудраёттандек қўринарди, олтин жамолларини денгизга буриб турган кунгабоқарларга термуларди, вице-қирол маҳалласининг чорқирра тош ётқизилган кўчаларидан ўтар, бунда ёқиб қўйилган шамларнинг ҳиди анқир, бунда юқори

очиқ айвонларда чиннигулларнинг туваклари ва чирмовуқларнинг яшил новдалари орасида чеҳраларида маъсумлик ифодаси тошдай қотиб қолган юзлари сутдай оппоқ қизлар сим тўр тўқирдилар; бискай роҳибалари хонақосининг ўрадай қорайган деразаларига кўз югуртирар, у ердан худди доқионус замонлари каби кун пешиндан оғиб соат роса уч бўлганда клавикорддан ўша оҳанглар янгарди – бир замонлар Думли Юлдузнинг илк учиб ўтиши ушбу мусиқий оҳанглар билан нишонланган эди. Бир куни у тумонат оломон гужрон ўйнаган Бобил каби савдо-сотиқ гузарига келиб қолди, шангиллама тарақа-туроқ музика садоларидан қулоғи қоматга келиб, лотерея чипталарининг ажиб шодаларига, гуарапо<sup>1</sup> солинган араваларга, игуана<sup>2</sup> тухумларининг уюмларига, қуёшда сарғайиб-оқариб кетган турк дўконларига, ота-онасининг иродасига қарши борганилиги учун чаёнга айлантириб қўйилган қизэning хунуқдан-хунук суратига, эрсиз хотинлар яшайдиган қашшоқ кўччанинг паст, ночор кулбаларига қарай-қарай бутун маҳаллани ўртасидан кесиб ўтди – мана шу бечора аёллар оқшом қоронгуси тушгач, кечки овқатта бир-иккита балиқ олиш ва шу баҳонада оғзиларидан боди кириб-шоди чиқиб, сўкинишиб, шу билан кўнгилларини бўшатиш учун дўкончалар растасига чиқишаар, гулдор нақшинлар билан безатилган оғоч айвонларга ёйилган кирлали қуришини кутиб, кўкчилар билан пештаҳам қилишарди; кейин унинг башарасига сасиган чиганоқларнинг аччиқ ҳиди урилди, кейин у олисда нималардир ярақлаб кеттанини кўрди, бу бирқозон деб аталган қушларнинг тўдаси бўлиб чиқди, кейин нигоҳи кўрфаз яқинидаги тепаликларда сочилиб ётган занжиларнинг олакуроқ кулбаларига тушиб кўзи булашди, ва ниҳоят, кутилмагандар, қаранг, ана – порт, худди ўзи! Оҳ, порт! Чириган ҳўл тахталар ётқизилган бандаргоҳ ва соҳилда эски зирҳли кема, десантчиларнинг ҳақиқатдан ҳам тумтайганроқ узундан-узун зирҳли кемаси! Шунда карета ҳаммол занжи хотинни уриб кетишига сал қолди,

<sup>1</sup> Гуарапо – мева.

<sup>2</sup> Игуана – калтакесакнинг бир тури, гўшти ва тухуми истеъмол қилинади.

хотин нимадандир ҳуркиб кетди, кутилмаганда четта бурилган аравадан базўр ўзини олиб қочди, шунда дунё қайғусига тўлган қўэлари билан портни томоша қилаётган қариянинг сумрайган қиёфасини пайқади ва унда ўлим шарпасини сезгандай бўлди. «Э, ўзи-ку! – ҳайрон қолиб қичқирди занжи хотин. – Ўзи! Ўзи! Яшасин ҳақиқий эркак!» «Яшасин! – деб қичқиришиди қовоқҳоналару хитой ошхоналаридан, ҳаммаёқдан чопиб чиқаётган эркаклар, хотин-халаж ва болалар. – Яшасин! Яшасин!» – деб қичқиришарди қизишиб ўйноқлаган отларни жиловлашга уринган кишилар, ҳукмдор билан қўл олиб қўришишга уриниб аравани қуршаб олганлар ҳам уларга қўшилишарди; ушбу жўшиб жунбушга келган оломон шунчалар тез ва шунчалар ўз-ўзидан, кутилмаганда ҳосил бўлдики, у адъютантининг тўппончани отишга чоғлаган қўлинни базўр четта суриб улгурди ва унга шу сўзларни қичқирди: «Кўрқоқлик яхши эмас, лейтенант, улар мени севишиди, уларга халал берманг!» У шундай ва шунга ўхшаш, кейинги кунларда ҳам ўзи сабабчи бўлиб такрорланган муҳаббат изҳорларидан қаттиқ ҳаяжонга тушар әдики, генерал Родриго де Агилар уни усти очиқ каретада сайр қилиш истагидан қайтаришга зўрбазўр ялина-ёлвора мұяссар бўлди. «Майли, юрт ватанпарварлари мени бор бўй-бастим билан кўрсиналар! Ҳеч қандай хавф бўлиши мумкин эмас. Буларнинг бари шимильтириқ!» Бироқ ватанпарварлик туйғулари фақат портдагина ўз-ўзидан табиий тарзда жўшганини сезмасди, қолган барча олқишлиар унинг жонини хатарга қўймаган ҳолда кўнглини кўтариб хурсанд қилиш учун хавфсизлик хизмати томонидан уюштириларди; у ҳаётининг шом чоғида ўзига кўрсатилаётган меҳру муҳаббатдан шунчалар ҳаяжонга тушган әдики, узоқ йиллар хилватнишин бўлиб ётгач, пойтактдан четта чиқишига қарор қилди ва миллий байроқ рангларига бўйлган эски поездни йўлга тайёрлашга буюрди, ва ниҳоят, поезд худди мушук каби ғамзада ва қайгули улкан салтанатнинг эгри-бутри тоғ ёнбагирлари йўлакларидан орхидея чангальзорлари ва амазония бальзаминлари оралаб, маймунлар, жаннат қушлари ва темир изларда узала тушиб ётган қоплонларни ҳуркитиб, бутун ўлка бўйлаб президентнинг туғилиб ўсган юртига, қорли манзиллар, ялангоч ясси

тоғларнинг ҳувиллаган пучмоқларида яшириниб ётган овлоқ ерларга ўрмалай кетди; бекатларда уни мунгли-маъюс мусиқа садолари билан кутиб олишар, худди мотамга чорлагандай ҳазин жом овозлари эшитилар, уч муқаддаснинг ўнг томонида ўтирган ҳолдаги сурати туширилган, уни нақ авлиё деб эълон қилган лавҳалар шабадада ҳилпиради; поезд олдига ҳиндуларни ҳайдаб келишар, президент вагонининг нариги қоронгу томонида яширинган ҳокимиятни уларга кўрсатиб қўймоқчи бўлишар, лекин яқинроққа келгандар чанг босган дарчада фақат ҳайрона боқсан қўзларни, титраб-қалтираган лабларни, уларни олқишлиб кўтарилиган керик панжаларинигина қўярдилар. Унинг панжаси ўзидан-ўзи муаллақ осилиб турганга ўхшарди, зотан бутун қўли әмас, фақат бармоқлари керилган панжагина қўзга ташланарди. Қўриқчилар полковниги уни дарча олдидан нари олиб кетишга уринарди: «Эҳтиёт бўлинг, генерал, сиз ватанга кераксиз!» Бунга у қатъият билан эътиroz билдиради: «Ташвишланма, полковник, булар мени яхши қўришади!» Кейин у поезддан чархпалакли дарё кемасига ўтироди, кеманинг пианола клавишларига ўхшашиб ёғоч сузгичлари сув юзида ўз ортидан худди вальс рақси каби кенг ва равон доиралар ясад борарди, кема эса гардения<sup>1</sup> буталарининг чучмал ислари, қўмлоқларда чириб ётган экватор самандарларининг қўланса ҳидлари оралаб, улкан калтакесакларнинг ибтидоий замонлардан қолган суюкларининг уюм тепаликлари ва беўхшов сиреналар<sup>2</sup> билан тўлибтошган хилват оролларни айланиб ўтиб борар, кема сузиб бораркан, олисларда йўқолиб кетган улкан шаҳарларнинг ёнғин алангларига ўхшашиб шом шафаклари яллиғланарди, соҳил бўйларида эса жазирама иссиқ куйдириб ташлаган қашшоқ қўналгалар қўйқаярди.

Аҳоли миллий байроқнинг рангларига бўялган кемани томоша қилиш учун соҳил бўйига чиқишиар, президент каютасининг иллюминаторидан заифона силкинаётган шоҳи қўлқоп кийган қўлни зўр-базўр илғар эдилар; соҳилдаги одамлар бизнинг бу ўлкаларда

<sup>1</sup> Гардения – марена оиласига мансуб мангумангу яшил дарахт буталари.

<sup>2</sup> Сирена – бу ерда сут эмизувчи сув ҳайвони (тарж.).

байроқ бўлмаганлиги сабабли маланг япроқларини байроқ ўрнида силкитардилар, у эса, кимдир президент дастурхони учун тирик эчки, кимдир нияманинг худди фил товоидек жуда каттакон илдиз тўпини, кимдир ўлжа қушлар билан лиқ тўла саватни кўтариб дарёдан кемага сузиб ўтаётганликларини кўриб, каютанинг худди черков каби нимқоронғисида ҳаяжондан ўпкаси тўлиб хўрсинарди: «Капитан, қаранг, улар орқамиздан сузиб келишяпти! Қанчалар яхши кўришади улар мени!»

Декабрь ойида Кариб денгиэни соҳилларидаги мамлакатларга баҳор келади, шунда у энг баланд тоғ тепасида қурилган бошпана манзилига торнинг айланма йўлларидан каретада чиқиб боради. Бу ерда у қитъадаги турли мамлакатларнинг собиқ диктаторлари, турли туман ота юртларнинг ағдарилган оталари, ўзи бундан кўп йиллар бурун сиёсий бошпана берган кимсалар билан бир кечаярим кеча доминио ўйнаб вақт ўтказади. Бу эзма-чурук тирик мурдалар бошпана айвонидаги юмилоқ ўринидикларда хаёллари қочиб ўтиришади, бир кунмас-бир кун қандайдир кема келадио бизни яна ҳукумат қилиш учун олиб кетади, деб хом хаёлларга гарқ бўлишади, улар унинг шафқат-муруватли меҳмоннавозлиги соясида қариб-чурив кун ўтказишади. Ота юртларнинг собиқ оталари кўпайишиб кеттандан сўнг ушбу бошпана, ушбу сиҳатгоҳ улар учун қурилган эди. Гарчи генерал учун уларнинг бир-бираидан фарқи йўқ эди, зотан уларнинг ҳаммалари тунги лиbosлари устидан шошилинч суратда айқаш-уйқаш қилиб кийилган байрамона уст-бошларида тонг қоронғусида унинг ҳуэзурига келишарди. Ўзлари билан бирга давлат ғазнасидан ўмарилган пулларга лиқ тўла сандиқларини ҳам ола келишарди. Уларнинг портфелларида барча орденлару нишонлари, саҳифаларига газета қийқимлари ёпиширилган эски қалин мұқовали дафтарлар ва суратлар билан тўлдирилган альбомлар солинган бўларди; оталар юртининг ҳар бир янги келган отаси ушбу альбомни худди ишонч ёрлиқлари каби генералга кўрсатар ва шундай деб минғилларди: «Муни қаранг, генерал, мана бу менинг лейтенантлик пайтим, бу ерда эса – президентлик лавозимига ўтирган пайтим, манави – ҳокимиёт тепасига келганимнинг ўн олти йиллиги кунида олинган,

мана бу ерда эса...», аммо генерал на янги келган мәҳмоннинг ўзига ва на унинг альбомига заррача ётибор берарди, ҳолбуки янги келган зот бу албомни унинг ишонч ёрлиги ўрнида қабул қилинишини истар, бу ҳақда у ҳаммага әшилтириб маълум қиларкан, шундай деб ҳисоблардик, ағдарилган президент шахсини тасдиқловчи бирдан-бир ишончли ҳужжат бу – унинг ўлганлиги тўғрисидаги гувоҳномадир; генерал навбатдаги янги келган мустабиднинг болохонадор нутқини нафратланиб тинглар, янги келган эот ўз нутқида бу ерга қисқа бир муддатга, вақтинча келганлигига ишонтиришга уринарди: «Вақти соати келадики, халқим мени яна чақириб олади, жаноб генерал!» Бироқ генерал буларнинг бари қуруқ, ҳавоий сўзлар, әзмалик эканлигини билар – булар бари сиёсий бошпана сўраш чорида айтиладиган арзимас киройи гаплар әди! Мана шундай сийқаси чиққан бир хилдаги сўзларни у уларнинг ҳар биридан, энг биринчисидан тортиб, энг охиригисигача, тўнтарилгандан ҳам, тўнтарганинг ўзидан ҳам, зоро ўз навбатида бунинг ўзини ҳам тўнтариб ташлаган әдилар, – әшилтар әди. Ҳудди бу барча ўсироқлар сиёсат матонатли бўлишни талаб қилишини билмайдигандай, ахир ҳукумат ўзи шундай: шоҳдан узилиб тушдингми, тамом, шу ишингнинг битгани, аҳмоқона хомхаёлга берилиб ўтиришдан фойда йўқ! Янги ташриф буюрган зотни у икки ойча президент саройида иззат-хурматини жойига қўяр, собиқ диктатор энг сўнгти тийинини ютқизмагунча бизнинг генерал у билан домино ўйнарди, шундан кейин генерал яхши кунларнинг бирида уни денгиз кўриниб турган дераза олдига бошлаб борарди, ҳаётнинг кўз очиб юмгунча ўтиб кетиши ҳақида панд-насиҳатта тўла сўз очарди, бу ҳаёт деганингиз фақат бир томонга қараб боришни билади, ҳали ҳеч кимнинг ундан кўнгли тўлган эмас, буни ҳаёт деб атагани ҳам, хайф кетади, менга ишонинг, бунинг турган-битгани капаки, холос! Лекин у қадар ноумид бўлманг, қаранг, қоя устига курилган ҳов анови уйни кўярпсизми? Торг чўққиласига ўтириб қолган ҳайбатли океан кемасини кўярпсизми? Мана ўша кемада сизга жуда гўзал маскан ажратиб қўйилган – ёп-ёруғ ва шинам. У ернинг овқат-таомлари жуда лаззатли... вақтингизни қандай ўтказсангиз, ихтиёр ўзингизда...

ҳаммаси ўзингизга ўхшаган алам чеккан одамлар... улар билан бирга ҳордигингизни ёзинг... У ерда нақ дengiz уэра осилган супа бор! Унинг ўзи ҳам шу уйда, мана шу супада нашъя чиқариши ёқтиради, гап бу сўлжайиб, зонфлашиб қолган кимсалар билан домино ўйнашни яхши кўрганидагина эмасди, гап шунда әдики, у ўз аҳволининг афзаллигидан чуқур қониқиш ила кўнгил тубида лаззат оларди: мен – буларга ўхшамайман дерди, ўз вазијатидан роҳатланарди ва бу пастаринлар, ушбу инсон деб ном олган лойӣ-балчиқларга қараб, ҳаётдан унинг барча роҳат-фароғатини олиб мазза қилиб яшашга зўр берарди, энг ширин орзуларини амалга оширап, зинокор ниятларини рӯёбга чиқарарди, эрта тонг ҷоғида уйни супуриб-сидириб юрган кўнгли бўш оқ-қора танли аёлларни оёғининг учидаги қувиб бориб босарди – уларни арzon соч мойлари ҳамда умумий ётоқхоналарга хос ҳидларига қараб топиб олар, изларига тушар, овлоқроқ хонада улардан бирорви билан ёлғиз қолишни пойлаб турар, сўнг хоҳлаган бир бурчакда худди хўрот товуқни босгандай таппа босар, тонгнинг ним қоронгусида унинг қақағлагани ва очиқ-ойдин ҳиринглагани эшитиларди: «Вой генералим-эй, мунча олғир, мунча қароқчи бўлмасангиз-а! Ҳеч тўймас экансиз-да ўзиям!» Бироқ ҳирсий ишқибозликдан сўнг у мунғайиб, тумтайиб қолар ва бу ҳолатдан қутулиш учун ҳеч кимнинг кўзи тушмайдиган хилват ерда ҳиргойи қилиб қўшиқ айтарди: «О, январъ моҳитобони! Қарагил, дераванг остида дорга осилди жоним!. О, бу наҳс башоратлар, ёмон аломатлардан буткул холи баҳор чорлари әди, ва шу боис у халқининг садоқатига шу қадар ишонч ҳосил қилган әдики, ўзининг осма беланчагини сарой ҳовлисининг узоқ, ичкари бир чеккасига осар ва бу ерда тамарҳиндий дараҳтлари сояси остида пешин соатларида қўриқчиларсиз ҳордиқ чиқариб нафас ростлар, унинг тушига сарой хобхоналарининг деворлари каби кўкимтиро сувда саёҳатчи балиқлар сузиб юргани киради. Саройнинг бу чеккасидаги алоҳида иморатда унинг волидан муҳтарамаси Бендинсон Алварадо истиқомат қиларди. «Ватан энг гўзал афсона, онажон!» – деб хўрсинарди у. Лекин онасидан бунга жавоб қутиб ўтирмас, буни ҳатто хоҳдамасди ҳам. Ҳолбуки онаси унга қўлтиғинг ёмон ҳидланибди, деб айта

оладиган дунёдаги ягона инсон эди. Кейин у нечукдир ёруғ жатхондан рози бўлиб, кўнгли таскин ва тақвога тўлиб, Карабнинг мўъжиза баҳоридан мастона тебраниб, январда очилган гулхайриларнинг муатттар ҳидларига ўпкасини тўлдириб нафас олиб, бош дарвоза йўли орқали оҳиста президент саройига қайтарди. Бу вақтлар у ҳатто Ватикандан келган папанинг элчиси билан ҳам ярашиб олганди; оқшом чоғлари элчи гайрирасмий тарзда бўлса ҳам унинг ҳузурига келар, бир қаҳва шоколад ва ширинликлар устида у билан панд-насиҳат йўсинида суҳбатлар қилас, мурод шу әдики, бизнинг генералимизни муқаддас католик черковнинг бағрига қайтариш – уни яна христиан қилишга уринарди. У эса қотиб-қотиб ўлардай кулиб, агарда яраттан худо сиз айтганча ҳар ишга қодир бўлса, сиз руҳоний отамиз бўласиз, унга бизнинг илтимосимизни етказинг, у мени қуловимга кириб олган ярамас чирилдоқдан қутқарсан, мени манави бало-қазодай даббадан халос қиласин, бу бадрафторнинг елини чиқариб юборсан! – дेरди. У шундай деб туриб, иштонини ечиб нимани назарда тутаётганлигини кўрсатарди, ҳар қалай папанинг элчиси иродали ва матонатли одам эди, у: барибир буларнинг ҳаммаси худодан, жамики нарсалар Муқаддас Руҳдан пайдо бўлади, деб ўз сўзида қаттиқ турарди; бунга генерал яна ўша-ўша ҳазилмазах билан жавоб қайтарарди: «Беҳуда ўқ отиб оввора бўлманг, азиз падарим! Мени динга киритман деб бекорга уринманг, шимилитириқ ҳам чиқмайди бундан! Шусиз ҳам мен сизга маъқул бўладиган ишларни қилиб юрибман, ахир?»

Лекин худди дарё қўлтиғи каби унинг осуда кўнгли кутилмаганда чекка олис бир шаҳарчага хўroz уриштириш байрамига борганда алғов-далғов бўлиб кетди. Жангларнинг бирида патли йиртқич бир хўroz олиша туриб, шартта рақибининг калласини узиб ташлади ва қутурган оломоннинг кўз ўнгида уни чўқиб, тепиб, юлқиб лиқ-лиқ юта бошлади, маст-аласт оркестр эса, голибни шарафлаб ғалаба оҳангини даранглатади. Генерал майдонда бўлаётган бу хўroz жангидан дарров бир нохуш аломат сезди, бунда ана-мана дегунча эрта-индин ўзининг бошидан кечиши мумкин бўлган кулфатта бир ишора бордай эди; у буни савқи табиий

билин кўнглидан ўтказди ва қўриқчиларга бурғу чалиб турган машшоқни дарҳол қўлга олишни буюорди; машшоқни илло-билло-га қўймай тутишди, буни қарангки, унинг ёнидан қурол чиқди; у қийиноқлар остида бўйнига олиб айтдики, одамлар тўда-тўда бўлиб ташқарига чиқа бошлагач, ола-ғовур тўполондан фойдаланиб президентни отмоқчи әдим, деди. «Мен буни ўша заҳоти сездим, – деди генерал, – унинг отишни мўлжаллаб турганини фаҳмлаб қолдим! Чунки мен ҳамманинг кўзидан кўзимни узмасдим, бошқалар ҳам бари манов тасқарадан ташқари менинг кўзимга қара-шарди,вой турқинг қурғур, ҳезимкаш. Бу бекорга бурғу чалмайди!» Ўшандан бери генерал яна қўрқиб қолди, гарчи шуни ҳам яхши англардики, хўроz уриштиришдаги воқеанинг ўзигина уни ташвиш-хавотирга солиб қўйгани йўқ, гап бундагина эмас, бутун-лай бошқа нарсада әди; у саройнинг баланд деворлари ичида ҳам тун бўйи қўрқиб чиқарди, хавфсизлик хизмати ҳаммаси жойида, ташвиш чекишига ҳеч қандай асос йўқ, деб ҳар қанча дадил ишон-тирмасин, бари бир ҳеч кор қилмасди; ана шундан кейин денг Патрисио Арагонес деганинг иши бошидан ошиб-тошиб кетди! У ростдан ҳам Патрисио билан батамом ўрин алмаштиргандай бўлди, уни ўзининг овқатлари билан боқар, ўзига келтирилган асал билан меҳмон қилас ва ўзига-ўзи таскин берарди: агар биронгасига заҳар қўшилган бўлса, икковимиз асфаласофилинга кетамиз! Кўшмозор бўламиз! Ҳар икковлари саройнинг бўй-бўш ҳувиллаган ҳовлиларида бошларини солинтириб, жон ҳовучлаб ва фақат гиламлар ҳамда гилам пойандозлар устидан юришга ҳаракат қилишар, филга ўхшаб гурсиллаб қадам ташлаб ўзларини ошкор қилиб қўйишдан чўчишарди; улар маёқнинг кўкимтири шуълаларида сарой заллари бўйлаб хаёл дунёсига гарқ бўлганча сузиб бораётган каби туюлардилар; маёқнинг ёлқинлари ҳар бир ярим дақиқада аллақайси чексизликларда, уйкуга гарқ бўлаётган денгизнинг мовий тўлқинлари узра пориллаб ёнар – машъял чақнар, тўлқинлар шалдирап ва тунги кемаларнинг ҳазин хайрлашган бурғу садолари деразаларга урилар, уларга соҳилда ёниб тутаётган мол таппилари-нинг тутунлари қўшилиб кетарди; бошқа пайтлар улар уззукун ёғаётган ёмғирга боқиб ўтиришар, сентябрнинг бемадор оқшом-

лари ва бошқа ҳеч нарсага ярамай қолган ошиқтамашуқлардай қалдирғочларни санашарди, бора-бора ҳәётдан безиб, қўлни қўлтиққа урдиларки, натижада ҳар қандай жонли тасаввурларни унутдилар; генералнинг ақлига келмасдики, жони борича ўзини икки ягона қиёфада тасаввур түғдиришга уриниб, ўзини бир вақтнинг ўзида дам у ерда-дам бу ерда юргандай қилиб кўрсатмоқчи бўлиб, аслида одамларни шубҳага солиб қўйди: умуман унинг ўзи борми? Узоқ давом этадиган уйқуга кетмадими? Гарчи қўриқчилар яна икки баравар кўпайтирилган, гарчи бирон-бир кимса президент саройига на кириб ва на ундан чиқа олмаса-да, лекин ҳар нечук кимдир саройда бўлибди, деган гаплар юарди, гўёким ушбу аллаким қушлар ўлиб ётган қафасларни, худди одми тогора каби муқаддас тосдан сув ичган сигирларни, муаттар ҳидлар тарагатан атиргул буталари остида ухлаб ётган шоллар ва моховларни ўз кўзлари билан кўрганлигини гапириб берардилар; бутун мамлакат нафасини ичига ютиб ниманидир кутарди, гўёки пешиндан сўнг бирдан яна тонг отадигандай, бунинг устига мишиш хабар тарқади, у бир вақтлар башоратгўй хотин тогорадаги сувга қараб фол очиб айтганидай ўз ўлими билан тўшакда ухлаб ётиб, ўлган әмиш; лекин мишмишлар тобора кучаярди – катта амалдорлар унинг ўлими хабарини яширишаётган, зеро бир-блари билан ўзаро қонли ҳисоб-китоб қилишаётган әмиш. У бундай гап-сўзларга заррача эътибор бермасди-ю, лекин ҳаётida тез орада қандайдир бир ўзгариш рўй беришини ҳис қилиб турарди. У тинмай домино ўйнаркан, баъзан тўхтаб, генерал Родриго де Агилардан, хўш, орайни, ишлар нима бўляпти, деб сўраб қўяр ва бунга шундай жавоб оларди: «Ҳаммаси жойида, ҳаммаси бизнинг қўлимизда, жаноб генерал, мамлакатда тинчлик-осойишталик». Аммо у саройда доим ёниб турдиган мана шу шумшук гулханлар – ёнаётган таппиларининг илондай ингичка буралиб чиқаётган алангалатрига қараб туриб, улардан ўзгача бир аломат қидирарди, ҳеч ким қарамай қўйган эски ташландиқ қудуқларнинг қоронги тубига қараб, уларда ўз толенини ўқимоқчи бўларди, булардан ҳеч нарса топмасдан, ич-этини ташвиш-хавотир кемирганча онаси Бендинсон Алварадонинг қароргоҳига йўл оларди, бу ернинг ҳовлисида тамарҳин-

дий дарахтларнинг соясида салқинлаб, тоза ҳаводан нафас олиб ўтириш мумкин эди; онаси мункиллаб қолган бўлса ҳам, лекин юрагининг қувватини йўқотмаган, ўғли билан ёнма-ён ўз ҳалингчагида ўтириб, сарин ҳаводан тўйиб нафас оларди; у оёғининг атрофида ўралашиб юрган товуқлар ва товусларга дам-бадам жўхори донини сочиб қўярди, у эса оқ кажава ўриндиқда ястаниб ётиб, ўзини шляпаси билан елпиб, ранглари тиниқ товланиб турган муздек мева шарбатлари олиб келаётган «ҳазрат олийлари, ичинг, муздай» – санамараастадай қоратўр магизли қизларга ҳирс ва соғинч билан термуларди – термулардигю, лекин онасига кўнгил ёришга юраги бетламасди: «Онагинам Бендинсон Алварадо, агар билсайдингиз юрагимдан нима кечаеттанини, мен энди бу дунёсини нима қилишни сира билмай қолдим, мен тамом бўлдим, бу азоб-уқубатлардан бошимни олиб узоқларга кетсан дейман, лекин қаёққа боришимни ўзим ҳам билмайман!» Онаси унинг нечун бунчалар оғир-оғир хўрсинаётганлигининг сабабларини билмасди, балки қорамагиз қизлар боис, шундай бўлаёттандир, деб тусмол қиласди, у эса оқшом тушиб илк чироқлар ёнгач, орқа йўлдан яширинча ўз саройига жимгина қайтарди, қоровулларнинг қадам товушларига динг қулоқ солиб, йўлаклардан биқиниб-беркиниб ўтиб борарди; қоровуллар уни кўргач, дарҳол маълумот беришарди: «Ҳаммаси жойида, ҳазрати олийлари! Ҳаммаёқ тинч, осойишта!» Улар шунга одатланишганди ва бу билан уни ҳам, ўзларини ҳам алдашарди, чунки улар ҳам қўрқишаарди, у эса буларнинг ҳаммасини биларди; бу ўзи шундай нотинч замон эди, гарчи ҳаммаси яхши, ҳаммаси жойида деб бир-бирларини ишонтироқчи бўлиб, ёлғон сўйласалар ҳам, лекин аслида ҳеч ким ҳеч нарсага ишонмасди, ҳеч ким ўзини әмин тутмасди; айни мана шу ишонч-сизлик, нотайнлик дунёни унинг кўзига қоронғу қилиб кўрсатар, шон-шуҳрати, обрў-эътиборига заҳар қўшар ва ҳатто ҳукмдорлик қилиш истагидан ҳам кўнглини қолдирарди. Мана шуларнинг бари ўша машъум воқеадан, ўша хўроz жангидан сўнг бошланди. Тун бўйи уйқусизлик азобини чекиб ерга мук тушиб ётгани-ётган эди, узоқ-узоқлардан бечора-қашшоқ кишиларнинг камсуқум тўйла-рида чалинаётган сурнай ва чилдирмаларнинг даранг-дурунг садо-

лари очиқ деразалардан ёпирилиб келаёттанига қулоқ солиб ётар, мен ўлсан ўлган куним шундай иштиёқ билан данғиллатиб музингасини чалаверишиади булар, деб ўйларди; аллақандай шум, чақ-қон кемача тунги соат иккода қай бир гайриқонуний ишини кўзлаб, рухсатсиз ийлга тушиб, соҳилдан узоқлаб борар экан, хайрлашиб, оҳиста садо бергани эшитиларди; тонг қоронғусида атиргулларнинг қофоз каби шитирлаб очилгани қулогига чалинарди – буларнинг барини эшитарди-ю, аъзойи баданини совуқ тер босарди, дам-бадам ичидан оғир хўрсиниқ чиқар, бир зум ҳам ором нималигини билмасди; у фоятда ибтидоий савқи табиий билан шундай бир оқшомни кўз ўнгига келтиради, одатдагидай, онаизор ҳуэуридан қайта туриб, кўча тўла одамлар устидан чиқарди, барча уйларнинг деразалари бирдан ланг очилади, фавқулодда ҳаяжонлар, тарақа-туроқлардан ҳуркиб кеттан қалдиғочлар декабрнинг тиниқ кўк осмонида ўзларини у томондан бу томонга чаҳ солиб ўтишади; шунда у карета даричасининг пардасини кўтарди, нималар бўлаёттанини яна бир кўрай деди ва ўзини шундай деб янди: «Мана менга азоб берган нарсалар, онагинам! Шулар мени ўртаган, жонимдан тўйдирган эди! Ниҳоят юзага чиқди булар!» Шунда у осмонда учиб юрган сон-саноқсиз қизил, кўк, сариқ, мовий пуфакларни кўриб, юраги бир кўпирис тушди-да, ўзини бирдан енгил сезди; аср чоғи соат тўртларда декабрь ойининг баҳорий осмонида биллурий шуълалар билан нурланган улкан норанж каби пуффаклар ёйилиб учишарди; улар қўрқиб кетган қалдиғочлар оралаб учишаркан, бирдан ҳаммаси бирваракай сассиз ёрилдида, шаҳарга минглаб-юз минглаб варақалар ёғилди, улар худди кутилмаганда бўрон туриб хазонларни учирив кеттандек ҳавода чаҳ уриб айланишарди, шу асно президент каретасининг аравакаши бундан фойдаланди-да, қайнаган одамлар орасини ёриб ўтиб кетди. Лекин оломон бу карета кимники эканлигига эътибор ҳам бермади, ҳеч ким уни танигани ҳам йўқ, чунки ҳаммалари бу вақт варақаларни тутиш, олиш, йиғиш билан овора эдилар – ҳа, ҳаммалари варақа йиғишарди, жаноб генерал! Балконларда туриб варақаларнинг сўзларини бақириб ўқиша, барча чоррат-ҳаларда томоқ йиртиб қичқиришарди: «Йўқолсин зулм!

Мустабидга ўлим!» Ҳатто сарой соқчилигига турган аскарлар ҳам йўлакларда тўдалашиб, ножойиз варакаларни баланд овоз чиқариб ўқишиарди: «Яшасин, асрий мустабидликка қарши курашда бутун ҳалқ ҳамда синфларнинг бирлиги! Яшасин, сотқин ҳарбийларга қарши курашда барча ватанпарварларнинг бирдамлиги! Йўқолсин, коррупция! Етар тўкилган қонлар! Етар босқинчилик, талончилик!» Бутун ўлка минг йиллик уйқудан сўнг уйғонмоқда эди – худди шу онларда у арава – саройда туриб даҳшатли хабарни эшитди: «Жаноб генерал, Патрисио Арагонес заҳарли камон ўқидан оғир яраланди!»

Бир неча йиллар бурун кеч тушган пайт дилгир зерикиб ўтириб, таъби тортилган ҳолда у Патрисио Арагонесга гаров ўйнаймиз, деди. «Танга ташлаймиз, – деди у, – agar ўнг тушса, – сен ўласан, agar чап тушса – мен». Аммо Патрисио Арагонес бунга кўнмади, ўладиган бўлсак, икковимиз ўламиз, чунки тангани қанча ташламанг, барибир доим дуранг бўлади: «Жаноб генерал, ахир эсингиздан чиқдими, президентнинг чеҳраси танганинг икки ёғида ҳам акс эттирилган-ку?» Шунда генерал ҳаётларини доминода гаров қўйишини таклиф этди: йигирма марта ўйнаймиз, ким кўп ютса, ўша тирик қолади. «Бўпти, – деди Патрисио Арагонес, – бош устига, жаноб генерал, лекин бир шарти бор! Менга сизни ютиш ҳақини беришингиз керак». Унга бундай ҳақ берилди, улар ўйнагани ўтирдилар ва илгари ютиш ман этилган, шунинг учун ҳам доим ютқизиб келган Патрисио Арагонес йигирмата ўйиннинг барини жон-жаҳди билан жанг қилиб ютди-ю, тамомила ҳолдан тойғанча тер босган манглайнини енги билан сидириб артди-да, хўрсиниб, уҳ тортиб шундай деди: «Нима ҳам қилдик, жаноб генерал, мен жуда ачинаман, лекин менинг ўлгим ийўк». Шунда генерал доминонинг доналарини ёғоч қутичага бир қатор қилиб текис териб чиқаркан, худди дарсини тушунтираётган мактаб муаллимидай оҳангдор ва дона-дона қилиб сўз бошлади: мен пешонамга ёзилган вақтда ўз ўлним билан ўламан, давру давронларим энди бошланган чоғда башоратчи хотин бир тогора азал сувига қараб тақдиримни айтиб бергандай ўз тўшагимда ухлаб ётиб, жон таслим қиласман, шунинг учун менинг ҳам доминода

ютқизиб, бироннинг зулми туфайли ўлиб кетишга тоб-тоқатим йўқ. «Дарвоқе, – давом этди у, – агар яхшилаб ўйлаб кўрадиган бўлсак, бу ерда ҳам ҳеч нарса маълум эмас. Зоро, онагинам Бендисион Алварадо мени сувга айри билан ёзилган нарсаларни ўқиб юриш учун эмас, ҳар доим ҳукм суриш учун түкҷан. Ва умуман, мен – бу менман, сен эмасман, шунинг учун худога шуқро қил, буларнинг бари фақат ҳазил». Ўшанда у бу ҳеч қандай ҳазил эмаслиги – от устидаги ҳаёт ҳазилакам бўлмаслигини ўйламаган, тез орада икковларидан бирига ростдан ҳам ўлим чеки тушажагигни хаёлига келтиргмаганди. Мана ўша воқеа рўй берди.

У Патрисио Арагонеснинг хонасига кириб, уни ўлим тўшагида тўлғаниб ётган ҳолда кўрди – уни қутқаришнинг ҳеч қандай иложи қолмаган – ўқейга ҳаддан ортиқ кўп заҳар суртилган эди. Мана у кириб борди ва осто надаёқ худди римликларга ўхшаб қўлини баланд кўтариб Патрисио билан саломлашди: «– Худо сени ёрлақасин, ботирим! Ватан учун жон бериш – шараф!» Кейин у Патрисионинг ёнига ўтироди-да, ўлим талвасаси давом этаркан, доим у билан бирга бўлди, унга азобларини енгиллатувчи дориларни қошиқда ичириб турди, Патрисио Арагонес эса гарчи бу меҳрибончиликдан юз ўтиромаса-да, улар учун миннатдор ҳам бўлмас, ва ниҳоят, навбат билан яна бир неча дориларни ютаркан, шу дамларда нимани ўйлаётган бўлса, барини тўкиб солди: «Бу диндаквоз дунёда сизни узоқ вақт ёлғиз қолдириб ташлаб кетмайман, генералим... юрагим сезиб турибди, сиз билан жуда тез, яқин ораларда жаҳаннамнинг ўзида учрашажакмиз: ўшанда мен – бу лаънати заҳар туфайли етти букилиб, чандилган арқондай бўлиб қоламан; сиз эса – бошингизни ўз қўлингизэда кўтариб турасиз, уни қаёққа қўйишни билмайсиз... очиқ айтадиганим учун кечиринг, генералим, лекин энди мен фақат ростини гапираман... энди мен айта оламан, сизни ҳеч қачон яхши кўрмаганман – буни нимагадир сиз ўзингиз миянгизга қўйиб олгансиз – мени гўё яхши кўради деб... мен эсам сизни ҳар доим ёмон кўрардим... сиз сабабчи бўлиб, ўз эркимни йўқотгандан бери жинимдан ҳам ортиқ ёмон кўраман... эркин, саргашта юришдан маҳрум бўлдим... ўшандан бери мен ҳар куни худодан илтижо қилиб сўрардим сизни

ўлим азобига учрашингизни ёки шунчаки ўлиб кетишингизни – барибири... Қандай бўлмасин йўқ бўлиб, гумдон бўлишингизни, менинг барбод бўлган ҳаётим учун ўз жонингиз билан товои тўлашингизни тилардим... Сизни деб мени не қўйларга солишмади, ахир?.. Ёғоч тўқмоқлар билан оёғимни уриб-уриб текислашди, дабдаласини чиқаришди, то сизнинг оёғингиз каби судралиб юрадиган қилмагунларича ураверишди... Ойкезиклар оёғидай бўлди охири... Инакларимга тўхтовсиз бигиз суқиши, токи менинг ҳам чуррамни туширомагунча... ўқиши ва ёзишини унутсан деб, мажбур қилиб скипидар ичиришди, саводхонликдан маҳрум қилиши, чунки сизнинг ҳам саводингиз йўқ әди... ахир, мушфиқ онажоним мени ўқисин деб қанчалар заҳматлар чеккан әди, мени ўзингизнинг жуда кўп тантанали расмий вазифаларингизни бажаришга мажбур әтардингиз, кошкийди буни ўзингизни бошқа янада зарурроқ юмушларга сақлаш учун қилсангиз, лекин фақат шундай деб, тинмай тақрорлашни яхши кўрадингиз, ҳамма гап шунда әдикӣ, ҳатто юрагида ўти бор энг ботир одам ҳам гўзаллар мусобақасида навбатдаги ойимтиллага тож кийдиаркан, қўрққанидан орқасигача музлаб, дағ-дағ қалтираганча ажал қайси томондан бошимга ўқ ёғдиаркин, деб жони ҳалак кутарди... Очиқ-ойдин гапирганим учун мени кечиринг, генералим!..» Бироқ у Патрисио Арагонеснинг шаккок – беттагопарлигидан эмас, кўпроқ кўрнамаклигидан ранжиди. «Эвой, шу сўзларни сен айтяпсанми? Сен эмасмисан бу ерда Ҳудди подшодай яшаган? Мен умрим бино бўлиб ҳеч кимга сенга қилганчалик яхшилик қилмаганман, ҳамма нарсамни сенга бермадимми? Ҳатто ўзимга қарашли хотинларни ҳам сендан қизғанмадим!» Аммо шунда Патрисио Арагонес унинг сўзини бўлди: «Кўйинг, буни гапирманг, генералим... ўша шўрлик хотинларни босгандан кўра минг марта бичилган қул бўлган авло, бечора абгор оналар, уларни худди бузоқларни тамғалаш учун ағдаргандай оёғини осмондан келтиргандан кўра минг бора яхшироқ бўларди бичилган қулдай яшаш, лекин фақат битта фарқи шуки, бузоқларни ағдараман десангиз, шаталоқ отиб, тихирлик қилиб, ўкириб қўймайди, анов хотинлар эса парвойи фалак, орқасини тўғрилаб тураверишади – баайни ориқ сигирлар каби, яна

гиринг демай картошкани ҳам артаверишади ёки бу иш орасида дугоналарини ёрдамга чақиришади: декчадаги бўтқага қараб тур, куйиб кетмасин, деб... Тўнкага ўхшаб ишқибоалик қилиш, қўшилишни фақат сиз севги деб аташингиз мумкин, генералим, чунки сиз ҳеч қачон шундан бошқа нарсани билмагансиз – очиқ сўзларим учун мени кечиринг!» Шунда генерал бехос бўкириб юборди: «Жим бўй! Оғзингни юм, даос! Тилингни тий, аксинча, ёмон бўлади!» Аммо Патрисио Арагонес ҳеч нарсани писанд қилмай бемалол эзмаланарди: «Йўқ, жим бўлмайман, генералим... қўлингиздан нима келади?.. Мени ўлдирасизми?.. Аммо мен шундорам ўлиб бўлдим Сиз, яхшиси, ҳақиқатнинг юзига тик қарасангиз бўларди, генералим... Ҳеч кимса ҳеч қачон юзингизга тик қараб айтмайдиган сўзларга қулоқ солсангиз бўларди... Лекин бу ҳам манинг ичидаги гап... Ахир сизга фақат сиз эшитишни истаган гапларнингина айтишади... қасам ичишади, ялтоқилик қилишади, қўйниларида эса доим пичоқ сақлашади... Очиқ сўзлаётганим учун сиз менга раҳмат айтишингиз керак, генералим... Мендан бошқа сизга ачинадиган бирон кимса йўқ... Дунёда ҳеч ким сизга менчалик куймайди... чунки тақдир тақозоси билан тасодиф туфайли мен сиз бўлиб қолдим – ахир мен сизнинг нусхангизман... Шуннинг учун бошқалар сизга айтишга ҳеч қачон журъат қиломайдиган нарсаларни чин дилдан юзингизга айтяпман; лекин бундай гапларни одамлар доим кўнгилларида сақлашади... Гап шундаки, генералим, сиз ҳечам президент эмассиз... Ҳеч ким сизни қонуний президент деб ҳисобламайди... Сизни инглизлар ўтқизиб қўйгани учунгина президентлик курсисида ўтирибсиз... Улардан сўнг янкилар зирҳли кемалардан замбарак отиб қўллаб юборишиди... мен ахир ўз кўзим билан кўрганман, ҳали ҳам шундай эсимда турибди, сиз худди қўнғиздай нима қилишни билмай питирлаб, юргурилаб қолдингиз, оқ гринго сизга: «Бас! Фоҳишаонанг ўзингта буюрсин, бошингта ур! Кўрамиз, бизсиз қўлингдан нима келарди!» деб бақирганда қўрққанингиздан бошингизни йўқотиб қўйдингиз. Ўшандан бери сиз тахтдан тушмайсиз, тушгингиз ҳам келмайди, сизга бу жуда хуш ёқади, деб айтмолмайман, лекин сиз тахтдан тушишни истамайсиз, бу қўлингиздан келмайди... Сиз

жуда қўрқасиз – ҳамма гап ана шунда... Бўйнингизга олинг, генералим, сиз жуда яхши биласизки, кўчага мабодо оддий одамлардек бўлиб чиқсангиз, кишилар худди қутурган итдай сизга ташланишади, Санта-Мария-дел-Алтардаги қатли омларингиз учун сизни бурда-бурда қилиб ташлашади... Қанчадан-қанча маҳбусларни қалъа деворларидан зовурларга ташлатиб, ваҳший акулаларга емиш қилдингиз... не-не бечораларни тириклай терисини шиллдирдингиз ва шу ҳолда шўрликларнинг уйларига жўнатдингиз, тоабад уларга сабоқ бўлсин дедингиз... Ҳамма-ҳаммаси учун ўч, қасос олишмайди дейсизми?..» Патрисио Арагонес шундай сўйларди, кўҳна аламларининг тубсиз ҷоҳларидан қўрқинчли хотираларнинг туганмас шодаларини тортиб чиқарар, уларни тўхтовсиз тасбеҳ каби ўтирас, гўё мудхиш ёвуз салтанатнинг қурбонлари ёдига дуо ўқиган каби сўйлар, яна тинимсиз сўйларди. Аммо кейин бирдан жимиб қолди, куттимаганда чираб бўлмайдиган оғриқ бутун ичини гўё паншаха билан тирнади, юраги бамисоли уришдан тўхтади. Аммо салдан сўнг у яна ўзига келди, таҳқирласдан, оҳиста, ёлворгандай бўлиб сўзида давом этди: «Генералим, қулай фурсатни кўлдан берманг... Мен билан бирга ўлинг... Сиз учун энг яхшиси бу – ўлиш... Ахир мен биламан-ку... ахир мен... – сизман... Лекин, худо шоҳид, мен ҳеч қачон буни истаган эмасдим... Ҳеч қачон улуғвор, буюк бўламан, ватан қаҳрамонига айланаман деган эмасдим... аммо шундай бўлиб қолди... Лекин мен ич-ичимда доим оддий шиша ясовчи бўлиб қолганман, худди отамга ўхшаб битта оддий шишасозман... Кўрқманг, генералим!.. Ўлим оғир бўлиб туюлади-ю, аслида ундан эмас...» Бу сўзларни шунчалар ишонч, самимият ва дўлворлик билан айтдики, генералимиз унга нима деб эътиroz билдиришни ё жаҳл билан бир силтаб ташлашни ҳам билмай қолди, жабрдийданинг ёнидан кетмай, у тўшакдан ағдарилиб тушмасин деб қараб турди, Патрисио заҳарнинг охирги хуружи бошланганда иккала қўли билан қорнини чангallаб, оғриқнинг зўридан ва уятдан додлаб, ҳўнграб йифлаб юборди: «Вой худойим-ей! Иштонимни булғаб қўйдим, генералим!» Генерал бу сўзни кўчма маънода тушунди, охирги дақиқада ўлишдан қўрқиб кетиб шундай деяпти, деб ўйлади, лекин

Патрисио иштонимни булраб қўйдим, деб яна қайтарди, у буни кўчма маънода эмас, ростакамига айтди, шунда генералимиз бақириб юборди: «Илтимос, ялиниб сўрайман сендан, яна жиндак сабр қил, ўзингни тут! Ҳар қандай ҳолда ҳам ота юртнинг генераллари эр каби мардона ўлмаклари керак!» Лекин ватанпарварликка чақиришнинг вақти ўтганди, зотан, Патрисио Арагонес ерга қулаб тушди, у ҳолати размда, кўзёшлари ҳамда жийлари дарё бўлиб оқиб оёқларини дириллатарди. Мажлислар залининг ёнидаги хобхонасида у Патрисионинг жасадини ўзи ювди, ўз либосларини ечиб унга кийдириди-да, шир яланғоч қолди; у ҳатто даббасини тутиб турувчи брезент ҳалтани ҳам ечиб Патрисионинг белига боғлади; унинг оёқларига ўз этикларини илдирди, сўл оёқ этикнинг кўнжига ўзининг олтин нағарини тақиб қўйди. Буларнинг барини у бениҳоя оғир ғам-қайғуга ботган, чексиз-поёнсиз ёлризликка гирифтор бўлган ҳолда, энди ўзининг бутун дунёда якка-ёлғиз қолганлигини ҳис этганча адо этди. У майит устидан қилинган найрангбозликнинг барча изларини бирма-бир йўқотди, фолбин хотин тосади азал сувига боқиб башорат қилган ҳолатнинг барча энг майда тафсилотларигача яхшилаб эслашга ҳаракат қилди, эрталаб уй йиғиштирувчи фаррош хотинлар мурдага дуч келгандарида у қандай тарзда ётиши кераклигини эсига туширди: икки панжасини ёстиқ қилиб, юзини кафтига босиб ётиши керак, әгнида ҳеч қандай нишон кўрсатилмаган ҳарбий дала кийими бўлсин, сўл этигининг олтин нағали ялтираб турсин – э, бу уйқуда ётган кўйи жони узилибди, дейишин, фолбин хотин кўп йиллар бурун унинг шу тарзда ўлишини башорат қилган эди. Лекин бахтга қарши, унинг ўлганлиги ҳақида хабар беришта ҳеч ким шошилмасди; салтанат ворислари сабр-тоқат қилиб куйишарди, хуфиёна текшириш ўтказишарди, бир-бирлари билан яширин музокаралар олиб боришарди, бу ҳам етмагандай, унинг ўлими тўғрисидаги мишишлар дам-бадам инкор қилиниб, раддиялар бериб бориларди, бунинг учун унинг онаси Бендисиён Алварадони ёрдамга чақиришарди, буни қарангки, бизга унинг мотам тутмаганлигини кўрсатиб қўйиш учун бечорани савдо-тижорат растасига олиб чиқишиди: «Менга гулли кўйлак кийдиришди, сениор, мени

алламбало қўғирчоқдай қилиб, тўти патлари қадалган шляпа со-тиб олишга мажбур қилишди, ҳар турли майда-чўйда, ашқол-дашқолларни зўрлаб олдиришди, ҳамма менинг беташвиш, бегам, хандон-хушон юрганинни кўриши керак экан; ҳолбуки уларга неча-неча бор айтдим: йиғлайдиган пайт келди, бозор-ўчарга бало бор-ми; мен ўзи нима гаплигини тузук-қуруқ билмасдим, номаълум аллаким эмас, айни ўзимнинг ўғлим ўлган бўлса керак, деб ўйлар-дим; анави ҳарбийлар эса мени кулишга даъват ётишар, аллақан-дай кимсалар мени бор бўй-бастим билан суратта олишар, менга ватан шаъни учун шундай қилишимиз керак, деб уқтиришарди, сениор!» Генерал эса бу вақт яширин жойида ўтириб, нима бўла-ёттанига тушунмай, ҳайрон бўларди: «Э қуриб кетсин, нега мен ўлганимдан кейин дунёда ҳеч нарса ўзгармади? Наҳот ҳали ҳам Қуёш одатдагидай чиқиб, одатдагидай ботаётган бўлса? Наҳот бу ўлим даҳшатидан мункиб кетмаса? О, нега ахир, онагинам, як-шанба ҳамон якшанба, нега ахир ҳамон жазирама – ўша-ўша жа-зирама, мен боримда ҳам унга чидаб бўлмас эди, мен йўғимда ҳам?» У шундай деб ўзига ўзи жавобсиз саволлар бераркан, бир-дан порт кўрғонидан замбараклар гумбурлагани эшитилди, жоме-нинг улкан жомларидан бутун шаҳарга мотам садолари таралди, асрий увишиқ уйқудан буюк хабар эшитиб уйғонган бетартиб оломон сарой томон оқди. Шунда у ўзининг яширин ётоқхонаси-нинг эшигини андак қия очди ва тирқишдан ўзининг ўлик мурдаси-ни кўрди, жонсиз тана теграсида шамлар ёнар, насоролик пайдо бўлгандан бери узоқ тарихида ҳеч бундайини кўромаган, ҳатто Рим папаларидан биронтасининг жасади бунчалар безаб-бежалмаган эди. Ўз жасадини кўриб, у даҳшатта тушди, юрагини номус ўртади. Унинг жасади гулларга кўмилган, упалар сепилган башараси оппоқ оқарган, лаблари бўялган, қийиқ таннозники каби қотиб қолган қўллари турли шонли нишонлар билан тўлиб-тошган кўксига қовуш-тириб кўйилган, бу жасад аллаким томонидан кашф ётилиб, Коинот Генерали учун маҳсус тикилган мундирга ўралган, унинг погон-ларида ўнта қуёш белгиси порлаб турар, қарта қиролларига ўшаш-тиб ёнига калтароқ ўйинчоқ қилич ҳам тақилган эди. Бу ўйинчоқ қилич ғалатироқ бир тарзда бўлса ҳам, бутун манзаранинг миқё-

сини ўзгаṛтириб юборган әди, унинг чексиз-чегарасиз ҳокимиya-  
тининг рамзлари, бутун мотам маросими, барча ҳарбий шон-ша-  
рафлар бари қандайдир майдалашиб, салмоғи ва улуғворлигини  
йўқотиб, одми ва жўн бир нарсага эврилган әди; у тобут ичида  
ётган расмана одам бўй-бастига эга бўлган, ҳатто ҳаётда бироз  
ғингшиган ва латта тахлит кўринадиган кимсага ғоятда мос әди;  
ҳолбуки, у ўзини шоввоз әркак, шоввоз қўмондон деб биларди ва  
шу боисдан ҳам жуда жаҳли чиқиб, зардаси қайнаб ўзига ўзи  
шундай деди: «Наҳотки шу мен бўлсан? Йўқ, минг лаънат!»  
Одамлар издиҳоми әса тўхтамас, жасад атрофини айланиб ўтиб  
борар, у шунда бир зум булар бари масхарабозлик эканлиги ҳам-  
да бу масхарабозликнинг мубҳам қоронғу мақсадларини бир зумга  
унутиб, ўзини ўлим томонидан, унинг қаттол ёвуэлигидан, унинг  
ҳокимият куч-кудратига нисбатан бутунлай бепарволигидан таҳқ-  
ирланган ва хўрланган каби сезди. «Бу адолатдан әмас, минг  
лаънат!» – деб такрорларди у ўзига ўзи, одамлар у бўлмаган  
ҳолда ўзларини қандай тутаётганикларига қарапкан ва кўпгина  
кишиларни тушкун, ноchor, ўзини йўқотган бир алфозда кўриб  
қувонар, ундан айрилиб қолган одамларга ачинар ва нафасини  
ичига ютиб, «Мабодо булар ҳаммаси алдам-қалдам әмасмикан?»  
– деб анигини билмоқчи бўлиб уринаётган кишиларга тикилар,  
вотан бу уларнинг шундоқ чеҳраларидан кўриниб турарди.  
Ҳақиқатан ҳам у ўлдимикин? Тобутда ётган ўзимикин? У тобут  
қаршисида тик қотиб турган, ўликни қўл кўтариб шарафлаётган  
федерация тувиш учун бўлган урушнинг қатнашчиси, фахрий қари-  
яни кўрди; қўлига мотам латтасини боғлаган, ўликнинг қўлидаги  
узугини бошини эгиб ўпган эр кишига кўзи тушди; ана, лицейда  
ўқийдиган қиз тобутга оддийгина бир гул қўйди, генерал буларни  
хотирасида сақлаб қолди; ана, бозорчи хотин, у бирдан қўлидаги  
балиқ тўла саватни ерга ташлади, ўзини ўлик устига отди, упа-  
әлика кўмилган жасадни кучоқлади-да, бутун залга уввос солди:  
«Ё раҳмдил худоё, энди биз нима қиласмиш? У ўлди! Ўлди! Ўлик  
у!» Шунда бирдан атрофни шивир-шивир, ғовур-ғувур, гўлдиր-  
гулдуру тутди: «Ана, кўринг, ўзи экан! Ўзи, ростдан ҳам ўзи!  
Ўлик!» «Худди ўзи! Ўзи! Ўзи! – деб ҳайқирди Де Аромас май-

денида офтоб тифида турган оломон. – **Худди ўзи!** Шунда бирдан мотам садоси тўхтади. Жоменинг барча қўнгироқлари, барча ибодат-хоналарнинг жомлари худди муқаддас сесланба хушхабарига чорлагандай тўхтовсиз шодиёна бонг ура кетди, ҳайит келгандай пақпақлар тинмай ёрилди, осмонга мушаклар ёғилди, эрк ноғоралари даранглади, шунда у исёнчиларнинг ҳужумкор тўдаларини кўрди, қўриқчилар индамай қараб турганликларини кўриб очиқ деразалардан ўзларини саройга уришди, қўлларидаги тўқмоқлар билан уриб тобут атрофида турганларнинг барини ҳар ёқса тўзғитиб юборишиди, чексиз мусибат чекаётган балиқ сотувчи хотинни ерга йиқитишиди, кейин улар мурдани таҳқирлаётганликларини кўрди, саккиз нафар барзангি эркак мурдани мангулиқдан, гуллар-чаманларнинг мангуг боргоҳидан маҳрум қилишиди ва бу салтанат бағридан тортиб тушириб, оёқларидан тутиб зиналардан пастга судраб кетишиди, бу орада исёнчиларнинг бошиқа тўдалари хайлу ҳашам ва кулфатга тўла бу жаннат маъвосида ниманики бузиш, вайрон қилиш мумкин бўлса, ҳаммасини бузиш ва вайрон қилишга киришиди, бинонинг бари бир хил плиталардан ясалган дорийча устунлари ва уларнинг юқори безакли қошларини синдирапар, қушларнинг қафаслари, вице-қиролнинг тахти, роялларини деразалардан улоқтирапар, номаълум қаҳара-мөнларнинг хоки солинган хокдонларни ерга уриб парчалар, ноумидлик гондолаларига тушган кўзлари хумор қизлар тасвиrlenган узун патли гиламларни йиртишар, кўхна либослар кийган ҳолда туширилган усткуфлар ҳамда саркар-даларнинг суратларини, улуғ денгиз урушлари тасвиrlenган улкан манзарали расмларни мажақдардилар; улар манфур ҳокимият истинодгоҳини абадул-абадга барбод қиляпмиз, деб ўйлашарди, келажак наслларда унинг лаънати шажараси ҳақида ҳатто эсдалик ҳам қолдирмаслик учун ҳаммасини таг-тути билан вайрон қилишга уринишарди; у буларнинг барини ўз кўзлари билан кўриб турди, кейин у ўз истеҳкомининг дарchasига ташланди, қалин дарпардалар тирқишидан ташқарида нималар рўй берадиганлигини, бор-йўқ нарсаларни бузиш, вайрон этиш тўлқини қай даражага етганлигини кўришни истади. «Мен бир сония ичида шунчалар кўп тубанлик ва кўрнамаклик кўрдимки, умрим бино

бўлиб, йиглаб, қон ютиб, бунақасини кўрмаган әдим, онагинам, ўзимнинг баҳтдан энтиккан хотинларимни кўрдим, улар тўда-тўда бўлиб менинг боргоҳимни тарқ этишар, ўзлари билан бирга молхонамдаги сигирлар, мебеллар ва онагинам, сизнинг куттиларингиздан йифилган асалларни идишлари билан кўтариб олиб кетишарди. Онагинам, яна мен ўз пушти камаримдан бўлган ўша – чалакай болаларни кўрдим, улар кастрюлларнинг қопқоқларини қарсиллатиб уришар, ибодатхона матбаҳининг кумуш идиш-қошиқларини мис тоғораларга уриб гумбурлатишар, билур лаганларни даранглатиб чалишар, шайтони алайҳилаънанинг қарс гумбанг концертини уюштиришар ва яна бунинг устига отамиз ўлди, яшасин озодлик, деб қичқиришарди, яна мен де Армас майдонида катта олов гулханини ёқиб, унда менинг расмий суратларим ойма-ой чиқарилган босма расмларни ўтга улоқтиришарди! Шу тариқа бутун салтанат даврида ҳамманинг кўзини ҳар қадамда булғаган расмий суратлар алангалар ўртасида куйиб кул бўлаётганлигини кўрди – ва яна ўз мурдасига кўзи тушди – уни тош йўлнинг ўртасидан судраб боришарди, кўча бетига медал нишонлари, тилларанг тутмалари, олтин уқалари, парча-парча матолар, ўйинчоқ куролнинг дастаси қайрилган ўйинчоқ қиличи, Коннот Генералининг ўнта қуёш белгиси туширилган погонлари тўкилиб, сочилиб ётарди. Шуларни кўриб, унинг лаблари пиҷирларди: «Онагинам, кўрдингиэми, мени қандай аҳволга солдилар», оломон унинг хор бўлган лошига тинмай тупурав, у эса ҳар тупукни ўз кўксидаги ҳис қилас, очиқ балконлардан устига тўклилаётган тунги тувакларнинг бутун уфунатини димоғига тортаётгандай бўларди, уни аламли шармандалик ўртарди, эй ҳали мени нимта-нимта қилиб ташлашлари ҳам мумкин-ку, деган фикр миясига урилди-ю, шармисорлик ўрнини даҳшат эгаллади, ана унда этини итлар талайди, калхатлар чўқийди ва ҳаммаси мана шу оладўлоп тўполон ўлим қасирғалари, қий-чувлари ичидаги рўй беражак – унинг ўлимининг байрами шундай бўлажак! Қуондай оломон сурон солиб ўтиб кетди, лекин ҳаво тинч-осуда бўлса ҳам, қулоғига ҳар томондан янграётган жўшқин музика садолари эшитилиб турди; у ўз бошпана истеҳкомида гандираклаб тентирар, кафти билан қарсиллатиб уриб,

пашшаларни ўлдирап, худди шундай йўл билан қулоги ичидаги ўтириб, тинмай шангиллаётган ва ўйлашга халақит берадиган ярамас чигирткани қарс этиб уриб йўқотишга уринарди; уфқардаги ёнғин ёлқинларию маёқ машъалига қарап, унинг кўк мовий шуълалари ҳар ярим дақиқада дарпарда тирқишиларидан ёриб ўтиб, кейинги ярим дақиқада уни чипор йўлбарсга айлантириб кўярди, у дераза ортидаги ҳар кунги бегим ҳаётнинг нафасини бутун вужуди ила ҳис этар, бу унингсиз, у иштирок этолмаётган ҳаётнинг табиий нафаси эканлигини билар ва унинг ўлимни фавқулодда ҳодисадан одми, оддий бир нарсага, аллакимнинг аллақандай яна бир ўлимига, ўтмишда жуда кўп бора рўй берган ўлимлардан бирита айланар, ҳаёт ҳам тобора кўпроқ ўз одатий изига тушиб борарап ва тирикликнинг мангу шиддатли шалоласи уни борган сари тезроқ унутилиш дунёсига, мағфиратнинг эгасиз маконига элитиб учарди. Ана шунда у ўлимга қараб ҳайқирди: «Йўқол, қозиқ бўлиб кетингига қоқилгур, ҳей бурни кесик!» – ва шундан сўнг у ўз бошпанасини тарқ этди, етар пусиб ўтириш, вақт етди, деган қарорга келди; у қоронгуликка чўмган, сўлиётган гуллар, ёниб битаётган шағамларнинг исларига тўлган, талон-торож қилинган заллардан, ўтмиш харобаларидан худди арвоҳ каби ўтди-да, министрлар кенгашининг мажлислар зали эшигини итарди, бунда ҳаммаёқ тутун билан тўлган, тутунлар орасида хириллаб қолган товушлар эшитиларди, анов ёнғоқ ороцидан ясалган узун стол атрофида эса у кўришни истаган барча кишилар кўр тўкиб ўтиришарди. Чунончи, Федерация учун урушда ғалабани сотган либераллар, улардан ушбу ғалабани сотиб олган консерваторлар, олни генераллар, уч министр, архиепископ ва элчи Шнотнер – ҳаммалари жам бўлиб, бир тузоққа тушган әдилар! Улар асрий мустабидликка қарши курашда бир ёқадан бош чиқаришга чақиришар, ўзлари эса унинг меросини бўлишиб олишарди, очкӯзлик уларни шунчалар ўз комига тортган әдиси, ҳеч қайсилини ўлиб тирилган президентнинг қандай келиб қолганини сезмадилар, у эса столга муштини гурсиллатиб уриб, «Ҳали шундайми?» – деб сўради. У бошқа бир оғиз сўз айтишга улгурмади, чунки у столдан муштини олганда, ваҳиманинг зўридан ҳамма тумтарақай бўлиб ин-инига

уриб кетган – фақат кулданлар тўла тамаки қолдиқлари, кофе қадаҳларию тўнтарилган юмшоқ креслоларгина қолган эди, яна унинг қадрдан дўсти генерал Родриго де Агилар ҳам шу ерда эди, у ҳарбий дала кийимида эди; у кичкина, вазмин киши бўлиб, омон қолган якка қўли билан тамаки тутунларини ҳайдиди-да, имо-ишора қилди: «Ётинг ерга, жаноб генерал! Ҳозир қиёмат қўпади!» У ўз қадрдан дўсти ёнига ётиб улгурмаёқ жаҳнам қасирғалари жўш урди, хунрезлик бошланди, президент гвардияси ўз қонли базмига киришди, улуғ бир мамнуният ва алоҳида файрат-шижоат кўрсатиб, «Битта ҳам фитначи тирик қолмасин!» деган қатъий буйруқни бажаришга тушди. Сизнинг мана шу буйругингизга биноан, жаноб генерал, гвардиячилар бош дарвозадан қочиб чиқишига уринганларни пулемётдан дўлдай ўқ ёфдириб, ер тишлатишди, ўзларини деразалардан ташлаганларни нақ чумчукдай тутиб олишди, қўшни уйларда яширинишга уринганларни беркинган ерларидан ёндирувчи гранаталар билан қувиб чиқаришди ва президентнинг «Қатлдан омон қолган ҳар ким то аср охиригача ашаддий душмандир», деган буйругига биноан барча ярадорларни ҳам гумдон қилишди.

Бу нарсалар ўз йўли билан давом этаркан, у генерал Родриго де Агилардан икки қадам нарида ерда юзтубан ётар ва рўй бераётган портлашларга қулоқ тутарди; ҳар бир портлашдан сўнг унинг елкаларига деразаларнинг синиқлари тўкилар, бошига сувоқ парча-парчалари ёғиларди, у эса дўлдай шатирлаган чангу губорга булғаниб ётаркан, ичida шу сўзларни тин олмай худди дуодай қайтарарди: «Ҳаммаси тамом бўлди, дўсттинам, ҳаммаси тамом. Бундан кейин ҳаммасини фақат ўзим бошқараман, биттаям ит энди бунга аралашмайди, биттаям ит, эртамидан кўрамиз нима бутун қолди экан бу ерда, алғов-далғовдан кейин ўтирадиган бир нарса қолмаган бўлса, энг арzon курсилардан жуфт қилиб сотиб оламиз, тешик-туйнукларни ёпамиз, шолча-полчалар олиб, тағин бир нарсалар сотиб оламиз. Энди идиш-товоқ олиб ўтиромаймиз, бизга энди на лаган ва на тақсимча лозим, буларнинг барини биз казармалардан оламиз, энди бундан буёғига аскар боқмайман, на аскар ва на зобит керак менга, ҳаммаси чиққан жойига кириб

кетсин менга деса, фақат сут ичишга уста булаар, бир кори ҳол рўй берини биланоқ нон-туз берган қўлга қараб тупуради, мен фақат ёнимда президент гвардиясини сақлаб қоламан, улар мард ва вижданли одамлар, ҳеч қандай вазирлар кенгашининг ҳам кетраги йўқ, бошимга ураманми, битта соғлиқни сақлаш министри бўлса бас, бундай министр ҳақиқатан ҳам зарур, яна балки чиройли ёзадиган бирори керакдир, ёзиб қўйиладиган нарсалар оз эмас, ахир, етади шу иккиси, анави барча казармалар ва министрликларни одамларга уй қилиб берамиш, ижара ҳақига сарой харажатларини қоплаймиз, муҳтотж бўладиган нарсамиз фақат пул, одамларга эҳтиёжимиз йўқ, иккита чаққон зийрак ходима топамиз, бирори об-овқат тайёрласин, йиғиштирасин, бошқаси кийим-кечакни ювиб дазмолласин, агар сигирлар билан қушлар боқишига тўғри келса, уларга ўзим қарайман, биронта ҳам ойимтиллани бу ерда санқиб юришига йўл қўймайман, етар уларнинг аскарлар бадрафхонасига юргургилаганлари, атиргуллар тагида тўнқайиб ётадиган пест-моховлар ҳам энди нари турсин, ҳамма нарсага битлағон ҳукуқшунос докторлар ҳам жўнасин, ҳамма нарсани биладиган сиёсатдонлар ҳам даф бўлсин, чунки қандай қараманг, бу ер президент саройи ахир, ифлос исловатхона эмас. Янкилар айтмоқчи, агар Патрисио Арагонесга ишониш жоиз бўлса, мен ёлғиз ўзим ҳам ҳаммасини қилиб улгурман, ҳеч ким керакмас менга. Думли юлдузнинг иккинчи ва ўнинчи маротаба келишигача бир ўзим бажараверман, чунки мен энди ўлишни хоҳламайман, кимнинг ўлгиси келса ўлаверсин. Э бор, ҳаммаси чиққан тешигинга кириб кетаверсин!» У ўз ўй-фикрларини мана шундай тин олмай, худди дуо ёхуд ёд олинган шеър каби тўхтамай овоз чиқатриб тақрорларди. У эски уруш замонларидан қолган одати бўйича ўз қўрқувларини шундай замзама билан даф қилас, улардан шундай гўлдираб-гўлдираб қутулади, у шу тарзда овозини чиқариб ўйлар, замзама қиласкан, саройни ларзага солаётган портлашларни эшитмагандай бўлар, эртага эрталабдан ёки келажак асрнинг туш пайти фалон соатида бажариладиган ишларнинг режаларини тузарди. Аммо мана ниҳоят қўчада ярадорларни нариги дунёга жўнатган охирги ўқининг овози эшитилди, шунда генерал

Родриго де Агилар дераза томонга эмаклаб борди-да, ўрнидан турди, деравадан ташқарига қараб, аллакимга усти ёпиқ ахлат аравалар юборишни ва уларга ўликларни ортиб олиб кетишини буюорди. Шундан сўнг генералга: «Тунингиз хайрли бўлсин, жаноб генерал!» – деб хайрлашиб чиқиб кетди. «Хайрли тун, дўстти нам! Катта раҳмат!» У министрлар кенгашининг мотамсаро қора мармаридаги ўнг қўлининг тирсагини боши остига қўйиб мук тушганча ётаверди, юзини кафтлари орасига яшириди-да, шу заҳоти уйкуга кетди, у энди ҳар қачонгидан ҳам ёлғизроқ әди, уни ўз ночор ҳазонрезги чорининг сариқ япроқлари издиҳоми шитирлаб аллаларди, ҳа, айни улуғ қирғин туни ортга қайтмас бўлиб, унинг умрининг куз фасли кирған әди, тутаб ётган харобалар ва қонли қўлмакларда қизарган ой шундан дарак берарди. Аммо тонг отиб, у кечаги режаларини адо этиш заруратидан қутулди, зеро ҳарбий қўшин ўз-ўзидан барбод бўлган әди – аскарлар қочиб кетишган, пойтахт казармаларида ва мамлакатнинг бошқа яна олти казармасида охиригача олишган бир тўда зобитлар аҳоли орасидан чиққан қўнгиллilar ёрдамида президент гвардияси томонидан отиб ўлдирилган әдилар; омон қолган министрлар ҳаммаси бир бўлиб чет элларга қочиб кетишган, фақат иккита энг садоқатлисигина қолган әди – улардан бири бошқа ҳеч нарсани ҳисобга олмагандага ҳам унинг шахсий врачи, иккincinnisi эса – мамлакатдаги энг яхши ҳусниҳат соҳиби әди; маблағ ҳам топнила қолди, қара олиш умидидага ҳеч бир ташқи давлатта әланиб ялтоқланиб ўтиришининг ҳожати қолмади. Зеро генералнинг тарафдорлари ҳам оз эмас экан, улар кўплаб тилла никоҳ узуклари ва турли олтин безанчоқ, тақинчоқларини йигнишиб, давлат ғазнасига топширишди; худди шунингдек, мотам таҳқирланган кундан бўён ҳаммаёқда қўзга ташланиб турган вайронагарчиликлар, бузилиб ётган жойларни беркитиш учун бўйра-бордонлар ва шунингдек, арzon чарм ўриндиқлар сотиб олишга ҳам эҳтиёж кўринмади; бунга ҳожат қолмаганлигининг боиси, мамлакатни бостириш тўла охирига етмаёқ, ҳатто ундан анча илгари президент саройи қайта таъмирланиб, олдингисидан ҳам бойроқ ва чиройлироқ бўлиб кетган, яна қайга қараманг, ҳаммаёққа қуш қафаслари илинган – уларнинг баъзиларида

тили ўткир гуакамая деган тўтилар ўтирас, шипга осилган бошқа бирларида эса тоҷдор тўтиқушлар «Испанияда бўлмаса Португалияда» деган машҳур қўшиқнинг оҳангларини ўхшатиб сайрасарди; ҳаммаёқ чиннидай озода, худди ҳарбий кемалардай ярақлаган – ҳаммаёқни икки камсуқумгина гайратли хотин худди кемадай ярқириатиб, тартибга солиб тозалашарди; деразалардан уни шарафлаган музика садолари ёпирилиб кириб келар, мушакларнинг шодиёна ёрилишлари янгарар, жомлар тантанавор бонг урас, кечагина унинг ўлимидан хабар берган қўнғироқлар бугун энди эрталабдан кечгача унинг ўлмаслиги ҳақида дараклашарди; де Армас майдонида доимий ҳаракатда бўлган намойишчилар сурон солишар, президент ва ҳалқнинг абадул-абад бирлиги шарафига олқишлиар ёғдиришар, катта-катта қилиб ёзилган улкан алвонларни кўтариб туришарди: «Худоё худовандо, учинчи кун ўликтан тирилган жаноби олийларини ўз паноҳингда асрагайсан!»

Хуллас калом, ҳаёт кундалик байрам тусини олди, уни аввалги вақтларда бўлгани сингари атайлаб зўрма-зўраки қизитишнинг зарурати қолмаган, зеро ҳаммаси аъло даражада борарди: давлат ишлари ўз-ўзидан ҳал бўлар, ватан олға босар, унинг ёлғиз ўзи ҳукумат, ният-мақсадларини амалга оширишга ҳеч кимса на сўз ва бирор кори бад билан ҳалал берарди: у шон-шуҳрат чўққиларида ёлғиз бир ўзи эди ва ҳатто душманлари ҳам энди қолмагандай эди – унинг қадрдон дўсти генерал Родриго де Агилар ўз ишидан ҳар қанча фахрланса арзирди; у ҳам ғоятда мамнун эди, шу боис бир қанча тартибсизликларни бостиришга алоҳида шафқатсизлик ва гайрат кўрсаттан президент гвардиясининг барча оддий аъзоларини майдонга олиб чиқиб сафлантиришга буюордида, уларнинг ҳаммаларига зобитлик унвонларини тақдим этди; гарчи энди ҳарбий қўшинларни қайта тиклашга тўғри келишидан ҳам чўчиб ўтирмади, зотан, зобит бўлгач, у кимнингдир устидан қўмондошлиқ қилиши ҳам ўз-ўзидан равшан-да; аммо армияси қурғур бир кунмас-бир кун келиб ўзини боққан қўлни шартта тишлаб олишдан ҳам тоймайди-да; шунга қарамай оддий гвардиячиларни зобитлик унвонлари билан тақдирларкан, ҳар бирининг кўксига бармоги билан нуқиб, эсига қайси унвон келса, шуни

айтарди: «Сен – капитансан! Сен – майор! Сен – полковник! Яъни мен нима демоқчиман? Сен – генералсан, бошқалар ҳаммаси – лейтенант! Бало ҳам урмайди, оғайнини, ўтаканг ёрилмасин, қўшинингни қабул қилиб ол!» У ўзининг ўлимидан чин юрақдан қайғурган одамларни ҳам унутмади, бу одамларга нисбатан миннатдорлик туйғулари билан тўлиб-тошаоди, шунинг учун видо куни тобут устида унинг лошига қуллуқ қилиб қайғу-ғамга ботиб турган фахрий қарияни топишни буюрди, шу билан бирга ўша куни майитнинг қўлидаги узугини эгилиб ўлган эр кишини ҳам қидириб топишни буюрди ва ўша киши билан фахрий чолни тинчлик нишони билан тақдирлади; у яна ўз тобути узра ҳўнграб йиғлаган балиқ сотувчи хотинни ҳам тогтириди-да, ўн тўртта боласи бўлган бу шўрлик аёлга у ҳаммадан ҳам муҳтож бўлган нарсани – жуда кўп хоналардан иборат уй тортиқ қилди; у тагин ўзининг тобути устига гул қўйган лицеининг ўқувчи қизини ҳам топиб келишни буюрди ва унинг энг азиз орзусини рўёбга чиқарди: қизини денгизчига никоҳлаб қўйди. Шуларга қарамай, у ёниб-ўртанган қалбини хайру әҳсонлар қилиб, қанчалик тинччишига уринмасин, кўнгли то президент саройига ҳужум қилишда иштирок этган барча омон қолган исёнчиларни Сан-Херонимо казармаси ҳовлисида занжирбанд ҳолда кўрмагунча таскин топмади; қўрқув ва нафрат хотирани кучайтиради, уларнинг ҳар бирини шафқатсиз тарзда бехатолик билан таниди ва бандиларни қилган айбларига кўра ажратди: «Сен ҳужумнинг бошида турдинг – бу ёққа ўт! Сен тобут тепасида йиғлаётган хотинни итариб ташлайдинг – бу ёққа тур! Сизлар ўликни таҳқирлаб, уни зиналардан ва кўчадаги кўлмаклардан судраб бординглар – бу томонга ўтларинг! Қолганларинг – бунда туриңглар! Сенларга кўрсатиб қўяман, жипириқлар!» Лекин унинг учун муҳими жазо эмасди, оддий жазо уни қаноатлантирумасди, одамларнинг шунчалар қаҳру ғазаб билан саройга ҳужум қилиши, ўликни бунчалар таҳқирлаши ҳалқ норозилигининг стихияли портлаши натижаси эмас, ҳолбуки ҳалқ аслида ҳеч қандай қўзғалгани ҳам йўқ, балки ёлланган разил сотқинларнинг фитна-хуружларидан бошқа нарса эмас, деб ўз-ўзини ишонтириш унга муҳимроқ эди; шунинг учун у бандиларни

шахсан ўзи тергов қилар, уларни ҳа, биз разил сотқинлармиз, деб тан олишларини, кўнглиниң оғриқ жойларига шу билан малҳам қўйишни истарди. Лекин улар бўйинга олишни хоҳламасдилар, шундан сўнг уларни қўл-оёқларини боғлаб шилга худди тўтиқуш-дек бир неча соатлаб осиб қўйишни буюрди, лекин бу ҳам ёрдам бермагач, улардан бирорини қўрғон пастидаги чоҳга ташлатди, бошқаларга ўз ўртоқларини очофат тимсоҳлар қандай ямлаб-юл-қиб тириклай ютаётганлигини зўрлаб томоша қилдирди; аммо бу ҳам кор қилмагач, у бандиларнинг ҳар бир гуруҳидан биттадан кишини ажратиб олди ва ҳамманинг кўз ўнгига унинг терисини тириклай шилишни буюрди; ҳаммани худди ҳозиргина она қорни-дан суғуриб олингандай сарғимтири, илвираб турган нозик жишига қарашига мажбур этди. Териси шилиб олинган, дир-дир титраган бадандан казарманинг тош плиталарига иссиқ қон ёйилиб оқар, шилимшиқ бўлиб қотарди; ана шундан кейингина ўлардай қайсар бу одамлар, ҳа, биз разил сотқинлармиз, бизга ўликнинг жасади-ни таҳқирлаш, бозор ахлатхонасига судраб олиб бориб ташлаш учун тўрт юз тилла песо тўлашди, аввал биз ҳар қанча пул вაъда қилишмасин, бунга рози бўлмадик, чунки бу бизнинг эътиқоди-миэга тўғри келмайди, умуман, сизда бизнинг ҳеч қандай қасди-миз йўқ, бунинг устига ўзи яна ўлик бўлса, лекин шундоқ бўлиб қолдики, ҳарбий қўшиннинг иккита олий генерали қатнашган мах-фий йиғилишларнинг бирида уларни шундай қилишга мажбур қилишган, турли дўй-пўписалар билан уларни қўрқитишган; «Биз фақат шунинг учун рози бўлганмиз, чин сўзимиз!» – деб сирни очишиди. Ана шундан кейингина у енгил нафас олиб деди: «Шўрликкина алданган болакайлар!» Сўнг уларни тўйдириб ов-қатлантириш ва эрталабгача тўйиб ухлаб олишларига буюрди. Эрталаб эса уларни емиш қилиб тимсоҳларга улоқтиридилар. Ана шундан сўнгтина у кўнглидаги шубҳа чилвирларидан халос бўлиб, қушдай енгил тортиб, саройга йўл олди, учиб-қўниб кетиб борар-кан, у ўзига ўзи хўб мамнун бўлиб гўлдиради: «Э, жин чалсин, мана ниҳоят ҳамма айб халқда эмаслигини билди, халқ мени сева-ди!» Бир маҳаллар Патрисио Арагонес унинг юрагида ўт олдир-ган хавотирлар алангасининг охирги чўғларини топтаб ўчираркан,

у қийноқларни бекор қилиш ҳақида фармон чиқариш Фикрига келди ва ўз-ўзига бу гўзал ўлкада қийноқлар бошқа ҳеч қачон қайтарилмаслигига сўз берди; шундан сўнг барча тимсоҳларни ўлдирдилар ва одамни ўлдирмасдан туриб барча сўнгакларини майдалаб ташлайдиган қийноқ хоналарни бузиб ташладилар; кейин афв умумий эълон қилинди; кейин у келажак ҳақида бош қоти-раркан, мияси ярқ этиб фусункор бир фикрдан ёришиб, мамла-катнинг барча кулфатлари нимадан эканлигини англагандай бўлди, яъники, одамларнинг турли бекорчи нарсалар ҳақида бош қоти-радиган бўш вақтлари ҳаддан ташқари кўп, шу вождан бу вақтни нималардир билан банд этиш зарур; ушбу мақсадда ўтадиган шо-ирона мусобақалар ва гўзалик маликаси унвонини қозониш учун йилда бир маротаба ўтадиган беллашувларни тиклади. Кариб минтақаси мамлакатларида ёнг улкан ёпиқ стадион қурдири, унинг ажойиб гандбол майдончаси бўлиб, унда бизнинг команда-миэга «Ралаба ё ўлим!» шиори остида ўйнаши буюрди; у ҳар бир вилоятда фаррош қизларнинг текин мактабларини очди, уларда пул тўламай илм олган ўқувчи қизлар унга беҳад фидокорона садоқат билан кўчаларни супуришар, нафақат кўчалар, дала йўлла-ридан тортиб, катта йўлларгача битта қўймай тозалашар, шу та-риқа тўда-тўда ахлатларни у вилоятдан бу вилоятта ташиб юри-шар, қаерга қўйиш, нима қилишни билишмас, ҳар бир ахлат та-шиш маросиминис давлат байроқлари ҳамда алонгали алвонларни кўтариш билан чамбарчас қўшиб олиб боришарди, алвонларда «Тангримиз миллатнинг тозалиги учун ғамхўрлик қилаётган бо-киралиқ пуштипаноҳини ўзи асррагай!» деган шиор ёэйланган бўла-ди. У эса бу пайтларда ўз фуқаролари учун янгидан-янги машғу-лотларни ўйлаб топаркан, ундан бир чимдим шифобахш туз тилла-ган кўрлар, шол-моховлар атрофини қуршаган ҳолда борнинг сўқмоқ йўлкаларида худди ўйга чўмган маҳлуқ каби оёқларини оҳиста судраб қадам босарди, очиқ ҳовлидаги улкан тосда ўзи бир ма-ҳаллар оталиққа олган болаларнинг эндиги болаларини чўмилти-риб, чўқинтириарди ва ҳар бир чақалоққа ўз исмини исм қилиб қўярди; лаганбардорлар уни дунёда ягона деб шарафлашар, у эса ҳақиқатан ҳам, бир ҳисобда ўзига хос яккаю ягона эди, биноба-

рин, унинг энди иккинчи нусхаси йўқ, шу туфайли бозорга айлантирилган ушбу саройда ўзининг иккинчи нусхаси бўлиб чиқишига ҳам тўғри келарди; нима ҳам дейсиз, бу ерга уззукун сон-саноқ-сиз қушлар солинган қафасларни келтиришарди; унинг онаси Бен-дисион Алварадо бир маҳаллар қуш сотувчи бўлганилиги тўғрисида миш-мишлар тарқагандан буён саройга уззукун қуш келиши тўхтамасди; бировлар қушларни лаганбардорлик қилиб юборишарди, бошқа бировлар эса худди майна қилгандай бўлишарди; лекин қандай бўлмасин, саройда тез орада қуш осадиган бўш жойнинг ўзи қолмади; мана шу ташвишлар устига яна кўплаб бошқа давлат юмушлари қўшилар, давлат ишлари кўпаяр, боз устига, барча иш-юмушларни бирваракайига ечишга уринишар, натижада, кабинетларда шунчалар одам уймалашадиган бўлдики, бу ерда ким амалдору ким аризагўй эканлигини ажратиш мумкин бўлмай қоларди; тангу торлиқдан қутулиш учун шунчалар кўп ички деворларни олиб ташлаб, ҳамма бемалол денгизни томоша қилиши учун шунчалар кўп деразалар ўрнатишиди, одатдагидай бир хонадан иккинчи хонага ўтиб юриш куз фаслида бепоён денгиз қучогида тўрт томондан эсган еллар забтида қолган елканли кеманинг саҳнида юришга ўхшаб кетарди. Ва гарчи март ойининг шамоллари азал-азаллардан сарой деразаларига келиб урилган бўлсалар-да, энди ҳамма, жаноб генерал, ҳеч бокиси йўқ, бу тинчлик ва осойишталик шамоллари эсмоқда, деб гапиришарди; ҳатто унга узоқ йиллардан бери тинчлик бермай келган қулоқларининг шангиллаши ҳам энди тинчлик ва осойишталик сасига айланди, унга шахсий врачи шундай деди ҳам: «Бу сизнинг қулоқларингизга тинчлик ва осойишталик овози эшитилмоқда, жаноб генерал!» У ўлиб-тирилгандан буён, ҳа, худди ўша кундан эътиборан замину осмондаги жамики бор нарсалардан тинчлик ва осойишталик, умумий фаровонлик ёғилар, мавж уради; ва у бунга ишонарди, тинчлик-хотиржамлик, файз-баракали кунлар келганига ишонарди, шунчалар ишонардики, декабро ойида яна чўққи-лардаги хилват ғариблар уйига қадам ранжида қилди, бу ерда паноҳ топган, фуссазада тўдаланган биродарлар-собиқ диктаторларнинг ҳолини яна бир карра томоша қилгиси келди; улар эса

домино ўйинларини тұхтатиб, соққаларни тарақлатиб уриб, унга яна ўша эски-эски гапларни такрорлашарди: «Олайлик, мен дублолти әдим, миясими еган консерваторлар әса, олайлик, дубл-уч әдилар, бироқ мен поплар ва масонларнинг енг ичидаги ўйинларини күрмай қолибман». Мияси айниган қари чол шуларни валдираб ўтиромай совиб қолаёттан шўрва-шилтасини исча бўлмасми-кан! Ундан кейин бошқа бир әсини еган чол валақлашга тушарди, мисол учун олинг манави, қандолатча – уни мисол учун президент саройи дейлик, душман замбараги әса шамол қулай томонга эсганда, дейлик, тўрт юз қадамга ўқ отсин, мана энди ўзингиз айтинг, агар қулай шамол бўлмаса, бу ўқлар президент саройига етиб келармиди ахир! «Мени ҳозир мана бундай аҳволда кўриб турган бўлсангиз, билиб қўйинг, бунга ўша аллақандай саксону яна аллақанча сантиметр айбдор. Омадсизлик!» Лекин уларнинг энг матонатлилари ҳам ҳаддан ортиқ узоқ қувғин туфайли синишар, бутун умидларини йўқотишар, шундай аянчли илинж билан яшашардики, уфқларда ўз диёрларининг кемаларини кўриб, уларни тутунларининг ранги, хириллаб чиққан чин-қироқларидан таниб, портта тушиб боришарди-да, әзиб ёққан ёмғирда юриб денгизчилар овқат-повқат ўраб сўнг ташлаб юборган газета парчаларини қидиришар, уларни ахлат қутилари ичидан йиғишириб олиб бошидан-охиригача, дам ўнгдан чапга, дам чапдан ўнгта қараб ўқиб чиқишарди ва ким кимга уйланди, ким ўлди, ким кимларни чақириди ва ким кимни чақирмади, таваллуд куни муносабати билан кечки зиёфатта шундай хабарлардан ўз мамлакатларидаги сиёсий аҳволни англаб билишга ҳаракат қилишарди; уларнинг ҳар бири қандайдир баҳайбат қора булатнинг қай томонгадир йўл олиши ўз тақдирини ўзгартириб юоришини кутар, худо хоҳласа, мана шу қўрқинчли булат менинг мамлакатимга қутурган бўрон каби ташланади, барча тўғонлар ва тўсиқларни афдариб ташлайди, натижада дарёлар тошиб, далаларни сув босади, ҳосил нобуд бўлади, уй-жойлар харобага айланади, очлик, вабо, қаҳатчилик бошланади, одамлар ўзлари қувиб юборган инсонни чорлаб келтиришдан ўзга чора қолмайди, бизни бу фалокатлар оқибатларидан ва бебошликлардан қутқаринг, дейишади.

«Мана кўрасиз, худди шундай бўлажак!» Бироқ мана шундай қутлуғ соат келишини интизорлик билан кутаркан, орада манзилда турувчилар орасидан биронта ёшронини чеккароққа чакириб ундан илтимос қилинган ҳоллар рўй бериб турарди: «Айбга буюрманг, иғнамга ип ўтказиб беролмайсизми? Шимимни ямашим керак... - Мен уни ташлаб юборолмайман, у менга қимматли хотира бўлиб қолган... мен учун жуда ҳам қадрли...» Бундан ташқари, ўзгалар назаридан бекитикча кир-чирни ювишга ҳам тўғри келар, баъзан манзилга янги келиб қўним топгандар бошида менсимай ташлаб юборадиган, ишлатилган соқол оладиган пискаларни киши билмас йиғишар, тишлари тушиб кетганинги кўрсатмаслик, қаричилик боис иштонни шармандаларча ҳўл қилиб қўйилганини ошкор этмаслик учун ўз хоналарида эшикни ичкаридан қулфлаб ёлғиз овқатланишга ҳам тўғри келарди. Ниҳоят, шундай бир яхши кун ҳам етиб келардики, ёруғ оламда қўпроқ судралиб, тутилиб қолган қўноққа сўнгти оҳорли қўйлагини кийгишишар, қўқрагига барча нишонлару белгиларини тақишишар, мархумни она диёрининг миллый байроғига ўраб-чирмашар, унинг устида туриб миллый мадҳиясини айтишишар, сўнг уни мангу унут ўлканинг ҳукмига топширишарди; мархумнинг ғам-аламдан тош қоттан, мусибатлардан батамом емирлиб, чириган юраги шўрликни дентиз остида қоялар тагида жойлашган оҳирги масканига тортиб кетарди; ундан сўнг ер юзида бўм-бўш бир жой қоларди – у ҳам бўлса ноумидлик остонасидаги ёлизигина бир ўриндиқ бўларди. «Биз навбатма-навбат ана шу ўриндиққа ўтириб, мархумнинг нарсаларини ўзаро бўлишиб олардик, жаноб генерал, албатта, мабодо ундан шундай нарсалар қолган бўлса. Ўзингиз ўйлаб кўринг, шундай шон-шуҳратга тўлган давру давронлардан сўнг қанчалар аянчли, ачинарли якун бу!»

Мана шу бошпана ғариблар уйи очилган узоқ, олис, бошқа бир декабрь куни у айни шу айвон саҳнида туриб, бирдан Антил оролларининг маржонларини, Кариб соҳилларидағи шаҳарларни кўрди. Улар худди унинг тушига киргандай эди. Лекин бу туш эмас, кимдир дентизнинг мовий ойнасига қўлини нуқиб кўрсатарди. «Ҳов, анов ер, жаноб генерал, Мартиника бўлади». Шунда унинг кўз ўнгидаги Мартиника гавдаланарди, ўша-ўша муаттар ҳид-

лар тараган сўнган вулқон; кўз ўнгига кўкраги қасалларнинг санаторийси, тўр кўйлак кийган баҳайбат негр келарди, у жоме ибодатхонасининг устунлари тагида губернаторларнинг хотиналарига гардения гулларининг йирик-йирик дасталарини сотаёттан бўларди. «Хов, анов ер эса, Парамарибо, жаноб генерал». Шунда у Парамарибонинг жаҳаннамга ўхшаш бозорини кўз ўнгига келтиради, бадрафхоналарнинг сув қувурларидан ўрмалаб чиқиб келаётган ва соҳил бўйидаги қаҳвахоналарнинг мўъжаз столчаларига сакраб чиқаётган қисқичбақаларни кўради, худди шўрвадай қайнаган қалин ёмғир остида ҳинду ниқоблари ва занжабил илдизларини сотаётган орқаси катта кекса негр хотинларнинг билур қопланган тишлари кўз ўнгига келарди. У Танагуарен денгиз қўумлоқларида ётган худди қуёш нурларида олтиндай товланган сигирлардай кайвони хотинларни кўради – «Тоза олтин, жаноб генерал!» – ёлғиз торли ғижжак чалиб, икки реал эвазига ўлим мисоли ҳинду хотинни даф қилиб ҳайдаган гуайрлик кўр япон машишоқини кўради, Тринидаднинг жазирама иссигини, орқаси билан олдинга юриб бораётган автомобилларни, табиий ипакдан тикилган кўйлаклар, фил суягидан ясалган чинмочин мандаринлари ўйинчоқлари сотиладиган дўкончаларнинг рўпарасида кўчанинг ўртасига тушиб жий қиласидиган кўк кийинган индусларни кўради; Ганти даҳшатлари кўз ўнгига келарди, унда жуни тўкилган кўк итлар санғиб юради, унда эрталаблар ҳўқиз қўшилган араваларда кўчаларда ўлиб қолганларнинг жасадларини йиғишарди; Голландия яна қайтиб келганлигининг нишонаси янглиғ, лола белгиси туширилган, Курасаодаги бензин омборларини кўради, қормўл тушадиган қишини кўзлаб томлари учлик қилиб ёпилган, худди тегирмонга ўхшайдиган уйларни кўради; шаҳар марказини кесиб ўтиб бир отелдан иккинчи отелга қараб сузиб бораётган ғалати океан кемасини кўради, Картахенанинг тош майдони, унинг занжирлар билан ўраб олинган кўрфази, ёруғ айвонлар, меҳмон ташиб қора терга ботган, виде-қиролнинг ем беришини кутиб катта-катта эснаган отларни кўради – «Тезак иси келаётир, жаноб генерал! Ана сизга мўъжиза! Дунё қанчалар бепоён!» Дунё ҳақиқатан ҳам поёнсиз эди, шу билан бирга у фоятда маккор ҳам

эди, шунинг учун мабодо агар генерал яна декабрда бошпана жойлашган чўққига кўтарилиган бўлса, бунинг сабаби, бу ердаги қўноқлар билан чақчақлашиш эмасди, асло, зеро у қўноқларини худди ўзининг баҳтсиалик ойнасидаги акси каби ёмон кўрарди, бу ерга чиқишининг асл сабаби, бунда декабрда кунлар шаффоф, мусаффо бўларди ва денгизнинг мовий ойнасида бутун Антил ороллари маржонларини – Барбадосдан то Веракруслача яққол кўриш мумкин эди, у мана шу фусункор дамларни пойлаб бу ерга чиқарди. Мана ниҳоят ўшал дам келди ва у анов дубл-уч соққасининг нимага кераклигини унутди ва кўрфазда мудраган тимсоҳларга ўхшаб ойдинда нурланган оролларни томоша қилиш учун айвон саҳнига чиқди, уларга қараб туриб, тарихий октябрь ойнинг жума кунини өслади, ўшандада у эрта тонг маҳали ўзининг ички хоналаридан чиқиб, президент саройининг барча хос надимлари қизил қалпоқчалар кийиб олишганини кўрди. Унинг бари маъшуқалари ҳам қизил қалпоқда әдилар: уй ичини супуриб-сидирадиганлар, қуш қафасларидағи сувларни алмаштирадиганлар ва молхонадаги сут соғувчилар бошларига қизил қалпоқ қўндириган әдилар, қўриқчи посбонлар ҳам қизил қалпоқда, доим пиллапояда ўтирувчи шоллар қизил қалпоқда, гулхонани айланиб юрган моховлар қизил қалпоқда, ҳаммалари гўё якшанба карнавал байрамига айланган әдилар; у ўтган кечадан бери ёруғ дунёда нима рўй бергани, не бало қўпганини ҳеч англаб, фаҳмига етолмас, нима боис бўлиб барча сарой ходимлари ва жамики шаҳар раийити қизил қалпоқда юрганини тушунолмас, нега ҳар бир фуқаро қўлига бир тўп шақилдоқларни кўтариб олганининг фаҳмига етмасди; ниҳоят орадан бир одам топилди-ю, унга нималар бўлаётганлигини тушунтириб берди: «Жаноб генерал, аллақандай ажнабийлар келишиди; улар испан тилида сўйлашади, лекин бу ўзимизнинг испанча эмас<sup>1</sup>, зеро улар денгизни ўрта жинсда эмас, муаннас қилиб айтадилар; улар бизнинг тўтиларимизни «папагайо» дейдилар, қайиқларимизни эса «алмадия» деб айтадилар,

<sup>1</sup>Антил оролларининг жончи испанча лаҳжаси соф испан тилидан бир мунча ажралиб туради.

санчқимизни бўлса «асагаем» дейишаркан; биз ўз қайиқдаримизни ҳайдаб денгизга чиқиб, уларнинг кемалари атрофида айлана бошлаганимиздан кейин, улар мачталарга ўрлаб чиқиб, бир-бирларига бизни таърифлаб бақир-чақир қила кетиши, қаранглар, улар жуда келишган, қадди-қоматлари расо, юзлари чиройли, соchlари худди отнинг думидай узун, дейишарди; улар ўзимизни ўткир қўёш нурларидан муҳофаза қилиб, турли бўёқлар чаплаб олганимизни кўргач, бамисоли которралардай<sup>1</sup> бидирлай кетишид: Э, булар бизга ўхшаб оқтанли эмас экан, канариллар каби қора ҳам эмас, билиб бўлмайди буларнинг тузи қанақалигини, деб қичқиришарди, чунки биз қорамтиро қизғиши бўёқлар суриб ташлаган әдик баданимизга, улар хандон ташлаб кулишар, биз эса тушунолмасдик нега улар устимидан кулишаёттанига, зеро биз ҳаммамиз ўзимизнинг энг табиий қўринишиимида әдик, жаноб генерал, онадан қандоқ туғилган бўлсак худди шундоқ әдик; улар эса жазирама иссиққа қарамай, худди чиллик валетдай либосларга ўралиб олишган эди; улар худди голланд контрабандистлари каби «жазира» деб талаффуз қилишарди, уларнинг сочлари ҳам бамисоли хотинларнинг соchlаридай әди, лекин уларнинг орасида битта ҳам хотин кишини кўрмадик, бари әркаклар; улар бизга қараб, нега одамнинг тилини тушунмайсизлар, нега насорочани билмайсизлар, деб бақиришарди, ҳолбуки, уларнинг ўзлари одамнинг тилини тушунмасдилар, кейин улар биз томонга ўз қайиқларида сузиб келиши, қайиқларни улар юқорида айтилгандаи «алмадия» дейишаркан, улар бизнинг чангакларимизнинг учлари сабало деган балиқнинг сугидан ясалганига ажабланишарди, улар бу балиқни «қозиқ балиқ» деб аташаркан; кейин улар бизнинг барча нарсаларимизни мана шу қизил қалпокларга айирбошлаб ола бошлашди, қўлларимизга чизимчага терилган шиша мунчоқларни тутқизиши – биз ажнабийларни кулдириш учун уларни бўйнимизга осиб олардик; бундан ташқари, бизнинг нарсаларимизни олиб өвазига бир мараведа<sup>2</sup> ҳам турмайдиган шунаقا ша-

<sup>1</sup> К о т о р р а – мўъжазгина тўти, тили бурролик тимсоли.

<sup>2</sup> М а р а в е д а – кўхна танга – чақа.

қилдоқлар, тақсимчалар, ойначалар ва шунга ўхшаган арzon аж-набий тақир-туқурлар улашишарди, жаноб генерал; улар бизга ёмонлик кўзламаётганлари ва ақллари ҳам бинойидай ишлаётганини билганимиздан сўнг, биз улар билан бирга билинтиромасдан қирғоққа чиқдик, шундан кейин ҳаммаси аралаш-қуралаш бўлиб кетди, шундай отбозор бўлдики, ит эгасини танимайди! Кўйинг-чи, эринмаган кимки бор, уларга ўз тўтиларимией, тамакилари-мией, каллақандларимией, игуана<sup>1</sup> тухумларими-ей – барини кўта-риб келишар, улар эса ҳаммасини жон-жон деб олишар ва бажо-ну дил ўрнига ўз нарсаларини беришарди; ҳатто ичимииздан бирорвимизни духоба хубонга айирбошлаб олмоқчи ҳам бўлишиди Европада кўрсатамиз деб, тасаввур қилинг-та, жаноб генерал, ни-малар бўлаётганини?!» У тамомила эсанкираб, галдираб қолди, бу алмойи-алжойи ишларга аралашсаммикин ёки аралашмасам-микин, деб саросимага тушди. Бу воқеалар менга бўйсунарми-кин? У шундай ўзини йўқотган алфозда саройга, ўз ётогига қайт-ди, эрталаб бўлсин-чи, кўрамиз, балки нималар рўй берадиган ойдинлашиб қолар, ўшанда бу тушга ўхшаган воқеаларнинг мағ-зини чақса,чувалган ипнинг учини топса бўлар, деди. Бироқ у деразани очиб, бир замонлар денгиз пиёдалари ташлаб кетган зирҳли кема қаторида тунд-тумтайган денгиз сатҳида уч ҳарбий каравелла<sup>2</sup> қатор лангар ташлаб турганлигига кўзи тушди.

Уни яна бир карра ўша кабинети, ўша ётиши, ўша кийимлари-да ўлик ҳолда топганимизда, унинг афт-башарасини калхатлар чўқиб ташлаган эди; биринчи маротаба унинг қандай ўлганлигини эсломадик, зеро бизнинг бирортамиз ҳали буни эслайдиган да-ражада қари эмасдик; аммо биз билардикки, унинг ўлгани тамо-мила ўз-ўзидан аниқ-равшан бўлишига қарамай, айни унинг ўлга-нига тўла ишонч йўқ эди, зеро илгарилар ҳам бундай воқеа қўп бўлган эди, гап унинг устида борганда ўз-ўзидан аниқ-равшан нарсалар ҳам нари борганда фақаттина рўёга айланар, ўз кўзи

<sup>1</sup> И г у а н а – калтакесакларнинг бир тури.

<sup>2</sup> Каравелла – уч-тўрт мачтали елканли кема. 1492 йилда Колумб каравеллада Атлантик океани сузиб ўтган.

билин кўрганларнинг гувоҳликлари эса фирт ёлғон-яшиқ бўлиб чиқарди; мисол учун шундай дейишарди: эмишки, у аллакимни қабул қила туриб, кутилмаганда бутун вужуди билан даҳшатли алтанг-балтанг қилиб, титраб-қақшаб ўтирган ўринидигидан ағдарилиб тушганмиш, оғзидан сариқ кўпик варақлаб отилиб кетганмиш; эмишки, уни худойим оғзи шалақлиги учун жазолаб, гунгу лол қилиб қўйганмиш, шунинг учун ўзи бир оғиз сўз айтольмасмиш ва фақат оғзини каппа-каппа очармиш, унинг учун парданинг орқасидан аллаким гапиравмиш; эмишки, бузуқчилик қилгани, фаҳи ишларга берилгани учун жазо олиб бадани бошдан-оёқ балиқ танглари билан қопланганмиш; эмишки, ҳавонинг авзойи айнигандекунларда унинг даббаси шунчалар шишиб, каттайиб кетармишки, у тинмай оғзидан қўпик сочиб шалоқ сўкиниб додлармиш, даббасини эса маҳсус ясалган аравачага солиб юришга тўғри келармиш, бўлмаса юролмай қолармиш; эмишки, унинг кунлари саноқли, ўлими яқин эмиш; эмишки, ниҳоят қимдирип саройнинг орқа эшигидан қўрмизи барқут ўралган, олтин ҳаллар қадалган тобутни олиб чиқиб кетишганини ўз кўзлари билан кўрганмиш, Летисия Насарено эса Ёмғирлар Борида қон йиглаганмиш. Бироқ унинг ўлими тўғрисидаги ранг-баранг мишишлар қанчалар ростга ўхшаб кўринса, афсус-надоматлар ҳам шунга яраша кўп бўлар, зеро у бирдан ўлмаган, тирик бўлиб чиқар ва ҳукумат жиловини олдингидан ҳам қаттиқроқ тутар, тақдирларимиз ва бутун ҳаётимиз оқимини кескин ўзгартириб юборарди... Бундоқ қараганда, жасад уникими ё уники эмасми, буни аниқлаш унчалар қийинга ҳам ўхшамасди. Ахир давлат муҳри туширилган узук фақат ундангина бор эди, гарчи товонининг ялпоқлигидан азоб чекса ҳам, лекин пиёда юриб чарчамайдиган бу одамнинг оёқ панжаси ҳеч кимни-кига ўхшамас, бениҳоя катта эди, яна энг муҳими, ҳамма даббасининг ноёб даражада катталигини биларди, ва негадир, калҳатлар даббани чўқиб ташламаган эдилар. Лекин орамизда шундай одамлар ҳам топилдики, улар илгари ҳам худди мана шундай узук, худди мана шундай улкан товон ва баҳайбат даббали ўлик бўлганларни эслашдилар, шунинг учун биз бутун саройни синчиклаб қараб чиқишга қарор қилдик, токи биз топган

ўлик сохта әмаслигига тўла ишонч ҳосил қилгимиз келди. Бироқ саройни қараб чиққанимиз билан бу ҳеч нарсани исбот ҳам қилмади, инкор ҳам; биз у пайтда унинг онаси Бендинсон Алварадо тўғрисида ҳеч нарса билмасдик, фақат унинг авлиё деб маҳсус декрет чиқарилиб қонунийлаштирилганидан гира-шира хабардор эдик, биз унинг ётоқхонасидан бир қанча синган қафаслар топдик, улар ичидаги қушлар ўлиб тош қотиб қолган эди, сигирлар ямлаб ташлаган пилта кажава ўриндиқни кўрдик, акварел бўёқларнинг ҳидишлари ва қўплаб бўяш учун мўйқаламлар топдик, Бендинсон Алварадонинг ясси тоғлардан тушган ходималари мана шу бўёқ ва мўйқаламлар воситасида қандайдир одмигина қушчаларни ғоятда усталик билан бўяб гўзал зарғалдоққа айлантириб қўярдилар – бу каби ясама зарғалдоқлар қуш бозорларида юзлаб сотиларди. Бендинсон Алварадонинг мана шу ётоғида биз улкан тосда ўстирилган чирмовуқни кўрдик, у қаралмай қолганига қарамасдан қуримаган, аксинча, гуркираб қўкариб ётарди; унинг бутоқлари деворларга чирмашиб кетган, уларда ўрнатилган суратларни тўрдай ўраб олган, суратларнинг матоларини орқа томондан тешиб ўтиб, тасвиirlанган одамларнинг қўзларидан бамисоли ниш уриб турарди; чирмовуқ новдалари хонадан дераза орқали ташқарига тошиб чиққан ва бу ерда боргнинг қуюқ буталарига ўралиб кетарди; биз ўлганлигига иштибо қилаётган кимса бу ерларда яшириниб ётишига ақл бовар қилмасди. Летисия Насарено маликалик қилганига ҳали кўп йиллар бўлгани ҳам йўқ, шунинг учун унинг сиймоси хотирамиздан ҳали батамом ўчиб кетмаган, биронта ҳам жамоатчилик ишлари унинг дабдабали иштирокисиз ўтмас эди, биз ана шу Летисия Насаренонинг хобхонасида аввало улкан ва ҳашаматли ишқ-муҳаббат каравотини кўрдик, унинг тепасига гулдор чодир тутилган бўлиб, ичидаги товуқлар қақағлаб юришарди; биз бу ердаги ҳамма жойда турган сандиқларни очдик ва уларнинг ичидаги қорабурул мўйна ёқаларга куя тушиб чириб гардга айланганини, кринолин кўйлакларнинг сим чамбаракларини, елкага ташлаб юриладиган чанг босган шол рўмолларни, Брюсселнинг тўр сийнабандларини, әрқакларнинг уйда кийиладиган шиппакларини (бу ерда, одатда, уларни аёллар ҳам кийиб юравери-

шади) кўрдик, яна бунда пошнаси баланд, тилла тасмали шойи туфличаларни ҳам кўрдик, Летисия уларни қабул маросимларида кийиб чиқарди, яна унинг енгил бинафша гуллари тикилган узун кўйлакларини, тафта газмолидан ясалган оғир мотам ленталарини ҳам кўрдик – чамаси, булар биринчи хонимнинг пўрим таъзияси учун мўлжаллаб қўйилган эди; сандиқларнинг биридан биз роҳига қизнинг дағал жун кўйлагини топдик, Летисиянни Ямайкадан ўғирлашганда у худди мана шу кўйлакда эди, ўшанда уни билур идиш-товоқдан бўшаган яшикка солиб, бизнинг ўлкаларга келтиришган эди – ушбу саёҳат чоғида унинг бошидан кечирган нокулайликларининг ўрни кейинчалик Летисия ғосмана президент хоними сифатида ўриндиқча яхшилаб ўрнашиб олгандан сўнг қарийб билинмай кетган эди, бироқ Летисиянинг хосхонасида ҳам биз излаган зотнинг излари кўринмайди – ҳеч қандай издан дарак йўқ; Летисиянинг қароқчиларча ўғирланишига сабаб қилиб муҳаббатни кўрсатаман десангиз ҳам, буни тасдиқловчи ҳеч қандай бир нишонани тополмасдингиз, биз унинг Летисияга бўлган муҳаббатини кўрсатувчи бирон-бир далолатни ҳам учратмадик, гўё у ҳеч қачон ушбу хосхонага қадам ранжида қилмагандай эди. У умрининг бутун охирги йилларида қарийб ташқарига чиқмай яшаган ётоқда саранжом-саришта қилиб қўйилган аскар каравотига дуч келдик, бунда яна ихчамтина усталча ҳам бўлиб, бундай устталчаларни аввалларда денгиз пиёдалари – оқ гринголар турган уйлардан турли-туман эски-тускиларни йиғиб юрувчилар қидириб топишарди, бу ерда яна Темир сандиқ ҳам бўлиб, ундан биз тўқсон иккита орден билан ҳеч қандай унвон белгилари қадалмаган ҳарбий дала кийимини топдик, калхатлар чўқиб ташлаган мурданинг устида ҳам биз худди мана шунақасини кўрган эдик, аммо сандиқда ётган мундирни олти жойдан йирик калибрли ўқ тешиб ўтганди; четлари куйган олтига катта-катта тешик мундир кўксисда қорайиб турарди, уни ўқ ўтмас деб эшиштан эдик, шу боис сал бўлмаса бу афсонага ишонай ҳам дедик; уни ўқ тегмайдиган қилиб сеҳрлаб қўйилган дейишиарди, мабодо агар кимдир хиёнаткорлик қилиб орқасидан отса, унда ўқлар унга ҳеч қандай зиён-захмат етказмай жуссаси оралаб ўтиб кетаверади, мабедо

агар унга қарши тикка бориб отилса ҳам, ўқлар унинг кўксидан қарсилаб қайтиб, отган одамнинг ўзиға бориб тегади дейишарди; уни фақат унга бениҳоя садоқатли, унинг учун ҳар дамда ўлимга тайёр турган одамгина ота олади, агар шундай кимса унга раҳм-шафқат қилибгина отса – ана шундагина ушбу раҳм-шафқат ўқлари унга бориб тегади, дейишарди; биз ахтариб топган мундирлар унинг жуссасига нисбатан ҳаддан ташқари кичкина эди, лекин биз барибир булар унинг мундирлари эканига шубҳа қилмасдик, чунки биз ўдаклигимиздан бери билардик унинг юз ёшгача ҳам ўсиб борганини, юз элликка кирган чогида эса энди учинчи бора янги сут тишлари чиққанини билардик – унинг тишлари ростдан ҳам, жуда бақувват, худди сут тиш каби майда ва шаҳд тишлар эди; унинг жисмининг териси бошдан-охири кексаларда бўладиган қорамтиро доғлар билан қопланган, бужмайган ва халта бўлиб осилиб тушган, бамисоли узоқ замонлар илгари бафоят сезмиз киши бўлғанга ўхшарди; лекин бошқа томонлардан ўртacha бўйли киши учун унинг жисмини рисоладаги жисм дейиш мумкин эди. Агар баҳайбат даббасию лочин чангалидай қинғир ва ҳаддан ташқари қаттиқ тирноқлари, ҳайбатли ясси оёқлари ва деярли чорқирра товонларини демаса, у қадар ғайритабиий бир нарсаси ҳам йўқ эди ҳисоб; яна кўзининг бўм-бўш чуқурлари ҳам ўрадай баҳайбат бўлиб, бир маҳаллар бу чуқур ўрнида хўмрайган гуссали қўзлар боқар, эндиликда уларни калхатлар чўқиб битирган эдилар. Ҳар ҳолда у тарихчилар ёзгандаи баҳайбат гавдали бузруквор бўлмаган эди; саройнинг барча эшиклари ҳаддан ташқари тор ва пастак бўлгани учун у ташқарига чиқолмасди, деган гаплаф, албатта, афсона. Уларнинг гапига қарасангиз, у болалар билан қалдиючларни жонидан ортиқ яхши кўрганиши; кўп ҳайвонларнинг тилларини тушунган эмиш; табиатнинг ёввойи ҳодисаларини олдиндан айтиб берганиши; бошқаларнинг фикрини кўзларидан ўқиганмиш; шифобахш тузнинг сирини билганмиш; бу тузнинг бир чимдими шол-тутқаноқларни оёққа туризиб, моховларнинг яра-чақаларини қотириб даволаганмиш; мундирлардан фарқли ўлароқ, тарихчилар тавсифлаган нарсалар унинг учун ҳаддан ташқари катталик қиласарди.

Унинг келиб чиқишига келганда, гарчи бу ҳақда босилиб чиқ-қан барча нарсалар тақиқланган бўлишига қарамай, одамлар унинг ясси тоғларда дунёга келганига ишонишарди, унинг ҳокимиятга ҳаддан ташқари ўчлиги шундан дарак берарди, бинобарин, ясси тоғлик одамларда шундай хислатлар туғма бўлади; унинг ҳукм-хиккасининг беҳад қаттиқлиги ҳам шуни кўрсатарди; у доим тунд ва хўмрайиб юарди; у қаҳр ва заҳархандага тўлиб бизнинг уммо-нимизни хорижий мамлакатта сотиб юборган, бизни мана шу бепо-ён ҳувиллаган водийда яшашга маҳкум этганди, бу ерлар Ойнинг ўлиқ губоридай шириллаган чанг-тўёнга қопланган эди. Бу ғамхона водийнинг кун ботар чоғлари кишининг юрагини сабабсиз оғриқ билан тўлдиради. Унинг шахсий ҳаётига келсак, унинг сонсиз-саноқсиз маҳбубалари, яна ҳам тўғрироғи, у билан бирора истиқомат қиувлеч хотинлар бор эди, ораларида ҳеч қандай муҳаббатнинг ўзи йўқ эди, айтишларича, у беш мингдан ошиқроқ бола туғдирган эди, уларнинг бари бир текисда чалавой эдилар. Бу болалардан лоақал бирортаси унилг номи билан аталмаган, унинг оталик исмига ёзилмаган, фақат Летисия Насарено туғиб берган ўғил бундан мустасно эди. Бу бола дунёга келиб-келмасиданоқ генерал унвонига сазовор бўлган ва биринчи туғилганлик ҳақига биноан, қолаверса, Летиси-янинг ўғли бўлгани учун ўлка дивизиясининг қўмондони қилиб тай-инланган эди. Бошқа болаларга келганда, уларнинг отаси болаларга онасининг ўзи етарли, деб ҳисобларди, алҳол бу унинг ўзига ҳам тааллуқли эдики, бошқа жуда кўп атоқли мустабидлар сингари у ҳам ҳеч қачон ота нималигини билмаган эди; у фақат ёлғиз онажо-ниси Бендинсон Алварадонигина биларди. Барча дарсликларда ёзилган. Ҳудди Биби Марйам каби уйқу пайтида пок нафас ила ғойибдан ҳомилали бўлди. Ҳомила қурсоғида чоғидаёқ боланинг тақдирига маҳдийлик битилганлиги ҳақида Азал осмон кучлари башшорат бердилар. Ҳукмронлик чўққисига кўтарилигач, у махсус фармон чиқарди ва Бендинсон Алварадони мамлакатнинг мода-рҳақи деб эълон қилди. Чунки ёруғ дунёда бундай она яккаю ягона эди. Чунки, жин урсин, у ахир менинг онам-да!

У насл-насабини тушуниб бўлмайдиган жуда ғалати хотин бўлиб, ҳайратомуз даражада содда эди, феъл-атвори ҳам ҳайратомуз

тарзда жүн әди, сарой ахлоқ-одобига қаттиқ риоя қилювчи кимсалар, айниұса, салтанаттинг дастлабки даврларида бунинг учун уни ғоятта ёмон күрардилар; улар давлат бошлыгынинг онаси ўзини турли маразликлардан сақлаш учун күкрагида камфора япроқлари солинган тумор осиб юришига сира тоқат қиломасдилар, бунинг устига у балиқ увидиригини санчқи билан ейди, ҳар бир увидириқ донасини санчқига санчиб олишга ҳаракат қилади; оёғига худди локли туфли әмас, киshan кийдирилгандай шалдиратиб босади; улар музика чалиш учун солинган шийпонда асалари уялары ўрнатғанлыги, давлат муассасалари жойлашган бинода товуқ болышга тушганлыгини күриб тилларини тишлиб қолиши; унинг акварел бүеклар билан күримсиз қүшчаларни бүяб бозорга чиқарыб сотиши, тарихий нутқлар ирод этиладиган президент айвонида ювилган кир-чирларини қоритишини күриб лол қолишаради; бир куни дипломатлар қабулида у ўғлимни президенттікден халос қыл деб худодан сўрайвериб чарчадим, президент саройда яшашга сира тоби-тоқат қолмади, деб шикоят қылганини күриб жон-поңлари чиқиб кетди, нима әмиш: «Худди сизни кечаю кундуз прожектор билан ёритиб туришгандай бўлади, сениор!» Бу гапни у жуда ҳам соддалик ва самимият билан айтди, бир куни у миллни байрамда қўлида бўшаган шишалар тўла сават қўтариб фахрий қоровуллар орасидан президент лимузини сари ёриб ўтди: гулдурос қарсаклар янграп, тантанали музика гумбурлар, тумонат атроф гулларга тўлган, президент лимузини тантанавор юришига шайланиб турарди. Ана шунда Бендинсон Алварадо шиша тўла саватини машинанинг дарчасига тиқди-да, қичқирди: «Барибири ҳозир дўкон олдидан ўтасан – шишаларни топшириб кела қол, болам!» Шўрлик она.. У заррача бўлсин тарихий вазиятни англамасди, сиёсий фаросатдан-ку, худо бечорани батамом қисганди; бу айниұса, адмирал Хиггинс қўмондонлигига Америка денгиз ҳарбий пиёдалари келиши шарафига ўтказилган катта зиёфатда аник-равшан кўзга ташланди; мана шу зиёфат чоғида у ўғлини биринчи маротаба күкраги тўла олтин нишонлар, қўлида ипак қўлқоп (кейин у ҳаётининг охиригача бу қўлқопини қўлидан ечмади), тантанавор либосларда кўриб, Бендинсон Алварадо тўлиб-

тошган оналик ифтихорини яширомай, барча дипломатлар корпуси ҳузурида шундай деб хитоб қилди: «Агарда ўғлим республика президенти бўлишини билганимда эди, уни албатта ўқиттан бўлардим, сенийорлар!» Ана сизга шармандали! У президентни шармисор қилди ва саройдан ҳайдалди, чеккароқдаги ўн бир хонали алоҳида иморатта жойлаштирилди. Бу уйни унинг ўғли – ўз муҳолифлари қувгинди консерваторларнинг ҳашаматли уй-жойлари қиморга қўйилган ҳайратангез кечада Федерация Тарафдорларининг йўлбошчиларидан соққага ютиб олган эди. Лекин Бендинсон Алварадога бу иморатдаги империя замонларидан қолган нақшинкор безаклар ёқмасди: «Шуларга қарасам, мен Рим папасининг хотинимикинман, деб ўйлаб қоламан, сенийор». Шунинг учун саройнинг хўжайинларга тегишли қисмида эмас, хизматкорлар турадиган хоналарида яшарди. Унинг олтита садоқатли ялангоёқ чўрилари бўлиб, кўп вақтини энг олис чеккадаги уйда ўтказар, бу ерга ўзининг тикув машинаси билан қафасдаги қушларини ҳам слиб ўтган эди. Қазноққа ўхшаш нимқоронгу бу хона фоятда салқин бўлар, кечки чивинлар ҳам кўпда бу ерга йўламас ва Бендисион Алварадо сокин ҳовли деразасидан тушаётган осуда ёруғда ўтириб, мосина тикар, акварел бўёқлар билан парихта мусичаларни бўяб, уларни зарғалдоққа айлантирас, тамарҳиндий дарахтлардан чиқаётган хушбўй ҳаводан нафас олар, товуқлар салонларни айланиб юришар ва саройни қўриқладиган соқчилар ҳувиллаган хоналарнинг бурчак-бурчакларида туриб чўри қизларга пистирма қўйишаркан, норози бўлиб шикоят қиласди: «Шўрлик ўғилгинамга жуда қийин бўлиб кетди – денгиз пиёдалари уни президент саройига қамаб қўйишган. Ёнида онаси йўқ, қарайдиган меҳрибон хотини йўқ. Республика президенти деган амалпамали қуриб кетсан, ойига арзимаган уч юз песо олиб ишлайди, на кечаси тинчи бор, на кундузи, кечаси ҳориб-чарчаб ҳаммаёғи оғриб ўғониб кетса, ким дардига дармон бўлади бечора боламнинг!» Унинг бу гаплари жўяли эди, шаҳар айни пешин чоғининг дим рутубатига ботиб ётганда, ўғли кунда канда қилмай онасини қўргани келарди. Онаси яхши қўрадиган ҳолвалар келтирас, денгиз пиёдаларининг тутқуни бўлиб қолганиман, ҳеч ҳавас

•  
қиладиган жойи йўқ, деб гапириб кўнглини ғам-ҳасратдан бўшатарди. Мана шу ҳолваларни ҳам билмаган кишидай устига салфетка ташлаб дастурхондан худди ўғирлаб олгандай бўламан. Чунки анови лаънати оқ гринголар дастурхонда қолган сарқитларни ҳам ўз ҳаражат дафтарларига киритадилар, деб зорланарди. Яқинда нима бўлди денг? – деб алам билан шикоят қиласарди. – Ҳарбий кеманинг сардори саройга қандайдир астрономларми-ей, ё харита чизувчиларми-ей, бошлаб келди, улар мен билан ҳатто саломлашганлари ҳам йўқ, хоналарни менинг бошнимдан ошириб ўлчашди, нималарнидир инглизчалаб ҳисоблашди, таржимон орқали менга тоза бақиришди: «Нари қоч! Қоронғу қилма! Бу ёққа тур! Ўралашма!» Шундан кейин у нима қиласарди денг? Нари турди, ўзини четта олди, халақит бермаслик, ёруғни тўсмаслик учун бир чеккага сурилди, оёқ тагида ўралишмади, улар эса ҳатто ҳар ровонга қанчалар ёруғ тушишини ҳам ўлчаб, ҳар нарсани ўзларича чамалаб, уни дам у ёққа-дам бу ёққа туртиб қочиришар, у ўзига тегишли бўлган саройида бошини қаерга уришни билмасди. «Лекин энг қўрқинчлиси ҳали бу эмас, она!» Бунинг устига-устак, улар унинг кейинги иккита маъшуқасини қўчага ҳайдаб чиқаришибди. Чунки адмирал-гринго бу қоқсуяк ойимтиллалар президентга муносиб эмас, деб айтиби. Шунинг учун у ҳозир батамом хотинсиз қолибди. Онаси ҳам буни сезгандай бўлди, ўғли худди онасининг олдидан чиқиб кетаётгандай бўлиб, бирдан ўзини бошқа бўм-бўш хоналарга урар ва чўри қизлар орқасидан итдай сакиллаб югуради. Шунда Бендинсон Алварадо ўғлига раҳми келиб, атай қафаслардаги қушларни қўрқитиб патиллатар, жониворлар ҳовл олиб жажжи қанотларини пириллатишар, чуғурашар, чурқиллашар,чувиллашар, ўз навбатида бу ҳодисот нимкоронғу хоналарда рўй берәётган беҳаё қувди-қувдилару ўғлининг чўри қизни ялиниб-ёлвориб кўндиришга уринаётгандарини қўшнилардан яширишга уринишдан бошқа нарса эмасди. Ахир ўэйнгиз бир эшитиб кўринг-да, чўри қизнинг бўғилиб нима деб қичқираётганини: «Кўйиб юборинг мени, бўлмаса ойнгизга айтиб бераман!» Ойижон эса бу пайт ўз қушларини тинмай ҳуркитар, чўчитар, уларни пешинги ҳордигидан маҳрум қиласар, шўрлик қушча-

ларни зўр бериб чурқиллашга мажбур этарди. Ишқилиб, улар жимиб қолмаса бўлгани, ишқилиб, ўғлиниң ҳаллослаб, ҳансираб пишқираётганини ҳеч ким эшишиб қолмаса бас, боласи тушмагур шошқалоқ, кучи ўзига етиб-етмаган ошиқ, на ўзи ечинади ва на аёлни ечинтиради, шошиб-пишиб босадию худди кучук боладай ингиллаб ишга киришиб кетади; аёл шўрлик уни хоҳдаяптими йўқми, бу билан заррача иши-ҳуши бўлмайди; кейин ёғизлил, сўққабошликнинг аччиқ-аламли ёшлари икки бетидан оқиб тушади. Товуқлар унинг чўри қиз билан қилаётган олатасир тўполонидан чўчишиб, ҳар томонга қақиллаб тарқаб кетишади, ўзларини салқин қоронғу бурчакларга уришади, иссиқ эса шу даражадаки, ойналар сув бўлиб эриб кетаётганга ўхшайди. «Шўрлик болапа-қир-а, августнинг шу жазирама иссигида ишқибозликка бало борми, яна иссиқ зўрайган қоқ соат учда-я!» У четдан келган ҳарбий десант то мамлакатни ташлаб чиқиб кетмагунча жуда камбағал ва ўз-ўзига хўжа ҳам эмасди. Ниҳоят ҳарбий десант битимда кўрсатилган муддатлардан анча илгари мамлакатни тарқ этди, бинобарин, бу ерда вабо тарқала бошлиған эди. Десантчилар вабодан қўрқиб, ўзларининг қўймондонлар яшайдиган уйларини тахта-таксига, бўлак-бўлагига ажратиб йигиштиришди, контейнерларга жойлашди, ерга ёзиб қўйилган сунъий ўтлоқларини худди пойандоздай думалатиб йигишиди, уларга уйларидан жўнатилган (бизнинг дарёларимизнинг ботқоқ ҳиди келадиган сувларини ичиб касал бўлмасинлар дейишган-да) худди клеёнкага ўхшаш тоза сув солинадиган џистерналарини ўрашди, ҳеч ким қандай қурилганини билиб олмасин деб, ўз госпиталларининг оппоқ биноларини теп-текис қилиб бузиб ташлашди, казармаларини портлатишиди, фақат эски зирҳли кемагина бутун қолди; июнь ойининг кечаларида унинг саҳнида адмиралнинг қўрқинчли шарпаси пайдо бўларди – денгиз пиёдалари кафшларини ростлаб жўнашгандан сўнг ёлғиз шу зирҳли кемагина соҳилда қолди, бошқа ҳамма нарсаларини ҳаво кемаларида ташиб кетишиди; кичкина урушлар олиб боришга мўлжалланган ўзларининг барча қулай кўчма, осма, тортма, ашқол-дошқолларини битта қўймай олиб кетишиди; буларни юклаб жўнамасларидан бурун бундай ҳолларда, одатда, давлат раҳбари-

га кўрсатиладиган ҳурмат-эътибор, расм-русларини адо этишиди, яхши қўшничилик муносабатлари эвазига уни медаль билан тақдирлашди, кейин бутун дунёга эшиттириб ўшқиришди: «Бас! Бу ифлос фоҳишахонанг ўзингта буюрсин! кўрамиз ҳали бизсиз қаергача югуаркинсан!» Сўнг жуфтакни ростлашди. «Даф бўлишиди, она, шайтонхоналарига даф бўлишди, жуфтакни ростлашди, чиқкан жойларига кириб кетишди!» Шундан сўнг у биринчи мартаба қўшга қўшилган ҳўқизга ўхшаб эмас, худди уй хўжасидай пиллапоялардан юқорига кўтарилди, аллакимларнинг эмас, ўзининг ўз кўнглидан чиқариб, овози борича буйруқ-фармойишларни берди, ҳеч кимдан қисиниб-қимтиниб бўйинни ичига тортиб турмади ва ўзи ўз ҳолича ҳар кимнинг арзи додини эшитди: «Ҳўрз уруштиришга яна рухсат керакми? Мен розиман! Яна варраклар учирса бўладими? Бўлади!» У оддий одамларнинг босқинчилар тақиқлаб қўйган барча ўйин-эрмакларини қайтарди, тақиқларни бекор қиларкан, ўз ҳукми қанчалик қудратли эканлигини гўёки синааб кўрди, у ҳеч кимса ўзига гап қайтармаётганлигини кўриб, ҳокимият ҳақиқатан ҳам энди ўзига тегишли эканлигига ишонч ҳосил қилди-да, дарҳол миллий байроқдаги рангли чизиқларнинг жойини ўзгартиреди, юқори чизиқни қўйига олдириди, қуий чизиқни юқорига кўтарди, давлат гербидан Фригия қалпоғини<sup>1</sup> йўқотди, унинг ўрнига енгилган аждаҳонинг тасвирини туширишни бујорди. «Нега десангиз, онасини палон-пистон, биз энди бўйинтуруқдан қутулдик! Бор бўлсин-е ўлат!» Бендисйон Алварадо босқинчилар ютидан чиқиб кетгунларича қандай яшаганликларини ҳеч эсдан чиқармайди. Шармандали қарамлик ва йўқчилик, ҳатто турли вақтларда қанчалар қашшоқликда кун кечирганликлари ёдида, лекин Патрисио Арагонеснинг ўлими баҳонасида ўғли ўзининг майнавоэчиликка ўхшаган таъзия маросимини уюштириди, она айниқса мана шу пайтларни, ўғлининг ўлиб-тирилган пайтларида фақирлик ва йўқчиликда қолишганини аччиқ алам билан эслаб, ҳасрат ботқогига бота бошлади. Худди мана шу пайтларда

<sup>1</sup> Фригия қалпоғи – улуғ француз инқилобчилари орасида кийиб юриш урғ бўлган қалпоқ тури (*тарж.*).

Бендисйон Алварадо бошқа ҳеч нарсанинг фарқига бормай уни эшитишга тоқати етган, дуч келган кимсага шикоят дафтарини очарди. Мен гарчи президентнинг онаси бўлсан ҳам, мана шу бадбаҳт тикув машинасидан бошқа ҳеч нимам йўқ, мен-ку, майли-я, лекин мундоқ қарасангиз, бечора ўғлимнинг ҳам қуруқ қулоғидан бошқа нимаси бор. «Сиз унинг каретада кетаётганини кўрсангиз эди, сениор, атрофида аъламбардорлар, ҳатто машъалалар кўтариб боришади, аммо болам шўрликка қабристонда ҳам бир қарич жой ажратилмаган, оёғини бемалол узатиб ётиб тинчгина ўлиш учун, қабристондан бир қарич ер олай демабди. Шунча йиллар ҳалол хизмат қилгандан кейин, шу ҳам адолатдан бўлдими ахир, сениор?» Бироқ кейин кўп ўтмай у ўғлининг бечораликлари ҳақида гапирмай қўйди. Нега десантгиз, ўғли ўз кулфатларини унга гапириб ҳасрат қўлмайдиган бўлди. У энди илгарилардай ҳокимиятнинг ажойиб-ғаройиб фиромликларию сир-синоатлари тўғрисида сўйлаб бериш учун ҳадеса онасининг олдига югуриб келавермасди: у хорижий десантчилар пайтларига қараганда со-лиштириб бўлмас даражада ўзгариб кетди, ёши ҳам ҳатто онаси-нинг ёшидан анча каттага ўхшарди, қандайдир ғаройибот юз бе-риб онасидан вақтда ўзиб кетгандай эди. Она ўғлининг гап-сўзлари бирдан тушунарсиз, қари-қартангларга хос алкаш-чалкаш бўлиб бораётганилигини сезиб қолди. Унинг гап-сўзлари кутилмагандай ҳар ён тарқалар, борлиқ узилган шодадай чувалашар, ҳатто гоҳи-да оғзидан сўлакайлари отилиб чиқар, шунда Бендисйон Алвара-донинг жони қаттиқ увишар, унга ҳаддан ортиқ раҳми келарди. Лекин бу онанинг фарзандига эмас, қиз боланинг қартайган ота-сига бўлган ачиниш, раҳм-شاфқати эди. Бу ҳиссиётни бир куни айниқса сезиларли бошдан кечирди. Бир куни ўғли онасининг уйи-га бир дунё нарсалар кўтариб келди, бутун бўйнию елка-қўлларига тўрва-халталар, картон идишлар осилган эди. Ўғли уларнинг бари-ни бирваракай ўралган тугуналарни ечиб оғзини очтиси келар, чи-зимчаларни ечишга тоқати етмай, тишида тишлиб уэмоқчи бўлар, то Бендисйон Алварадо қайчини қидириб топгунча, картон кути-ларни очаман деб, тирноқларини синдириди. Кейин буларнинг ҳамма-

сини икки кўллаб стол устига ағдарди. У ҳансирар, нимадан бунча хурсандлигини онаси тушунолмас, ҳаприқиб-ютоқиб ғўлдиради: «Қара, нималар келтирдим, она! Кўряпсанми? Мана аквариумга солинган тип-тирик сирена! Манави бўйи одам бўйидай фаришта қўғирчоқ, уни бураб қўйсанг, хоналардан хоналарга ўзи учиб юради ва қўнғироқчаларни чалади. Манов эса океан чиганоғи, катталигини кўряпсанми, лекин унга қулоғингни тутсанг, океан шовқинларини эшигтайсан, бу сен кўрган оддий чиганоқлардан эмас, унинг ичидан бизнинг миллий гимниниз эшигтилиб турди! Роса зўр нарсалар-а, тўғрими, она? Кўряпсанми, бой бўлиш қандай яхши?» Лекин она унинг бу қувончларига шерик бўломрас, кўпинча бундай пайтларда қушчаларнинг қанотларини бўяйдиган патқаламларнинг учини индамасдан тишлари орасига олиб чайнар, ўғлига ичи ачиб, ўтмиш кунларни эслаб, юраги вайрон бўларди; ўтмишни эса у ҳаммадан кўра яхшироқ биларди; ўғли президент курсисини сақлаб қолиш учун нималар қилишга мажбур бўлгани, қанчалар жонини жабборга берганини она яхши билар ва эсларди: «Ҳозиргидаи вақтлар эмас эди, сениор, ҳозир бутун ҳокимият мана кўз ўнгингизда кафтда тургандай аниқ-равшан турибди. Ҳатто уни қўл билан ушлаб кўриш мумкин, худди кафtingдаги шиша парчадай, деб айтишни яхши қўради ўғлим. Анов замонларда ҳокимият бамисоли сабало балиғидай қўлингдан чиқиб кетай дерди, унинг на биро худодан ёрлиғи ва на қонуний асоси бор эди, мана шу ит эгасини танимайдиган саройда бошини қайга уришини билмасди». Федерация учун бўлган урушда юзага чиқиб қолган очкўз, юҳо тўда – уни мана шу аросат ичиди ҳолижонига қўймасди. Улар жуда қудратли генерал ва шоир Лаутаро Мунйосдек диктаторни қулатишда унга қўмаклашган кишилар эди. Мунйос шўрликни лотинча ҳафтияклари ва қирқ иккита энг зотдор отлари билан бирга худо ўз раҳматига олган бўлсин; лекин кўрсатган мана шу хизматлари учун собиқ сафдошлари мамлакатдан қувиб чиқарилган бой-бадавлат кишиларнинг мол-мулклари, қўроғонларини берасан деб талаб қилишди. Мамлакатни муҳтор вилоятларга бўлиб ташлашди, ҳар бири биттадан вилоятнинг тепасига ўтириб олиб, биз қонимизни тўккан, жонимизни бағишила-

ган федерация мана шу бўлади, «биз уни деб томирларимизнинг қонини оқизганимиз, жаноб генерал!» – деб айтишарди. Улар ўз вилоятларида мутлақ ҳукмдор бўлиб олишди, ўзларича ўз қонун-ларини чиқаришди, ўз таваллуд кунларини миллий байрамга айлантиришди, имзолар чекиб ўз пулларини ҳам ясашди, кумуш ва олтин безаклар билан безатилган ҳашаматли лиbosлар кийишиди, қиличларининг олтин ғилофлари ва дасталарига билур қоплатиб, жилолар беришди, товус патлари қўндирилган учбурчак бош кийимлар илиб юришди – бу ашқол-дашқолларнинг барини вице-қироллар даврида чиқсан эски рангли нашрлардан нусха кўчириб олишди. Уларнинг ҳаммаси бир чеккадан эррайим кишилар, тартиб-қоидадан бехабар эррайимлар эди, ҳеч қандай таклиф, чақириқни кутиб ўтирмаёт, саройга бостириб кираверишар, димордаридан бамисоли қорт ёғарди. «Давлат бу – биз, жаноб генерал, мамлакатнинг эгаси ўзимиз, у ҳаммамизники, мамлакат ҳам, манави сарой ҳам – бари ўзимизники, мана шулар учун биз жонимизни аямай жангта кирганимиз, шундай эмасми?» – дейишарди ва бутун бола-чақалари, хотин-халажлари, балойи нафсларини қондириш учун келтирган ноз-неъматлари билан саройга ёпирилиб киришарди – ушбу ноз-неъматларни улар ҳамма ерда оддий халқдан ўлпон ўрнида тортиб олишарди, сира жонларини койитмай еб-ичишига ружу қўйишарди; ҳар бирининг ёнида ўз шахсий қўриқчилари юришарди, улар ёлланган ваҳший ёввойилар эди, обёклирага этик киймай, сассиқ пайтавалар ўрашарди, улар насаро удумларию тилини ҳам деярли билишмасди, лекин ошиқ, қарта ва бошқа ўйинларни бутун лўттивозликлари билан обдан ўрганиб олишган, турли-туман қурол-яроғларни ишлатишга устаси фаранг эдилар. Чакирилмаган, ўз қадрини билмайдиган бундай қўноқлар бостириб келаверганидан президент саройи лўлихонага айланиб кетган эди, сениор. Худди дарёлар кўклам чоғларида тошиб, бутун ифлосликларини оқизиб келгандай сарой чида бўлмайдиган даражада сасиб кетган эди. Бош ҳарбий штабнинг зобитлари сарой анжомларини ўйларига ташиб кетишарди; ҳолбуки булар бари республиканинг мулки эди, сениор. Улар ҳукумат субсидияларини доминога тикишар, Бендисйон Алварадонинг норози бўлишига

қарамай, кечани кундузга улаб қимор ўйнашарди; Бендинсон Алварадо бу оғилхонада андаккина бўлсин саранжом-саришталик, тартиб ўрнатмоқчи бўлиб ҳолдан тояр, тўпланиб, уйилиб ётган ахлатлару суприндиарни тозаламоқчи бўлиб уринар, талмовсираб оёқдан қоларди. У федералларнинг либерал ҳаракати оммавий қабоҳатга айланиб кетаётгандигини кўриб-билиб турган ятона кимса эди. Ҳаммаси ириб-чириган эди. Бу абраҳамитларнинг такасалтангликларини кўриб барини чўлтоқ супурги билан уриб ҳайдашни хоҳлар, лекин қўлидан келмасди. Фақат ўз кўзлари билан уларнинг юқори давлат мансабларини қартага қўйиб ўйнаётгандарини, суюқоёқ хотинларни роялнинг тутмалари устига чиқариб фаҳшу фужурга муккадан кетаётгандикларини, бу ойнчалар эса парво қилмай кўҳна кўза идишларга ўтириб иш бажараётгандикларини кўриб турарди. Гарчи у: «Сениор, бу кўчма унитаз эмас, тунда фойдаланиладиган тувак ҳам эмас, йўқ, у кўҳна кўза, уни дengiz тубидан олиб чиқишган ахир», – деб огоҳлантирса, улар хаҳолаб кулишар ва бебаҳо кўзалар ичига бавл қилишдан ўзларини тўхтатишолмасди: «Бойваччаларни ағдариб ташладик, улардан ўчимизни оламиз, сениор! Куриб кетмайдими ҳар қандай кўзалари! Уларга бало борми!» Ҳеч кимса уларнинг қўлини тутолмасди. Генерал Адриано Гусман президентнинг мансаб курсисига ўтиргандигининг ўн йиллигига бағишлиб ўтказилган ҳукумат қабулида ичиб маст бўлиб юрди, аммо ҳеч ким миқ этмади, ҳатто худо ҳам индамай қараб тураверди. «У бундай хурмача қилиқ қиласи деб, хаёлимизга келтиромвдик. У туппа-тузук нозаниндай бўлиб, оппоқ либосларга бурканиб келди, қуролларини ҳам уйда қолдирган эди. Базмдан олдин у билан гаплашганимда, қуролларимни уйга ташлаб келаман деб, чин зобит сўзини берган эди. Уни кишилик кийимидағи пойлоқчилар қўриқлаб юришарди, бу Франдуз пойлоқчиларни у ёлланма муҳожиrlар ичидан ўзига оғдириб олган эди. Уларнинг ҳаммалари қўлларида совға-саломлар кўтариб олишган, генерал бу совғаларни Кайеннадан олдириб келтирган, уларни эчилар ҳамда вазирларнинг хотинларига тұхфа қилмоқчи эди. Аввалига ҳар бир хонимнинг эри олдида таъзим бажо келтириб ва ундан хонимга ҳадя тортиқ қилишга изн

сўраган ҳолда совғаларни Гусманнинг ўзи топшириди. Бу оҳанжатмага уни олифта француэлар ўргатишган әди: Франция саройида гўё мана шундай нарсалар одат тусига кирган деб. Адриано Гусман хонимларга шу тариқа тортиқ тортиб чиққач, ўзи залнинг нариги томонидаги бўш столга бориб ўтириди ва рақсга тушувчиларни томоша қила бошлади. У бошини ликёрлатиб, мамнунлик билдирар, менга бу Европа олифталарининг ўйинлари жуда ёқади, уларнинг рақслари менга маъқул, деб мақтаб ҳам қўярди. У стодлида жимгина, қобилгина бўлиб ўтиргандай кўриниар, ҳеч кимнинг у билан иши-хуши йўқ, лекин мен унинг пойлоқчиларидан бири унга тинмай шампан қўйиб турганини ўз қўзим билан қўрдим, Гусман ҳўплаб қўйган заҳоти у дарҳол қадаҳни яна тўлдиради. У вишиллаб турган бу майдан шунчалар кўп ичдики, охири юзи-бўйни қипт-қизариб қаттиқ терлади, у оппоқ кителининг тутмаларини бирин-сирин ечиб ташлади, кейин уни ёмон ҳиққиоқ тутди, тинмай кекиришга тушди. Э она, кейин у ёмон сўлжайиб, эс-хушини йўқотди, э она, бир пайт рақс андак тўхтаган әди, у ўрнидан турди-да, олдини ечиб, теварак-атрофга чоптира бошлади. У хонимларнинг жуда нафис муслин этаклари, туякуш патларими-ей, оёқларидағи нозик туфличаларими-ей, ҳаммасига сийдигини сочаверди, қари майхўр! Албатта, бўлди тўполон, бўлди тўполон, жанжалт-сурон бошланди. Гусман деганингиз эса парвойи фалак, сийгани-сийган, яна ашула ҳам хиргойи қилади денг: «Ўша менман сен қувган ошиқ, чаманингда гулларинигта сув қуйдим! О, мафтункор гуллар!» Қаранг-а, ҳеч ким унинг ёқасидан олиб ташқарига улоқтириб юбормади, ҳеч ким, ҳатто мен ҳам бу ишни қилолмадим, чунки мен биламан, гарчи менинг барча сафдош генералларимдан кўра уларни ҳар бирини алоҳида-алоҳида олганда куч-қудратим, ҳокимиятим кўп бўлса ҳам, лекин агар уларнинг иккитаси бир бўлиб оғиз бириттирса, уларга бас кетлишга кучим етмасди». Ростдан ҳам, бу ўзи шундай әди. Лекин улар ичida ҳеч ким президент, мана шу тошметин инсон ҳамма нарсани бошдан-оёқ қўриб туриши, ким қандай нафас олаёттанини билишининг фарқига бормас, бу тўғрида ўз-ўзига сира ҳисоб бермасди. Айни вақтда унинг ўз кўнглидаги гаплар, хаёлларни ҳеч

кимса билмасди, унинг нимага қодирлигини бирон кимса оддиндан айтолмасди, унинг оғир-босиқлиги ҳушёр ва шафқатсиз ҳисоб-китобга, устомонлик билан пайт пойлаш маҳоратига, вақт-соати келгунча ҳаммасига чидаш, сабр-тоқат билан кутишга асослан-ганлигини ҳеч ким билмас эди. Шунинг учун унинг кўзлари фақат чексиз маъюс боқарди, лаблари доим қимтилиб, оқариб турарди. Ўша куни мудҳиш туш чоғида ҳам унинг қилич дастасини туттган нозик-нағис қўли қилт әтмади. Ўша куни унга ҳарбий қўшин қўмандони Нарсисо Лопес эса ҳушини батамом йўқот-гунча аниш ароғини ичиб, бадрағхонада отлиқ аскарлар зобитига тегишиб қўйғанлиги, худди корафта фоҳишадай ҳаракат қилиб, ўзи билан гайритабиий алоқага зўрмаганлигини хабар қилинди. Кейин Нарсисо Лопес ниҳоят ҳуши ўзига келиб, ўзининг тубан-лигидан хўрлиги ва қаҳр-ғазаби жўшиб, келишган чавандоз зобитни мажлислар залига судраб бориб, уни баҳор манзараси тасвирланган гулдор гилам тақиған деворга суворилар найзаси билан худди капалакдек михлаб қўйибди. Бечора сувори зобит ана ўша деворга қоқилганча уч кун осилиб ётди, буни қарангки, ҳеч ким унинг жасадини девордан тушириб олишга журъат әтмади; президент ҳам ташвиш чекиб, бош оғритиб ўтиромади – у фақат қуролдош дўстлари ўзига қарши фитна уюштирумасликла-ри пайида огоҳ бўлиб турарди, уларнинг бошқа турли-туман хурмача қилиқларига эса эътибор бермасди. Э, охири-оқибатда уларнинг бу қилмиш-қидиромишлари ҳаммада шундай бир таас-сурот қолдиридики, собиқ сафдошлар бу кетишда эртами-кечми бир-биrlарини қириб ташлайдилар. Буни кўрингки, ҳақиқатан ҳам, хайрли кунларнинг бирида унга шундай хабар етка-зиши: Генерал Хесукристо Санчесни жондор<sup>1</sup>лари курси билан уриб ўлдиришга мажбур бўлибдилар. Санчес не бало бўлиб, мушук тишлиған әкан, у бундан қутуриб кетибди, шўрлик Санчес! Бу хабар изидан тезда бошқа бир янгилик етиб келди. Генерал Лотаріо Сарено отда дарёдан кечиб ўта туриб чўкиб ўлибди. Отга нимадир бўлибди, бирдан дарё ўртасида жониворнинг жони узилибди-да, генерал Сарено-

<sup>1</sup> Жондор – шахсий тан соқчи.

ни кўз очиб юмгунча дарё ютиб кетибди. Қанчалар ачинарлия! Озми-кўпми вақт ўтиб яна бир янгилик эшитилди. «Жаноб генерал! Генерал Нарсисо Лопес пуштиликнинг<sup>1</sup> шармисорлигига бошқа чидолмай, орқасига динамит тиқиб портлатиб юборибди ва парча-парча бўлиб кетибди!»

Улар ана шундай бирин-кетин сафар анжомини ҳозирлаб жўнашарди. У эса маъюс тортиб, ҳар бирни ҳақида: «Вой бечора!» – деб қўярди. Мана шу кутилмаган шармандали ўлимларга андак бўйсин унинг дахли бор деб бўлармиди ахир? Ўлганларнинг ҳар бирни ҳақида хизмат вазифасини адо эта туриб ҳалок бўлди, деб расмий хабар тарқатиларди. Уларнинг ҳар бирини давлатона ҳарбий ҳурмат-эътибор кўрсатиб, миллӣ қаҳрамонлар мақбарида дағи әтишарди. «Қаҳрамонлари бўлмаган мамлакат әшиги йўқ уйга ўхшайди, сениор!» мана ниҳоят бутун мамлакатда у билан бирга жанг жадалларнинг саноқли йилларини ўтган генералларнинг бор-йўғи олтигасигина тирик қолди, бир куни президент уларнинг барини саройга ўзининг таваллуд куни муносабати билан дўстона зиёфатга чақирди. Олтovлоннинг ичидаги маккори ва қўрқинчлиси бўлган генерал Хасинто Алгарабияни ҳам унумади, бу зот ёғоч спиртига порох аралаштириб ичиши, ўз оиасини ҳомиладор қилгани билан ҳам танилган эди. «Ўзимиз ўтирамиз, – деди уларга, – жанговар сафдошлардан бошқа ҳеч ким бўлмайди. Аввалги пайтлардай ҳаммамиз бирга йиғиламиз, қурол-яроғларни ҳам олиб ўтиромаймиз! Ҳудди туғишган биродарлардай бўламиз!» Сениор, келишиб олингандай ҳаммалари қуролларини ташлаб, базм залига тўпланишди, лекин барчаларининг ўз қўриқчилари бўлиб, улар қўшни хоналарда шай туришаради. Меҳмонлар қуруқ қўл билан әмас, улуғвор ҳадялар кўтариб келишди. «Бизнинг якка-ягонамизиз, баримизнинг бошимизни қовуштиргансиз!» Ҳақиқатан ҳам, ҳатто генерал Сатурно Сантос унинг таклифини рад этмасдан тоғ ёнбағридаги ўз уясидан чиқиб келди. Афсонавий қаҳрамон Сатурно Сантос, ҳар нарсадан шубҳа қилувчи, ҳеч кимга ишонмайдиган бир одам бўлиб, асли ҳиндулардан, фоҳишанинг

<sup>1</sup> Путиллик, путь – гомосексуализм (тарж.).

ўғли әди, у доим оёқяланг юрар, ҳақиқий әркак оёғининг остида ерни, тупроқни ҳис қилиб турмаса, кўксини тўлдириб нафас оолтмайди, деб айтарди. У президент саройига ҳам яланг оёқда келди. У афсонавий ҳайвонларнинг тасвиirlари солинган пончо<sup>1</sup> кийган әди.

У ҳеч қандай қўриқчиларсиз ёлғиз ўзи келди, у мачете<sup>2</sup> билан қуролланган бўлиб, уни топширишни истамади, бу жанг қуроли эмас, меҳнат қуроли, қамиш ўриш қуроли, деди. «Агар ҳалол жанг қиласман, әркакчасига яkkамат-якка олишаман десанг, мана сенга ёвқур бургут, деб менга бургут совга қилди, она, ўзи билан бирга арфа олиб келди, муқаддас арфа, она. Бундай арфани чалиб довулларни даф қилганилар, ерлардан мўл-кўл ҳосил ундирганлар. У арфага бутун меҳрини бериб, шундай маҳорат билан чала бошладики, ҳаммамиэда ўша уруш чоғларининг соғинчини уйғотди, уруш бошланган қўрқинчли дамларни эслатди, хотиралар бизни бамисоли қўтирип итнинг қичимасидай безовта қилиб қўйди, димогимизга ҳатто жанг чоғларининг дудлари урилгандай бўлди.

Қалбларимизни бизни олисларга олиб кетаётган жанговар олтин кема ҳақидаги қўшиқ билан вайрон қилди. Биз беихтиёр унга бор овоз билан чин юрақдан жўр бўлдик: «Кўз ёшлар тўкиб кўприкдан қайтдим...» Улар қўшиқ айтишар, ичишар, бўкиб таом ейишарди, ичи олхўрилар билан тўлдирилган бир ғулғул товуқни паққос туширишди, қовурилган тўнғизчанинг қоқ ярмини ейишди, уларнинг ҳар бири ўз идишларида ўзлари билан бирга келтирган ичкиликларини ичишарди. Генерал Сатурно Сантос билан президент бир қултум ҳам ичишмас, оғизларига овқат олишмас, зеро улар умр бўйи оғизларига бир томчи ҳам ичкилик олмаган, оч қолмаслик учунгина таом тотиниб кун кечирган әдилар. Генераллар жанговар қўшиқлардан сўнг ўз биродарларига бағишлиб шоҳ Довуддинг тонг қўшиқларини айтишди. Улар қўзларида шашқатор ўш билан илгари урф бўлиб келган муборакбод қўшиқ-

<sup>1</sup> П о н ч о – Лотин Америкасида әркаклар ўртасидан бошини чиқариб киядиган қанорга ўхшаш калта плаш (*тарж.*).

<sup>2</sup> М а ч е т е – Лотин Америкасида шакарқамишни ўриш, чакалакзорларда йўл очиш учун ишлатиладиган узун ўроқ каби пичоқ (*тарж.*).

ларни кўйлашди. Бир куни элчи Ганеман президентга ажойиб-ғаройиб совға келтироди. Бу фонограф бўлиб, унга «Таваллуд кунинг муборак!» деган табрик қўшиғи ҳеч ўчмайдиган қилиб ёзилган эди. Улар тинмасдан бақириб қўшиқ айтишар, тобора кўпроқ ичиб, маст-аласт бўлишар, маҳзун, қайфули жанговар дўстлари бўлмиш кекса президентни ялаб-юлқаб ўпишар, қучоқ-лашарди. Улар батамом маст-аласт бўлишгач, қоқ тун ярмида уларни тарқ этди ва казармада орттирган эски одатича қўлида чироқ қўтариб бутун саройни, барча бўлмаларни айланиб чиқди; уйқуга жўнай туриб ўзи тарқ этган жанговар дўстларини охирги марта кўрди, Сатурно Сантосдан ташқари олтовлари ҳам маст уйқуга фарқ бўлиб, бир-бирларини қучоқлашиб, бўкиб полда думалаб ётишарди; онтар-тўнтар ағнаган бу кимсаларнинг уйқусини беш жондор қўриқлашарди; фақат Сангосишингтина қўриқчиси йўқ эди; жондорлар чақчайиб бир-бирларидан қўзларини узишмасди; зотан полда думалаб ётиб ухлаётган генераллар ҳатто бир-бирларини биродарона қучоқлаб ётиб ҳам бир-бирларига ишонишмас, бир-бирларидан қўрқишаради; худди шунингдек, уларнинг ҳар бири ўз ҳолича президентдан хавфсирар, президент эса уларнинг ҳар бирорининг бошқаси билан ўзаро иттифоқ бўлишларидан қўрқарди: чунки икковлоннинг бирлашуви фитна билан баробар эди. У ухлаб ётганларга бир назар солди-да, ўз ётогига йўл олди, эшик ёнидаги илгакка чироқни илди, эшикни уч бор қулфлади, уч танбани туширди, уч илгакни солди ва полга юзтубан ётди, кафтларини ёстиқ қилиб юзини босди ва шу заҳоти сарой соқчиларнинг бирваракай отган миљтиқ товушларидан гумбурлаб, зириллаб кетди. Ялпи ўқ товушлари бир бор янгради! Яна иккинчи бор янгради! «Ана вассалом, бошқа ҳеч қандай ортиқча шовқин-сурон йўқ, яккам-дуккам отишмалар ҳам йўқ, ҳеч бир дод-вой ҳам йўқ, иғ-начининг минг ургани, темирчининг бир ургани, ана сизга от ўйин!» Фақат миљтиқлардан чиққан тутунлар гунг дунёни босиб ётарди. У эрталаб уйқудан қўзини очиб энди ҳеч ким ва ҳеч нарса ўзининг мутлақ ҳокимиятига тажовуз қиласлигига ишонди. Кеча тунда бўлиб ўтган дўстона зиёфатдан кейин аскарлар қонли қўлмакларни босиб, саройни тозалашарди. Бендинсон

Альварадо даҳшат ичра бошини қўллари билан чанглаб қон сачраган деворларга қарап, уларни кул ва оҳак билан қанча оқдамасинлар, тагидан яна қон чиқаверар — деворлар қон билан терчилади; гиламларни худди кирдай букиб сикъмасинлар, улардан қон силқиб томчилаши тўхтамасди; қон йўлаклардан жилдираб оқар, барча хоналарга силжиб кирап, у тобора кучайиб оқаётганга ўшар, ундан ҳар қанча ҳалос бўлишга уринишмасин, уринган сари, ювган сари, қиртишлаган сари, қатрон қилган сари, урушнинг энг сўнгти қаҳрамонларини қатл этиш изларини ўчирган сари улар янада кўпайиб, ортиб бораётгандек бўларди. Генералларни кутилмаганда ақл-хушини йўқоттан жондорлари отиб қўйдилар, деб расман эълон қилинди. Кейин ўлдирилганларни миллий байроқларга ўраб, қаҳрамонлар дахмасида дағи эттиди. Уларга епископнинг ўзи дуюи фотиҳа ўқиди. Генералларнинг жондорлари ҳам бу тузоқдан чиқиб кетолмадилар, уларнинг биронтаси ҳам тирик қолгани йўқ. Ёлғиз генерал Сатурно Сантос тирик қочишга муяссар бўлди. Чунки у кўксидан ўқдан сақловчи еттита темир зирҳли тумор осиб юарди, нега десантгиз, мен сизга айтсан, сениор, у алвастининг нақ ўзгинаси эди, у хоҳлаган нарсасига айланадарди — ҳа, истаса тошбақа, истаса кўлмак, истаса чақмоққа эвриларди. Президентнинг бунга ишонмасдан бошқа чораси қолмади, негаки Сатурно Сантосни ҳатто қоплонларни қувиб тутадиган итлар ҳам топа билмадилар. Лекин фолбин хотин Сатурно Сантос тирик деб таъкидларди: «Мана айни унинг ўзи, мана шу чиллик қирол бўлади, муҳтарам генерал». Қандай бўлмасин, уни топиш шарт әди, зотан у ҳаммасини чиппакка чиқариши мумкин, зотан, у барини биларди, шунинг учун уни кечаю кундуз қидиришарди, йиллар излашди. Бир кун президент ўз вагони ойнасидан бир тўда судралиб бораётган әркаклар, хотинлар, бола-бақрани кўриб қолди. Уруш пайтлари шундай бўларди. Бутун-бутун қишлоқлар федерал қўшинлар кетидан барча мол-ҳоллари, араватўрвалари билан бирга әргашиб юришарди. Лекин бу оломон фақат битта одамнинг ортидан кетиб бораарди, у одамнинг ранги оқарган, уст-бошлари тўзиган, тўни йиртилган бўлиб, оломон қаричартанглар, касал бедармонларни арқондан тўқилган замбила

солган кўйи ёмғир остида шалоплаганча ўтиб борарди. Ўша кимса ўзини мазах халоскор деб атар, шу сабабли оломон унга әргашган эди. Ана шунда президент ўзининг пешонасига бир урди-ю, оғиздан шундай хитоб чиқди: «Иёе, бу нақ унинг ўзи-ку! Бу ахир Сантос-ку!» Бу ростдан ҳам, Сатурно Сантос эди. У масиҳ каби ваъзхонлик қилар, унга ишонган кишиларнинг хайр-садақалари эвазига яшар, уларни арфа чалиб ўзига ром қилиб оларди. Ҳа, бу айнан унинг ўзгинаси эди. Бор буд-шудидан айрилган, қош-қовоғи уюлиб тушган, чопони йиртилган, похол шляпаси титилиб кетган Сатурно Сантос! Аммо ушбу ночор аҳволда ҳам у юягда кўрқинчли эди. Уни шунчаки осон қўлга тушириб бўлмасди. У уч кишининг калласини қўлидаги ўроғ билан учирив юборди. Булар президентнинг энг чаққон ва жасур қўриқчиларидан бўлиб, уни бирпасда ушлаб олмоқчи бўлиб уринишганди. Ана шунда президент поездни худди гўристондай қайгули мана шу адирлар орасида, масиҳни қуршаб турган оломон олдида тўхтатишини буюорди. Миллий байроқ рангларига бўялган вагондан қуролларини отишга шай қилиб, президент қўриқчилари сакраб-сакраб чиқишганда, оломон ўзини ҳар ёққа уриб қочди. Яқин атрофда ҳеч ким қолмади. Фақат Сатурно Сантос сирли арфаси олдида тек қотиб турарди. Кўлидаги қиличдек ўроғини маҳкам қисимлар, кўзини президент вагонининг эшигига ўқдек тиккан эди. Генерал Сатурно Сантос ўз ашаддий душманининг қўринишига маҳлиё бўлиб қолганга ўхшарди. Мана ниҳоят у вагон зиналарида пайдо бўлди. У ҳеч қандай нишонлар тақилмаган оддий ҳарбий дала кийимида, қуролсиз ҳолда эди. Бу одам шунчалар қари ва шунчалар йироқ эди. «Биз худди бамисоли юз йилдан бери қўришмагандаймиз, муҳтарам генерал!» У Сантосга жуда ҳам ҳорғин ва ёлғиз бўлиб қўринди, чамаси сиҳат-саломатлиги ҳам унчалар жойида эмас, жигари ишдан чиққан бўлса керак, териси сарғайган, кўзлари ёшланиб, шилпивчаниб турарди. Аммо ундан ҳокимият тажаллийси ёғиларди. У ўзга ҳукмдорлик тажаллийси әгаларини ўлдириб, бутун ҳокимият ҳикка-қудратини ёлғиз ўз қўлида жамлашга мусассар бўлган ва ҳозир ана шу ҳокимиятдан шан-шукуҳ, нурафшонлик таралаётгандек туяларди. Шу боисми, генерал Сатурно

Сантос ўзини ўлымга ҳозир сезди ва ҳатто қаршилик кўрсатмасликка қарор қилди. Зеро у кўриб турарди: бу мутлақ ҳокимият савдоси бошига тушган, шундай ҳокимият ва шундай ҳукмдорликка ташна ва муштоқ бу мўйсафидни ҳеч ким ва ҳеч нарса тўхтата олмаслигини биларди. Лекин ажаб, у Сантосга қўлинни узатди. Унинг қўли мантерраяя балиғи каби думалоқ ва кафти япалоқ эди. У шундай деб хитоб қилди: «Худо ёринг бўлсин, эй жасур эр, ватанинг шонли ўрли!» Зеро у биларди: букилмас мағрур душманни енгишнинг бирдан-бир йўли ва бирдан-бир куроли бу – дўстона узатилган ва биринчи бўлиб узатилган қўл. Шунда генерал Сатурно Сантос президент оёқ қўйган ерни ўпди ва шундай деди: «Сизга имон-эътиқод билан хизмат қилишга ижозат этинг, муҳтарам генерал, токи қуролим қўлимда қўшиқ каби сайрар өкан, жоним сизники бўлсин!» Шундан сўнг у генерал Сатурно Сантосни ўз хизматига тайинлади, уни жондор қилиб қўйди. Фақат битта шартини айтди: ҳеч қачон менинг ортимда турмайсан, деди. Шу билан бирга уни ўзининг домино ўйинига шерик қилди. Икковлари тўрт қўл бўлиб ўйнаб, бизнинг ўлкамизга бутун мамлакатнинг газнаси билан бирга қочиб ўтган, тўнтарилган диктаторларнинг қанчасининг чўнлагини қоқлаб мирқуруқ қилиб қўйишиди.

Қаерга бормасин, президент каретасида ўзи билан бирга олиб юради, доим яланг оёқ юрадиган, вужудидан ҳайвон ҳиди анқиб турадиган бу одамни дипломатик қабулларга эргаштириб борарди. Ҳолбуки, ҳатто итлар ҳам ундан қоплон ҳиди келаётганини сезиб инграб бир чеккага қочишарди, элчиларнинг хотинлари эса бу ҳиддан бехузур бўлишарди; унга ўзини уйқуда ёттандада қўриқлашни буюрди, шундай қилиб Сатурно Сантос унинг ётоқхонаси эшигига пойлоқчилик қиласидиган бўлди. Ётоқхона соҳиби бошқа бир тирик жон эгаси шу яқин орада эшиги тагида ухлаётганидан ўзини анча енгил ҳис қиласиди. Зеро уни доим қўрқинчли тушлар ваҳшати қийнарди ва у тушига кираётган одамлар билан ёлғиз қолишдан қўрқарди. Гарчи бирмунча узоқроқда ва гарчи тўла ишонч бўлмаса-да, у кўп йиллар Сатурно Сантосни ўз ёнида сақлади. Лекин Сатурно Сантос оғир бод касалига дучор бўлди-ю, дард уни енгигб қўйди, унинг қиличдай ўроғи ҳам бақувват

қўлларида ўйнаб сайдашдан тўхтади. Кейин у ўзига ўлим тилаб ёлвора бошлади: «Мени ўлдиринг, муҳтарам генерал! Бунга фақат сизнинг ҳақингиз бор!» Лекин у Сатурно Сантосга яхшигина пенсия тайинлади, садоқатли хизмати учун медаль билан мукофотлари ва уни ясси төғ-адирлар ўлкасига жўнатди. Бир эамонлар Сантос мана шу ерда қорамол ўғрилари яшайдиган овлоқ қишлоқда туғилган әди. Сантос ўзининг ғурурини батамом бир чеккага йиғиштириб, ожизлигидан уят-андиша ҳам қилиб ўтирамай, алам-андуҳ ўтида ёниб шундай деди: «Мана, кўрдингизми, муҳтарам генерал, төғни урса толқон қиласидиган эр йигитлар ҳам кези келса, хотин кишига ўхшаб ожиз бўлиб қоларкан, э онасини палон-пистон!» Президент ҳатто хайрлаша туриб, кўзига ёш олди.

Ҳа, Бендисийон Алварадо унинг ўғли президент курсисида қолиш учун нималар қилишга мажбур бўлганлигини яхши билар ва эсида сақларди. Кўрмаган нарсаларини кўриш учун қанчалар шошилаётганлигини ва бундан болаларча курсандигини онадан кўра яхшироқ тушунадиган кимса йўқ әди. У ҳукмдорлик эвазига қўлига кираётган пулларни бош-кетига қарамай ўнгу сўлга аёвсиз сочар, болалик ва ёшлик чоғларида маҳрум бўлган нарсаларини қўлга киритиш учун ўйлаб ўтиромай совуради. Одамлар ўғлининг соддалигидан устомонлик билан фойдаланишаётгани онанинг газабини келтиради. Улар чет мамлакатлардан келтирилган арзимас мато, тақир-туқурларни осмон баробар нарх қўйиб ўғлига пуллашарди. Она бу нарсаларинг сарик чақага ҳам арзимаслигини кўриб-билиб турарди. Ҳар ҳолда улар унинг акварел бўёқларда бўялган қушчаларига қараганда анча-мунча арzonроқ әди – қушчаларни ўхшатиб ясаш устомонлик ва омилкорликни талаб қиласади, шунга қарамай ҳар бир қушчасига тўрт песодан ортиқ пул ҳеч қачон беришмас әди. «Мен сенинг ўйинчоқларингта қарши әмасман, – дер әди у ўғлига, – лекин келажагинг ҳақида ҳам ўйласанг ёмон бўлмасди. Ўтирган курсингдан тутиби туширишгандан кейин йўл чеккасида шляпангни чўзиб садақа сўрашингни сира хоҳламас әдим. Албатта, худо кўрсатмасин-ку, лекин бутунмас, эрта-индин шундай бўлиб қолса, унда нима қиласан? Яхши ашула айтсанг, ё архиепископми, ёки денгизчи матрос бўлсанг

кошкийди. Сен бор-йўғи генералсан: бир-икки деб туришдан бўлак нарсага ақлинг етмайди! Шунга яшаб бўладими ахир!» У ўрлига ҳукумат харажатларидан ортиб қоладиган пулларни ишончли, ҳеч ким билмайдиган яширин жойга кўмиб қўйишни тайинларди. Оёғингни қўлтиғингта олиб қочишга тўғри келиб қолса, бу пуллар бир кунингта ярайди. Кўрмайсанми, анов шўрлик президентларни, ватанидан, халқидан мосуво бўлиб, қувғинда жон ҳовучлаб юришибди, пешонаси шўрларни ҳеч ким өсламайди ҳам. Жонажон юргидан келган кеманинг хайрлашув товушини эшитишича, худди садақа теккандай суюнишади. « Қоя тепасидаги уйда яшайдиган ўша одамларни тез-тез өслаб тур. Уларга қарасанг, ўзингни ойнада кўргандай бўласан». Аммо у ё унинг сўзларига эътибор бермас, ё сирлироқ қилиб тасалли берарди:

«Ҳеч нарсадан қўрқма, она, нега десанг, халқ мени севади!» Бендинсон Алварадо ёшини яшаб ошини ошади, қачон қарасангиз йўқчиликдан шикоят қиласар, қачон қарасангиз, хизматчи қизларни бозорингни пулни тежамай қилибсан, деб уришарди. Баъзи-баъзиларда харажатларни қисқартириш учун тушлик овқатдан ҳам воз кечган пайтлари бўларди. Ҳолбуки, ҳеч ким унга юрак ютиб, сиз энди дунёдаги ёнг бой хотинлардан бирисиэ, деб айтишга журъати етмасди. Бинобарин, ҳукуматнинг турли-туман олди-берди ўйинлари натижасида ўғлининг чўнтагига кирган пулларни у онасининг номига ўтказиб қўярди. Она кўз илғамас бепоён ер-сувлар ва саноқсиз чорванинг әгаси бўлганлигини, барча трамвай йўллари ўзига қарашли эканлигини, почта, телеграф ҳамда миллий сув манбалари ҳам ўзиники эканлигини билмасди; бизнинг сув маконларимизга кирган, дарёларимизда сузиб бораётган ҳар бир кема унга бож тўлаши кераклигини ҳам у билмасди. У буларнинг барини билмас ва шу билан бирга ўғли ўйлаганчалик ҳам содда эмаслиги, улғайганда ҳам оғзидағини олдириб ўтирадиган лақма бола бўлмаганлигини ҳам билмас әди. Албатта, у онасини кўргани келганларида балки шундай бўлиб кўринарди. У онасига ўзи тортиқ этган саройга кўргани келар, унга турли-туман ўйинчоқлар келтирас ва ўзи қийқириб, хурсанд бўлиб уларни ўйнаб ўтиради. Она ўғли қорамол сўйишга ҳам солиқ чиқар-

ғанлигини билмасди. Бу солиқдан тушган пулнинг барі ўғлининг чўнтағига киради. Она ўғлининг бирорларга ҳомийлик қилиб ҳам озмунча пулларни қўлга киритишидан хабарсиз эди, у ҳамто-воқ шерикларининг құмматбаҳо ғаравли соваларини олишдан ҳам тортиниб ўтирас ва бундан ташқари лотереяга жуда катта миқ-дордаги пулларни ютиб оларди – зеро лотереяга ютуқлар чиққан, бинобарин, у қандайига хоҳласа, шундайига ютуқ чиқарарди. У лотерея хусусидаги ишни ўзининг гүё ўлганлиги ҳақидаги шов-шувлардан кейин ўйлаб топган әди. Бу айни ўша Улур Шовқин-сурон замонлари әди, сениор. Бир куни авлиё мажзуб Эраклио тунида бутун мамлакат бўйлаб ер ости гумбурлаши бўлиб, гүё жаҳаннам очилгандай туюлди. Кўплар мана шуни Улур Шовқин-сурон деб атайдилар. Лекин асли бундай эмас. Дарвоқе, бу гул-дур-гулдурунинг ўзини ҳам ҳеч кимса тузук-куруқ тушунтириб беролгани йўқ. Ваҳоланки, ҳамма гап ўша пайтларда қулоқни қоматга келтириб тўрт томонда ҳадеса шовқин-сурон солиб олиб борила-ётган ҳар турли қурилишларда әди. Иш бошланганда уни жаҳон-нинг әнг улур қурилиши бўлади деб жар солишарди, ҳолбуки, уларнинг биронтаси ҳам охирига етказилган эмас. Лекин айюҳан-нос солиб, шовқин-сурон кўтаришга келганда, ҳеч қандай камчи-лик йўқ әди, сениор. Ўша пайтларда у давлат кенгашини тушлик чорида чақирадиган одат чиқарган әди. Кенгаш ҳукumat саройида эмас, онасининг тамарҳиндий дараҳтлари соя солган салқин ҳов-личасида ўтарди. У тўр аргамчи тўшакда ётиб, ўзини шляпаси билан елпиганча, кўзларини юмиб, аргамчи атрофига давра солиб турган, мой суртилган мўйловлари йилтираган пешдаҳан нотиқ-ларнинг сўзларини эшитарди. У ёқалари қотирилган қалин кам-зул кийган, иссиқдан бўғриққан маҳмадона вазирларни, мана шу таманиноларни жинидан баттар ёмон кўрар, лекин ўз фойдасини кўзлаб уларга сабр-тоқат билан муомала қиларди. Министрлар сухандонлик қилишар, уларнинг товушларини ҳовлида товуқларни қувлаётган хўрозларнинг қанотларининг патирлашлари босиб кетар, қайдадир чигирткалар бир зайлда чўзилиб чириллашар, шу яқин атрофлардан граммофон тўхтовсиз «Сусанна, кела қол, Су-

санна!» деган қўшиқни айлантирар, у эса буларнинг барини эшигтиб ётар, кўзларини мудроқ босар, министрлар шунда ҳурмат юзасидан жим бўлиб қолишар, «Жим, генерал ухлаб қолдилар!» дейишарди. Бироқ у хуррак отишдан тўхтаб, лекин кўзларини очмасдан пишқиради: «Давом этинг, мен әшитяпман!» – шундан сўнг улар яна нутқларини давом өттирардилар. Ниҳоят, у тушликнинг хумор уясидан чиқар, эзик мудроқдан кўз очар ва хулоса ясарди: «Ҳамма гапларинг гирт аҳмоқликдан бошқа нарса эмас. Фақат анов бирорвингиз соғлиқни сақлаш министри, менинг ҳамюртим бўладиган гапни айтгапти. Э, сизга яна нима керак ўзи? Тарқалинглар, барака топкурлар, от ўйин тугади!» Кейин у тушлик қила туриб, ўз шахсий ёрдамчилари билан давлат ишларини муҳокама этар, бир қўлида овқат солинган товоқ, иккинчи қўлида қошиқ билан нари бориб, бери келарди. Жуда кўп масалаларни эса йўл-йўлакай зинапоялардан кўтарила туриб ечиб қўя қолар, ҳатто ечиб ҳам ўтиромас, шунчаки тўнғиллаб қўярди: «Билганингизни қилинг. Барибир бу ерда хўжайн менман». У ўзини яхши кўриш ёки кўрмасликларига ҳам қизиқмай қўйди. «Бунинг ҳаммаси менинг палоним», дерди. У шундан кейин жамоатчиликнинг турли тадбирлари, маросимларида қатнаша бошлади, анов-манов тадбирларни очаркан, шахсан ўзи тасмаларни қирқарди, ўзини бор бўй-басти билан кўрсатар, ҳатто бундан нисбатан тинч-осойишта замонларда ҳам ўзини бунчалар хавф-хатарга қўйиб очилмаган эди. «Э палонимга, нима қиласди!» – дерди. Шундан бошқа барча вақтини ўзининг жонажон дўсти, генерал Родриго де Агилар ҳамда ҳамюрти, қадрдони, соғлиқни сақлаш министри билан бирга охири кўринмайдиган домино ўйинлари устида ўтказарди. Фақат шу икки кишигина унга шунчалар яқинлаштирилган эдиларки, фақат уларгина қандайдир тутқунда қамалиб ётган ёки ўлим жазосига ҳукм этилган кимсани афвга чиқариш ё озод қилиш тўғрисида илтимос билан киришга журъят эта олардилар. Фақат шу икковгина гўзаллик маликаси Мануэла Санчесни қабул қиласизми, деб сўрашлари мумкин эди.

Бу оддий халқнинг ажойиб фарзанди, қашшоқлик денгизи ўртасида ўсган ноёб чечак эди. Биз бу ерларни Ит Жанжали

Маҳалласи деб юритардик. Нега десангиз, бу маҳалланинг итла-ри бирор кун ҳам тинмай, бир зум ҳам яраш нималигини билмай кечаю қундуз ғажишгани ғажишган эди. Бу ерлар шундай әдики, миллий гвардия соқчилари бош суқишига юрак бетламас әдилар. Нега десантги, улар бу ерларга бандоғ қадам ранжида қилиб қолсалар, уларни шу заҳоти қипт-яланғоч қилиб ечинтиришаар, ма-шиналарини эса ҳаш-паш дегунча бўлак-бўлакка ажратиб сотиб юборардилар. Ушбу маҳаллага мабодо нозаниндай әшак кириб қолса, жин топмас кўчалардан бир қоп суюк бўлиб чиқиб кетарди. Ит Жанжали Маҳалласи кўчаларини шунчалар ажина чалган эди. Бу маҳаллаларда бойларнинг ўғирлаб кетилган болалари дом-дараксиэ йўқоларди. «Бу ерларда уларни ўлдириб қовурдоқ қилишарди, муҳтарам генерал. Уларни бозорда қовурилган колбаса қилиб пуллашарди, ўзингиз бир тасаввур қилинг-а!» Лекин Мануэла Санчес, оғатижон Мануэла Санчес, ахлатхоналарнинг сариқ гули худди мана шу ерда туғилиб ўсган эди. «Бу қизининг гўзалиги бутун мамлакатни ларзага солди, муҳтарам генерал!» У шунчалар қизиқиб, шунчалар ошуфта бўлиб қолдики, оғзидан шу сўзлар чиқиб кетди: Агар у ростданам шу қадар кетворган чирой-ли бўлса, унда мен уни қабул қилишига ва ҳатто бирга рақс тушишга ҳам тайёрман. Палонимни қўйдим, газеталарга ёзишса ёза-веришин. Мунақа ҳазил-хузуллар қора халқа жуда хуш ёқади: Бироқ Мануэла Санчес билан кўришгандан кейин кечкурун на-вбатдаги домино ўйинига ўтиаркан, у генерал Родриго де Аги-ларга хафсаласизлик билан шундай деди: «Қашшоқларнинг дов-руги чиққан бу ойимтилласи мен билан бир давра ҳам рақс тушишга арзимас экан. У Ит Жанжали Маҳалласида яшовчи бошиқа юзлаб Мануэла Санчеслардан бир тук ҳам фарқ қилмайдиган Мануэла Санчес экан – худди пари пайкарларга ўхшаб әтагига қўша-қўша тўр тикилган ҳарир кўйлак кийиб олибди. Қалбаки тошлар билан безалган тилларанг тожига бало борми? Кўлида атиргул кўтариб олганига ўлайми? Яна ойисидан қўрқиб-пу-сиб туришини айтинг. Ойиси ҳам қизи худди соф олтиндан ясалгандай қалтирагани қалтираган! Палонимни қўйдим! Аммо унинг иккитагина илтимоси бор экан, бажардим. Ит Жанжали

Маҳалласига водопровод ўтказиш ва электр туширишни сўради. Бироқ уни огоҳлантириб қўйдим. Бундан буён менга илтимослари билан сўйкалавермасин, тиланчиларни сира жиним сўймайди, қаланғи-қасанғи жулдуровоқилар билан ади-бади қилиб ўтиришга тоб-тоқатим йўқ. Нима керак уларга?» У шундай деб туриб, ўрнидан қўзғалди, ўйинни охирига етказмай эшикни қарсиллатиб ёпиб, чиқиб кетди. Соат саккизга занг чалганда, у молхонага кирди, сигирларга ем берди, қотган таппиларни саройга элтишни буюрди, сўнг кечки таомга ўтирди. Одати бўйича, қўлида товоқни кўтарганча у ёқдан-бу ёққа юриб, гурунч ва ош-кўклар солинган ловия қовурдоқни ер экан, саройда ҳаммаси жойидами, деб текшириб сурштириди, барча соқчиларни санаб чиқди, сарой дарво-засидан бошлаб барча постларни то ўз ётоғи олдидаги постгача текшириб чиқди. Постларнинг қоида бўйича ўн тўртта эканлиги-га ишонч ҳосил қилди. Кейин бошқа шахсий қўриқчилар жойида-ми йўқлигини кўздан кечирди. Улар бари ўз жойида эканлигига амин бўлди: саройнинг биринчи ҳовлисида домино суреб ўтиришган экан, сўнг у барча моховларнинг гуллар тагида ётган-ётмаган-лигига қараб чиқди. Барча шоллар ҳам пиллапояларда ухлашаёт-ганини кўрди. Соат тўққизга занг урди. У товоқдаги овқатни дуч келган очиқ дераза токчасида қолдириди. Ўзи қоронгуликнинг қуюқ уфунатига шўнгиди. Маъшуқаларининг ётоғига кирди. Бир кара-вотда учта хотин ўз чурвакалари билан қатор ухлаб ётишарди. Вужудларнинг ҳиди анқирди. У улар орасига тиқилди. Ўзига халал берган иккита калла ва уч жуфт оёқни четга сурди. Бир хотиннинг бағрига кирди ва унинг афт-башарасига ҳам қарамай ишини битирди. Хотин ҳатто ўйғонмади. Бу каравотда ҳеч ким кўзини очмади. Фақат қўшни каравотдан аёл кишининг уйқуси-раган овози эшитилди: «Секинроқ пишилланг, муҳтарам генерал. Болаларни уйғотиб юборасиз». Кейин у саройга қайтди. Барча йигирма учта деразанинг тутқичлари маҳкам-маҳкам эмаслигини текшириди. Чивинларни қувиб чиқариш учун йўлакда қуруқ таппиларни тутатди. Сарой даҳанасидан то ётоқхоналаргача ҳар бешолти қадамга таппиларни ўт олдириб борди. Таппиларнинг ҳиди диморини қитиқлади. Хаёл етмас олисларда қолиб кетган тойлоқ

болалигини эслади. Лекин бу унинг болалиги бўлганмиди, ахир? Таппи тутуни димоғига урилгандағина бир зум ичидаги болалиги хотирасидан лип этиб ўтди. Бироқ бир зум ўтмай у буни унугдиди... Кейин у хоналардан дарвозахона томон юрди, барча хоналардаги чироқларни ўчиради. Күшларнинг қафаслари устига парча латталарини ёпди, уларни бирма-бир санади. «Қирқ саккизта бўлиши керак». Қафаслар қирқ саккизта эди. Лекин у бу билан кифояланмади. Қўлида чироқ кўтариб яна саройни айланди. Ўн тўрткўзгуда ўн тўрт бора ўз аксини кўрди. Битта генералнинг чироқ кўтарган ўн тўртта акси. Соат ўнга занг урди. Ҳаммаси жойида. У ўз гвардиячилари ухлаёттан залга қаради. Бу ердаги чироқни ўчиради. «Тунингиз хайрли бўлсин, сениорлар!» Кейин у биринчи қаватдаги барча қабулхоналарни кўздан кечирди, барча хоналарни кўрди, ҳожатхоналарни, бари дарпардалар, ёзув столларини тагигача текшироди – ҳаммаёқ тинч, кимсасиз эди. У чўнтағидан бир даста калит чиқарди. Ҳар бир калитни пайпаслаб топиб, хоналарни кулфлади. Шундан сўнг асосий қаватга кўтарилди. Бу ерда ҳам хонама-хона юриб барини кўздан ўтказди, уларни ҳам бирма-бир қулфлади. Ниҳоят ўз ётоғига йўл олди. Ҳуфя жойдан бол солинган идишни топди. Уйқу олдидан икки қошиқ асал еди. Онаси Бендисион Алварадони эслади. Уни ўз қўрасида ухлаб ётганини кўз ўнгига келтироди. Мелиssa гуллари муаттар ҳидларини тараттган, орегано майсалари ифор исларини ҳар томонга сочган. Онасининг тек қотган қўли шундоқ кўз ўнгига келди. Ҳар қандай чумчукни гўзал зарғалдоқча айлантира оладиган мөҳир қўллар... уйқудаги она қўллари, улар ҳозир қўлт этмай чўзилганча ётади. Бамисоли она ухламагану ўлиб қолган. «Хайрли тун, онажон», – дея шивирлади у ва қиялиқдаги қўрадан онаси кўзини уйқудан очмай унга жавоб берганини эшитди: «Хайрли тун, ўғлим!» Кейин у чироқни ётоқча киришдаги илгакка осди – чироқ бутун тун бўйи ёниб туриши шарт эди. Уни ўчиришга ҳеч кимнинг ҳақи ўйқ эди. Нега десангиз, агар кечаси қочишга тўғри келиб қолса, шу чироқдан фойдаланишни мўлжалларди. Тунги соат ўн бирга занг урди. У яна ҳеч қайди чироқ ёқмай қоронғуда бутун саройни айланиб чиқди. Шунчаки ҳар эҳтимолга қарши айланди. Балки

аллакимдир уни ухлаб қолган деб гумон қилиб бу ерга кириб олгандир? У гир айланиб турган маёқ машъалининг кўкимтири шуълалари фақат бир эумгина ёритиб ўтаётган қоронгулик қўйнида овоз чиқармай оҳиста қадам босар, пириллаган мовий шуъла тушганда унинг этигидаги олтин нағали ялт-юлт этиб кетар, ўз ортида мисоли юлдуз губорининг нурланган изини қолдиради. Маёқ шуълалари ёритиб ўтаётган оралиқда у тик оёқда туриб кўзи йўкуга кетган моховни кўрди, у афтидан адашиб, ухлайдиган жойини тополмаган эди. Генерал қўлинни тегизмай уни боғ томонга, гул буталарига қараб етаклади, зим-зиё кечада бағрида ҳушёр нигоҳи билан йўл топиб борди. У моховни гул бута тагида қолдириб, яна қўриқчиларни санаб чиқди; шундан сўнг ўз бўлмасига юрди. Узун йўлак бўйлаб деразалар орасидан ўтиб бораркан, ҳар бир ойнада апрелнинг Кариб денгизини кўрар эди – уни йигирма уч маротаба кўрди. Гарчи у деразалар олдида тўхтамаса-да, уммоннинг апрель ойига хос доимги манзарасини томоша қиларди. У тилларанг бақатён босган ботқоққа ўхшарди. Соат тунги ўн иккига занг урди. Охиригина занг янграркан, қаердандири худди даббаси ўрайидан чиқаёттандек ўзида бир ёмон кўрқинч туйди, бу кўрқинч худди ўткир ҳуштак овози каби қулогини шанғиллатиб юборди, гўё дунёда шундан ўзга сезги, шундан бошқа товуш йўқдай эди. У ўзининг ваҳимасидан кўрқиб эшикни уч бора қулфлади, уч бора тамбасини туширди, ўзидан зўр-базўр икки, кейин тўрт томчи чиқариб кичик ҳожат ушатди, азоб билан бор-йўғи етти томчи тўқди, сўнг ўзини полга отди, юзтубан тушиб ётди ва шу заҳоти туш кўрмай қаттиқ уйқуга кетди. Тунги чоракам учда қора терга ботиб уйғонди, назарида кимдир унга ухлаётган пайтида қараб тургандек бўлиб юраги орқасига тортиб кетди. Ўша аллакимнинг нигоҳи гўё деворларни ва барча қулф-калитларни тешиб ўтаётгандек эди. «Ким бор бу ерда?» – деб сўради у. Лекин жимжитлик ичида садо чиқмади. У ухлайман деб яна кўзларини юмди. Лекин яна шу заҳоти ўзига кимдир қарапётганини сезди. У қўрқув харосонлик ичида кўзларини очиб ўзининг ётоқхонасида Мануэла Санчес юрганлигини кўрди. Ётоқхона эса маҳкам қулфланган эди. Бу баланд деворлар оралаб кириб кела-

диган Мануэла Санчес әди. У тун ярмининг бефаришта Мануэла Санчеси. Ҳарир кўйлак кийган ва бир қўлида атиргул тутган, Мануэла Санчес. Унинг нафаси орхидея гулининг ҳидига ўшайди. «Ростини айт, охир сен рўёсан, сен босириқсан, – деб фўлдиради у, – айт, ахир бу сен әмассан. Орхидеянинг бу мастона нафаси асло сенинг нафасинг әмас, айт!» Аммо бу Мануэла Санчес әди ва атиргул унинг қўлида порлаб турарди; унинг илиқ нафаси ётоқ бўлмасининг ҳавосини тўлдирган әди. Бунда бари Мануэла Санчесга дўнди. Бутун олам Мануэла Санчес бўлиб қолди. Бамисоли бўйсунмас қоя уммоннинг кўхна қудратини шундай ўзига тобе қилади. «Менинг заволимнинг Мануэла Санчеси, кўлим кафтларидағи толе чизиқлари менга сенинг хабарингни бермайди, кофе куйқасида фол очиб, менга сени айтмаганлар, фолбин хотин азал сувда фол очганда, сен пайдо бўлган әмассан. Шундай әкан, менинг тунги уйқумни барбод этма. Мени мен оладиган ҳаводан, ётогимнинг одатий фароратидан маҳрум этма, бу маъвога биронта ҳам аёл кирмаган, бундан кейин ҳам кирмагай. Ўчир ёнар атиргулингни!» – деб у илтижо қиласа ва деворни пайпастлаб чироқ ёқадиганни қидирарди. Лекин ҳамма жойда ўз телбалигининг Мануэла Санчесига дуч келарди. «Жин урсин, агар сени ҳеч қачон йўқотмаган бўлсан, энди нега сени топишим керак? Сен мендан нима истайсан? Ҳоҳласанг агар ол менинг саройимни, ҳаммасини ол, мамлакатимни ҳам ол, лекин изн бер чироқни ёқай, тунимнинг чаёни, даббамнинг Мануэла Санчеси, э онангни сени палон-пистон!» У агар чироқни ёқсан, босинқирашдан, абдирашдан қутуламан, Мануэла Санчеснинг сеҳро-жодусидан халос бўламан, деб ўйлар ва бор овозини қўйиб қичқирарди: «Йўқотинглар уни, мени ундан кутқаринглар, бўйнига тош бойлаб дентиз тубига улоқтириинглар, чўктириб юборинглар итнинг боласидек. Унинг атиргули бошқа ҳеч кимнинг кўзини кўр қилмасин!» У булафи ёнди ўйлакка чиқиб олиб қўйиқирарди, овози зўришиб ҳирқирарди, қоронгуликда суюқ тапшиларда оёқлари сийғанаради. Даҳшатга тушиб, ўзидан ўзи сўрарди: «Дунёда нималар бўляпти ўзи, а? Эрталабки саққиз бўлиб қолгандир, бу ерда, сўқимхонада эса ҳамма уйкуда. Қулоқларини кесиб кетсанг ҳам билишмайди!» «Турсаларинг-чи,

ҳой энағарлар!» – ҳайқирди у. Кейин бирин-сирин чироқлар ёнди. Сарой ҳарбий бўлинмасида тонг бургуси янгради, ундан портдаги қалъага уланиб кетди, ундан сўнг бунга Сан-Херонимо базаси жўр бўлди; мамлакатнинг барча ҳарбий бўлинмаларида тонг бургуси чалинди, тонгти машқлар бошланди, аскарлар милицияларни шарақлатиб чопишарди, шабнам тушишига ҳам икки соат ваqt бўлишига қарамай, илк атиргуллар очилди. Саройнинг хотин-халаж хизматчилари худди оїкезиклар каби юлдузлар чарақлаган осмон остида шолчаларни қоқишаради. Қафасларда ухлаб ётган қушларга дон тарқатилди, гулдонлардаги ҳали сўлиб улгурмаган гуллар янгиланди. Гишт терувчи ишчилар деворларни баландроқ кўтаришди, деразаларнинг кўзига тушган қуёш нурларини тўсиш учун зарқоғозлар ёпиштирилиб чиқилди. Зарқоғозлар худди қуёшга ўхшатиб ясалган эди. Шунинг учун кунгабоқарлар қайси қуёшга юз ўтиришни билмай шошиб қолиши. Ойналарга ёпиштирилган зарқоғозлар туфайли кеча худди кундуздек ёриши керак эди. Зоро, ҳали кўқдан тун аримаган эди, тақвим ҳамон якшанбани кўрсатарди, душанба тонгининг нурлари ҳали апрель уммонига тўкилмаганди; Осмонда тун кезарди. Кирхоналарнинг әгалари чинқироқ хитойлар эса мижозлардан кир чойшабларни йиғиб келиш учун югурдакларни ўйботишиб, туртиб-суртиб кўчага жўнатишаради. Кўр башораттўйлар кароматлар ўқишаради. Қирриқ амалдорлар столларининг тортмаларидан товуқлар эндигина кириб келаетган душанба куни қилган тухумларни топиб олаётгандай бўлишар, аслида улар кеча кечкурунги тухумлар эди. Ҳар ёқда гарангсиган одамлар кезиб юришаради. Давлат кенгашининг аъзолари шошилинч мажлис ўтказаётган столларнинг естида сарой итлари ириллаб ғажишаради, тарки одат, амри маҳол. У эса куттимаганда ёришган тонгдан кўзи қамашиб, ҳеч нарсага ҳайрон бўлмайдиган лаганбардорларнинг қуршовида мажлислар залига қараб бораради. Шотирлар ва нонхўрларнинг жаги тинмай, бири олиб, бири қўйиб уни субҳидамнинг отаси, замоннинг зоҳари, қуёш нурларининг хазинабони деб аташаради. Бош штабнинг зобитларидан бири уни тўхтатишига журъат қилиб, ҳозир соат саккиз эмас, балки эндигина учдан беш дақиқа ўтди, деб маълумот

берганида, важоҳати ўзгариб куфри қўзиб унинг бетига тарсаки урди ва бутун дунёга әшилтириб: «Ҳозир саккиз бўлди, қизтaloқ! Саккиз дедимми, саккиз!» – деб бўкирди. Кун пешиндан оғиб, соат учда онасини кўриш учун унинг қўрасига борганда, Бендисйон Алварадо ҳайрон бўлиб ўелидан сўради: «Сенга нима бўлди? Илон чақиб олмадими? Нега юрагингни чангаллаяпсан?» У индамай қажава оромкурсига ўтироди, қўлини кўксидан туширмоқчи бўлди, лекин шу заҳоти яна беихтиёр юрагини ушлади. Шунда Бендисйон Алварадо қушчаларни бўяйдиган мўйқалами билан ўғли томонга нуқиб, камоли таажжубланган ҳолда сўради: «Нима бало, сен Исо Масиҳо қалбининг тимсолига айланиб қолдингми, кўзларинг мунчалар маъюс ва қўлларинг билан нуқул юрагингни ушлайсан?» У қўлини силтаб пастта тушироди, ўрнидан турди, эшикни қарс этиб ёпиб, чиқиб кетди. Ичида онасини сўжиб, саройга қайтиб келди, қўлларини бўш саланглатмаслик учун икки чўнтагига тиқиб у қаватдан бу қаватта тентиради. Боши оқҳан ёққа кезаркан, дераза ойналаридан оқиб тушаётган ёмғир томчиларига, уларга ёпиштирилган зарқороз юлдузчаларга, ойналар ортига осилган қўрошин ойларга қарабди. Булар тушдан кейинги соат учда гўё кечки соат саккиз бўлди дегандай тасаввур уйғотиш учун қилинган ҳийлалар эди. У деразадан қараб ёмғирда бўккан соқчиларни, юракни зирқиратадиган ғариденгиз ва тинмай ёғаётган ёмғир, ёмғир ва яна ёмғирни кўрарди. Ёмғирларнинг ҳар томчисида Мануэла Санчес, этиб бўлмас Мануэла Санчес, унга тегишли бўлмаган Мануэла Санчес кўзга ташланарди. Гарчи у қиз мана шу шаҳарда яшарди, бу шаҳарда эса жамики нарсалар унга тегишли ва унга тобе эди. Унинг кўзларига одамни сескантитриб юборадиган даражада кимсасиз бино ичи кўринарди, бунда узунасига стол қўйилган, унинг устига оёқлари осмонга қилиб стуллар қатор жойлаштирилган эди; бу манзара унда чексизадоқсиз ёлғизлик ҳиссиётини уйғотарди; бу яна бир хуфтон қоронгулнигидай илвироқ куннинг ёлғизлиги, Мануэла Санчессиз ўтган яна бир кечанинг кимсасизлиги эди. «Жин урсин, – деб хўрсинди у, – юрак шундай санчади, худди бирон нарсаси тортиб олиб қўйилгандай ва худди у гўё ростакам нарса бўлгандай». У ўз

аҳволидан уялди. Қўли таскин истаб, юраги томон чўзилди, аммо уни иштони ичига солиб, ёмғирдан талтайган даббасининг устига қўйди. Даббаси қандай бўлса шундайлигича туар, ҳамон оғир ва улкан эди, илгаридан ўрганиши бўлиб қолган оғриқ унинг бағрида биқиниб олган эди, бироқ оғриқ ҳозир унга сира чидаб бўлмасдай туюлди, мисоли у ўз қўли билан юрагини қисимлаб сиқаётгандай эди. Мисоли ҳафтида тутиб тургандай эди, шунчалар тирик, ялан-роҷ юракка ғашарди. У турли вақтда турли одамлардан шундай бир гапни эшитган эди, ҳозир шунинг нечоғлик тўғрилигига ишонч ҳосил қилди: «Юрак – бу одамнинг учинчи тумруги, муҳтарам генерал!» У сўкиниб деразадан нари кетди, қабулхонада у ёқдан-бу ёққа юрди, бир умрлик президентнинг ноchor аҳволидан эзи-либ, бамисоли томоғига балиқ қилтаноги тиқилгандай бўлиб, ни-ҳоят давлат кенгашининг мажлислар залига қараб йўл олди, одат-дагидай нималар деб гапираётгандарини зигирча ҳам эшитмай ва тушунмасдан бирпас ўтириди. Молиявий аҳвол ҳақидаги маъруза бошланганда азбаройи зерикканидан уни оғир уйқу босди. Шун-да бирдан мажлис муҳитида нимадир ўзғариш рўй берди, нимадир ҳавода осилиб қолди, молия министри гапиришдан тўхтаб, президентта бақрайиб тикилиб қолди. Бошқалар ҳам унга қараб туришарди, унинг темир билан қотглангандай қиёфасининг били-нар-билинмас тирқишиларидан мўралашарди, зеро бу темир қиёфа оғриқнинг зўридан тарсилаб ёрилиб кетадигандай эди. Шунда у ҳам ўз-ӯзини равшан кўрди, ёнроқ ёғочидан ясалган узун столнинг охиридаги ўз ўрнида тамомила ожизу ғариф, бениҳоя кимсасиз бир алфозда ўтириби, мангу президент учун ўта ноchor ва нота-вонлиги кутилмаганда ошкор бўлиб қолгандай, ранги рўйи оқар-ган, қўли билан юрагини чангallаган; унинг ҳаёти соғлиқни сақ-лаш министрининг заргар қўзларидаи ўткир ва совуқ нигоҳининг қиррасида гўё шамдек ёниб тугамоқда эди; қадрдан ҳамюрти чўнтақ соатининг тилла занжирини бармоқлари орасида ўйнаб, унинг бутун ичиди бўлаётган нарсаларга назар ташлаётган каби эди. «– Юраги санчди шекилли», – әҳтиёткорлик билан деди кимдир. Лекин бу пайт генерал ўзининг гулпариларницидай қўлини юраги устидан туширди, қаҳр-ғазабининг зўридан бирдан тош-

метинга айланаёзган қўлини стол устига қўиди. Юзи одатдагидай тус олди. Ҳамманинг башарасига қараб худди тупургандай, бами-соли қўрошиндай, сўзларни ёғдири ва бу билан ўзининг сар-силмас ҳокимиятини яна бир бор тасдиқлади: «Сизларга қолса санчишини хоҳлайсизлар-да, а, энагарлар! Ҳа, нега жим бўлиб қолдинглар? Тиқилдими? Гапир!» Улар маърузаларини давом эттиришди. Лекин энди ғайришуурӣ сўзлашар, ўз гапларини ўзлари эшишишмасди. Унинг фавқулодда аламзадалигини кўриб, одатдан ташқари бир ҳодиса рўй берганга ўхшайди, деб ичларидан ўтказишарди; ҳаммалари оҳиста шивир-шивир қилишар, би-линтиромай уни имо-ишора қилиб қўрсатишарди: «Аҳволини қаранг! Жуда мазаси қочибди, юрагини ушлаб ўтирибди. Нима гап бўлдийкин? Чок-чокидан сўқилиб кетаётганга ўхшайди». Президент соғлиқни сақлаш министрини шошилинч чақиртирганимиш, деган хабар бутун саройга миш-миш бўлиб тарқалди. Министр келса: президент стол устига ташлаб қўйилган, худди рўладай шишиган ўнг қўлини томоша қилиб ўтирган экан; президент министрга дарҳол шу қўлини кесиб ташлашни буорибди, яшашга ха-лақит беряпти, менга қулоқ солмайди, ўзининг нима қилаётганини билмайди, дермиш. Аммо соғлиқни сақлаш министри бундай қилишдан қатъян бош тортибди. Мени отиб ташласангиз ҳам бундай қилмайман, дебди. «Бунда ҳамма гап адолатда, муҳтарам генерал. Мен бу қўлни кесиб ташламайман. Чунки мен бус-бутун ҳолда сизнинг битта шу қўлингизга арзимайман!» Шу ва шунга ўхшаш бошқа турли миш-мишларни барча жинкўчалар ва барча чорраҳаларда бир-бирларига такрорлашар, улар яна қўпайиб, кен-гайиб тараларди, у эса фермаларда ҳарбий бўлимларга сут юбо-рилишини шахсан ўзи бошқарар, Мануэла Санчес сесланбасининг тонги бўзариб отишини томоша қилас, зеро бундан бўён эндиликда ҳамма нарса, бутун борлиқ унинг учун Мануэла Санчесга ай-ланган әди. У гул буталари остидан ҳаммаёқни саситиб ётмасин-лар деб, барча моковларни қувиб чиқаришни буорди, энди улар-нинг ҳиди Мануэла Санчес атиргулининг ҳидини бузиши мумкин әди. У кўшиқ айтар, ҳеч ким қўшигимни эшигасин деб, саройдаги энг хилват жойларни танларди: «Сен билан биринчি вальста рақс тушаман,

зй маликам. Сен эса унугта мени! Шуни яхши билиб қўй: агар мени унугсанг, ўлимга маҳкум бўлурсан!» Кўксида янграган шу қўшиқ билан ўз чўрилари ётоқларининг ботқогига ботар, алам-андуҳларини қандай бўлмасин, енгиллатишга уринарди. У умр бўйи арзимас, енгил-елпи ишқ ўйинларини ўйнаб келди. Мана энди узоқ замонлардан бери биринчи маротаба хўроизга ўшаб шоша-пиша ишқибозлик қўлмайдиган бўлди. У энди аввалгилардай сира шошилмас, аксинча, узоқ ва кўп-кўп лаззат олар, лаззат бағишилар, бундан маъшуқалари ҳайратта тушишар, кеча қўйнида чақчақ баҳтиёр кулишар ва эҳтиросли шивирлашарди: «Сизга нима бўлди ўзи, муҳтарам генерал, ўзингизни сира аямайсиз-а, шу ёшда-я!» Лекин у жудаям яхши биларди: булар бари ўз-ўзини алдаш, муқаррар етиб келадиган кунни орқароққа сурис; ўша кун албатта келади ва у албатта Мануэла Санчеснинг муҳаббатини қозониш учун боради, барча авлиёлар ҳақи, мени сев деб ялиниб ёлворади, унинг қасрини қидириб йўлга чиқади, ахлатхона чангальзорларида жойлашган ваҳший ўлка – Ит Жанжали Маҳалласининг нақ юрагига қадамранжида қиласди! У ўша ёққа иссиқ энг авжига чиққан жазирама кунлардан бири қоқ пешин пайти соат иккода оддий кийим, оддий машинада қўриқчиларсиз йўл олди. Машина мудроқ пешин иссиғига фарқ бўлган ишлатилган газ уфунатига тўла кўчалардан узоқ айланиб юрди. Осиёча оломон қайнаган савдо-сотиқ расталари бир-бирига мингашиб кетган кўчалардан ўтиб Мануэла Санчес деб аталган ўз вайрон-барбодининг буюк уммонини кўрди, уфқларда бирқозон деб аталган ёлғиз қушни кўрди, Мануэла Санчеснинг нақ уйигача борадиган эски трамвайларни кўрди, уларни янги сариқ трамвайлар билан алмаштиришни буюрди, уларнинг дарчалари оқ ойнали, ҳар бирида Мануэла Санчес учун барқут ўриндиқлар ўрнатилган эди; у денгиз бўйидаги яланғоч кўримсиз қумлоқ соҳилни кўрди, Мануэла Санчес дам олиш кунлари бу ерда чўмилади; у чўмилиш соҳилида ечиниладиган хоналар ўрнатишга буйруқ берди, об-ҳавони маълум қилиб турадиган, чўмилиш мумкинми ёки йўқми эканлигини билдирадиган байроқчалар ўрнаттириди, Мануэла Санчес чўмиладиган жойни панжара билан тўстирди; у денгиз соҳилида мармар

террасалар ва хаёлга ғарқ кўм-кўк ўтлоқли кўшк уйларни кўрди. Улар у туфайли бойиб кетган ўн тўртта хонадонга тегишли эди. Лекин бир чеккароқда турган қўрғонга эътибор қилди. У айланниб сув сочадиган фавворалари бор энг катта қўрғон эди. уни дарҳол қўлга кириттиси келди. «Сенинг шу қўрғонда яшашингни истайман. Мени шу ерда кутишингни хоҳлайман!» Албатта, бу кўшк шу заҳотиёқ мусодара қилинди ва қўлга киритилди. Мануэла Санчесга қўшкўллаб топшириди. У ўз хаёлларида атрофини ўраб турган ташқи оламни мана шундай ўзгартиради, денгиз соҳили бўйлаб кетиб бораётган автомобилнинг орқа ўринидигида ўтириб ўз-ўзи билан сўзлашарди. Ниҳоят, денгиз тўлқинларининг сершовқин нафаси тутади, шаҳар ҳам тугади, машинага Ит Жанжали Маҳалласининг иблисона шовқин-сурони кириб келди. Бу ерга келиб қолдию ўз қўзларига ишонмади, бунинг нима эканлигини мана энди тасаввур қилди, у қўрқиб кетди ва оғзидан шу сўзлар отилиб чиқди, «Онагинам менинг Бендинсон Алварадо, ўзинг қара ахир, биз қаерга келиб қолдик! Мени кутқар!» Бироқ бу аросат тўс-тўполонгоҳда ҳеч ким унинг ҳазин қўзлари, юпқа лаблари, кўкрагига ҳорғин ташланган пўрсилдоқ қўлларини танимас, билмас эди, зигир толали оқиш матодан тикилган костюм ва одми кепка кийган кўхна қариянинг панғ овозига ҳеч ким эътибор бермас, қариб тўкилай деб қолган ушбу мўйсафид билан бирон кимсанинг иши йўқ, у эса бошини машина дарchasидан чиқариб дуч келган одамдан сўрагани сўраган эди: «Менинг Шармандаи шармисорлигимнинг Мануэла Санчеси бу ерда қаерда яшайди? Йўқсулларнинг маликаси қўлида атиргул кўтарган ойимтилла қаерда туради?» Унинг қаерда яшашини сўраб-суриштиради-ю, ўзи эса шуларни ўйлаб борарди: «Қандай қилиб яшайсан шундай жойда, бу ернинг қаерида яшайсан, қутурган итлар ғажишиб ётибдири бу ерда, оғзиларидан қонли сўлакайлар оқиб ётибдири бу ерда, уларнинг иблисона қўзларига қон тўлган, ваҳшат маҳшаргоҳида ярми ғажиб ташланган кўпраклар думларини қисиб увиллашади, сасиган кўлмакларда ётиб жароҳатларини ялашади; маст-аластларнинг бўкириғига тўлган бу кўчаларда сенинг лазиз орхидея мисоли нафасингни қандай илғаб олай, ахир; ана, онасини палон-пистон

мастларни орқасига тепиб-тепиб қовоқхоналардан улоқтириб ташлашыпти, сен менинг жазо, қийноқ, азобимсан; сени қандай топай марангунго ва бурунданго гордолобо ва манта-де-бандера-нинг<sup>1</sup> чексиз-интиҳосиз қуонли ўрамлари ичра; сени қандоқ то-пайин бири-бирига мингашиб кетган овқатхоналар, анови ўта бемаза колбасалар шунчалар ярамаски, уларни бўлак-сўлаклари орасида ётган тангалар ҳам азбаройи ноҳамворликдан қорайиб, ранги ўчиб кетади; э жин урмайдими менга деса, лекин сени ўша Қора одам ва Хуансито Трукупзянинг<sup>2</sup> алоғ-чалоғ жаннатидан қандай топай, ахир; қайдан қидирай сени бу айқаш-үйқаш вайрона, харо-балар, ёрилиб-нураб кетган деворлар ичида епископнинг олачаси-дай қорамтири қизил фризлар деразаларнинг тўтикуш патидай кўк ойналари ва мовий ромлар орасидан сенинг уйингни топсам бўлади-мики, бу ерларда сенинг қўлингдаги атиргул худди нимқизил чинни кўза каби очилиб туради ва ушбу дамда ушбу маҳшаргоҳ дўзах пучмоғида қўлингдаги соат қайси вақтни кўрсатмоқда, бу ерда но-муносиб мансуҳ оломон менинг амр-фармонларимга бўйсунмайди, ҳозир, мана тушдан сўнг соат учни кўрсатяпти, кеча кечқурунги саккизни эмас, лекин ҳеч ажабланарли жойи йўқки, бундай жаҳан-намда кечани кундузга бемалол чиқариш мумкин; сени манави хотинлар орасидан қандай таниб олсан экан, ана улар бўм-бўш хона-лар ичида арқон арғимчоқларда солланиб ётадилар ва бутлари ора-сини андак ором олдириш ва совутиш учун этаклари билан елпинадилар...» У шуларни ўйлаб, ланг очиқ деразаларга қарар ва суриштиради: «Менинг умидсиз хору зорлигимнинг Мануэла Сан-чеси қаерда яшайди, у кўпик каби ҳарир кўйлак кийиб, кўйлаги устига билур жилвалар сочган, малика қилиб сайланганлигининг бир йиллиги муносабати билан ҳадя қилинган соф олтиндан тилла-қошлар таққан?» Ва ниҳоят шу аросат тўс-тўполонда кимдир унинг сўровини эшигиди-да, шундай жавоб берди:

« –Э-э-э, ановми? Биламан сиз сўраёттан одамни! Думбалари манавиндай, кўкраклари гумбаздай, жуда ўзига бино қўйган

<sup>1</sup> Колумбия халқ рақслари номлари.

<sup>2</sup> Колумбия фолклори қаҳрамонлари, раққослар.

таманно, ҳамма маймунлардан ҳам маймунроқман дейдиган. У ҳов анов ерда яшайди, сениор, ҳов анави уйда туради!» Унчалар кўзга ташланмайдиган уй экан. Фақат жуда бачкана қилиб тумтароқ бўялган, остонаси атрофлариға итлар қумалоги сочишган – кимдир яқинда бу уйга кира туриб ит қумалогини босиб тоёилиб кетган, ушбу бечоравашгина уй Мануэла Санчеснинг маълум қиёфасига сира муносиб әмас әди, биласизми, у президент қабуллари чорида вице-қирол оромкурсисида ўтирадиган ўша гўзаллик маликаси Мануэла Санчес-да; лекин ҳар қалай мана шу унинг уйи әди, унинг макони, маскани әди. «Онагинам менинг Бендинсон Алварадо, юраккинамнинг мадори менга мадад бер, бу ерга бемалол кирайин!..» Бироқ уйга кирмасдан бурун бутун маҳаллани беш маротаба гир айланиб чиқди, кейин нафасини ростлаб әшикни уч бора тақиллатди, мана шу уч маротаба қоқиш худди уч карра ялиниб-ёлворишдек эшишилди; у қизиб мисли ёнаёттандай әшик соябончаси остида муштоқона кутиб тураркан, бу сассиқ кўланса ҳид қаердан келаёттанини сира тушунолмасди. Ё ҳавонинг ўзи кун иссиғида шунчалар сасиган ва ё унинг ўзи тинимсиз ҳаяжонланавериб ҳавони бузган? Ниҳоят Мануэла Санчеснинг онаси уни кенгайгина салқин залга олиб кирди, бу ерда эскирган балиқнинг ҳиди анқирди. Кейин у пешинги дам олиш соатларида ухлаб ётган қизини ўйротиш учун чиқди. У эса ўтириб ушбу ночоргина зални, ўз бахтсизлигининг хонасини кўздан кечирди. Деворларда ёмғир ёғган чорларда ўтган чаккаларнинг излари кўзга ташланарди, ўтирадиган ўрни тагига чўкиб кетган диван, иккита ўринидиги ичига ботган чарм курси (ўзи учинчи шундай курсида ўтирибди), торлари узилиб ёттан пианино. Ушбу кичкина залчада бошқа ҳеч вақо йўқ. «Жин чалсанн, ҳечқиси йўқ, шундай қашшоқликни кўраман деб қанча азоб чекдим!» Мануэла Санчеснинг онаси чеварлик саватчаси билан қайтиб кирди-да, курсилардан бирига ўтириб, қўлига ишини олиб тўқишига тушди. Бу пайт қизи куттимагандан келиб қолган манави қари меҳмон олдида ўзини саранжом-саришта кўрсатиш учун кийинар, соchlарини қайтадан турмаклар, ўзининг энг чиройли туфлисини танларди. Мўйсафид эса, афтидан, ҳамон ўзига келолмас, ўзидан

ўзи гўлдиради: «Менинг бахтсиэлигимнинг Мануэла Санчеси, қани, қаерлардасан, сенинг ҳузурингта келдим, лекин бу уйда ҳамон сени кўролганим йўқ, орхидея гулидай муаттар нафаслатингни ислаганим йўқ, бу ерда овқат қолдиқларидан бошқа исни сезмадим, қани сенинг атиргулинг, қани ахир сенинг муҳаббатинг мени ит азоблари зиндонидан кутқар, халос эт!» У оғир сўлиш олиб ўз-ўзига шундай гудранарди. Ана шунда ички хонанинг эшигидаги Мануэла Санчес пайдо бўлди. У ўз хаёллари, тушларидаги қизни мана шундай кўз ўнгига келтиради. Шу билан бирга у тушларига кирган қиздан тамомила бошқача ҳам эди – бир тушида ўзгача, яна бошқа бирида бутунлай бошқача кўзгуда гавдаланарди, қиз арzon чит кўйлак кийган, оёғига уриниброқ қолган туфли илган эди, соchlарини эса шоша-пиша тароқ билан турмаклаб кўйган эди. Лекин шунга қарамасдан у дунёдаги энг гўзал ва мағрур қиз эди. Кўлидаги атиргули чўғдай ёниб турарди. Унинг кўзлари бамисоли қамашиб кетди. Қиз маликалар каби бошини баланд кўтариб саломлашганда, у таъзим бажо келтириш учун тиззалари қалтираб базўр оёққа қалқди. «Худо сизни ўз паноҳигда асрасин, ҳазрати олийлари!» – деб салом берди қиз ва шаҳватнинг қўланса ҳидлари анқиб турган меҳмондан пича наридаги диванга ўтиради. Кейин қўлида атиргулини оҳиста ўйнаб, меҳмоннинг юзига журъят билан тикка боқди. «Мен кўршапалакнинг дудоқлари, шабпракнинг лабларини кўрдим, кўзлари сувга чўккан кишининг кўзларидай қотиб қолган эди. Менга худди чуқур сув тагидан қараётгандек эди. Унинг танасида туки йўқ, юзининг териси салқи, заҳил сарғайганди, лекин қўллари совуқ ва силлиқ эди; ўнг қўлинни тиззаси устига қўйган, унда президент муҳори ўйилган узути аниқ қўзга ташланарди, оқ зигир толаси матосидан бўлган костюми худди қопдай осилиб турарди; оёғидаги пойабзали шунчалар катта эдики, одатда, ўлганларга шундай беўхшов туфли кийгизишади, сениор! Мен унинг яширин хаёлларини уқиб ўтирас, ҳукмдорлигининг сирли қудратини ҳис қиласдим; бу бутун ер юзидағи энг қари ҳукмдорнинг, шафқатсиз кишилар ичидаги шафқатсизининг куч-қудратини сезардим; бутун мамлакат уни жонидан ёмон кўрар, унга заррача ачинмас, хайриҳоҳлик билдири-

масди; у эса кепкаси билан ўзини елпир, ҳаётнинг бутунлай бошқа соҳилидан туриб гиқ этмай, оғиз очмай мени томоша қиларди. «Э, худойим-ей, бунчалар бадқовоқ бўлмаса, бу одам!» – деб ўйладим қўрқув ичидаги совуққина қилиб сўрадим: «Хизматингизда бўлайлик, ҳазрати олийлари». У бунга жавобан тантанавор қилиб деди: «Мен шундай ўзим келдим, малика! Шундай ўзим!» Бу келиши унинг ахволини енгиллаштиргади. Кейин у кўп ойлар мобайнида ҳар куни қизни кўргани келадиган бўлди; ҳар сафар келишда туш пайтини, иссиқ өнг авжига чиқсан пайтни танларди; одатда, бундай пайтда у онасининг ҳузурида бўларди. У миллий хавфсиэллик хизматларини чалритиш учун худди мана шу соатларни Мануэла Санчесни кўришга багишларди. Майли, хавфсиэллик хизмати уни онасининг олдида, чеккадаги уйда деб ўйласин. Лекин у ўшандаги бутун дунё хабардор бўлган нарсани билмасди. Генерал Родриго де Агиларнинг карабинерлари ҳукмдорнинг ҳар бир қадамини қўриқлашар, томларда пойлаб ётишар, кўчалардаги ҳаракатни бутунлай издан чиқариб, айқаш-тўйқаш қилиб юборишар, ундан кейин одамларни милтиқ қўндоқлари билан уриб йўлларни бўшатишарди; у ўтадиган йўлларда бутун ҳаракат батамом тўхтатилар – соат иккidan бешгача пашша ҳам учмаслиги керак эди. Кимда-ким юрак ютиб ушбу соатларда балконга чиқса, карабинерларга уларга огоҳлантириб ўтиромай ўқ узиш буюрган эди. Лекин одми машиналар каби ниқобланган президент машинаси қачон кўчада пайдо бўлишини ҳатто энг тўпигига сув чиқмас одамлар ҳам қандайдир йўллар билан билиб олишар, лимузин ичидаги ўтирган тиниқ оқ матодан кишилик костюми кийган эҳтиросли харрос мўйсафиидни, унинг қанчадан-қанча етимлик тонгларини бошидан кечирган бўздан оқарган юзини кўз учидаги қўриб қолишарди. Бу ҳеч кимга кўрсатмай дарё-дарё аламли кўз ёшлар тўйкан кишининг чеҳраси эди. Бу бошқаларнинг у ҳақида нима деб ўйлашию, юрагини чанглалаб туришлари тўғрисида нималарни гапиришларигача барига қўл силтаган одамнинг юзи эди. У ўз юрагига ҳоким әмаслиги бутун қиёфасидан қўриниб турарди. У бамисоли қурбонлик учун мўлжалланган ҳайвон эди ва ҳаво худди суюлган шишага ўхшаб қоладиган пешин пайтининг ўлик

жазирасида ҳувиллаган бўм-бўш кўчалардан гўё сўйиш учун олиб бориларди, кейин унинг тушуниб бўлмайдиган фалати инжиқликлари халқ оғзига тушиб, мишишлар кўпайди. Уларга қараганда, пешин чорлари онаси Бендинсон Алварадонинг ўйида әмас, Мануэла Санчеснинг тинч-осуда, ҳеч кимнинг кўзи тушмайдиган салқин қўнағасида бўлар әмиш; Мануэланинг онаси тўр тўқиб кўзга ташланмай бир чеккада ҳушёр боқиб ўтирафиши, қизи билан уни бир дақиқа ҳам ёлғиз қолдирмасмиш; ахир нима деманг, унинг қизини деб шунча қимматли совға-саломларга, ҳар турли ажабтовур машина ўйинчоқларига пул сарфляяпти, қизини фу-сункорлик сирларига ошно қилишга ҳаракат қиляпти, қизига тог биллуридан ясалган ажойиб босма ҳадя қилди. Биллур ёмбиси ичидаги нур ва шуълалар ўйинни боис, қор бўронлар қўзғалгандай бўлиб кўринар, улар ёмби ичига қамалган әди. У қизга яна астрономия ва тиббиёт асбоблари, манометрлар, метрономлар, гороскоплар совға қиласиди. Бундай нарсаларга қаерда кўзи тушса, қизга сотиб оларди. Онажони Бендинсон Алварадонинг норозилиги ўзининг отнинг қашқасидай маълум курумсоқлигига қарамай, ўнг-сўлига пулларини ҳовучлаб сочарди. У Мануэла Санчеснинг қулоғига ватанпарварона бир ўйинчоқни тутиб туришни бафоят ёқтирас ва бундан бенижоя роҳат оларди. Бу ўйинчоқ денгиз чиғаногидан ясалган бўлиб, унинг ичидан денгиз тўлқинларининг шовқини әмас, режим шарафига тўқилган ҳарбий маршлар янграб турарди; у гутурт чўпини чақиб ёндириб деворда осилиб турган градусникка тутар, менинг қалбимнинг ўртанган, куйган симоби қанчалар юқори-куйин тушишини Мануэла Санчес ўз кўзи билан кўрсин, дерди; у Мануэладан ҳеч нарса сўрамас, фақаттина унга термулиб ўтирас, ниятини қилт этган ҳаракат билан маълум қилмас, ёлғиз телбавор совға-саломлари билан қизни индамай эзиб ташлашга уринар, сўз билан айтмолмаганларини совғалар орқали билдиришни истарди. Ахир у ўзининг барча хоҳиш-истакларини кўзга ташланиб турадиган, ҳис қилса бўладиган, ўз куч-қудратининг буюм тусини олган аниқ бир тимсолига айлантириб тақдим этишга одатланган әди. Бирда Мануэла Санчеснинг тугилган куни кўриб хурсанд бўлсин деб, деразани очишни таклиф

қилди. «Мен деразани очдиму, сениор, даҳшатдан қотиб қолдим. Шўрлик Ит Жанжали Маҳалламизни улар нима қилишибди дeng? Мен шоша-пиша қурилган ва оҳак билан оқланган ёроч уйларни кўрдим, сунъий синтетикадан ясалган, яшил ўтлоқларда фавворалар чир айланиб сув сочарди, ўртада тустовуқлар юришарди, неғадир оқимтири газ сочишган, у ҳаммаёқда муздак оппоқ қуон қаби тўзарди – бир кўз ўнгингизга келтиринг-а, сениор?» Бу бир маҳаллар дengиз пиёдалари офицерлари учун қурилган туаржойларнинг ўта noctor бир нусхаси эди. Бу хўжа кўрсин уйлар ҳеч ким кўрмасин деб яшириб кечалари бино қилинган эди, шовқин-сурон кўтарганлиги учун барча итларни бигта қўймай қириб ташлашган, аҳолини бошқа ахлатхоналарга кўчиришган эди. Бу ахлатхона ўрнида эса янги маҳалла пайдо бўлди, у Мануэла Санчес маҳалласи бўлиб, қиз уни ўзининг туғилган куни деразасини очиб қўриши ва хурсанд бўлиши керак эди. «Ана, энди ўзинг томоша қил, маликам ва баҳтли бўл!» Бу қизни ҳукуматнинг ҳамма нарсага қодир чексиз куч-қудрати билан әзиб ташлаш, унинг ўта назокатли, шу билан бирга метиндай қатъиятли иродасини бўшаштиришга, ҳайрону лол қилиб қўйишга қаратилган уриниш эди. «Илтимос, менга бунчалар ёпишаверманг, ҳазрати олийлари! Ахир онамнинг кўз ўнгидат-я!» Шунинг учун у қизининг номусини қўриқ-лайдиган она билан ҳисоблашишга мажбур эди. У ҳирсининг ботқоғига ботиб, ўзини хоҳишининг зўридан қаерга қўйишни билмас, ўз-ўзича қаҳронинг аламли суюгини тажигани тажиган эди. Мануэла Санчес эса гванабано дарахти меваларидан тайёрланган шарбатта муздек сув қўшиб аралаштириб илтифот билан унга тутарди. У эса шарбатни мўйсафидларча оҳиста-оҳиста майда култумлаб ичар, икки чеккаси сирқираб оғрир, у бошогриқ санчиқларига сабр-тоқат қилиб чидар, қарилкнинг оғриқ дардларини билдиримасликка уринарди. У Мануэла уни ачинганидан яхши қўриб қолишини хоҳдамасди, қизда ҳақиқий бир муҳаббат уйғонишини кутарди. Қиз эса ёнгинасида туриб уни шундоқ бир ёлғизлик гирдобига гирифтор қиласардики, бунга чидаб тоқат қилишининг сира иложи йўқ эди. То кетадиган пайт бўлгунча лоа-қал унинг нафасини ўзида ҳис қилгиси келарди. Бураб қўйиладиган

табиий катталиктаги фаришта бир маҳал қўнғироқларини чалиб барча хоналарни айланиб чиқар ва висол онлари тугаганлигини билдиради. «Бу фаришта менга ўлимим соатларини хабар қиларгди!» У ўзининг бу ерда бўлиш дамларини иложи борича то охирги дақиқаларгача чўзишга ҳаракат қилас, бу зал ҳавосининг охирги қултумларини ҳўплаб ютаркан, титраб-қақшаб айрилик дамларини орқага суришга интиларди. Намчил сернамак денгиз ҳавоси ўйинчоқларни бир зумда емириб, занг бостириб ташламасин деб, барча ўйинчоқларни қутиласрга йигиштиради. «Яна оэгина қолди, ҳозир тугатаман, маликам! Фақат манавиларни ҳам яшириб қўяй». Ниҳоят, охирги дақиқа ҳам етиб келар ва ана энди кетмоғи керак – то әртагача! Лекин бу әртагачанинг охири қўринмас, ҳали унгача бир аср вақт борга ўхшарди. Ҳозир эса мана шу дақиқада висолига етиб бўлмас қизга яна бир зум, яна фақат бир сониягина телмуриш учун шу бир зум, шу бир сониянинг ўзи етмас әди. Қиз эса қўнғироқ чалиб учайтган фариштани кўриб тошдай тек қотар, атиргули этагида сўлар, ошиғининг жўнаб кетишини илҳақ кутарди. Мана ниҳоят у чиқиб кетар, ғойиб бўлар, оқшом чоғининг сояларига қўшилиб йўқоларди. Ажабмаски, ғойиб бўлардин шармандаю шармисор бўлиш азобларидан, әл-юртга кулги-калақа бўлиш эҳтимолидан беҳад қўрқар, ўртанарди. У ҳамма ўз устидан аллақачонлардан бери кулиб юрганлигини билмасди. Унинг ишқибозлиги бутун әл-юртта достон бўлиб кетган ва ҳатто бу ҳақда қўшиқлар ҳам тўқилган әди. Ёлғиз угина бу қўшиқдан хабарсиз әди. Ҳолбуки, бутун мамлакат буни билар ва ҳатто тўтиқушлар ҳам уни ҳар бир ҳовлида такрорлаган әди:

«Аламига ботган, қўзларида ёш.  
Генерал борар ошиқларга хос.  
Кўлларини босиб доим кўксига,  
Бир қараб қўй бу акамнинг аксига:  
Ҳирсу ҳаво уни тамом қилибди.  
Давлату ор энди бекор бўлибди.  
Бутун мамлакатга ошкору аён  
Уйқу ичра чиқаради ул фармон!»

Ёввойи тўтилар бу қўшиқни уй әгаларидан эшитиб ёдлаб олдилар. Уни масхаравозлар ва загизонлар илиб кетдилар. Улар боис бўлиб, қўшиқ мамлакат пойтахтидан ташқарига ҳам тарқалди. Уни бутун мамлакат жўр бўлиб айтарди. Тўда-тўда одамлар миллий хавфсизлик хизмати ходимларини кўриб, нари қочишар ва бор овозларини қўйиб бу қўшиқнинг сўзларини бақириб айтишарди. Ҳамма жойда аҳвол шу әди. Кейинроқ унга мана бунга ўхшаш янгидан-янги бандлар ҳам қўшиди:

«Генералимиз жонажон  
Ўлкани қилди ҳаром,  
Хизматини боплади,  
Тезагини қоплади,  
Чиқарди янги фармон  
Кети-ла айлаб баён!»

Қўшиқка янгидан-янги қўшимчалар қўшилар, улар тобора кўпайиб борар, ҳатто тўтилар ҳам ўзларича бир нималар тўқишиар, миллий хавфсизликнинг боши қотиб, калавасининг учини йўқотган, у қўшиқни таг-томири билан йўқотишга тиришарди. Ҳарбий соқчилар тиши-тироғигача қуролланиб ҳовлиларга бостириб киришиб, бузгунчи тўтиларни шартта-шартта отишар, уларни қафаслардан тортиб олиб бўйниларини қайнириб итларнинг олдига ташлашарди. Исёнчи қўшиқни йўқотиш учун ҳатто қамал ҳолати ҳам эълон қилишиди, одамларни улар ўз кўзлари билан кўриб-билиб турган нарсаларни кўриш имкониятидан маҳрум қилмоқчи бўлишиди, лекин бу ҳаракатларнинг ҳаммаси беҳуда әди. Ҳуфтон қоронгуси тушганда у саройнинг орқа эшигидан ўтиб бораётганлиги, худди тунги дайди каби ўзини эшикка ураётганлиги, отхоналар оралаб ичкарига ўтиб, сўнг чивинларни ҳайдаш учун тутатиб қўйилган таппиларнинг тутунларида ғойиб бўлганлигини ҳамма кўриб турарди. «Эртагача хайр, маликам! Эртагача!» Эртасига эса кўз кўрмаган, қулоқ эшитмаган бир дунё совға-саломларни кўтариб ўша соатда яна Мануэла Санчес ҳузурига кириб борарди. Охирокибат бу совға-саломлар шунчалар кўпайиб кетдики, Мануэ-

ланинг уйига яна бошқа уйларни қўшиб бирлаштиришга тўғри келди, Мануэла меҳмонини қабул қиласидиган уй зали ён-верига яна уйлар қўшилиб, жуда катта бинога айланди, бора-бора у улкан, баҳайбат омборхона тусини олди, энди унда барча замонларнинг турли туман соатлари, энг ибтидоий џилиндроли ва энг янги никелланган ялтироқ мембраниали граммофонларнинг турли маркалари ва хиллари кўплаб ҳам қўл, ҳам оёқ тикув электр машиналари, галванометрлар, мусиқа чаладиган қутичалар, турли оптик ўйинлар учун аппаратлар, қуритиб қўйилган капалакларнинг коллекциялари, Осиё ўсимликларининг гербарийлари, физиотерапевтика лабораториялари ва жисмоний маданият асбоблари, астрономия ва физика ускуналари, шунингдек, одамларга ўхшаб ҳаракат қуловчи механизмлар ўрнатилган ранг-баранг алвон қўғирчоқлар жойлашган эди. Омборхонанинг кўп хоналарига ҳеч ким қадам босмас, нарсалар бир пайт қандай қўйилган бўлса, шундай чанг-тўзон босиб ётар, ҳеч ким бу ерни супурниб-сидирмас, тозаламас, ҳеч кимнинг бу билан заррача иши йўқ, Мануэла Санчеснинг ўзининг кусти асти қўяверинг – унга карнавалда тож кийдиришган ўша машъум шанба кунидан буён дунёда ҳамма нарса унинг жонига теккан, ҳаммасидан кўнгли совиб, қўлини қўлтиғига урган эди. «Ўша куни мен бахтсизликка йўлиқдим – гўзаллик маликаси бўлиб қолдим. Ўша куни мен учун охир замон бўлди! Менинг барча муҳлисларим бирин-кетин дунёдан кўз юмишди, кимнинг юраги ёрилиб ўлди, ким аллақандай номаълум ёмон касалларга чалинди, барча дугоналарим изсиз гойиб бўлишди». Қиз ўз уйидан ташқарига чиқмай туриб, бегона ва нотаниш маҳалланинг ўртасида қолди. Атрофидаги ҳамма нарсалар бутунлай ўзгариб кетган, қайтадан қурилган эди. У тақдир туэзогига тушган, ярамас бир ошиқ ҳирсу ҳавасининг асирига айланган эди. Қиз ақл бовар қиласидан ҳукмдорлик қурдатига эга бўлган бу кимсага: «Йўқ», – деб айтишга журъат этолмаганидек, «Ҳа», – дейишга ҳам мажоли етмади. У эса қизни ўзининг хору залил ишқи билан таъқиб этгани этган эди. У қора терга ботиб, ўзини оқ шляпаси билан еллиганча қизга олижаноб бир карактлик ичидан боққани боққан эди. У шунчалар хаёлга ғарқ бўлиб, ўзини унугтган ҳолда ўтиради.

дики, гоҳо қиз ўйларди: «Наҳотки? Наҳот шу одам у бўлса? Балки бу фақат шарпадир?» Лекин бу шарпа эмас әди. Қиз унинг юраётгани, мева шарбатини ичаётгани, оқшом чорлари чигирткаларнинг чириллашлари остида залга қоронгулик кириб келаёттандан у кажава курсида ўтира туриб қўлида стакан билан бошини этиб ухлаб қолаёттганларини кўрар әди. У баъзан хуррак тортиб юборар ва қиз унинг қўлидан тушиб кетаётган сув солинган стаканни тутиб қолиш учун ўрнидан дик этиб сакраб турарди: «Эҳтиёт бўлинг, ҳазрати олийлари!» У дарҳол қўрқатпуса кўзини очар ва: «Мен ухлаганим йўқ, маликам, ухлаганим йўқ! Бирпас кўзимни юмдим, холос!» У қўлидан стаканни тушириб юборай дегани, қиз уни чаққонлик билан тутиб қолганини билмасди. Шунингдек, қизнинг атрофда парвона бўла туриб, ундан ўзини олиб қочиш учун қилаётган нозик ва устомон хатти-ҳаракатларини ҳам фаҳмламасди. Булар барибир ақл бовар қилмас кун киргунча давом әтаверди. Бир куни у ҳаддан ташқари ҳаяжонланган ҳолда кириб келди-да, тўлиқиб, ҳаприқиб сўзлай бошлади: «Шу бугун кечаси мен сенга етти ухлаб тушингта кирмаган совға олиб келаман, маликам, дунёда ҳеч бундай совға бўлган эмас. Кечаси соат ўн биру ноль олти дақиқада сен ғаройиб бир мўъжизани кўрасан – осмонда юлдуз учади, маликам. У сен учун учади!»

Комета учиб келмоқда әди. Биз учун кометанинг учиб ўтиши тарихимизнинг энг умидсиз ва энг қайгули ҳодисаларидан, алданган умидлар куни бўлиб қолди. Нега десангиз, узоқ йиллардан бери ҳалқ ичидаги шундай бир гап юрадики, унга кўра гўё генералимиз ҳаётининг қанча давом этиши ер юзидағи оддий вақтга тобеъ эмас, у кометанинг айланиб чиқиши даврийлигига боғлиқ; у то комета айланиб келгунча яшайверади ва кометани кўрмагунча унинг жони узилмайди, унинг тақдирни аъмолида шундай ёэилган; нонхўрларию лаганбардорлари нималар деб вайсамасинлар, кометанинг иккинчи бор учиб ўтишини кўриш унга насиб әтмайди. Шунинг учун ҳам биз кометанинг юз йилда бир маротаба ноябрь кечасида тепамиздан учиб ўтишини коинотдаги энг гўзал воқеа, уйғониш ва янгиланиш дамлари деб муштоқлик билан кутардик. Биз ана шу кечага байрамона машъалалар тайёрлаган, шодиёна

музикалар тўқиган, жом қўнғироқларини чалишга тайёрлаган эдик. Кейинги юз йил ичида унга мадҳу сано ўқиши учун эмас, балки муқаррар ўлимини нишонлаш учун шундай қылгандик. Тун вақти соат роппа-роса ўн бир бўлганда ўн битта жарангдор, янгроқ товуш ана шу воқеадан дарак бермоги лозим эди. Унинг ўзи фавқулодда кометанинг пайдо бўлишини Мануэла Санчеснинг яssi томида қиз билан унинг онаси ўргаларида ўтирган ҳолда кутар, юрагининг ҳуркак дукурлашларини улар эшишиб қолмасинлар деб, баланд овоз чиқариб ҳўрсинаро, мудҳиши бир нарсани сезгандек карахт осмонга термулар, шундоқ ёнгинасида Мануэла Санчеснинг тунги лазиз нафаси, унинг вужудидан оқиб келаётган ширин ҳидларни бутун жонида ҳис қилиб туарди. Мана, ниҳоят у узоқларда кометани аласловчиларнинг ногора садоларини эшилди, босинки янграган дуолари саси қулогига чалинди, табиий фалокатлар даракчиси, ўта сирли афсунворий мавжудот олдида тўда-тўда бўлиб тиз чўкаётган одамларнинг худди ер остидан чиқаётгандек гулдурос шовқин-суронлари унгача етиб келди. Бу мавжудот қошида у мисоли бир зарра эди, унинг чексиз ҳокимияти эса – ҳеч нарсага арзимас эди. Бу мавжудот рўбарўсида унинг ёши кўз очиб юмгандан кўра ҳам қисқароқ эди. Зеро ул мавжудотнинг ўзи чин маънода мангу эди. Шунда у илк бора вақтнинг чексизлигини ҳис қилди, илк бора ўзи ҳам ўлимга маҳкум кимса эканлигини сезди, даҳшатга тушди ва худди шу онда уни кўрди. «Қара, маликам, ана у келяпти, ҳов ана!» Комета коинот қаърларидан пайдо бўлди. У фазо бўшлиқларида сузиб келарди, у бизнинг дунёларимизнинг баридан кўра қадимиюроқ эди. У осмоннинг ярмини эгаллаган, мунгли, оловли медузага<sup>1</sup> ўхшарди.

Унинг орбитадаги ҳаракатининг ҳар бир сонияси ўзининг асл манбалари сари роса бир миллион чақиримга яқинлаштиради. Қўп ўтмай ҳамма унинг ҳаракатининг шувиллашларини эшилди, гўё тиллақоғоздан ясалган шокилалар шамолда шитирлагандай бўлди; ҳамма унинг қайгули сиймосини, кўз ёшларга тўла нигоҳи-

<sup>1</sup> М е д у з а – жом ёки соябонга ўхшаш ёпишкоқ дентиз махлуклари (тарж.).

ни, қуюнларда патила-патила бўлиб кетган, худди илонлардек буралган соч ўрамларини кўрди; у ўз ортида шуълаланган юлдуз туборларини, майда учар тошларни, куйиб сўхта бўлган ой ҳарсангларини әргаштириб учарди; ҳали курраи заминда вақт деган нарса пайдо бўлмасдан бурун бундай харсангтошлар келиб урилиб, океанларда кратерлар вужудга келган эди. Оловли медуза илонлар каби тўлғанган шуълалар сочган соchlарини ёйиб шундай ўтиб бораарди. «Қара, малика, яхшилаб қара, ахир у яна юз йилдан кейин келади!» – деб унинг шивирлаганини эшитди Мануэла Санчес ва қўрқиб чўқиниб қўйди; кометанинг нурли шуълаларида юлдуз губори сочқиларида қиз ҳар қачонгидан ҳам гўзалроқ қўринарди. У чўқиниб, қўрқиб унинг қўлидан маҳкам ушлади. «Онагинам Бендинсон Алварадо, мана ниҳоят бу нарса рўй берди, Мануэла Санчес менинг қўлимдан ушлади!» Қиз бунинг қандай бўлганини ўзи ҳам сезмай қолди, рўпарасида мангулукнинг қаъри очилганини кўрлаб даҳшатга тушди, беихтиёр қандайдир таянч тошишни истади ва файришуурий тарзда йиртқичнинг номсиз бармоғига президент муҳри тақилган ўта оруланган ва авайланган сипсилиқ қўлига ёпишди; бу ҳокимиятнинг секин алангланган қўрларида тобланган, яширин ҳарорат билан ҳовурланиб турган бир кўл эди. Бизнинг илоҳий китобларда башорат қилинган мўъжиза билан унчалар ишимиш йўқ эди, оловли медуза юлдузларнинг буржаларини хиралаштироди, мамлакатга юлдуз ёғинини ёғдириди, биз бу мўъжизотта у қадар эътибор берганимиз йўқ, зеро бутун фикри-зикримиз унинг яшин тезлигига рўй бериши керак бўлган оқибатларига қаратилган эди; ҳатто орамиздаги энг ишонмас кишилар ҳам, мана-мана ҳозир ҳеч ким кутмаган, ақл бовар қилмайдиган ҳалокат юз беради, бутун христианликнинг асослари парча-парча бўлиб кетади ва ниҳоят Учинчи Аҳд замони бошланади деб ишонарди. Улуғ ўзгариш бўлишини кута-кута биз эрталабгача кўчаларда бекор қолиб кетдик; бизни уйқусиз ўтган кеча чарчатмади, бизни бесабр, беҳосил ўтган тун чарчатди ва биз уй-уйимизга тарқалишдик; биз юлдуз парчалари сочилиб, ҳаммаёқни уларнинг губори қоплаган кўчалардан тентираб, уй-уйимизга кетиб бораардик; фаррош хотинлар комета қолдирган, осмондан тушган

хасирваларни супуриб-сиришарди; биз эса ҳамон ҳеч нарса рўй бермаганилгига, жуда ҳам катта тарихий кўзбўямачиликнинг курбони бўлганимизга ишонгимиз келмасди – ахир расмий идоралар кометанинг муваффақиятли тарзда ўтиб кетганлигини ёмонлик кучлари устидан режимнинг ғалабаси деб эълон қилди. Оловли медуванинг омон-эсон ўтиб кетганидан президентнинг ғалати касалликлари ҳакида тарқалган турли мишишларга батамом барҳам бериш учун ҳам фойдаланилди. Зеро, фазо сайёralарининг ҳаракатларини бошқара оладиган киши касал бўлиши мумкинми ахир? Унинг халқка қаратса тантанали мактуби босилиб чиқди. Унда комета то иккинчи маротаба учиб келгунча ўзининг амал курсисида қолажагини маълум қилди. Музика садолари янграрди, ранг-баранг алвон мушаклар гумбурлаб отиларди, биз унинг ўлеми ва режимнинг қулашини мана шу тарзда байрам қилишни истаган әдик; лекин у ушбу музика садоларига ҳам, алвон шиорларга ҳам зарра парво қилмасди; де Армас майдонига йиғилган ҳалойиқ алвонларга ёзилган шиорларни қичқириб айтарди: «Ватан ҳалоскорига манту шараплар бўлсин! Дунё тургунча турсин ва бизни келажак наслларга сўзлаб берсин!» У булаrinинг ҳеч бирига парво қилмасди, ҳатто энг масъулиятли давлат ишлари билан ҳам шугулланмасди, уларнинг барини ўз амалдорларига топшириб қўйганди; зеро уни ўз қўлида Мануэла Санчеснинг қўли чўғдай ёнгани ёди ўртарди. У баҳтиёрликнинг мана шу онини яна бир карра бошдан кечиришни ўлардай истарди. Бунинг учун нарсаларнинг табиати бутунлай ўзгариб кетишига ва бутун дунё тартиботининг издан чиқишига ҳам рози әди. У ўша дамлар такрорланишини шу қадар йистардики, охири-оқибат олимлардан ялиниб-ёлвориб пиротехник комета ёким учар юлдуз, самовий ёнар аждар ихтиро қилиб беришларини сўрашга тушди: майли, нима қилиб бўлса ҳам шундай қурилма яратишсинки, сарвқомат дилбар қиз уни кўрганда мангулик сиймоси олдида боши айланиб қолсин ва кимнинг қўлига суюнишни билсин. Бироқ олимлар ўйлаб-ўйлаб фақат битта нарсани ваъда қилишди: келаси ҳафтада чоршанба куни аср пайти соат тўртда қуёш тўла тутилади. Унинг рози бўлишдан ўзга иложи қолмади. Қуёш тутилиши ҳақиқатан ҳам зўр бўлди:

куппа-қундуз ичи зимиштон қоронгу тушди, кўкда юлдузлар чиқди, гулларнинг барги юмилди, товуклар қўндоқларига чиқиб ўтиришди, ит-мушуклар ғингшиб безовта бўлиши; у эса Мануэла Санчес ёнида ўтириб, лазиз нафаси, тунги фароғатли нафасини ўз димогига тортар, бу тун киришига алданган атиргулнинг сўлаётган чордаги муаттар ислари эди. «Бу бари сен учун Малика, бу сенинг кун тутилишинг!» Аммо Мануэла Санчес ҳеч нарса демади, унинг қўлинини ушламади. Унга қизнинг нафаси эшитилмади – димогида бу исларни туймади. Шунда у қоронруда қиз томонга қўлинини узатди, қўлига ҳеч нарса илинмади, бармоқлари билан қиз ҳозиргина ўтирган курсини пайпаслади, курсида ҳали унинг ҳарорати сақланиб турарди, лекин қизнинг ўзи йўқ эди, у ғойиб бўлганди; у қизни улкан уйни чарх уриб қидира бошлади, қўллари билан барча деворлару бурчакларни пайпаслаб чиқди; у қоронгуликка бақрайган кўзлари билан тикилар ва аламли илтижо қилиб сўроқларди: «Менинг бадбактлигимнинг Мануэла Санчеси, сен қайдасан? Мен сени излайман, кун тутилишинг замонида сени тополмайман, қайда сенинг шафқатсиз қўлларинг, қайда сенинг ўша атиргулинг?» У номаълум денгизларда адашган сув ости ғаввоси каби қоронгуликда фантастик катта тошбақа – гальванометрға, дам гаройиб маржонлар – қўнгироқ чалувчи соатларга, дам кўзбўямачиллик фокусларининг асбоблари бўлмиш ақл бовар қилмас қисқичбақаларга тўқнашиб кетар, лекин бу қоронгулик сувларида, бу совға-саломлар йигилган омбор-қазноқда ҳеч қайда Мануэла Санчеснинг изларини, ҳатто унинг орхидея гули каби нафасини тополмасди. Сароб қоронгуликнинг соялари чекинди ва беражм ҳақиқатнинг нурлари унинг онгига етиб келди, бу нур шарпаларни қувди. Кечки соат олти эди, гўё энди тонг ғирашира отаётгандай туюларди, у шунчалар ўртаниб ёндики, бунақаси ҳеч қачон бўлмаган, баногоҳ у ўзини худодан ҳам қўрқинчлироқ сезди. Бу улкан бўм-бўш уйда у ўзини шу қадар ёлғиз, кимсасиз сездики, бунақаси ҳеч кимнинг бошига тушмаган. «Бу дунёда сенсиз мутлақ мангу кимсасизман, сен менинг абадулабадга кун тутилиш чорининг сироли қоронгусида йўқоттан маликкамсан». Унинг ҳукмдорлик йиллари яна узоқ замонлар давом

этди. У гарчи улкан омбор-үйнинг пучмоқларида кўп қидирган бўлса-да, барибир Мануэла Санчесни тополмади. «Қайдасан, менинг ҳалокатимнинг сабабчиси Мануэла Санчес?» Күёш тутилган ўшал кун қиз ройиб бўлди. Унинг қулогига бир гап чалинди. Кимдир уни Пуэрто-Рикодаги улуғ карнавалда кўрган эмиш, гёё ўзига Елена деган исм олганмиш ва кимдир уни сўйиб кетганмиши. Лекин аниқлаб кўришса, бошқа одам бўлиб чиқди. Яна бир овозалар тарқалдики, машхур румбо раққоси, уста румбера Папа Монтеро<sup>1</sup> хотирасига бағишланган байрамда у румбо рақсини ижро этганмиш, лекин аниқланишича, у бошқа бир раққоса бўлиб чиқди. Яна бир гап эшитилдики, у Барловенто оролларида юрган эмиш. Бу ерда форлар бор. форларга кираверишда нофоралар чалиб рақсга тушишади; яна бир гапларга қараганда, уни Аракаткадаги халқ сайилларда кўришган эмиш; панама чирмандаларининг гумбурлаган оташин оҳангларига чарх уриб ўйнаб юрганмиш; лекин ҳар сафар бу бошқа бир қиз эканлиги маълум бўларди. «Уни иблис олиб қочди, генералим, иблис, бошқа нарса эмас!» У ўшандада аламли умидсизликдан ўлгани йўқ. Бу ўзини ўлдиришга унда ёвуз аҳду қарор этишмаганлигидан эмас, албатта. Гап шундаки, у ўзининг бу қизга бўлган муҳаббати туфайли ўлмаслигини биларди. Ишқ боис ўлиш унинг қисматига битилмаган эди. У ўз ҳукмдорлиги эндигина бошланган пайтларда кечки пайт бир башоратчи фолбинга сувга қараб фол очирган эди. Сеҳрли сув одамнинг кафтида ёзилмаган нарсаларни очиб беради. Қарта ёки кофе қуйқасида фол очганда ҳам, умуман, бошқа ҳеч нарсада буларни билиб бўлмайди. Фақат азал сувининг ойнасигина тақдирнинг сирли синоатларини ўқиб бериши мумкин. Азал суви ойнасида ўшандада у ўз ўлмини кўрди, қандай ўлишини кўрди, табии ўлим билан уйқуда жон беришини билди. Мажлислар залига қўшни хонада ўзини ерда юзтубан ётганлигини кўрди. У ўзининг узоқ умри давомида доимо шундай юзини кафтларига босиб ётарди, эгнида маҳсус белгилар қўйилмаган ҳарбий дала либоси, сўл оёғидаги эттигидаги олтин нағал, ёши ҳам номаълум: бир юз етти билан икки юз ўттиз иккенинг ўртасида эди.

<sup>1</sup> *Папа Монтеро* – шоир Николас Гилайн шеърининг қаҳрамони.

Биз уни куз арафасида ана шу аҳволда топдик, тўғриси, уни әмас, Патрисио Арагонеснинг қолган-қуттандарини топдик. Мана кўрингки, унинг ёлғон ўлимидан кейин кўп йиллар ўтиб, биз яна унинг мурда жисмига дуч келдик – у яна ўша жойда, ўша алфозда, ўша кийимда эди. Аммо бу бебошвоқ замонларда ҳеч ким ҳеч нарсага ишонмасди ва ана энди бу сафар бу унинг ҳақиқий мурдаси деб кафиллик беролмасди, калхатлар чўқиб ташлаган, курт-қумурсқалар кемириб ётган қариянинг лоши – бу айни унинг ҳақиқий жасади деб айттолмасди, унинг ириб-чирнётган қўлига қараб туриб, бу ҳақиқатан ҳам ошиқу бекарор давлат мансабдо-рининг қўли, Улур Шовқин замонининг ажойиб-таройиб қизи-нинг севгисига эришолмай ҳар дамда юрагини чангллашга мажбур бўлган қўл деб ҳеч ким таний олмасди. Унинг шахсини бехато таниб олишга ёрдам берадиган ҳеч нарса йўқ эди. Албатта, бундан ажабланиб ҳам ўтириб бўлмасди. Чунки ахир унинг шон-шуҳрати ва довруғи энг чўққисига чиққан даврларда ҳам унинг ўзи асли мавжуд бўлганлигига шубҳа-иштибоҳлар туғилган эди. Нега десангиз, ҳатто унга хизмат қилган кимсалар ҳам унинг ҳақиқий ёши ҳамда қиёфаси ҳақида тасаввурга эга әмасдилар, зеро, турли жойлар ва турлича вазиятларда у турлича бўлиб кўри-нарди: ярмаркага бориб томбола<sup>1</sup>да қатнашган пайтларида у сак-сонга чиққанга ўхшарди. Қабул маросимларида эса унга олтмишдан ошиқ бериб бўлмасди, тантанали расмий маросимларда у ёши ҳали қирққа ҳам чиқмаган эр йигит бўлиб кўринарди. Унга охириги маротаба ўз ишонч ёрлиқларини топширган элчи Палмерстон ўзи-нинг бизнинг мамлакатимиизда тақиқланган хотираларида ҳикоя қилишича, ундан ҳам қарироқ одами тасаввур қилиш қийин эди. У президент саройида ҳукм сурган ақл бовар қилмас бошбошдоқ-ликни тасвиirlаган эди. «Мен тоғ-тоғ уюлиб ётган қорозлар, қора-молнарнинг таппилари ва ит қумалоқларини айланиб, четлаб ўтишга мажбур әдим. Йўлакларда итларнинг сасиган сарқитларию у ер-бу ерда итларнинг ўзлари мудраб ёйилиб ётишарди. Хизматчилар хоналарида ўтиришган бирон-бир одам менинг биронта ҳам саво-

<sup>1</sup> Томбала – ярмаркаларда ўйналадиган буюм лотереяси.

лимга жавоб беролмади ва мен шолу моховларга мурожаат қилишга мажбур бўлдим. Улар бу пайтта келиб асосий тураржойларда яшашарди. Улардан давлат кенгаши залига қандай ўтиб боришини кўрсатишларини сўрадим. Залда товуқлар дайдиб юрар ва қалин жун гиламларда тасвирангган буғдой бошоқларини чўқиб тортқилашарди, битта сигир эса деворга осилган, епископ тасвирангган суратни тортқилаб ямламоқчи бўлиб уринарди. Президентта келсак, мен дарҳол унинг худди тўнкадек кар-гунг эканлигини сездим. У менинг саволларимга алмойи-алжойи қилиб жавоб берар, шу билан бирга у барча қушларим сайрамай қўйдилар, деб шикоят қилди, ҳолбуки, қушлар бор овоз билан сайрашарди. Худди эрта тонг чогида қалин хилват ўрмондан ўтиб бораётгандек әди. У бирдан кутилмаганда ишонч ёрлиқларини топшириш маросимини бўлди, чеҳраси ёришди, кафтларини ҳовуч қилиб қулоғига тутди ва илгари бир денгиз шовуллаб турган, ҳозир эса чанг-тўзонли куруқ ерга айланган дераза томонга ишора қилиб бор кучи билан бўкирди, мени эса Ститсон деб атади: «Эшитяпсизми, азизим Ститсон? Эшаклар подаси келаётир! Улар югуришяпти, чунки денгиз қайтяпти! Эшитяпсизми?» Шарти кетиб парти қолган мўйсафид бир маҷаллар федералларнинг жасур йўлбошчиси, халқ эъзозлаган инсон бўлганига одамнинг ишонгиси келмасди. У ҳукмронлигининг дастлабки йилларида тоғлар ва олис қишлоқдарда кутилмаганда пайдо бўлишни севар, атрофидаги қўриқчилар ҳам олиб юрмас, ўроқ қилич билан қуролланган ёлғиз биттагина соқчи гуахиро<sup>1</sup> унинг кетидан қолмас, шу билан бирга депутатлар ва сенаторлардан иборат кичик бир гуруҳ ҳам унга эргашиб борарди. Курсофининг иштаҳасига қараб уларни битта бармогининг ишораси билан тайинлаб қўяди. У қишлоқларга борганида ҳосилнинг қандай бўлиши, чорванинг аҳволи, одамларнинг шахсий ишлари билан қизиқарди. Одатда, у қишлоқ гузарида манго дараҳтининг соясида аргамчи ўриндиқда ўтириб ҳалойиқ билан сўйлашарди; ўша йиллари доим бошига кийиб юрадиган жуда одми фуражкаси билан иссиқдан елпинарди; ташқаридан

<sup>1</sup> Гуахиро – Гуахиро яриморолида яшовчи ҳиндулар номи.

қараган одамга у бўлаётган гапларга чала-ярим қулоқ солаётганга, жазирама иссиқдан толиқиб, кўзларини ярим юмиб мудраётганга ўшарди; лекин аслида у қишлоқнинг эркаклари ва хотин-халаж айтаётган барча гапларга тўла қулоқ солиб, мутлақо эсида сақлаб қолар, гапираётганларнинг исми шарифларини ҳам яхши биларди; у бутун мамлакат аҳолисининг исми шарифини рўйхат бўйича хотирасида сақлар, минглаб рақамлар, миллатнинг барча муаммоларини ёддан биларди. «Яқинроқ кел, Ҳасинта Моралес, – деб олдига чақирди у мени кўзини юмиб ётганча. Мен бултур аскарликка олган йигитнинг иши нима бўлди? Ҳаётнинг аччиқ-чучутини кўрдими, озгина бўлса ҳам пўконидан ел ўтдими, бир бопланглар буни деган әдим – нима бўлди ўша?» «Соф-омонмисан, Ҳуан Прието, – деди у менга, – наслдор буқанг бор әди, ҳалиям яхшими? Менинг ўлатдан қилган қайтариқларим хўб иш берди-ку, тўғроми? Эсингдами, қулоқларидан қуртлар ёғилиб чиқ-қани?» У эса менга шундай деди: «Ҳўш, қани айт-чи, Матильда Пералта, қочиб кетган эрингни топтириб келганим учун мени нима билан сийлайсан? Ана, томоша қил: биз уни арқонлаб олиб келдик. Мен унинг қулогига мих қилиб қоқиб қўйдим: агар қонуний хотинингни ташлаб думингни хода қилиб юрсанг, оёғингита иккита кишан уриб чиритиб юбораман, дедим». У одамларнинг турмуш юмушларини кўз очиб юмгунча содда-жўнгина қилиб ҳал қилиб ташлар, худди шунингдек, жамоатчиликнинг ишларини ҳам аччиқ ичакдек чўзиб ўтирмаи, илло-биллога келтирмаи битириб қўя қоларди. Қинғир ишга қўл уриб ишкан чиқарган хазиначининг қўлини қассобга буюриб кестиради, унинг билмаган нарса-си йўқ әди, ҳатто помидорлару улар ўсган тупроқни ҳам яхши биларди; кимнингдир томорқасида етишган помидорни еб кўрарди-да, ўзи билан бирга олиб юрган агрономларга шундай дерди: «Бу тупроққа гўнг етишмайди. Гўнг бўлганда ҳам эшак гезаги бўлиши керак. Моча ҳарнинг тезаги ярамайди! Мен айтаман: Ҳукумат ҳисобига келтириб беришади!» Кейин кулиб яна ишларини давом эттириб кетаверарди.

«У менинг деразамдан бош суқиб қаради-да, қувноқлик билан деди: «Эҳа, бу сен ўзингмисан, Лоренса Лопес? Тикиш маши-

нанг қалай, ишлайтими?» Бу тиқув машинасини сен менга йигирма йил илгари совға қилиб бергандинг, дедим унга, – анча бўлди жони узилганига, нима ҳам қилардинг, ҳаёт шунақа-да, ҳеч нарса мангу әмас – на одамлар, на машина. Аммо у, сен ҳеч нарсани тушунмайсан, деди. Дунё абадий. Кейин у уйга кириб, отвертка билан машинанинг у ёқ-бу ёрини қарай бошлади, керакли жойларини мойлади, кўчада мунтазир кутиб турган аркони давлатини ҳам эсдан чиқарди. У машина устида узоқ овора бўлди, баъзан худди қўтосга ўхшаб оғир ҳарсиллар, ҳаммаёғи, ҳатто афтбашараси ҳам мойга беланди, лекин уч соатлардан кейин машина худди янгидаи ишлай бошлади!» Ўша замонларда ишлар мана шундай әди, у пайтлар энг жўн турмуш юмуши билан давлат аҳамиятига эга иш ўртасида фарқ нималигини билмасди. Уларни бирдек жиддийлик ва матонат билан ечарди. Ўша замонларда у одамларга баҳт-иқболни тортиқ қилиб бериш мумкин деб, самимий ишонарди. Худди шунингдек, аскарона уқув-лаёқат билан ўлимни алдаш, чалғитиш мумкин деб ишонарди. Мана әнди у мункиллаган чол! Шу қартайган мўйсафид ўша чексиз ҳокимиятга эга бўлган инсон эканлигига ишониш қийин әди. Ўшанда унинг ҳукми-ҳиккаси шунчалар кучли әдики, агар у соат неча бўлди? – деб сўраб қолса, унга: «Сиз нима десангиз, шу, муҳтарам генерал!» – деб жавоб қилишарди, ҳақиқатан ҳам у кунларни ўзи хоҳлаганча тасарруф қиласди, кундузни – кеча, кечани бамалол кундуз дерди. Ўзига қандай осон ва қулай бўлса, шундай қиласди; зарур байрамларни истаган бир кунига кўчираверарди; календарни шундай тузардики, унинг ўлканинг у ёки бу ерида бўлиши бирон-бир байрамга тўғри келтириларди; худди шу байрамга мамлакатнинг бошқа бир ерида ҳам улгуарди; ҳар қайда ва ҳар қачон у ўз доимий сояси бўлмиш ўроқ қилич кўтарган ялангёёқ ҳинду қўриқчиси ва манглайи шўр сенаторлари етакчилигига пайдо бўларди. У ўзи билан бирга оғоч қафасларда урушқоқ ҳўрозларни олиб юради; улар ҳар қандай қишлоқнинг энг тап тортмас ботир ҳўрози билан жанг қилишга доим шай әдилар; зеро ҳар бир қишлоқда ҳўrozлар уриштириларди; улар томошабинлар билан бақир-чақир қилиб бас бойлашар, у ёки бу ҳўрозга катта пул

тикишарди. Унинг ногора тарақлашига ўхшаш кулгисидан хўроз жанги бораётган маҳсус супа титраб кетарди, унинг қаҳқаҳаси музика садоларию мушакларнинг қарсилаб отилишини ҳам босиб кетарди; зеро биз ҳаммамиз у билан бирга хандон отиб кулишими, у ўйинга берилиб кетиб жим бўлиб қолганда биз ҳам у билан бирга жим бўлиб қотиб туришимизга тўғри келарди, унинг хўроздари бизнинг хўроздаримиз устидан ғалаба қозонганда гулдурос қарсаклар чалишимиз керак эди. Бизнинг хўроздаримиз унинг хўроздаридан мағлуб бўлишга усталик билан ўргатилган эдики, улар бирон марта ҳам юзимизни ерга қаратишмади. Фақат бир марта истисно бўлиб қолди: ўшанда Дионисио Игуараннинг тажанг хўроzi олий мартабали меҳмонимизнинг кўк хўроzига қарши шиддат билан ташланиб, уни кўз очирмай чўқиб пачақлаб ташлади. Ҳамма донг қотди, аммо генерал ўрнидан туриб Дионисиога қараб пешвозв юрди, унинг қўлинни маҳкам қисиб, шундай деди: «Бопладинг, сен ўғил бола экансан!» Унинг кайфияти жойида, димоги чор эди, Дионисиони мақташи ҳеч гап эмасди унга ва ҳатто ўткир ҳаяжонли онларни тақдим эттани учун ундан миннатдор эди, шунинг учун сўради: «Бу азамат хўроzinига қанча сўрайсан?» Бунга Дионисио Игуаран қўрқа-писа шундай жавоб берди: «Бу хўроz сизники, жаноб генерал, олинг уни». Халойик Дионисиони гурс-турс қарсаклар ва мушакбозликлар остида унинг ўйига кузатиб қолди. У енгилмас қизил хўроzi эвазига президент томонидан тортиқ этилган олтита қойилмақом зотдор хўроздарни бутун дунёга кўз-кўз қилиб уйга жўнади. Бироқ ўша кечанинг ўзидаёқ Дионисио Игуаран шакарқамишдан ясалган қўлбола ўткир ромнинг бир шишиасини ичдию ўз ётогини ичидан берекитиб шилга арқон ташлаб ўзини осиб қўйди, бечора. Нега десангиэ, у жуда яхши биларди олий илтифотга сазовор бўлган кимсанинг бошига кейин қандай баҳтсизлик ва кулфатлар ёғилишини; генералнинг ўзи эса бунаقا нарсаларни ҳисоб-китоб қилиб, ёътибор бериб ўтирасди; зеро унинг ташрифининг шодиёнаси изидан, ташриф тугагач, одамлар бошига шўриш ва кулфатлар дўлдай ёғилар, унинг ортидан «номатлуб одамлар»ни ўлдириб кетишнинг қонли излари чўэзилиб ётарди; у ўзининг тарафдорлари

бошига ёғилаёттан касофатлар ҳақида ўйлаб кўрмасди; у янглишиб улар ҳақида нобоп ёки номуносиб бир сўз айтиб қўяр, буни шу ерда ҳозир бўлган хизматбардор малай ва шотирлари эшишиб, ўзларича талқин қилишар, хато сўз, янгиш иборани ҳеч қандай айби ва гуноҳи бўлмаган бечораларни таъқиб ҳамда тазийк этишга буйруқ деб тушунардилар. У бутун мамлакатни армадило<sup>1</sup>нинг юришини қилиб айланар, соч-соқоллари ўсиб кетар, вужудидан ачимсиқ тер ҳиди анқир, истаган уй, истаган ошхонага кутилмаганда кириб борар, афтидан, қобил ва ювош кўринган бу йўловчи билан юзма-юз келишганда хонадон әгалари қўрқиб қалтираб туришарди; у эса totуна – қовоқ ялоқни сув идишга ботириб ичиб, ташналигини қондирар, баъзан овқат қайнаёттан қозон олдига бориб, унинг ичидан қўли билан лахм гўштларни олиб ер, қорнини тўйдирап – ўзини шунчалар оддий, ўз одамларидай тутар, бундан одамнинг эти увишар, гарчи у буни кўнглига келтирмаса ҳам, лекин у қадам босган уйда энди мангулликка унинг нишонаси қолиши маълум эди. У маълум бир сиёсий мақсадни кўзлаб севишлари ё тан одишларини истаб ўзини шундай тутарди деб бўлмайди, албатта – эҳтимол, кейинроқ бориб шундай ҳам бўлгандир. Лекин бу пайтларда у ростдан ҳам, содда, қандай бўлса тўғриси шундай эди, бу вақтлар у ҳали ҳокимият ботқоғига ботмаган эди – у ҳаммасини кўрган, ҳаммасига тўйган, паймонаси тўлган, ёзи кетиб кузи келганда эҳтимол шундай ҳам бўлгандир – лекин бу маҳаллар унинг учун ҳокимият ернинг теран қаърларидан юқорига отилиб чиқсан шиддатли, қудратли оқим эди, бу бизнинг кўз ўнгимизда рўй берган эди. Унга ҳокимият эмас, у ҳокимиятга буюарди. У бармоги билан кўрсатиб манави дараҳтлар мева тутсин деса, улар мева тугардилар, ҳайвонлар турсин деса, тугардилар, бу одам униб-ўссин деса, у униб-ўсаради; ҳосилга заарар келтирадиган бўлса, ёмғирни тўхтатар ва уни қурроқ ерларга ёғишга мажбур қиласади. «Мен буни биламан, чунки буни ўз кўзим билан кўрганман, сенийор!» унинг тўғрисидаги афсоналар мутлақ ҳокимиятта эришмасидан анча олдинроқ турнилди, кейин у

<sup>1</sup> А р м а д и л о – устида зирҳли қалқони бор сутэмизувчи ҳайвон.

мутлақ ҳокимиятта ёзи ишонди. У башоратлар ва қўрқинчли тушларнинг талқинларига ҳеч қандай шакт-шубҳага йўл қўймай ишонадиган замонлардан бўён афсоналар халқ орасида тилга тушиб оралаб қолган эди. Ўша чоғлар агар башоратчи пигва деган қушча унинг тепасидан учиб кетаётib бирдан чулдираб сайраб юборса, у эндигина бошланган сафарини шу заҳоти тўхтатар ва орқага қайтарди ёки онажониси Бендинсон Алавадо товуқ тухумини чақаётганда ундан сарғи иккита чиққанини кўрса ҳам, ўша куни халқ билан бўладиган учрашувини бошқа кунга қолдитарди. Бир куни у навбатдаги сафар олдидан кечаси оғир, ваҳимали туш кўриб, алаҳсираб чиқди-да, ўзи билан сафарга бирга бориши керак бўлган доимий ҳамроҳлари – сенаторлар ва депутатлардан воз кечди. Одатда, улар у чиқишига журъат қилмайдиган нутқларини унинг учун сўйлашарди. Хўб, ўша тушида у улкан кимсасиз уйда турган эмиш, уни ҳар томондан кулранг камэул кийган ранглари бўздаи оқарган, қўлларида гўшт тўғрайдиган пичоқ кўтартган эркаклар ўраб олишганмиш; улар иршайишиб унга пичоқ санчар эмишлар; у ўзини қаёққа олиб қочмасин, қандай чап бермасин, юзи-кўзларини ўйиб олишга тайёр пичоқларга дуч келармиш; мана шу ранги ўчган, ғалати тиржайган, индамас қотиллар куршовида у ўзини ов қилинаётган ҳайвондек сезарди; қотиллар ортидан ким охиригни зарбани беради, ким қурбонлик келтириш маросимига сўнгти нуқтани қўяди ва ким унинг қонини бирингни бўлиб ичади деб бир қарорга келолмаётганга ўхшардилар; аммо у энди на қўрқар ва на қаҳрланаарди: фақат у ўзини ҳаддан ортиқ енгил сезар, ҳаёт асари унинг бутун вужудини тарқ этиб боргани сари бу енгиллик тамоми аъзои баданини қамраб олмоқда эди. У қушдай вазнисиз бўлиб қолди, қалби шу қадар хотиржам ва равшан эдики, ўзи ҳам ҳатто табассум этар, ўз қотилларига ва ўз толе-қисматига илжаярди; мана ниҳоят бу тушида унинг ўғил фарзанди бўлиб кўринган кимса унинг човига пичоқ урди, пўрсиллатиб ҳавосини чиқариб юборди, қони вошиллаб уйнинг оқарган деворлари, тушининг бўзариб ётган маконларига отиоди. «Ана ўшанда мени ҳали ҳам тирик экан, демасликлари, тамом ўлган деб ҳисоблашлари учун башарамни қонга ботган пончо –

калта ёпинчифимнинг этаги билан ёпдим. Ерга йиқилдим ва ву-  
жудимни ўлимнинг титроқлари қамраб олди». Туши шунчалар  
ўнгидга бўлганга ўхшардики, ўзини тутиб туролмай уни шу заҳоти  
ҳамюрти, соғлиқни сақлаш министрига айтиб берди, у юпатиш,  
таскин бериш ўрнига унинг дилгирилгини янада ошириди: бундай  
ўлим инсоният тарихида баён этиб ўтилган деб очиқдан-очиқ ай-  
тди. «Худди шундай, ўзим ўқиганман, муҳтарам генерал!» Со-  
ғлиқни сақлаш министри шундан сўнг генерал Лаутаро Мунис-  
нинг у ер-бу ери куйган қалин китобини олди-да, унда худди  
шундай ўлим, шундай қотиллик баён қилинган жойини ўқиди.  
«Худди тушимдагининг ўзи» янасини палон-пистон! Эшитяпма-  
ну ҳамма өсимдан чиққан тафсилотларини кўз ўнгимга келтиряп-  
ман. Ўша тушни кўра туриб ўйғониб кетдими қулт эттан шамол  
бўлмаса ҳам, саройнинг барча йигирма учта деразаси бирдан очи-  
либ кетганини кўрдим. Ахир ўша тушимда ҳам менга йигирма  
учта еримга пичоқ уришган эди-да. Бири-бирига ўхшашини қаранг.  
Одам қўрқиб кетади!» Ўхшашликлар шу билан тугагани йўқ.  
Туш тўғри чиқди, ўша ҳафтанинг ўзидаёқ қуролли кучлар кўл  
қовуштириб бамайлихотир ўтирганлиги туфайли сенат ҳамда олий  
судга тажовузкорона ҳужум уюштирилди; тажовузкорлар бизнинг  
миллий мұқаддас жойимиз – сенат биносини таг-тути билан вай-  
рон қилдилар. Бир маҳаллар мустақиллигимиз учун курашимизнинг  
қаҳрамонлари бу бинода миллатимизнинг мустақиллигини эълон  
қилган эдилар. Ёнгин алантлари тун яримдан оғандан кейин  
ҳам кутуриб турди. Унинг алангаси президент балконидан ҳам  
кўриниарди. Аммо тарихий бино таг-тути билан ёниб кул бўлди,  
деган хабар президентни заррача қайғуга солмади; кимдир бу  
бинони ҳалқ хотирасидан бутунлай ўчириб ташлашни истарди;  
бизга жиноятчиларни қаттиқ жазолаймиз деб ваъда қилишди,  
лекин уларни қанча вақт ўтмасин топиб бўлмади. Шу билан бир-  
га Қаҳрамонлар Уйини қандай бўлса шундай тиклаймиз дейиши-  
ди; унинг ҳаробалари бизнинг кунларгача сақланиб келаётир. Се-  
наторлар ва адолатли сўз хизматчиларига келганда, у ўз тушининг  
машъум башоратларини улардан яшириб ўтиромади, аксинча, тушиди  
отоҳликка даъват этилганлигини баҳона қилиб, пайти келганда қонун

чиқарувчиларни тарқатиб юборди, эски республиканинг суд идораларини тортмөр қилди. У сенаторлар, депутатлар ва олий судни (буларниң унга ҳеч кераги бўлмай қолди, зеро ўз ҳокимиятининг қонунийлигини тасдиқлаб ўтиришга сира муҳтоҷ әмасди) унвонлар ва нишонлар билан мукофотлади, уларни бойбадавлат қилди, узоқлардаги баҳтиёр мамлакатларга әлчи қилиб жўнатди. Ёнида фақат унга соядай әргашиб юрувчи ўроқ қилич билан қуромланган ялангоёқ, индамас ҳиндунигина олиб қолди; бу ҳинду уни бир зум ҳам ёғиз, холи қолдирмасди; сув ва таомни биринчи бўлиб татиб текшириб кўрар, ҳеч кимсанинг унга белгилаб қўйилганидан берироққа яқинлаштирмасди. «Президент менинг ҳузуримда бир неча соат бўлган пайтларда бу ҳинду деганлари эшигимнинг тагида туради. Президентни менинг ҳуфия ўйнашим деб лақиляшарди. Ҳолбуки, у бир ойда икки маротаба менинг ҳузуримга келар, мен унга қартада фол очиб қўярдим. Бу узоқ йиллар давом этди. Токай у ўзини бир кунмас-бир кун ўладиган одам деб ҳисоблар, у шубҳа-гумонлар ичидаги ўртанар, мен ҳам янгишишим, хато қилишим мумкин деб бўйнига оларди, шунинг учун ўзининг ваҳший ҳистуїгуларидан кўпроқ қартага ишонарди. Одатда, у менинг ҳузуримга бирон-бир нарсадан қаттиқ кўрқсан ва вахималардан қартайган ҳолда кириб келарди. У биринчи бора келган пайтида худди мана шундай алфозда эди. У индамай менга қўлини узатди, кафти худди қурбақанинг қорнидай думалоқ, таранг ва териси сипсиллиқ эди. Мен илгари ва ундан кейин ҳеч қачон ва ҳеч кимсада бундай қўлларни кўрмаганман, мен жуда узоқ замонлар фолбинлик қилганман. У сўёсиз илтижо ва буюқ умидсизлик билан иккала қўлинни стол устига қўйди. Мен уни аллақандай мубҳам қўрқув ва ўзига ишончсизлик ўртаётганлигини кўрдим, у орзулари ва умидларидан айрилганга ўхшарди. Ўшандада мени унинг қўлларигина әмас, шу билан бирга унинг поёнсиз ғам-қайғуси ва кимсасизлиги ҳайратга солди. Мен унинг шубҳа-ишти болар ичидаги ўртаниб ёнаётган қалбига, кексайган одамнинг бечора, шўрлик қалбига ачиндим ва унга фол оча бошлидим, аммо унинг тақдиди менинг учун ҳеч англаб бўлмас, батамом яширин бир нарсадай бўлиб қолаверди. На унинг қўлининг чизиқлари

ва на фол очишнинг менга маълум бўлган бошқа усулларидан унинг толеини аниқлай олардим, нега десангиз, у қартани кўтариши биланоқ улар худди қудукнинг сувидек қорайиб қолар, унинг идишига қуийлган кофе эса қуйқага айланарди. Ҳеч бир усул, йўл билан унинг шахсини билиб бўлмас, лекин унга фол оча туриб у билан боғлиқ яқин одамларнинг толеларини бутунлай аниқ-равshan ҳолда кўриш қийин әмасди. Шундай, унинг онаси Бендинсон Алварадо ни аниқ-равshan кўрдим. Унга онасининг анча замонлардан сўнг қариб-қартайтганда қандай бўлишини кўрсатдим. Қуръага қараганда, унинг кўзлари хиралашиб, кўролмайдиган бўлган, аллақандай қушчаларни бўяш билан овора-ю, лекин бўёқларнинг фарқига бормай бўяйди. Ана шунда у деди: «Бечорагинам онам!» Бошқа бир сафар биз фол очиб, шаҳримиз вайронага айланганини кўрдик, уни қутурган, шафқатсиз бўрон хароб қилган эди, бўроннинг аёлларнинг чиройли исми билан аталиши машъумона масҳарабозлик бўлиб туюларди. Яна бир сафар биз фолда кўк никоб кийган, қўлида қилич кўтарган эркак кишини кўрдик. Шунда президент жуда ташвишланиб, бу одам қаерда, деб сўради. Шунда қарталар бу одам фақат сешанба кунлари президент яқинида бўлишини билдириди. Шунда президент: «Аҳа!» деди ва бу кишининг кўзларининг тузи қанақа деб сўради. Қартада шундай жавоб чиқди: унинг бир кўзининг ранги гуарапо рангида, агар шаробни ёруққа солиб қараса, ана шундай кўринади, унинг иккинчи кўзи эса қорамтири. Шунда у яна «Аҳа!» – деди ва яна: бу одамнинг нияти қандай? – деб сўради. Мен ўзимни тийиб туролмадим-да, қарта кўрсатган ҳақиқат, бор ҳақиқатни унга сўзлаб бердим. Кўк никоб хиёнаткорлик ва маккорликни англатади, дедим. У ўрнидан бир нарсани билгандай сакраб туриб кетди: «Аҳа! Мен биламан унинг киммегистини! Биламан!» Бу одам унинг энг яқин ёрдамчиларидан полковник Нариско Миравал бўлиб чиқди. У шундан икки кунлар ўтиб, қулогига тўппонча қўйиб ўзини отди, бир парча қогозга сабабини ёэиб ҳам қолдирмади, шўрмик...»

У мана шундай қартада фол очтириб одамлар ҳамда ватан тақдирни, унинг тарихий йўлларини ҳал қиласарди. Кунлар шундай ўтаетган эди, бир куни оддий сувда фол очиб башорат қиласадиган,

кимнинг қачон ва қандай ўлишини айтиб берадиган ҳеч кимга ўхшашмаган ноёб бир кампир борлигини эшилди. Ўзининг ўроқ қилич кўтарган ялангоёқ фаришта-соқчисини ёнига олиб, ўша башоратчи ни ҳеч кимга билдириш қидириб кетди. Узоқ тоғ сўқмоқлари, фақат хачир юра оладиган жарлардан ўтиб ўша башоратчи кампир ёлғиз авараси билан бирга яшайдиган тоғлик ерга етиб борди. Кампирнинг аварасининг учта боласи бўлиб, тўртингчисини тугаман деб турган экан, бечора хотиннинг бир ой илгари эри ўлиб, бева қолган экан; башоратчи кампирни у қоронғу бир хонадан топди; кампир қарийб ўрнидан турмас, кўзи ҳам кўрар-кўрмас бўлиб қолган эди; аммо кампир унга қўлингни тосдаги сувга тутиб тур, дегач, қоронғулук чекилди, тосдаги сувнинг ичи ёришиди ва у ўзини одми ҳарбий дала кийимида ерда юзтубан тушиб ётганини кўрди, оёқларида этик, чап этигига олтин нағал ярқиради. У мен қаерда ётибман, қандай жой, қачон бўляпти бу? – деб сўради. Кампир тосдаги сувнинг шуълаларига қараб, бу воқеа манавинга ўхшаш бир хонада бўляпти, мен ёзув столи, электр шамол паррак, денгизга қараб очиладиган деразани кўряпман, деди, яна отларнинг суратлари осилган оқ девор ва аждар сурати тикилган байроқ кўриняпти, деб айтди. Шунда у: «Аҳал!» – деди. Чунки у мажлислар залига қўшни бўлган ўз кабинетини кампирнинг баёнидан таниган эди. Кейин у: «Мен қандай ўламан? Бирор ўлдириб кетадими ёки ёмон касалга дучор бўламанми?» – деб сўради. Кампир: йўқ, сени бирор ўлдириб кетмайди, касал бўлиб ҳам ўлмайсан, сен ошингни ошаб, ёшингни яшаб шундоқ ўласан, ўлим ухлаб ётганингда келади, ҳеч қандай оғриқ сезмайсан, деди. Шунда у: «Аҳа!» – деди, сўнг донг қоттан ҳолда сўради: «Бу қачон юз беради?» Кампир: хотиржам ётиб ухлайвер, Сен менинг ёшимга етасан, юзу етти ёш, кейин яна юз йигирма беш йил яшайсан, кейин омонатингни топширасан, деди. «Аҳа», – деди у ва касал башоратчи кампирни тўшагида олтин нағалининг занжири билан бўғиб ўлдириди. Ҳудди касби жаллод ўтгандек бу ишни оппа-осон, жонини оғритмасдан бажарди; ҳолбуки бундан илгари ҳеч қачон ҳеч кимни – на инсон ва на ҳайвонни, на урушда ва на тинчлик пайтларида ўз қўли билан ўлдирмаган эди; шўрлик башоратчи кампир у ўз қўли билан ўлдирган би-

ринчи жонли кимса әди; бундан буён ҳеч бир кимса ҳеч қачон бу ёруғ дунёда унинг қачон ва қандай ўлим билан ўлишини билмасин деб, ўлдириди. Қылган бу разиллиги юрагини куз кечалари ўртамас, вижданини қийнамасди. Аксинча, бу воқеани у ўзидан ўзи хурсанд бўлиб, ўз-ўзимга ибрат бўладиган иш қилдим деб, мамнуният билан эсларди – мана шундай дадил ва тошбагир бўлиш керак деб қўярди. Мануэла Санчес қуёш қорайиб унинг қоронгалиги ичида изсиз фойиб бўлгач, у ўзининг ушбу шафқатсизлиги ҳақида бот-бот эслар, хўрлигини қандайдир бир тарзда босиш учун ўзини ўзи шу воқеа тафсилоти билан қайтар, ўрганган юрагини қуидираётган ўтиб кетмас аламларга уни малҳам қилиб босмоқчи, таҳқирнинг заҳарли зирапчасини жонидан суфуриб ташла-моқчи бўларди. У тамархинди дарахти қуюқ соясидаги аргамчи тўшагига ётарди, япроқларнинг қўнғироқчаларини шабада шилдири-шилдири ўйнашига қулоқ солиб, қаҳроғазаби қўзиб Мануэла Санчесни ўйларди, ғазаб-нафрятнинг зўридан уйқуси қочарди; қуролли кучлар Мануэла Санчесни қуруқликда, денгизларда, ҳаво-ларда, селитра қазиб олинадиган бепоён ўлик саҳроларда чарх уриб қидираётган бир маҳалда у тинимсиз ўйлар ва ўйларининг тагига етолмас, тўхтовсиз қидиришарди-ю, лекин изларини ҳам топишолмас ва қаҳроғазабга тўлиб ўзига ўзи яккаш шу саволни бергани, берган әди: «Жин чалиб кетса бўлмайдими сени, қаёққа фойиб бўлдинг, мендан қаерга яшириндинг, мендан қайга беркиндингки, наҳот қўлим сенга етмайди энди? О, қўлим етсайди, сен билган бўлардинг ҳокимиятни, кўардинг ҳокимиятни!» Ўтли нафрат шундай бутун вужудини чулғаб оларди, кўкрагига қўйган шляпаси юрагининг шиддатли зарбаларидан титрарди, онасининг шу тобларда айтиётган сўзлари ҳам қулогига кирмасди. Бендисйон Алварадо сенга нима бўлди ўзи, деб тинмай сурishi-тиришни қўймасди. «Нега қуёш қорайган кундан бери миқ этмайсан? Нимага ҳадеб ич этингни еб ётибсан?» У индамай ўрнидан турарди-да, ичида онасини сўкиб чиқиб кетарди, филдай оёқлари бамисоли судралиб борарди. Ерга урилган эрлик ғурури юрагида битмас қонли жароҳат каби сирқираб оғрир, зардаси қайнаб, сафроси тошиб, алам қайғусида ўртаниб

кимдандир сўрарди: «Мен шу ҳолга тушдимми? Мен шундай телвакезик бўлиб қолдиммики, нима қилишни, қандай яшашни билмайман? Нима, мен ўз толеимга ўзим аввалгидаи эгалик қилолмайманми? Нима, ҳаммаси битта қизнинг уйига онасининг рухсатини олиб кирганим учун шундай бўляптими? Унда бир пайтлар Сантос-Игеронесда Франсиска Линеронинг салқин ва сокин уйига кириб боргандай боришим керакмиди?» Франсиска Линеро воқеаси ҳали Патрисио Арагонес бўлмаган олис замонларда рўй берган эди. У пайтлар у ҳокимият нималигини одамларга ўзи дарҳол кўрсатиб қўярди. «У ҳатто эшикни тақиллатмай кириб келаверди. Соат ўн бирга занг уриб турган эди, у сўраб-суриштириб ўтиромай бостириб кирди. Ҳовли тепасидаги айвон зиналаритда унинг соат зангига қўшилиб жаранглаётган нағал овозини эшитдим, ҳовли саҳнига ётқизилган тошларга урилиб филдай оёқларининг гурсиллаган саси келди, ҳали уни қўрмасдан бошдан-оёқ қадди-қоматини тасаввур қилдим, мен ичкари ҳовлида эдим, у ҳалы бу ерга тушиб келмаёқ қўрқиб, даҳшатга тушдим. Ҳудди ўн бирга занг урган соатдай мушгири қуш олтин ёронгуллар орасида қичқиради, гвинео меваларининг муаттар ҳидларидан маст бўлган зарғалдоқ тўлиқиб сайдарди, гвинеонинг шарбатга тўлган мевалари шода-шода ларзон бўлиб айвон узра осилишиб тушган эди. Ўшанда августнинг машғъум сешанбаси эди, асалдай шарбат лаззатига тўла, ҳудди асалдай доғлар билан қопланган мевалар, шаффоф яшил япроқларда қуёш шуълалари ўйнарди, эрим Понсио Даса тонг қоронгусида отиб келган ёш кийикнинг қони силқисин учун айвон четига мевалар олдига осиб қўйилган тўшига ҳам офтоб нурлари тушиб турарди. Мана у қўрқинчли тушдагидан кўра ҳам қўрқинчлироқ, ваҳималироқ бўлиб кириб келди. Этигига ботқоқ балчиқлари ёпишган, кўкимтири курткаси жиққа терга ботган эди, ёнида қурол-яроғи йўқ, лекин қўлида эгри ўроқ қилич кўтарган ялангоёқ гунг ҳинду у билан бирга эди. Унинг кўзи шафқатсиз қаҳро билан боқарди, бу бало-офтадан қочиб қутулиб бўлмаслигиги кўрсатиб турарди. У аёлларникидек нафис қўлларини ҳудди уйқудан энди тургандек гвинео меваларига чўзди-да, битгасини узуб олиб ютоқиб, тамшаниб еди. Кейин меваларни бирма-бир

узиб чапиллатиб сяверди, ундан худди ботқоқдан келаётгандек овоз чиқарди». У гвина меваларини ютоқиб ютар ва Франсиска Линеронинг гўзал қоматига еб юборгудек бўлиб тикиларди. У эса ўзини уятдан қаерга қўйишни билмасди, ёшгина келинчак эди, эндигина турмушга чиққан, бундай ҳирсу ҳаволи қараашларга ўрганмаган эди. Ёш аёл унинг бу ерга ўз ҳирсини қондириш учун келганлигини, унинг ўзидан бошқа ҳеч ким бунинг олдини ололмаслигини кўриб турарди. «Эрим ёнимда қўлимни ушлаб ўтиар, унинг юраги сиқилиб оғир-оғир нафас олаётганини әшитардим, икковимиз ҳам ёнма-ён ўтириб тошдай қотиб қолгандик. Юракларимиз қўш кабутар юрагидек ҳаросон дук-дук уради. Анов қўрқинчли чол эса биздан икки қадам нарида туриб, оғзи тинмай гвина меваларини туширап, пўчоқларини ҳар ёққа улоқтирап, мендан ўқдай назарини узмасди. У бир шода гвина меваларини батамом еб бўлди-да, кийик тўши ёнидаги ялангоч бўлиб қолган шохни қўйиб юборди. Ялангоёқ ҳиндуисига ниманидир ишора қилди, менинг эрим Понсио Дасага эса шундай деди: «Бор, менинг ошнам билан гаплашиб кел, унинг сенга айтадиган гапи бор!» Мен эса қўрққанимдан жоним ҳиқилдоғимга келиб турган бўлса ҳам, жонимни омон сақлаб қолишининг бирдан-бир йўли унинг мен билан хоҳлаганини қилишга қўйиб бериш эканлигига ақлим етди. Шу ернинг ўзида тушлик столнинг устида мени ечинтиришга тушди, ўзим унга кўмаклаша бошладим, у тўрларим ичida чувалашар, мен эса қўланса ҳидидан бўғилардим, бир зарб билан тортқилаб ички кўйлагимни йиртиб ташлади, қовушмаган қўллари билан мени ўнгтарди. Мен эса беихтиёр равища хаёлимдан шу сўзларни ўтказардим: «Вой, худойим-ей, мен бугун ҳали тузук-қуруқ ювинганим ҳам йўқ,вой, шарманда бўлдим, кийикка овора бўлиб кетиб вақт тополмадим». Мана, охири у балойи нафсини қондирди. Лекин бу ишни худди қартайган ёхуд оғзидан сути кетмаган болалардек шоша-пиша чалакам-чатти уddaлади. У латтадай шалвираб қолди, таниб бўлмас даражада ўзгарди, худди сийдикдек илмилиқ кўзёшларини тўкиб йиглади, юзи сўлжайиб, кўзларига ғам-алам чўқди, ҳеч бир кимсасиз гарип бир одамга айланди, унга, ер юзидағи барча эркакларга жуда раҳмим келди,

шунчалар ачиндимки, уни қўй учида юзларини силаб юпатдим: «Кўйинг, хафа бўманг, ҳазратим, керакмас! Ҳали барча ҳаёт олдинда!» Бу пайт эгри қилич кўтарган ялангоёқ ҳинду Понсио Дасани боғнинг ичкарисига олиб кириб кетди-да, кейин генералга бир умр қасоскор душман бўлмасин деб, уни ўлдирди, кейин унинг гўштини қийма-қийма қилиб ташлаб чўчқаларга берди. Шўрлик Понсионинг ҳатто кўмадиган нарсаси ҳам қолмади ҳисоб. Мана у қандай эди, ўтмишдан мана қандай хотиралар унга ёпирилиб келарди, улардан унинг дилгирилти янада ортар, қаҳри зўраяди, холос. Бунинг сабаби яна шунда әдикни, ҳукмдорлигининг қалин куйқасига сув қўшиб шунчалар суютирилган бўлиб чиқдики, анави аллақандай қуёш қорайишининг сехро-жодуларини пачақлаб ташлашга ожизлик қилди! У ўз яқин дўсти, тепса-тебранмас, оғирбосиқ генерал Родриго де Агиларнинг рўпарасида ўтириб домино ўйнаркан, бирдан бошига қора сафро урди; ҳарбийлар ичида фақат мана шу Родриго де Агиларга ишонар, ўроқ қилич – мачете билан қуролланган ягъна фаришта-қўриқчисининг оёқлари тортишиб оғрийдиган касалга йўлиққанидан кейин ёлғиз шу кимсага ўз ҳаётини ишониб қўйган эди. У ўзининг қадрдан дўстига разм солиб ўтирапкан, балки барча бадбахтликларнинг сабаби қадрдан дўстимга ҳаддан зиёд ишонаётганлигим, унга ҳаддан ортиқ ҳуқуқлар бериб қўйганлигимда эмасмикин, деб ўйланарди. «Ахир шу қадрдан ва суюкли дўстим эмасми, мени ҳўқизга айлантиришга уринаётган, у эмасми мени каудиллонинг<sup>1</sup> барча имтиёзларидан маҳрум этишни истаётган, йўлбошлилк белгиларимни йўққа чиқараётган, у эмасми, мени амр-фармонларига эътибор бермаса ҳам бўлаверадиган сарой ногиронига айлантиришни хоҳлаётган, ахир, менинг иккинчи нусхам ҳақидаги бутунлай заарли нарсани у ўйлаб топмадими, мени аллакимнинг орқасига беркиниб юришга мажбур қилмадими, тўда-тўда қўриқчилар қуршовида бўлсин ҳалққа қўриниш беришимга тўсиқ бўлмадими, ҳолбуки, садағанг кетай эски замонларда битта ялангоёқ ҳиндунинг ўзи ўткир эгри қиличи

<sup>1</sup> К а у д и л л о – айрим Лотин Америкаси мамлакатларида йўлбошли, диктатор.

билан одамлар орасини ёриб ўтиб менга йўл очарди, четлан, хуна-салар, ҳукмдорларинг келяпти деб қичқиради, ҳеч бир кори ҳол ҳам рўй бермасди, гарчи биз ўша пайтлар яхши ажратиб ола билмасдик, бу одамлар издиҳомида гулдурос қарсаклар уриб, сурон солаётган оломон ичидаги ҳақиқий ватанпарварлар киму маккор сотқинлар ва бузғунчилар ким, биз мана энди биляпмиз, маккорларнинг энг маккорлари ҳаммадан ҳам баланд овоз билан қичқи-рар экан, яшасин ҳақиқий эр, яшасин генерал деб, эй наст-нослар! Ҳиндунинг ёлғиз бир ўзи сурон солган оломонларга бас келарди. Мана энди менинг қадрдан дўстим бутун бошли бир қўшин билан сариқ чақага арзимайдиган ойимтиллани тополмайди! Қиз-нинг қандай қилиб шилт этиб чиқиб кетганлигини эсларкан, қари тулкининг маҳкам ҳирсу ҳаво тузоридан не деб қутулиб чап бериб қочганлигини кўз ўнгига келтиаркан, у бирдан домино донала-рини жаҳл билан ерга урар ва ўйиннинг энг қизиган пайти уни бузиб, болохонадор қилиб сўкинганча жўнаб қоларди; бир куни бўлиб турган ўйинни худди мана шу тахлитда бузиб ташлаб, бир-дан юраги ёмон сиқиљди ва бўшашиб кетди, бу дунёда ҳамма нарса әртами-кечми ўз ўрнини топади, фақат менгина ёлғиз беса-ру сомон бўлиб қолавераман деб бехос фикр қилди. Ғавқулодда ҳаво етишмай у бўғилди, салқин тушиб келаётган палла бўлишига қарамай, терлаб кеттанидан кўйлаги жиққа ҳўл бўлди, ҳайронли-ги ошди, ҳарорат, одатда, пасаядиган пайтда денгиздан кўтарила-ётган уфунатларда ўлимтик ҳидларини туйди, даббаси дим руту-батдан сирқиради ва бирдан чириллаб овоз чиқарди, у нима бўла-ётганлигини билолмас, шунинг учун ўз-ўзига: «Дим бўлиб кетди», – деди. Лекин бу мубҳам ва бетайин ўй әди, нимадир унинг юрагини сиқарди; у дераза олдида туриб, нима учун ташқаридаги ёруғлик бунақа ғалати, нима учун шаҳар худди ўлганга ўхшайди. нима учун у бўм-бўш ҳувиллаб ётибди, деб бунинг сабабини анг-лашга уринарди; шаҳарда фақат бир тўда калхатларгина қолганга ўхшарди, улар, одатда, фақиру фуқаролар касалхонаси томида мудраб ўтиришади, ҳозир улар ҳам ўрганган жойларини тарқ әти-шяпти; шаҳарда қолган тирик жоннинг яна бирори кўр чол әди, у де Афрасийб майдонида туриб, деразадан қараётган мўйсафиднинг

ташвишланаётганини сезгандай қўлидаги таёгини силкитиб талваса ва хавотир ичидა қандайдир ишоралар қилар, бир нарсалар деб қичқиради; дераза олдиғаги мўйсафид буни яна бир аломат деб уқди, мана-мана нимадир рўй бериши керакдай, унинг юрагини эзадиган ноаён алланима содир бўлади, лекин у ўзига-ўзи яна деди: «Ҳаво дим бўлди», – кейин ўринга чўзилиди-ю шу заҳоти ухлаб қолди, унинг уйқусини аллалаб майда шакар ёмғир ёғар, дераза ойналарига шитирлаб уриларди; аммо уйқуси сергак эди, уйқунинг туманли босинқиравшари оралаб нимадир онгига етиб бораради; кейин у қўрқиб уйғонди ва: «–Ким у?» – деб қичқириб юборди. Лекин бу унинг қўрқув ваҳимадан ҳаприққан юраги дукилламоқда эди, нега тонг қоронгусида хўроzlар қўчиқтормаяпти деган хавфсирашнинг ваҳимаси бунга сабаб бўлган эди. Шунда у ухлаб ётаркан, тинчлик ва хотиржамлик кемаси ўзини тарқ этганини, номаълум бўғозга кириб яширганганини англади; туман билан ўралган денгиз қаҳрли қутурарди, ўлим яқинлашиб келаётгани, тўфон ваҳшати қўзғалганлигини инсониятнинг энг теран фанларига қараганда бехато англаб биладиган денгиз ва қуруқ-ликнинг барча жонзотлари даҳшатдан караҳт бўлиб қолишли; нафаслар бўғиларди; вақт тўхтади; шунда у ўрнидан турди, ўрнидан тураркан, юрагим шишиб кетди, деб ўйлади, қадам сайин бу шиш каттайиб бораради, қулоқларининг пардалари шовқин соларди, қандайдир қайноқ бир нарса бурнидан отилиб чиқди, у ўзига, қонга бўялган кителига қараб: «– Бу ўлим», – деди. «Ундей эмас, генерал, бу тўфон!» – деб жавоб беришиди. Шунда у ниҳоят бунинг тўфон эканлигини англаб етди. Қадимда ягона Кариб салтанатини бир неча оролларга ажратиб сочиб юборган тўфонлардан ҳам ўтқирроқ тўфон эди; бу сирли фалокатнинг яқинлашиб келаётганини одамлар ичидаги биринчи бўлиб ўз ибтидоий туйғу фаризалари билан сезди, ҳатто итлар ҳамда товуқлардан ҳам анча илгарироқ сезди; одамлар учун тўфон шунчалар кутилмаганда бостириб етиб келдики, алғов-далғовда унга шошиб-пишиб аёлларга хос исм топиб қўйдилар; эсанкираган офицерлар кўзлари ола-кула бўлиб маълумот етказишарди: «Ҳаммаси тамом бўлди, генерал! Бутун мамлакат жаҳаннамга қараб кетяпти!» Ана шун-

да у эшик-деразаларни маҳкам ёпишни, қўриқчиларга ўзларини ўз жойларида йўлакларда танғиб бойлашни буюрди, сигирлар ва товуқларни биринчи қават хоналарига жойлаштиринглар, ҳамма нарсаларни ўз ўрнида маҳкамланглар, деди. Де Армас майдонидан тортиб, қўркув ичида жимиб қолган бу қайгули салтанатнинг энг олис пучмоқдариғача бутун мамлакат бўрон қаршисида мустаҳкам лангар ташлаб чўккан битта кемага айланди; васvasага берилгандар, талвасага тушганларни отишга буюрилди: аввал огоҳлантириш учун икки маротаба осмонга ўқ узилди; агар бу ҳам таъсир қилмаса, тикка мўлжаллаб отиб ташланаверади; аммо тўфонга ҳеч нарса дош беролмади: унинг қутуриб ҳужум қилган гирдибод парраклари бош дарвозанинг зирҳ қопланган пўлат та-вақаларини қарсилатиб йиртиб ташлади, асосий кириш йўли тарвақайлаб очилди, сигирлар осмону фалакка юмалоқ-ёстиқ бўлиб учдилар; у бу кучли зарбадан гангиг нима бўлаётганлигини фикр қилолмай қолди, унга ўкирган жала оқими ташланди, унинг қудратли тўлқинлари осмондан әмас, тўғри рўпарасидан ёғилиб келарди; балконлар худди вулқонли бомбалар каби гумбурлаб қуларди; денгиз тубидаги чангальзорлардан гирдобда кўтарилиб учган фаройиб маҳлуқлар ерга сироралиб, шалоплаб уриларди, аммо у фалокатнинг ақл бовар қилмас оқибатлари ҳақида ўйлаётгани йўқ эди; тўфон маҳшаргоҳида у аламзадалик, киндорлик ва қасоскорликнинг ширин лаззатини тамшаниб шимарди. «Қайдасан менинг қаргишимга учраган Мануэла Санчес, жин чалиб кетсин сени, қайларга яшириниб ётибсан, ўчимнинг тўфонларидан қаерга қутулиб кетмоқчисан?» Кутурган тўфон тўполонлари ўтиб, атрофга мудҳиш сукунат чўкканда давлат кенгашининг мажлислар залидан эшкакли қадим кема сузиб чиқди, кемада у ўзининг энг яқин ёрдамчилари билан ўтиради, кема вайронагарчиликнинг қора лойқалари узра сузиб кетди; кема карета-аравасозлик саройидан ўтиб, де Армас майдонидаги мажаҳланган чироқлар ва пальмаларнинг туртиб чиқиб турган учлари оралаб ўтиб, жоме черкошининг ўлик сувларига чиқди; жоме куббаси остидаги мана шу тинган ҳаракатсиз сувларга етганда, бизнинг генерализизнинг миясига бир фикр ярқ этиб урди ва бир зумда бундан мияси, онги ёришиб

кетдики, мен ҳеч қачон ўз ҳокимиятимда мутлақ ҳукмрон бўлган эмасман ва ҳеч қачон бўлмайман ҳам ва менга тобе бўлмаган, менга бўйсунмайдиган алланималар ҳам мавжуд; бу фикр бошига бигиздай санчилди, унинг аламли азобини жонида қаттиқ тўиди; кема эса бу чоғда жоменинг турли бурчакларига урилар, дам кўз илгамас зимистон қўйнига шўнгир, дам ранго-транг ойналар, дам меҳробнинг олтин кунгурулари ва зумрад тошларининг порлоқ нурлари, ёлқинларида шуълаланарди; тириклай кўмилган вице-қироллар, умидсизликда ўлиб кетган архиепископлар қабрлари-нинг плита тошлари ёришиб кўринар, Буюк Адмиралнинг бўш ётган мақбарининг мармарлари чақнарди – мақбар қуббасининг мармарига учта улкан ҳарбий кема тасвири ўйилган эди – мабодо агар Буюк Адмирал ўз суюкларининг бизнинг мамлакатимида ётишига истак билдироса, унинг истаги ерда қолмасин деб, бу мақбара қуриб қўйилган эди; меҳробнинг орқа томонида пайдо бўлган каналдан ўтиб, жоменинг ички ҳовлисига чиқилди; бу ҳовли саҳни худди ичидан ёритилган аквариумга ўхшар, унинг нақшинкор тубида мухарра деб аталган балиқнинг тўдалари лип-лип сузар, улар чўкиб ётган кунгабоқарларнинг пояларини чўқишаради; ундан кейин кема қорайиб кўринган узат ибодатхонаси томонга, бискай роҳибалари хонақосининг равоқлари устига кириб борди, кемада ўтирганлар у ерда бўм-бўш, сувга ботган ҳужраларни, ҳовузга айланган музика залида клавикордларнинг оҳиста сузиб юрганини кўришди, емакхонада қалин ҳаракатсиз сув остида уларнинг кўзлари барча моҳпора қизларга, монастирнинг барча узлатнишиларига тушди, уларнинг бари узун стол атрофи-даги ўзининг тушлиқ қиласидан ўрнида сувга ботган эди. Кейин кема балкон әшиклиаридан ўтиб, роҳибалар хилваттоҳидан чиқди, шунда ҳаммалари илгари шаҳар қад кўтариб турган ерда – кўм-кўк осмон остида улкан кўл ястаниб ёттанини кўрдилар. «Оlamни сувга бостирган бу тўфон мени Мануэла Санчес деб аталган юрак қийноқларидан халос қилиш учун қўзғалган экан-да, ҳа, жин чалсина, худованди каримнинг топган ваҳшиёна усулларини қаранг, ҳеч бизнекига ўхшамайди-я, палид!» У ўз остига шаҳарни ботириб ётган лойқа кўли, юзаси ўлган товуқларнинг лошига тўлиб

кетган поёнсиз сув маконларига мамнуният билан қаради; лойка сувдан фақат жоме черковининг қуббаси, маёқнинг фонарлари, вице-қирол маҳалласидаги гиштин саройларнинг пештоқлари чи-қиб турарди; кўхна замонларда қул савдоси ўтадиган эски порт томонда унда-мунда юзада қолган ороллар кўзга ташланар, уларда тўфондан жон сақлаган гуж-гуж одамлар тўдалашарди; одамлар ёnlаридан ўтиб бораёттан бу кемага ишонқирамай қарашарди; кема эса товуқларнинг қалин ёйниб ётган лошлари оралаб худди Саргасс денизидағи қип-қизил сув ўтларини босиб ўтган-дек борарди; лекин мана ниҳоят одамлар миллий байроқ рангла-рига бўялган кемада ким кетаётганлигини фаҳмлаб қолдилар, унинг таниш маъюс кўзлари, қони қочган туссиз лабларини кўрдилар, унинг ҳаммага маълум-машҳур қўллари эса осмон тоза, қуёш нур сочиб турсин деб, чор атрофдаги барча нарсаларни башорат ало-мати билан чўқинтиради. «Ана у сувга чўккан товуқларга яна қайта жон ато этди, сувларни орқага қайтарди, ана, қаранг, улар қайтмоқда!» Жом қўнгироқлари даранг-дурунг бонг уради, бай-рам мушаклари парақлаб отиларди, тикланиш бошланганинг илк гиштини қўйиш учун де Армас майдонига йигилган ха-лойиқ шодумон қийқирап, тўфон девини қувиб қочирган кимса шарафига мадҳиёна қўшиқлар айтарди, шу аснода аллаким унинг қўлтиғидан тутиб, кўшк томонга олиб чиқди. «Қаранг, бутун халқ сизнинг илҳомбахш сўзларингизни муштоқлик билан кутмоқда!» Шунда у ўзини четта тортишга улгурмади-да, кўшкка халойиқ билан юзма-юз чиқиб қолди ва гулдурос солган ягона бир товушни әшигти: «Яшасин чин эр!» Бу овоз худди шиддаткор шамол каби унинг ич-ичига кириб борди ва тўлқинлантириб юборди. Бутун шаҳар билан юзма-юз келганда ҳимоясиз бўлиб қолиш ҳиссиёти унга салтанатининг илк кунлариданоқ таниш эди, боши-дан шафқатсиз равшан бир фикр ярқ этиб ўтди, у номи – халқ деб аталган тубсиалик қошида бор бўй-басти билан тикка қад ростлашга ҳеч қачон журъат қилган эмас ва бундан кейин ҳам журъати етмайди; ана шунда биз пастда де Армас майдонида турганлар одатдагидай худди рўё каби кўз очиб юмгунча ғойиб бўладиган, боши теграсида гўё нурли чамбар шуъла сочадиган, оқ

полотно либослар кийган буэрук ҳаммамиэн кўшк юксаклигидан қўллари билан сўёзиз шарафлади-ю, дарҳол қўздан фойиб бўлди. Лекин бизга шу бир зумлик кўринишнинг ўзи кифоя эди: худога шуқор, у соғ-саломат бор экан, ўз жойида турган экан, у бизни қўриқлайди, кун-тун демай бизни асрайди, у ҳеч қачон бизни ташлаб кетмайди. Унинг ўзи эса бир чеккадаги қўргон ҳовлисида ўсган тарихий тамарҳиндий дараҳтлари соясида кажава аргамчи курсида ўтириб, қўлида лимонад тўла стакан, нималарнидир жуда дикқат билан ўйларди; бу орада онаси Бендинсон Алварадо қовоқ товоқда жўхори тозалар, у эса қўзларини юмганча донларнинг товоқ тубига шар-шар урилишига қулоқ соларди. Тушдан кейинги соат учда, жазирама иссиқнинг ҳовури жимиirlаб турган чоғда у ҳамон кажава аргамчидаги ўтирар, жимиirlаган таффот оралаб онасига қарап, Бендинсон Алварадо эса оёғи тагида ўралашиб юрган кўкиш товуқни тутиб, қўлтигига босганча авайлаб унинг бошини қайирар, ўғлига бугун шошиб қайга борасан, бир пас олдимда ўтира тур, дерди: «Сен бунча ўй ўйлайвериб ўзингни сил қилиб юбординг-еъ, иштаҳанг ҳам йўқ, ҳеч нарса емай қўйдинг!» Она ўғлига ялиниб-ёлвориб кечгача шу ерда ўтир, яхшилаб овқатланиб ол, мана товуқ шўрва пишириб бераман, деб қўлтигига жон таслим қилиб типирчилаётган товуқни кўрсатарди. Ниҳоят у қоладиган бўлди: «Майли, она, қолсам қолай», – деди-да, кажава аргамчидаги чайқалганча хаёлга толди. Қайнаб турган товуқ шўрванинг тотли ҳидлари таралиб димогини қитиқлар ва шу ўтирган кўйида ҳам биз фақирларнинг тақдиришимиз устида қайгуарди. У бизнинг тириклигимиз, умргузаронлигимизнинг бирдан-бир калволати эди, у ўз хонасида ўтириб ишляяпти, у бор, деган ишонч-эътиқодсиз ҳаётни сира тасаввур қилиб бўлмас, ҳақиқатан фақат у бор экан, бизга на ўлат, на тўфон таъсири қиласар, у ҳатто Мануэла Санчеснинг таҳқиromуз масхаралашларини ҳам енгиб ўтолган, вақт зовтасига асло тобе бўлмаган, бизнинг фаровонлигимиз, баҳтиқболимиз учун қайғуриб ташвишларога ботган бир масиҳога ўшшарди. У бизга бирон-бир эйен-заҳмат етказишни қўзламаслигини билардик, у бизга нима кераклигини билганлиги учун ҳам тақдирнинг барча буқаламунликларига матонат билан дош бериб

келмоқда эди, нима бўлмасин, ҳамма нарсада бизни назарда ту-  
тар, ўзини бизнинг чамамиз билан ўлчарди, ўзгача тарзда ботир,  
ўзгача тарзда оқибу фозил бўлганлиги учун эмас, худди мана шу  
нарса – бизни ўйлаганлиги унинг ҳукмдорликда қоядай мустаҳкам  
туришига хизмат қиласади. Ҳа, у бизга нима тўғри келиши ва  
нима тўғри келмаслигини, умуман, нима кераклигини хўб билар-  
ди, билганда ҳам бизнинг ҳаммамиз учун билар ва бизнинг ҳам-  
мамиздан яхшироқ биларди; у бир куни энг узоқ шарқий чегара-  
мизга оғир сафарда бўлиб қайтгандан сўнг унда бундай қарааш  
янада мустаҳкамланди. Ўша чегарада тошдан тарихий бир ёдгор-  
лик ўрнатилган эди. Унда она юртимиёнинг бирлиги ва ажралмас  
бутунлиги учун шарқий чегарада жонини қурбон қилган, охири  
ҳалок бўлган аскарнинг номи ва ҳаёт саналари ёзиб қўйилган эди.  
«Мен ана ўша ерга етиб бордим, она!» Етиб боргач, у нафас  
ростлаш учун ўша тош устига ўтирида ва чегаранинг нариги ёғида  
жойлашган қўшни мамлакатнинг ерларига кўз солди. У ёқда тум-  
тайган бир шаҳар қорайиб кўринар, унинг тепасида доим совуқ  
ёмғир ёғиб турар ва дуд-ғубборлардан қорайган туман тушарди. У  
мана шу вазмин қорайган шаҳарга қараб, кўчалардан гизиллаб  
ўтаётган трамвайларни кўрар, уларда жуда дид билан ораста ки-  
йинган одамлар ўтиришарди; кимдир ўлган, уни кўмгани элти-  
шар, майитнинг тобути кетидан бошларига шоқилдалар тақилган  
маҳсус оқ отлар қўшилган қатор арава-кареталар юриб борар,  
жоме черковининг ташқи айвонида бошларига газета ёпиб бола-  
лар ухлаб ётишар, буларнинг барини томоша қиларкан, ўзига-ўзи  
ҳайрон бўлиб дерди: «Жин урсин, бу ерда яшаётган одамларни  
қаранг-а, шоирларми ҳаммаси, нима бало?» Лекин кимдир ёнида  
туриб бошқа бир гапни айтди: «Ундаи эмас, муҳтарам генерал,  
булар шоир эмас. Уларни годо<sup>1</sup> дейишади. Улар бу мамлакатни  
бошқаришади». Бу сафардан унинг кайфияти қўтарилиб қайтди, у  
ўзи учун яна бир нарсани кашф қилди: андак чириган гуайяво<sup>2</sup>  
меваларининг ҳидлари таралиб ётган, қадрдан шаҳарлари ва қишлоқ-

<sup>1</sup> Г о д о – оқсуякларни таҳқиromуз шундай деб аташади.

<sup>2</sup> Г у а й я в о – дараҳт ва унинг мевасининг номи.

ларининг бозорлари ғала-ғовур, шовқин-суронга тўлган дилбар она юртдан ортиқроқ ҳеч нарса йўқ, оқшом чөғлари қуёш бота-ётган шу қашшоқ диёрда кишини беихтиёр чулғаб олувчи ўткир соғинч туйғуларининг ўрнини бошқа ҳеч нарса билан тўлдириб, алмаштириб бўлмайди, у ҳеч қачон бу диёрни тарқ этмайди, ганимлари мансабини ташлаб кетишдан қўрқади, дейишади, лекин бу ундаи әмас.

«Ҳамма гап шундаки, онасининг палон-пистон, чунки одам ўз ўрмонидаги дараҳт, чунки одам ўрмоннинг ваҳший ҳайвони, у ўз инидан фақат қорин тўйдириш учунгина чиқади». У буни ўз-ўзига худди ўлими олдида сўнгти сўзини таъкидлаётгандек уқти-рарди, пешин чөғларида кўзи безовта уйқуга илингандা шуларни ўйларди, узоқ-узоқларда қолиб кетган йиллар ва ўша олис, жуда олис август оқшомини эслар, ўшанда у ўзининг ҳокимиятпаст-лиги чекланганлигини тан олишга мажбур бўлган, ўз мамлакатини бошқаришдан ортиқ бир нарсани даъво қилолмаслигини тушун-ган әди, ҳа, ага шу холос. Бу нарса унинг хорижлик навқирон мубориз, озодлик учун курашчи билан қилган суҳбатида ҳам маъ-лум бўлди. Навқирон эркпарварни у ўша оқшом ўзининг ярим қоронғу ҳавоси дим кабинетида қабул қилди. У шуҳратпастлик ўй-хаёлларига тўлиб-тошган тортинчоққина бир йигит экан. Унинг ёлғизлика маҳкум этилганлиги бир қарашдаёқ билиниб турарди – шундай одамлар бўлади – улар туғилгандеёқ манглайига ёлғиз-лик тамраси босилган бўлади. Навқирон эркпарвар кўзининг қорон-гуликка ўрганишини кутиб остононада қимирламай товсилиб турар, жазирама иссиқ авжига чиққан ушбу соатда глициния гулларининг аргувоний алангасида ўткир муаттар ҳидлар таралар, ниҳоят у креслода ўтирган бузрукни пайқади – бузрукнинг мушт бўлиб тутилган сўл қўли стол устига ташланган әди, унинг кўриниши ўша одми ва туссиз әди, президентнинг расмий суратларига сира ўхшамасди; кабинетда қўриқчилар йўқ әди, бузрук қуролсиз әди, терга ботиб ўтиради чори, қўйлаги жиққа ҳўл, барча жўн одам-лар каби икки чаккасига маврак япроқларини ёпиштириб қўйган, бошоғригини босади деб ўйласа керак. «Бошидан-оёғигача занг босиб чириб қолган бу чол ёшлик чөғларимдаги орзу-хаёлларим-

нинг тимсоли, нурафшон идеалларимнинг тирик мужассами бўлганига ҳеч ишонгим келмасди!» Ниҳоят навқирон эркпарвар столга яқин бориб, гайрат-шижоатта тўлиқ одамларга хос янгироқ ва равшан овоз билан саломлашди, ўзини танитди. Бузрук лаззатхўр сўлғин, епископларникидай шалвироқ қўлинни узатиб қисди. У навқирон эркпарварнинг оташин сўзларини ҳайратланиб тинглади. Навқирон эркпарвар умумжаҳон баҳт-саодатининг фусункор манзараларини қотириб чизиб ташлади. Ундан сиёсий майдонда қўллаб-қувватлашни, қурол-яроғ беришни сўради. Аляскадан то Патагониягача барча эски тузумларни агадул-абад мажақлаб ташлаш учун шафқатсиз жанг қиласиз, деди. Бузрук навқирон эркпарварнинг эҳтиросли сўзларидан фоятда таъсиранди ва ундан шундай деб сўради: «Нима қиласан бундай ишларга бош суҳиб, барака топкур? Қайси иш учун бошингни кундага қўймоқчисан?» Бунга ёш эркпарвар тутилмасдан дона-дона қилиб жавоб берди: «Ўз ота диёримнинг шон-шарафи учун, ҳазрати олийлари! Ватан учун! Ватан учун жон бериш – энг олий баҳт!» Шунда бузрук жувонмардга раҳми келиб, ачиниб, маъюс табассум қилиб шундай деди: «Тентак бўлма, бачам, ҳаёт – мана сенга Ватан!» У сўл қўлининг муштини ёэди, жувонмардга ўз кафтидаги билур соқ-қани кўрсатди. «Манавини кўряпсанми? У ё бор, ё йўқ. У кимнинг қўлида бўлса, әгаси ҳам ўша, бачам! Ватан ҳам, ҳаёт ҳам шунга ўхшайди!» У жувонмардни кабинетидан кузатиб чиқаркан, унинг елкаларига қоқиб, шуларни айтди. Унга ҳатто андаккина бўлсин, ҳеч нарса ваъда қилмади. Жувонмард чиқиб кетгач, унинг ортидан әшикни ёпган адъютантига шундай деди: «Бу йигитга тегманглар, тушунарлими? Уни ҳатто кузатиб ҳам юрманглар, вақтни бекор кеткизманглар. У хавфли эмас, қўлидан ҳеч нарса келмайди. Жўжахўроздай пати қизийди, холос». Йиллар ўтиб, у тўфон воқеасидан кейин яна шу маънодаги сўзларга қайтди. Сиёсий маҳбусларга афв эълон этилди. Сургунда юрганларга юртга қайтишга ижозат берилди. Фақат интеллектуал зиёлиларгина бундан бебаҳра қолдилар. «Буларнинг қайтиб келишига ҳеч қачон рухсат бермайман, уларнинг пати доим қизиб туради худди наслдор хўро зга ўхшаб. Улар ҳеч бир ишга ярамайдилар. Бирон

нарсага яраган тақдирида ҳам, улар сиёсатчилардан ҳам баттар, ҳатто поплардан ҳам баттарроқ улар, гапимга ишонинглар. Бошқалар қайтиб келаверсин. Ранги, ирқи, терисининг тусининг фарқи йўқ. Мамлакатни тиклаймиз, бу ҳаммани бирлаштириши керак!» Ҳокимият аввал қандай бўлса шундай тўлалигича ва ҳар томонлама унинг қўлида эди. Қуролли кучлар уни ҳар жиҳатдан қўллаб-қувватларди. Айниқса, олий қўмондонлик ўртасида табиий оғатдан зарап кўрганларга ёрдам тариқасида чет мамлакатлардан етиб келаётган барча нарсалар – шу билан бирга ижтимоий таъминот жамғармаларидан тушаётган маблағлар, катта миқдордаги озиқ-төвқатлар ва дори-дармонларни бўлиб, тақсимлаб бергандан сўнг қўллаб-қувватлаш янада қучайган эди. Министрлар ҳар қачонгидан кўра ҳам унинг измидан чиқмасдилар, чунки якшанба кунларини Қизил Ҳочнинг дengиз бўйида жойлаштирилган госпиталларига тегишли чўмилиш жойларида бутун онлалари билан бирга ўтказардилар ва яна қолаверса, айтайлик, ташқи савдо министрлиги соғлиқни сақлаш министрлигига хориждан текинга олинган қон плазмалари ва тонна тонна лаб қуритилган сутларни сотар, соғлиқни сақлаш министрлиги эса буларнинг ҳаммасини фақирларнинг касалхоналарига пулларди. Бош штабнинг офицерлари ҳам ўз балои нафсларини қондириш имкониятларига эга эдилар. Элчи Уоррен бизнинг сувларимизда чекланмаган тарзда балиқ овлаш ҳукуқини қозониш учун фавқулодда замъ берган, бош штаб офицерлари ана шу маблағ ҳисобидан тикланиш дастури бўйича жамоатчилик иншоотларини қуришни ўз ижарапларига олган эдилар. «Ҳаммасига шашвар, – дерди у ўзига-ўзи ва навқирон элгарваф йигит билан ўрталарида бўлиб ўтган суҳбатни ёсларди, ўшандан буён у йигит дом-дараксиз бўлиб кеттан эди, яна ўша йигитга билур соққани кўрсатгани ҳам эсига тушарди – бундай соққани болалар ўйинида зўлдири ҳам дейишиди, – мана шу зўлдирини қўлида ушлаган одамгина унинг эгаси ҳисобланади!» У тикланиш ишига завқ-шавқ билан киришган эди, бунга тегишли масалалар билан шахсан ўзи шуғулланар, ишларнинг энг майдо тафсилотларигача қизиқар – ҳокимият тепасига ilk маротаба келган чоғларидаги каби ҳамма нарсаларни мутлақо ўзи ҳал

қыларди. У бошига шляпасини қўндириб, оёғига балчиқда киядиган этигини кийиб, оғатдан кейинги тиззагача лой-балчиқ кўчаларда пайдо бўлар, шаҳарни ва баайни ўзининг ўй-режаси бўйича тиклашларини кузатар, унинг довруги, шон-шуҳратини улуғловчи шаҳарга айланишини хоҳларди – бинобарин, бундай тикланишни у чўкиб ўлган ёлғиз одамнинг тушларида кўрган әди. У қурувчиларга шундай буйруқлар берарди: «Манави уйларни бу ердан анов ерга кўчиринглар, улар менга халақит беряйтти», – уйларни шу заҳоти кўчиришарди; яна буюරарди: «Манави минорани яна икки метр баланд кўтаринглар, ундан океанда сузаёттан кемалар кўриниб турсин» – минорани дарҳол кўтарардилар; яна буюරарди: «Манов дарёнинг сувини тескарисига оқизинглар» – бир зумда дарёни тескарисига буриб юборардилар; у маҳзунлик ва ҳасрат нималигини унуди, боши билан қурилишга шўнғиди, унинг тезкор, шиддатли қадамларига мослашди, бошқа давлат юмушларидан шу қадар узоқлашиб кетдики, бир куни аллақандай болалар машмашаси борлигини эшишиб, кутилмаганда боши билан деворга бориб урилгандаи бўлди. «Болаларни нима қиласиз?» – деб сўради адъютанти паришонлик билан, ҳолбуки, бу савонни ҳеч қачон бермаслиги керак әди. Лекин савол ўртага тушди ва уни эшишиб генерал ютуриб бораётисиб боши билан қўққисдан деворга урилгандаи бўлди ва худди осмони фалакдан бамисоли ерга қулаб тушди-да, сўради: «Яна қанақа болалар, тусингни ел егурлар?» Шунда у ўзидан узоқ вақт яшириб келинган воқеадан хабар топди. Армия ҳаммадан беркитиб болаларни қамоқда сақламоқда экан; булар лотереяning ҳар навбатдаги тиражи ўйналганда, халтадан лотерея билетларининг номерларини олиб кўрсатган болалар әди. Болаларни ҳибсда ушлаб туришганининг сабаби шунда әдикি, улар оғзи бўшлиқ қилиб, нима учун доим президент ютаётганлигини айтиб қўйишлари мумкин әди. «Ота-оналар болаларни қидиришяпти, сизлар қамаб қўйгансиз деб, бизни айблашяпти. Биз ҳар сафар: бу тұхмат, мухолифатнинг қабиқ бўхтони, деб жавоб қиляпмиз, лекин ота-оналар бунга кўнишмаяпти. Бир куни улар ғалаён чиқаришиди, казармага ёриб кирмоқчи бўлишиди, уларни миномётлардан ўт очиб тўхтатишга тўғри келди. Гоза қонли

тўқнашув бўлди, муҳтарам генерал, қиптқизил қирғин, лекин сизни майдачуйда, арзимас нарсаларга бошингизни оғриттимиз келмади. Бироқ болалар ростдан ҳам қалъанинг зиндонида ётишибди. Албатта, уларга әнг яхши шароитлар қилиб берилган, ҳаммалари соғтсаломат ва ҳоказо. Лекин ҳамма гап шундаки, уларнинг сони икки мингтага етиб қолди. Ҳеч ақлимиз етмаяпти, энди уларни нима қиласми, муҳтарам генерал!»

Лотереяга ҳеч бир ютқизмасдан ўйнашнинг йўл-йўриги бир куни бильярд соққаларининг нўмерларига қараб ўтирганда ўз-ўзидан, завқи табиий равишда келиб қолди. Фикр фавқулодда содда, ҳатто шу қадар аён ва содда әдик, уни амалга оширишни кечиктириб, пайсалга солиб ўтиришнинг асло ҳожати қолмаган эди – дарҳол умуммиллий лотерея эълон қилинди. Қуёш қиздириб турганига қарамай, де Армас майдонида ҳали пешин бўлмай турибоқ ўз толеини синаб кўришга ишқивоз бўлган оломон йиғилди, улар лотереянинг баҳтиёр ташкилотчисини улуғлашарди. Машшоқлар ва дорбозлар келишди, дўкончалар очилди, қалампир билан қовоқ қўшиб қовурилган помидор – фританга сотувчилар оломон ичида чарх уриб айланишарди, алмисоқдан қолган рулеткани айлантиришар, баъзи ерлар туллаб жуни тўклилаётган маҳлуклар сиз учун қутидан билет олиб кўрсатишарди. Буларнинг бари ўтиб кетган, йўқолиб бораётган эски дунёнинг қолдиқлари, улкан толе синовининг улуғ гиддираги олдида унинг саробларидан алланималарнидир юлиб олиб қолиш, ушоқлар теришга ожиз бир уринишлар эди. Мана, ниҳоят соат уч бўлди. Лотерея тиражи ўйналадиган баланд супага учта бола чиқишли, уларнинг ёши ҳали еттига ҳам тўлмаган эди; ўйин ниҳоятда ҳалол бўлиши учун уларни ишқивозлар оломонининг ўзи танлаб супага чиқарган эди. Ҳар бир болакайга бильярд шарлари тўлдирилган биттадан халта тутқизилди; бу халтачалар ҳар турли рангта бўялган бўлиб, ичида нулдан бошлаб тўққизгача нўмерланган ўнтадан бильярд шарлари солингган әдик, бу маҳсус сайланган нозирлар томонидан текширишдан ҳам ўтказилган эди. Ҳўб, диққат, хонимлар ва жаноблар! Ҳар бир болакай кўзи бойланган ҳолда халтадан битта соққа олади. Аввал мовий халта туттан бола соққа олади, кейин

қызил халта, ундан сўнг сариқ халта. Учала болакай бирин-кетин қўлларини халтачага тиқиб, соққаларни бирма-бир ушлаб кўриб, бошқа соққалардан энг совуқ, муздак бўлиб туолган соққани олиб кўрсатишарди – чунки уларга энг муздек соққани олиб кўрсатасан, деб маҳфий тарэда уқтирилган эди. Учала халтада биттадан энг совуқ соққанинг пайдо бўлишининг сири шунда әдикси, бу соққалар бир неча кун илгари ях тўлдирилган идишга ташлаб қўйилган эди. Шундай қилиб, болакайларнинг ҳар бири ўз халтасидан битта соққа олиб, уларни халойижка кўрсатишар ва нўмерларини айтишарди, шу тариқа эълон этилган учта нўмер президент лотерея билетининг уч рақамли нўмери билан – омадни қаранг! – мос келарди. «Бироқ, муҳтарам генерал, болакайлар буни бирорвга айтиб қўйишлари мумкинлигига ақдимиз етмабди. Биз бундай хавф борлигини тушуниб еттанимиздан кейин, уларни қамаб қўйишдан бошқа иложимиз қолмади. Олдин учтасини, кейин тўрттаси, сўнг бештаси, ундан кейин уларнинг сони йигирматага етди... У ёғи маълум, муҳтарам генерал!» У итнинг битта учидан тортиб, бирма-бир бошқаларини ҳам чиқарди ва лотерея кўзбўямачилигига армия ва флотнинг барча олий офицерлари тўла бош қўшганликларини аниқлади, биринчи лотерея ўйинига чиққан болакайлар ота-оналарининг рухсатини олғанликлари, ота-оналар қандай соққани олиш кераклигини айтиб, лотерея ўйини ташкилотчиларига кўмаклашганликлари ҳам маълум бўлди. Лекин кейинги лотереяларда соққани олиб кўрсатадиган болаларни мажбур қилиб супага чиқаришар, куч ишлатиб, зўрлаб, дўқ-пўписа билан бу ишни қилдиришарди. Энди ота-оналарнинг рухсати ҳам йўқ эди, чунки илгари ўйин супасига чиққан болалар ундан қайтиб тушмаганликлари ҳақида овозалар тарқалди. Куролли кучларнинг маҳсус ҳужумкор гуруҳлари навбатдаги лотерея ўйинини ўtkазиш учун керак бўладиган болакайларни қидириб тунлар одамларнинг ўйларига бостириб киришар, аммо ота-оналар имкон борича уларни яширишарди. Маҳсус вазифа бажарадиган қўшинлар де Армас майдонини ўраб олишга мажбур бўлди. Унга жамоатчиликнинг ҳиссиётларини жиловлаб туриш учун шундай қиляпмиз, деб маълумот берган бўлсалар ҳам, аслида ундаи әмас, балки худди ҳай-

вон тўдалари каби бостириб келаётган оломонни қўрқитиш учун қилишган эди. Орадаги низони бартараф этиш учун ўргага тушмоқчи бўлиб уринган, қабулга киришни сўраган дипломатлар ҳукумат амалдорларидан нима учун президент уларни қабул қилол-маслиги ҳақида одамнинг ақли бовар қилмайдиган тушунтиришлар олишарди. Унинг ғалатидан-ғалати касалликлари ҳақида илгаридан бери бичиб-тўқиб келинаётган барча афсоналар яна ўргага қўйилди. Баъзи амалдорлар унинг қорни безовта қиласпти, қорнида қурбақалар пайдо бўлибди, шунинг учун қабул қиломайди, десалар, бошқалари у уйқусизлик балосига учраган, худди игуанага ўхшаб унинг умуртқасидан тоғай ўсиб чиққан, тик оёқда туриб ухлашга мажбур бўляпти, шунинг учун олдига одам қўёлмаймиз, дейишарди. Амалдорлар унга биронта ҳам норозилик телеграммасини, болаларни озод қилишни сўраб ёзилган биронта ҳам арзномани қўрсатишмасди, ҳолбуки, бундай телеграмма ва шикоятлар дунёнинг ҳамма томонларидан келмоқда эди. Ундан ҳатто Рим папасининг телеграммасини ҳам яшириши, унда папа маъсум сабийларнинг аччиқ қисмати хусусида олий даргоҳ қайфураётганлигини билдирган эди. Қамоқхоналар ғалаён кўтарган отоналар билан тўлган эди, навбатдаги лотереяни ўтказиш учун биронта ҳам болани топиб бўлмасди. «Онасини эмсин, ёмон бош оғриғига қолдик-да, генерал!» Лекин оёғи остида қанчалар тубсиз чоҳ очилиб қолганлигини у қалъанинг ички ҳовлисида бечора болаларни қўргандан кейингина англаб етди; у юзлаб болалар худди сўйишга олиб кетилаётган пода, худди қўрқувдан эсини йўқотган, кўзи ола-кула ёчкilar каби ер ости йўлакларидан чиқиб ўзларини ҳар томонга телбаларча ураётганликларини кўрди, ойларча қоронгулик тутқуни бўлган шўрликларнинг кўзлари қуёшнинг ўткир нурларига дош беромасди. Улар ёруғликка чиқиб нима қилишларини билиншмасди, улар жуда кўп эди, шу билан бирга улар яхлит ягона вужудга ўхшарди; назарида булар икки мингта алоҳида-алоҳида бола эмас, балки турли-туман қиёфага эга бўлган улкан шаклсиз маҳлук бўлиб кўринарди – улардан куйган жун иси келар, ахлат ҳиди анқир, худди ер ости сувлари каби бўғиқ шовилларди. Бу маҳлуқнинг боши кўплиги уни дарҳол

маҳв этишдан сақлаб туради. Бутун ер юзини даҳшатли ларзага солмайинча бу жўшқин ҳаёт чашмаларини бирдан бирваракайига барбод қилишнинг сира иложи йўқ эди. «Нима ҳам қилиш мумкин, онасини эмсин!» Бироқ нимадир қилиш керак эди. У бутун олий қўмондонларни йирди. Улар унинг ҳузуринда қадларини ростладилар. Ўн тўртта кўринишдан довюрак ва ҳайбатли саркарда – ҳозир унинг қошида қўрқиб кетганинидан ҳар қачонгидан ҳам титраб-қақшаб туришарди. Уларнинг ҳар бирига ўқдай назарини қадаб чиқди. Ҳаммасига қарши ёлғиз ўзи устун эканлигини сезди. Шунда у бошини баланд кўтариб, ўқтам овоз билан уларни ҳамжихатликка чақирди; ҳозир гап куролли кучларнинг орномуси ҳақида кетаётган бир пайтда бу айнан энг зарур нарса, деди. Мен бу ерда ўз қўмондонларимнинг гуноҳи йўқлигига қатъий ишонаман, деб таъкидлади. У қўлинни мушт тутиб столга тиради, шу билан кўнглидаги шубҳа-тумон титрогини босди. Уларнинг ҳаммасига ўз постларида туриб хизмат бурчларини аввалгидекрайрат-шижоат билан адо этишликни, обру-эътиборлари тушиб кетишидан қўрқмасликни буюрди. «Ҳеч нима қилмайди, сениорлар, мажлис тамом, ҳаммасига мен жавоб бераман!» Шундан сўнг болакайларни қалъадан олиб чиқишиди, ёпиқ фургонларга миндиришиди ва зими斯顿 тунда мамлакатнинг энг олис, кимсасиз бурчларига жўнатишиди. Эртасига у расмий тарэда тантанали баёнот берди. Армия томонидан қамаб қўйилган болалар ҳақидағи барча гаплар турган-биттани қип-қизил ёлғон, деди. Ҳукумат ҳеч кимни – на болалар ва на катталарни қамоқда тутиб тургани йўқ, умуман мамлакатда бирон-бир инсон ҳибсда сақланмайди, турмалар бўм-бўш; умуман, оммавий қамашлар ҳақидаги гап-сўзлар қабиқ муртадлар томонидан тарқатилмоқда, улар бу билан халқнинг ватанпарварлик руҳига ражна солишини истайдилар, холос. «Мамлакатимизнинг эшиклари ҳамма ҳақиқатни билишини истаганлар учун очиқ, тўғрисини билишини истаганлар келсинлар юртимиға!» Мана шу даъватта жавобан мамлакатта Миллатлар ҳамжамиятининг комиссияси келди, барча тешик-туйнукларни кўрди, барча маҳфий жойларга бурнини тиқди, кимдан нимани хоҳласа, шуни сўради, биронта тафсилотни ўз назар-эътиборидан

қочирмади. Жумладан, Бендисйон Алварадони ҳам сўроқ-сатволга тутди, у эса ҳайрон бўлиб ёқасини ушлади: «Афсунгарлар кийимини кийиб олган бу чала чақонлар ким ўзи? Менинг ўйимга киришиб, каравотимнинг тагидан икки мингта болани қидиришди, ҳатто иш саватчамни ҳам титкилашди, мўйқалам идишларимни ҳам назардан қочиришмади!» Ниҳоят, охир-оқибат комиссия мамлакат қамоқларида ҳеч кимса йўқ, улар бари маҳбус бўлмагани учун ёпилган, ҳамма жойларда тартиб-интизом йўлга қўйилган, мамлакатда инсон ҳукуқлари ҳамда инсонпараварлик таъмойиллари у ёки бу тарэда, ихтиёрий ёхуд ихтиёрсиз, ҳаракат ёхуд ҳаракатсизлик оқибатида бузилаётганлиги ҳақида ҳеч қандай далил-исбот йўқ. «Тинч ухлайверинг, генерал! Кўришгунча хайр!» Генерал эса дераза олдида комиссия аъзолари тушган кема жўнаб кетаётганига қараб турар, уларга хайрлашиб зар билан тикилган рўмолласини силкитарди: «Хайр сизга, лақашиқилдоқлар, денгизингиз осуда ва йўлингиз баҳтли бўлсин!» У енгил тортиб чукур хўрсинди: «Тамом, от ўйини тугади!» Бироқ генерал Родриго де Агилар от ўйини тугамаганини эсига солди: «Болаларни ҳали бирёқлик қилганимиз йўқ, муҳтарам генерал!» Шунда у пешонасига бир шапати урди: «Онасини эмсин, эсимдан чиқибди, батамом эсимдан чиқибди. Ҳақиқатан, болаларни нима қилиш керак?» У безорижон қилиб юборган бу саводдан бир амаллаб кутулиш учун ҳали узил-кесил бир қарорга келмай туриб, болаларни улар яшириб қўйилган ўрмон чангальзорларидан муттасил ёмғир ёриб турадиган бошқа вилоятларга кўчиришни буюрди. У ерларда болакайларнинг овозларини одамлар қулогига етказиш мумкин бўлган ўзгарувчан шамоллар йўқ; у ерларда мангу намгарчиликдан ҳайвонлар тириклай чириб кетади; у ерларда ҳатто сўзлар ҳам намликнинг зўридан дарров мөғор босади ва шилимшиқ сак-кизоёқ спрутлар дарахтлар остида судралиб юради; у болакайларни Анд тоғлари чангальзорларига, зах жондан ўтиб кетадиган, туман билан қопланган мағораларга олиб бориб ташлашни буюрди, бинобарин, илло, ҳеч ким уларнинг қаердалигини билмасин, қидириб тополмасин; у болакайларни тўхтовсиз бир жойдан иккинчи жойга кўчириб юришни буюрди, ноябрнинг чиринди паст-

ликларидан Февраль ясситогларининг жазирама офтобига олиб ўтинглар, деди. У болалар безгакка чалинаёттанини эшишиб, уларга хинин ва қалин иссиқ адёллар жўнатди. Болакайлар Қизил Хочнинг аэропланларидан беркинишиб кўп кунлар шоли ботқоқларда бўғизларигача сувга ботиб турар эдилар. Болакайлар зотилжам бўлиб оғриб қолганларида у қуёшнинг ўткир ярқироқ нурлари ва юлдузларнинг шульалари болаларнинг кўзларини яллиғлантирумасин деб, уларни қизил ёруғлик билан муҳофаза қилишни буюорди; у болакайларни чинорзорларнинг мўйловли канада қуртлари кемириб кетмасин деб, уларнинг устига осмондан заҳарли инсектицидлар – зиддизаҳарлар сочишни буюорди; болакайларнинг бошига попук конфет ёмғирлари ва музқаймоқ қорлари ёғиларди; аэропланлар уларга парашютларда янги йил совғалари ташлашарди. У болалар курсанд, тинч ва мамнун бўлишлари учун қўлидан келган ҳамма ишни қиласди. Уларнинг қисмати борасида то узил-кесил бир қарорга келгунча шундай қилиб турди. Бу муруватлари билан у ўз-ўзига таскин бериб, хотиржам қилди ва «Болаларни нима қилиши керак?» – деган қоратиканакдек савол унинг ичини ўймаламай қўйди; у болакайларни эсидан чиқарди, зери-карли уйкусиз тунларнинг бир зайдаги ботқоғига ботди, кунлар бир-биридан нурсиз, бир тусда кечарди – ҳеч нарсадан қайғурмас, ташвиш чекмасди, токи бир оқшом...

Сешанба куни эди, соат тўққизга занг урди, у вақт темирининг зангуласини эшишиб, саройнинг дераза токчаларида мудраёттан товуқларни товуқхоналарга ҳайдади, улар ўз қўндоқларига чиқиб ўтирганларидан сўнг одати бўйича уларни бирма-бир саноқдан ўтказди. Шу пайт навбатчи товуқбоқар қорамагиз хотин кириб кун бўйи қўйилган тухумларни йиғиштира бошлади. У бирдан вужудида ҳирснинг ғайратга кирганини сезди, аёл сийнабандининг сийпаланишидан юраги аллақандай гупуриб кетди ва у аёл яқинига борди. «Эҳтиёт бўлинг, ҳазрати олийлари, – дея шипшиди аёл бутун вужудини қалтироқ босиб, – тухумларни синдириб қўясиз...» У аёлни бир зарб билан ерга қулатди, назарида мана шу кўзларини юмиб ёттан товуқларнинг кўқимтири хоклари билан булғанганд ажойиб сешанбада нимадир рўй бериши керак-

дай эди ва у ўша ноаён мубҳам рўёдан халос бўлишни истарди; у товуқлар хокига сирғанди, боши мислсиз гувиллаб айланди ва у ҳирс рўёсининг қаърларига, халос бўлишнинг ёлғондакам хаёлий хира зовларига, қўйилиб келаётган бўғиқ тер тўлқинларига, ўқтам аёлнинг ҳансирашлари шовваларига, ҳамма нарсани унтиш мумкин бўлган тубсизликларга шўнғирди – у гўё парвоз қиласиди, ортидан учар юлдуз каби ёйсимон из қоларди, олтин нағалининг нурафшон, жарангдор саси тараляётгандек бўларди; у борлиқни ўзининг кўланса ҳансираши билан тўлдирад, худди илакишиган ит каби ингичка товуш чиқарип ингиллар, борлиқнинг мудҳиш лаззатларига чулғанганча, ўлим чақмоқларини ялт-юлт этаётган ақл бовар қиммас сассиз-сабарсиз гулдираклари ва кўзни қамаштирувчи ёлқинлари оралаб учар, тўхтамай учарди; аммо тубсиз қаър, тубсиз зовнинг энг тагида ҳамон ўша-ўша товуқхона, ўша-ўша товуқ ахлатлари, ўша-ўша мудраган ярим уйроқ товуқлар ва кўйлагига синган тухумларнинг сариклари ёпишган титраб-қалтираб турган қораматиз аёл. «Ана кўрдингизми, мен сизга айтдим-ку, ҳазрати олийлари! Ҳамма тухумларни синдириб қўйдингиз». У эса яна бир севгисиз севгидан кўнгли тўлмай, ғазаби, норозилигини ичига ютиб, хотинга деди: «Ҳисоблаб чиққин-да, нечталигини ёзиб қўй. Уларнинг заарини мояннгандан ундириб оламиз». Кейин чиқиб кетди. Соат ўн бўлиб қолгән эди. У молхонага кирди, барча сигирларнинг милкларини текшириб кўрди. Ўзининг чўрилари яшайдиган уй ёнидан ўтиб бораётиб деразадан қараб уй саҳнида хотинлардан бирорининг кўзи ёриётганлигини кўрди – доя қўлида эндиғина туғилган чақалоқни кўтариб турарди. «Ўғил туғилди, ҳазрати олийлари! Унинг отини нима деб қўямиз?» «Нима қўйсангиз, қўяверинг!» – деб жавоб берди у. Соат ўн бирни қўрсатарди. У, одатдагидай, қоровул соқчиларни санаб чиқди, тамбаларни текшириди, қафаслар устини рўмол билан ёпди, ҳамма чироқларни ўчирди. Ярим тун чўкарди. Мамлакат осуда, дунё уйқуга гарк эди. Қоронгида тимирскиланиб у ўз ётогига йўл олди, гир айланиб турган маёқ машъалининг бир зумлик шуълалари ёришган йўлаклардан ўтди. Ётогига етиб бориб, қўлидаги мабодо қочишига тўғри келиб қолса, асқотадиган лампа чироқни эшик ёнига

осди, уч қават қулф-калитни бураб ёпди, учта тамбани туширди, эшикни уч занжир билан занжирлади, кейин ўз маҳсус курсича-сига ўтириди-да, ўзининг жонсиз ўллик боласи, ўзининг даҳшатли даббасини силай бошлади, золим бола кафтида тинчланиб уйкуга кетмагунча, симилаган оғриқ тинмагунча уқалаб силайверди. Лекин оғриқ яна шу заҳоти қайтди, уни худди кутимаган чақмоқдек кўркинч билан урди – ойнага селитра қазиб олинадиган узоқ саҳро томонлардан ногаҳон шамол келиб урилди, шамол ётоқни соңсиз-саноқсиз куй куйлаган овозларга худди кум зарорлари каби тўлдирди. Ҳувиллаб ётган саҳрова изгиб юрган болакайларнинг юракларидан отилиб чиқкан қўшиқ урушга кетган жасур валломат ҳақида сўроқларди. «Қани йигит? У қайда? О, алам, алам... Сен қўрғон устига чиқ, унинг қайтишини кут, сен албатта, унинг қайтганини кўрасан – у баҳмал ўралган тобутда келади! О, алам, алам!» Элас-элас эшитилаётган овоаларни юлдузларнинг товуши деб қабул қилиш мумкин эди, бу қўшиқни юлдузлар куйлаяпти деб, хотиржам ухлаш мумкин эди, аммо у қаҳро билан ўрнидан туриб кетди ва бақириб юборди: «Бас, онасини эмсин! Ё улар, ё мен!» Албатта, у масалани ўз фойдасига ҳал қилди. Тонг қоронгисида у болаларни цемент ортган баржага жойлаштириш ва кувноқ қўшиқлар айтиб бизнинг денгиз сувларимиздан узоққа олиб кетишини буторди. Хилват денгизда баржа портлатиб юборилди ва ҳеч нарсадан хабарсиз болакайлар сув тубига тошдай чўкиб кетишиди. Кейин учта офицер келиб, буйруқ адo этилганлигини маълум қилишиди, у дарҳол уларнинг ҳарбий унвонларини икки даражага кўтариб, садоқатли хизмати учун нишон билан тақдирлadi. Кейин оддий жиноятчilar каби уларни отиб ташлашни буторди. «Нега десангиз, берилиши жоиз буйруқлар бор, лекин уларни бажариш, онасини эмсин, жиноят билан баробар, шўрликкина болакайлар!»

Мана шундай оғир синовларда у яна бир карра амин бўлардики, энг хатарли ғаним салтанатнинг ўз ичиладир, у ўзига тўла ишонч қозонган, давлат бошлиғининг юрагига кириб борган бир кимсадир; у яна шу нарсага ҳам амин бўлардики, энг садоқатли одамлар булар бир пайтлар юксак мансабларга кўтарган одамлар

— шунинг учун улар ўзига суюнч ва таянч бўлишлари керак эди, лекин улар эртами-кечми бошларини силаган қўлни итариб ташлаб, нонкўрликнинг пайида бўлардилар. Шунда у биро зарба билан уларнинг абжагини чиқараарди-да, ўрнига бошқа бир одамларни топиб, юксак лавозимлар бериб, бармогининг бир ишораси билан олий ҳарбий унвонларга мушарраф этарди: «Сен – капитан, сен – майор, сен – полковник, сен – генерал, қолган ҳаммаларинг – лейтенантсанлар! Яна сенларга нима керак?» Авваллари у кузатиб юрарди — уларнинг қандай семиришлари, мундирларига сизмай кетиб, кийган кийимларининг чок-чокидан сўклишишларини, кейин улар кўринмай кетишарди, ҳа, садоқат билан хизмат қилиб юрган бўлса керак-да, деб қўяди, лекин кутилмаганда ўргадан икки мингта боланинг машмашаси чиқиб қолди-ю, у ўзига бигта-иккита кимса эмас, бутун қуролли кучларнинг қўмондонлиги панд берган-лигини англаб билди. «Суд харажатларини кўпайтиришни талаб қилишни билишади, фақат бошларига синов тушганда эса азбаройи кўрқиб кетганларидан овқат еб турган идишларига ўтириб қўйишидан ҳам тоийшмайди. Илло-билло, сизларни ахир мен ўзим яратмадимми, ўз қовурғамдан ўзим бино қилмадимми, ҳаммангизга тузнасиба, ҳурмат-эътибор еткизмадимми!» Нафсилалирига бу асли шундай эди, уларга қандай бўлмасин ёқиши, уларнинг даъводостонлари, иззат-нафсларини қондириш учун бир дақиқа ҳам тиним билмасди. Уларнинг энг чатоқларини кузатиб туриш осон бўлсин деб ўз ёнида сақларди, бошқа бирларини узоқ чегара қисмларига хизматга жўнатарди, лекин булар билан барибир шубҳа-гумонларидан қутула олмасди. Ўз вақтида у худди мана шулар учун, ўз офицерларим учун деб, гринголарнинг денгиз пиёдаларининг соҳилга тушишларига розилик берган эди. Ҳолбуки, элчи Томпсон буни расмий баёнот бериб, сариқ безгакка қарши биргаликда курашамиз, деб баён қилган эди. Йўқ, ундаи эмас. Бу сиёсий қувфиндилар айтмоқчи, халқ разабидан қўрқиш ҳам эмасди. «Улар офицерларимиэнни инсоф-диёнатта ўргатсинлар деган эдим, онасини палон-пистон, улар ўрганишди ҳам, аммо бундан нима чиқди — улар туфлини қандай кийиш, туалет қоғозларидан ва презервативлардан қандай фойдала-

нишни билиб олиши, ўрганиб билганлари шундан нарига ўтмади, менга эса ҳарбийларнинг турли гурухлари ўртасида низо чиқариш усулларини қулогимга шипшиб қўйиши, шундай қилсан, улар ўзлари билан ўзлари овора бўлиб кетиб, менга қарши чиқиш эсларига келмас экан, гринголар менга миллий хавфсизлик бошқармаси, текширишлар бош агентлиги, жамоат тартиби миллий департаменти ва яна қанчадан-қанча бошқа шашварларни ўйлаб топиб бериши, улар шунчалар кўпки, номлари ҳам эсимда турмайди!» Нафсилемрини айтганда, булар баайни ўша хавфсизлик хизматининг сал бошқачароқ қўринишлари эди, лекин унга булар ҳаммаси бошқа-бошқа ташкилотлар, бошқа-бошқа хизматлар деб кўрсатиш қулайроқ эди, бу унга нотинч, серғалва замонларда хавфли тўлқинларни айланиб ўтишга имкончият берар, инчунин, миллий хавфсизлик хизмати оламларига сизни бош текширишлар агентлиги ходимлари кузатиб туришибди деб уқдирав, уларга ва яна бошқаларга эса сизни жамоат тартиби департаменти кўз остига олиб қўйган, дерди. У зобитларни бир-биорлари билан уриштириб қўяр, унчалар ишончли бўлмаган казармаларга бериладиган ўқдори ичига яширинча қум аралаштиришни буюарди; бировларга бир гапни айтса, бошқаларга бутунлай тескарисини айтар, ҳаммани ва ҳаммасини шунчалар чалкаштириб ташлар эдики, охирида ҳеч ким унинг асл нияти нима эканлигини билолмай қоларди. Шунга қарамасдан улар бош кўтарар эдилар. «Анов казарма бош кўтарди, ҳазрати олийлари!» У шунда ўша казармага ваҳшат солиб, оғзидан кўпиклар сочиб, бақириб, ҳайқириб кириб бораарди: «Қоч йўлдан, хунасалар, бу ерда мен ҳокимман!» У қадамини тўхтатмай ҳозиргина унинг суратларига қараб ўқ отишни машқ қилаётган, энди эса ўзини батамом йўқотиб қўйган зобитлар ёнидан ўтарди. «Қуролсизлантирилсин!» – деб буюарди. Унинг амронга овоэидан ўзига шунчалар ишонч янграб турардик, зобитларнинг ўзлари қуролларини ташлашарди. «Кийимингни еч! – буюарди у. – Буни ҳақиқий эркаклар кияди!» Шунда зобитлар ҳарбий мундирларини ешишарди. «Сан-Херонимо базаси исён кўтарибди, ҳазрати олийлари!» деб хабар қилишарди ва базанинг ичига бош дарвозадан кириб бораар, ўзининг катта касал оёқлари-

ни чоллар каби тапиллатиб босарди; у икки қатор бўлиб саф тофтган исёнчи гвардиячилар орасидан ўтар, улар ўзларининг олий бош қўмондонларини кўриб, қадларини ғоз тутардилар, кейин у бир ўзи ҳеч қандай қуролсиз исёнчилар штабига кириб борар ва амрона ҳайқиради: «**Ёт ерга, юзинг билан ёт, хунаса!** **Ёт деяпман, чала тушганлар!**» Шунда бош штабнинг ўн тўққизта зобити унинг амрига бўйсуниб ерга юзтубан тушиб ётди. Кўп ўтмай уларни соҳиб бўйи аҳоли қитъаларидан олиб ўтишар ва тупроқ чайнашга мажбур қилишарди. Ҳамма кўрсин – нонкўрлик қилган ҳарбийларнинг ҳоли нима кечади. **«Қанжиқлар!»** – деб қичқиришарди турғенга келиб казармалардаги аскарлар ва худди президент каби исёнчиларнинг етакчилари орқасига қўрошин ёғдиришни талаб қилишарди, уларнинг бу хоҳишлари дарҳол ижро этиларди, кейин мурдорларнинг лошларини қоқ офтоб тигига осиб кўярдилар етти шамолга тўғрилаб, токи ҳамма билсин, кўрсин – худога қараб тупурганинг ҳоли не кечар.

**«Ҳа, мана шундай, каллакесарлар!»** Аммо қонли тозалашлар эминаллик келтиромасди. У таг-томири билан суғуриб олдим, деб ўйлаган мараз яна тарқалар, исён, фитна аждаҳоси яна чангларини ҳар томонга ташлар, ҳокимият идоралари томи остида уя қўяр, энг жўшқин зобитларнинг имтиёзлари шароитлари соясида куч-қувватга тўларди; зеро у ўз ваколатларининг бир озгинаси бўлсин, улар билан баҳам кўрмасдан иложи йўқ әди-да; ўзи истамаган тақдирда ҳам уларга ишонч билдиришга мажбур әди, чунки уларсиз ўз ҳокимиётини сақлаб қололмасди; лекин ҳамма бало шунда әдикни, улар билан муросан мадора қилиш ҳам жуда оғир әди, улар билан бир ҳаводан нафас олиб бўлмасди, уни бу ҳаво ҳиқилдоғидан бўғарди, лекин мангу яшашга маҳкум этилгани боис, у буларнинг барига чидаши керак бўларди. **«Онасини өмсин, шуми адолат!»** Ҳатто ўзининг энг яқин дўсти генерал Родриго де Агиларнинг нияти нима әканлигини сира билолмай, мудом қўрқинчли шубҳаларга ботиб юриш, яшашдан ҳам оғирроқ нарса йўқ әди, генералнинг соғдилиги, садоқатига ишонмасликнинг ўзи оғир азоб әди аммо... **«У менинг кабинетимга ранги ўлиқдай бўзариб кириб келди-да:** **«Анови икки мингта болага нима бўлди?** – деб

сўради. Бутун дунё битта гапни айтгапти, шу тўғрими? Биз болаларни денгизга чўктириб юбордикми?» У овоини қилт этиб ўзгартирмай генерал Родриго де Агиларга: «Бу, оғайножон, муртадларнинг тўқиб чиқарган бўхтонлари, деб жавоб берди, — болакайлар бари соғу саломат, худонинг сакийнатидан баҳраманд бўлиб юришибди». «Ҳар куни кечаси қулоғимга товушлари киради. Қайлардадир қўшиқ айтиб қувнашади!» У қайлардадир деб қўлини оҳиста силкиб номаълум бир томонга ишора қилди. Эртасига эса у әлчи Эвансни шубҳаларга ботириб, ҳеч нарса билмаган кишидай, деди: «Мен тушунолмаяпман, сиз қандай болалар ҳақида сўраяпсиз. Ахир сизнинг мамлакатингизнинг әлчиси Миллатлар Ҳамжамиятида ҳаммага эшиттириб айтмадими, болалар ҳаммаси сорғсаломат, мактабга қатнаб ўқишяпти деб. Сизга яна нима кепрак ўзи? Бўлди, бас, от ўйин тугади!» Аммо от ўйин ҳали тугамаган экан, у ҳеч нарсанинг олдини ололмади, бир куни ярим кечаси уни ўйғотишиди. «Жаноб генерал! Иккита йирик гарнizon қўзғлон кўтарди, яна бунинг устига, биздан икки қадам наридаги Конде аскархоналари бош кўтарди! Кўзғолоннинг тепасида генерал Бонивенто Барбоса турибди. Кўрдингизми кучи қўпайиб кетганини? Унинг бир ярим минг яхши қуролланган кишилари бор. Уларнинг қўлидаги жамики қурол-аслаҳалар муҳолифат томонида турган айрим чет әл әлчихоналари ёрдамида контрабанда йўли билан олинган. Вазият бармоқни сўриб ўтирадиган аҳволда әмас, жаноб генерал! Ҳавф-хатар жуда катта, яна оғимиз осмондан бўлиб кетмасин!»

Илгариги вақтлар бўлганда, сиёсий вулқоннинг бундай портлашлари унда кураш, жанг иштиёқини, бор, гардкам деб, таваккал қилиш иштиёқини ўйғоттан бўларди, энди эса... Ахир у ўзи етган бутун оғирчилигини билмайдими? Ахир бутун иродасининг куч-қуввати аъзои баданинг ичкарисида бораётган киши билмас бузилишларни енгиб ўтиш учун сарф бўлмаяптими? Ахир қиши кечалари ўзининг бераҳм, буровоғриқли боласини майин силаб, уқалаб, аллалаб тинчтмагунча кўзларига бир чимдим ўйқу келмайди: «Ухла, менинг тиниқ осмоним». Ҳаво айниган кезлари даббаси янада шишиб каттаяди, уни ҳарчанд авайламаса бўлмай-

ди, маҳсус курсичада ҳеч қандай натижасиз ўтиришнинг туганмас азоблари-чи, мөғор босиб, пўпанак саллалари тиқилиб ётган сизгичлар орасидан зўр-базўр ўтиб бораётган, жонидан томчи-томчилаб сиқиёттан қонлар-чи? Энг муҳими, у кимнинг ким эканлигини ҳеч аниқдай олмасди, манави ярамас саройдаги муқаррар қисматнинг нокас соатларида кимга ишониш, кимга суюниш мумкин, манов сарой деган аянчли бино, уни аллақачон тарк этиб бу ердан иложи борича узоқроқдаги тинч, хилват биро уйга жон-жон деб алмаштирган бўларди, майли эди у қандайдир ҳиндударнинг худо бехабар чайлалари бўлсин, майли эди бирон кас унинг шунчалар узоқ-узоқ йиллар лавозимини ҳеч кимга бермай, мамлакатга президентлик қилганлигини билмасин. Ахир бунинг ҳисобига ҳали унинг ўзи ҳам етолган әмас. Ҳар ҳолда шундай бўлса ҳам, генерал Родриго де Агилар оқилона муроса қилиш учун унинг ҳузурига кириб, қўзролончилар билан унинг ўртасида воситачилик қилишга тайёр эканлигини билдирган чоғда, кўз ўнгидаги қабул маросимларида ухлаб қоладиган, ақл-хушини батамом еб битирган бир қари чолни әмас, илгариги замонлардаги каби шижаотли буқани кўрди, бу зот бир зум ҳам ўйлаб ўтирмай, шундай деди: «Шимилдириқ ҳам қилолмайсанлар. Кетмайман!» Генерал Родриго де Агилар, ҳозир гап кетиш ёки кетмаслик устида бораётгани йўқ, деди. «Гап шундаки, ҳамма сизга қарши, жаноб генерал, ҳаттоқи черков ҳам». У бунга эътиroz билдириди: «Шимилдириқни ебди, черков кимда ҳокимият бўлса, ўша билан бирга!» Воситачилик қилмаса бўлмайди, деди яна Родриго де Агилар, чунки олий қўмондонлар қирқ саккиз соатдан бери йиғилишиб сўзлашяпти ва ҳеч бир қарорга келиша олмаяпти. Бунга жавобан у шундай деб айтди: «Аҳамияти йўқ. Валдираиверадилар. Ҳали ўзинг кўрасан, ким кўпроқ пул тўлашини билганиларидан сўнг, қандай қарорга келишларини!» «Аммо фуқаро мухолифатчилари ниқобларини ташлаб, кўчага чиқиб митинг қилишмоқда!» – деди хитобан Родриго де Агилар, бунга унинг жавоби шундай бўлди: «Жуда ҳам соз. Де Армас майдонидаги ҳар бир фонарга бигтадан одам осишни буюр, куч кимдалигини билишсин!» «Бунинг илотжи йўқ, – деб эътиroz билдириди генерал Родриго де Агилар,

— халқ улар томонида!» «Бўлмаган гап! — деди у, — халқ мен томонимда, шунинг учун бу ердан менинг фақат ўлигим кетади!» Шундай деб у столни гурс этиб урди, уэйл-кесил бир қарорга келгач, у доим шундай қиласди. Кейин у ухлагани кетди ва сигирларни соғадиган вақт бўлгунча ухлади. У сут соғиш вақтида уйғонди. Давлат кенгашининг мажлислар зали тошлар ва синиқ шишалар билан тўлганини кўрди. Конде аскархонасидағи галаёнчилар манжаниқлардан сарой ойналарига тош отишарди. Синган деразаларга ёниб турган ҳаво шарларини улоқтиришарди. «Оёғимизда мажол қолмади, жаноб генерал, кечаси билан кўз юммай чиқдик, ўтни ўчириш учун у ёқдан-бу ёққа адёлу челак кўтариб югуришдан қўлимиз бўшамади, дам унда-дам бунда аланга чиқаверди, жаноб генерал». Бу гапларни у чала-чулпа эшишиб, кул босган йўлаклар, ёниб биттан гиламларнинг уюмлари, қалин<sup>1</sup>ларнинг куйинчилари устидан ўлик оёқларини шипшип судраб юриб кетди. «Мен сизга айтдим-ку, эътибор берманг!» «Лекин улар бас қилишмаяпти, — дейишиб унга, — олов шарлар — бу сизга огоҳлантириш, деб дўқ қилишяпти, тезда бошимизга гўлалар<sup>2</sup> ёғдиришармиш, жаноб генерал!» «Эътибор берманг, онасини эмсин!» — деб қайтарди у ва боққа чиқди, ҳеч кимга қарамай тонг қоронгуси сукунатида очилаётган атиргулларнинг шитир-шитирларига қулоқ солиб, денгиздан эсаётган шамол унинг кўксидаги чўгларни елпиб аланга олдира бошлаганини тушиб хиёбондан юриб кетди.

«Барибир айтинг, нима қилайлик, генерал?» «Эътибор берманг, онасини эмсин, неча марта айтишим керак!»

Ушбу соатларда у, одатдагидай, фермага сигир соғишга қараб туриш учун йўл олди. Кейин, одатдагидай, эрталаб Конде аскархоналарига олти кубда сут ортган хачир қўшилган аравалар этиб келди. Араванинг ўринидигида ҳар доим сут олиб келадиган ўша эски аравакаш ўтиради. У исёнчиларга президент, одатдагидай, аскарларга ўз фермасидан сут жўннаттанлигини айтди. «Сизга сут

<sup>1</sup> Қ а л и н — гобелен, суратли пат гилам (тарж.).

<sup>2</sup> Г ў л а — снаряд (тарж.).

юбориши, жаноб генерал, лекин сиз нон берганинг қўлини тишлайпсиз». Аравакаш бу сўзларни соддафаҳмлик билан данга-лига қичқириб айтди. Генерал Бонивенто Барбоса сутни қабул қилиб олишни буюрди, лекин бир шарти, аввал уни аравакаш ичиб кўрсатсан, сут заҳарланмаганлигига ҳамма ишонсин, деди. Мана, ниҳоят темир дарвоза очилди. Бир ярим минг исёнчи ичкаридаги очиқ айвонларда сафланиб, арава Конде аскархонасининг тош ётк-изилган ҳовлисига кириб келиб, майдон ўргасида тўхтаганига қараб туришарди. Генерал Барбосанинг мулоzими сут олиб ичиб кўриш учун қўлига кўзача ва чўмич билан арава устига чиқди. Ҳамма унинг биринчи кубни очганини кўрди ва шу замон одамнинг кўзини кўр қиласидан портлаш рўй берди, мулоzим ҳам, бошقا нарсалар-нинг ҳаммаси ҳам шу даҳшатли ёргуллик ичida ройиб бўлдилар, бошقا ҳеч ким ҳеч нарсани кўрмади, абадул-абад кўрмайди ҳам. Мана шу тумтайган сарик бино ичидаги барча нарсалар худди вулқон бўғзига кириб кеттандай бир зумда ёниб кулга айланди. Олтита кубдаги динамитнинг бирваракай даҳшатли тарзда портла-ши натижасида бинонинг вайроналари бир сония ҳавода осилиб туриб, сўнг абадий йўқлик қаърига кетди. Ана шу портлашдан сўнг бу ерда узоқ вақт ҳатто гиёҳ ҳам унмади! «Ана бўлди», – деб хўрсиниб қўйди у ўз саройида портлашни эшлитиб исканганча. Портлашнинг кучли тўлқинлари Конде аскархоналаридан ташқари яқин атрофда жойлашган яна тўртта иморатни ер билан яксон қилди, шаҳардаги уйларнинг ҳатто чекка-чеккаларгача токчаларидаги тўйлар-га совфага келган барча чинни ва билур идиш-оёқларни чилларчин синдириди. Ўн саккизта зобитни ўқларни иқтисод қилиш учун икки сафга орқама-орқа тизиб отиб ташлаши. Уларнинг ўликларини ахлат араваларига ортишиб порт истеҳкомидан олиб чиқиб ке-тишгач, у яна бир хўрсинди ва «Ана бўлди», – деб қўйди. Родриго де Агилар қаддини ўқдай роз қилиб тек қотди ва маълумот берди: «Барча сиёсий жиноятчилар қўлга олинди, жаноб генерал! Қамоқларда жой етишмаяпти». Шунда у: «Ана бўлди», деб хўрсинди. Жом қўнгироқлари шодиёна бонг урди, байрам мушаклари ранго-ранг, шарақ-шарақ отилди, уни кўклар-га кўтарувчи мадҳияларнинг тантанали садолари янгради,

улар бари яна юз йил тинчлик ва хотиржамлик даври кирганилигидан дарак берди. «Ана бўлди, онасини эмсин, – деди у, – ниҳоят от ўйини тугади!» У шунчалар ўзига ишониб хотиржам бўлиб қолдики, ўзининг шахсий хавфсизлигига ҳам енгил-елги ва эътиборсиз қарай бошлади, натижада сезгириликни қўлдан бой берди. Бир куни тонг қоронғусида сигир соғищдан чиқиб саройга қайтаётган чоғида бир мохов атиргул буталари ортидан ўзига ташланганини пайқамай қолди. Мохов унинг ўйлини тўсди, октябрнинг бўз аёзида тўппончанинг қора пўлати ярақлаб кетди, титраб-қалтираган бармоқлар тепкини босишга уринарди, у шундагина ўзига келди. У кўкрагини керди, қулочини кенг ёэди ва қичқириди: «Қани от, хунаса, от!» Айни чоқда, у ўзининг ўлим соати бир маҳаллар башоратчи фолбин хотин дарак бергани, мусаффо азал сувларида унга кўрсатилганига қараганда бутунлай бошқача тарзда етиб келганидан ларзага тушди-да, қаттиқ қаҳр билан ҳайқириди: «Отмайсанми, мишиқи, от, мард бўлсанг!» Аммо мохов сустлик қилди, имиллади, кўзи хиралашди, лаблари сўлжайди, шу заҳоти бошига тўқмоқдай мушт тушди, у ерга қулади, дарҳол жағига аёвсиз тепки еди. Ҳозиргина ўлим ёқасида турган зот эса кўкка қараб тепасида ёлғиз юлдуз оқариб турганини кўрди ва ўзининг товушига югуриб келган қўриқчиларнинг худди нариги дунёдан чиқаётгандай дуттур-дупурларини эшилди. «Нима, нима бўлди, жаноб генерал?» Шунда бирин-сирин беш марта ўқ отилди, боғ кўкимтири шуълалар билан ёришиди. Мохов суюкларни қасирлатиб синдирадиган президент гвардиячиларининг қўлига тириклай тушмаслик учун тўппонча обоймасидаги ҳамма ўқни қорнига бўшатди. У эса моховнинг ғужанак бўлиб ётган жасади устидан сакраб ўтди-да, сарой хизматчиларининг бошоломон бақирчакирларини кекиртакдан чиққан чинқириқ овози билан босиб, буйруқлар бера бошлади, моховнинг жасади нимта-нимта қилинсин, гўшти алоҳида қоқлансин, бошини тузга ботириб де Армас майдонига ибрат учун томошага кўйилсин, ўнг оёғи Санта-Мария дел-Алтарнинг шарқий чеккасида намойиш этилсин, сўл оёғи фарбдаги селитра олинадиган саҳрого юборилсин, бир қўли ясси тоғларнинг аҳолисига, иккинчисини ўрмонзорларнинг кишиларига кўрсатил-

син, гўштларини ёғда қовуриб етти шамол ёсадиган жойларда офтобга ташлаб қўйилсин, бу ифлос фоҳишахонанинг барча ғамбода кенгликларида биронта кимса бехабар қолмасин: падарга қўл кўтарганинг ҳоли мана шундай бўлгай. Мана шу буйруқни берди-да, у ҳамон разабдан кўкариб кетган ҳолда ўзини атиргуллар буталари орасига урди – кўриқчилар моховларни худди кала-мушлардай милтиқ найзаларига илиб тутаётганликларига қараб турди. «Юзларингни очларинг, каллакесарлар!» У саройда пиллапоядан кўтарила туриб, шол-фалажларни оёғи билан тепиб уйғотар, биласанларми, сенларни ким дунёга келтирган, оналарингни ким бўйида қилган, деб бақиради. «Буни биласанларми, сакбаччалар?!» Коридорларда унинг шангиллаган овози тинмасди: «Қочларинг йўлдан, ярамаслар, ҳукумат келяпти!» У кўркиб-қалтираган амалдорлар, тепса тебранмас лаганбардорлар қуршо-вига бораар, уни мангу қуёш деб мақташар, у олов сели қаби пишқириб ўтар, ортидан ўтли ҳансираш қолдиради. У давлат кенгашининг мажлислар залидан алангали чақмоқдай гулдираб ўтди-да, ўз ётогига кириб кўздан йўқолди. Эшикни уч калит билан беркитди, уч тамбани туширди, уч занжирни илди ва бармоқларининг учи билан булғанган иштонини ечди. Шу ондан бошлаб у яна тинчлигини йўқотди, моховнинг қўлига яқинларимдан ким қурол тутқизди экан деб, тоза бош қотирди: ким бўлсайкин ўша хуфия ғаним? У душман шу яқин ўртада, ўзи билан ёнма-ён турганинги сезар, бу шунчалар яқин одамки, ҳатто унинг асал солинган идишларини қаерга яшириб юришини ҳам билади, ўша кимдир ҳар бир тирқищдан қараб уни кузатади, унинг қулоқлари саройнинг ҳар бир девори ичига яширилган, у саройда ҳар қандай жойда ва ҳар қандай вақтда ҳозиро нозир. «Худди менинг суратларимга ўхшайди, онасини эмсин!» Душманнинг бормаган жойи йўқ, январь ойининг пассат шамоллари ичida ҳам у борга ўхшарди, у ҳароратли кечаларинг мастона ёсуман ҳидларига яширинарди, у саройнинг энг хилват пучмоқларида кўзга кўринмас кўркинчи шарпа каби қоронгиликларда сўёқларини судраб босар, алогчалоғ уйқусизликнинг босинқиравшларига айланарди. Ниҳоят кунлардан бир кун оқшом чоғи домино ўйнаб ўтирганларида у аён

бўлди. Бу ўша қўл бироз ўйланиб тургач, дубл-беш соққасини кўйниб ўйинни яқунлади. Шунда унинг ҳарифининг кўнглидан худди мана шу қўл хоиннинг қўли бўлади деган фикр ўтди. «Худди ўзи, онасини эмсин, худди ўзи!» Ҳариф дарҳол ўзини тутиб олди ва бошини кўтарди, столнинг ўртасидаги осигуллик чироқнинг ёрқин нурларида ўзининг энг яқин, садоқатли дўсти генерал Родриго де Агиларнинг чиройли ифодали маънодор қўзлари билан тўқнашди. «Бўлиши мумкин эмас, – деб ўйларди у, – ахир Родриго де Агилар менинг ўнг қўлим, биз дўстликнинг муқаддас ришталари билан боғланганмиз, у менга ҳамма нарсада ёрдам бераб келган». Аммо энди ҳақиқатни яшириб бўлмасди, бирдан у кўп нарсаларни бутунлай бошқача бир тарзда кўра бошлади, у бирдан барча маккорона тўқилган тўрларни кўз ўнгига келтириди, бу тўрлар ёрдамида ундан ҳақиқатни яшириб келганликларини, уни неча-неча йиллардан бери тузоққа илнитириб, чалғиттанликларини тасаввур қилди! У узоқ йиллардан бери ўзининг қадрдан дўсти, жигаргўшадай яқин бўлиб қолган кишиси сиёсий олғирлар, ошири олчи сиёсатчилар хизматини қилиб юрганлитини билмаган эди! Лекин унинг ўзи ўз манфаатини кўзлаб бу сиёсатдонларни энг худо бехабар чекка жойлардан топиб келмадими? Ахир унинг ўзи Федерация учун урушдан сўнг уларни кўтарамадими, итининг тувагигача тилладан қилиб бермадими, кўз кўрмаган, қулоқ әшишмаган имтиёзларни қўшқўллаб тутқизмадими? Улар яна унинг ўзига суюниб ҳокимият ва бойликнинг оқсуякларнинг ҳатто тушларига ҳам кирмаган чўққиларига кўтарилишларига йўл қўйиб бермадими? Эркинлик ҳаракатининг енгиб бўлмас шамоллари бу оқсуякларнинг барини ер юзидан батамом супуриб ташламадими? «Ҳаддидан ошиб кетишибди, падарига лаънат, худо сийлаганнинг жойига кўз олайтиришибди менинг ўрнимга-я, чала туғилганлар ва тўла ишонч қозонган одамдан фойдаланмоқчи бўлишибди, менга ҳаммадан яқинроқ ва қофозларни қўл қўйдиришга олиб кирадиган одамни қўлга олишибди!» Унга қофозларни бошқа ҳеч ким имзо чектириш учун олиб киролмасди – фақат генерал Родриго де Агилар барча фармонлар, у чиқарадиган барча қонунларни қофозга туширас, аввал оғзаки бошдан-оёқ айтиб берар, ундан сўнг олий

даражада тузатишлар киритилгач, барини ёзіб чиқар ванан шундан кейингина құл қўйдирғани олиб киарди. У эса қоғозларга бош бармоини босарди ван шу билан ҳужжат имзоланган ҳисобланарди. Кейин имзосини давлат мұхри билан тасдиқларди – мұхом жойлаштирилган узук фақат темир сандықда сақданар, унинг шифрини ўзидан бошқа ҳеч кимса билмасди. «Ҳаммаси жойида, азизим, – дерди у имзоланган қоғозларни Родриго де Агиларга қайтараркан ван ҳазиллашиб қўярди: – Энди хожатхонага бемалол бораверсангиз бўлади». Ана шунаقا, ўзига билдирилган чексиз ишончдан фойдаланиб, генерал Родриго де Агилар ҳокимиятнинг ўзига хизмат қиласидиган тизимини ўрнатибди, анча катта ван ўзига озмунча бўлмаган даромадлар келтирадиган давлат ичидағи ўз давлатини ўрнатибди. «Шунгаям қаноат қилмай ими-жимида Конде аскархоналарида ғалаёнга тайёргарлик кўрган, бунда унга ошнаси қилинчбоэлик муалими элчи Нортон ёрдам берган, икковлари голланд фоҳишларига бирга бориб юришган, худди мана шу Нортон дипломатлар божхона кўргити ван бож тўлашдан озод қилинганилгидан фойдаланиб, Норвегия шўр балиқлари солинадиган идишларда ўқ-дорилар етказиб турган, мен билан домино ўйнаган кезларида эса мени оғзидан бол томиб мақтаб бундай холис, бундай дўстона ван бундай адолатли ҳукуматни кўрмаганман, деб тоза бош-кўзимни айлантирган». Моховнинг кўлига ҳам тўппончани шулар беришган ван унга олдиндан эллик минг песо тутқазишган, қоғоз пулларнинг ярмини әхтиёт шарт қирқиб олиб қолишган, ана шу ярми қирқилган пуллар қотилнинг уйидан чиқди, яна шу нарса маълум бўлдики, пулларнинг иккинчи ярмини қотилга мени ўлдирганидан сўнг менинг энг қадрдан дўстим Родриго де Агилар беришига келишилган, анавни қаранг,вой онаси ни палон-пистон, қандай қилиб чидалайсан одам бундай нарсаларга! Қотиллик амалга ошмагач, улар яна тинч турмай мени қон тўкмай йўқотиш ҳақида бош қотиришган ван шунчаликка боришганки, ҳатто генерал Родриго де Агилар кечаси ухламай чиқишим, тувақлар билан гаплашишим, қоронғида қаҳрамонлар ва архиепископларнинг суратлари билан мулоқот қилишим ҳақида маълумотлар йиққан; унга кўра мен сигирларга ҳарорат ўлчагич қўярмишман, уларга

иссиғини туширадиган дорилар ичирашибман. Буюк Адмиралга мақбара қурдирғанмишман, ҳолбуки бундай Адмирал менинг касал хаёлтимдан ўзга ҳеч ерда бўлган эмас эмиш, ҳолбуки деразам тагида лангар ташлаган учта катта ҳарбий кемани мен ўз кўзим билан кўрганман! Улар яна гўё мен жуда катта миқдорда турли-туман керак-нокерак асбоб-ускуна ҳамда ашпаратлар олишга давлат маблағларини совурғанлигим ҳақида далиллар йиғишган, яна мен гўзаллар маликасини қўнглини олиш учун фалакиётчиларни күёш системаси қонуниятларини бузишга ундалган эмишман, бунинг устига, гўзаллар маликасининг ўзи ҳам менинг алаҳсирашларим-нинг маҳсулидан бошқа нарса эмасмиш, мен қариб-чуриб миямни еб қўйган эмишман ва мен икки мингта болакайнин ҳемент билан бирга баржага ортиб очиқ денгизнинг ўртасида чўқтириб юборған-мишман, онасини палон-пистон, қаранг-а, бу абллаҳларни,вой энагарлар!» Орада генерал Родриго де Агилар барча зарур далолатларни тўплагач, президент гвардияси штаби ҳамда барча зобитлар билан тил бириқтирган, президентни сабиқ диктаторлар истиқомат қиласидиган қоя устига жойлашган дорилайтомга, машхур падарбуз-руклар билан бирга жойлаштиришга қарор қилишган, бу ишни шу йилнинг биринчи март куни амалга оширишни мўлжаллашган, президентни Кўриқчи посбонлар ҳомийси Авлиё-Фаришта-Паноҳ шарафига ҳар йили ўтказиладиган анъанавий байрам кечасида қўлга олмоқчи бўлишган. «Яъни яна уч кундан кейин, жаноб генерал!» У фитнадан хабардор бўлганини заррача бўлсин билдирамади, ҳаммасини билиши ҳақида заррача шубҳа туғдирмади, белгиланган соатда ўзи меҳмонлар – ўз шахсий гвардиясининг олий зобитларини кутиб олди, уларни катта зиёфат дастурхони атрофига ўтқазиб ичимликлар ичишга таклиф этди. «Генерал Родриго де Агилар келиб бош қадаҳ сўзини айтгунча қиттак-қиттак қилиб турамиз». У меҳмонлар билан у ёқ-бу ёқдан гаплашиб, ҳазил қилиб, кулишиб ўтироди, зобитлар эса худди билмаган кишидай бўлиб, беихтиёр ўқтин-ўқтин соатларига қараб қўйишар, қулоқларига тутиб кўришар, мурватини бурашар, милларини тўғрилашар – соат эса беш минути кам ўн икки бўлиб қолган, генерал Родриго де Агилардан эса дарак йўқ эди. Зал

худди кема қозонхонасига ўхшаб исиб, дим бўлиб кетди, лекин димликда бўғиқ муаттар ҳидлар анти-гладиолуслар ва лолаларнинг иси, янги очилган атиргулларнинг ҳиди ҳаммаёқни туттан, нафас олиб бўлмасди, аллаким деразани очиб юборди. «Шунда ҳаммамиз бироз енгил нафас олдик ва яна соатларимизга қарандик, очиқ деразадан енгил шабада эсди ва байрам учун тайёрла-наётган таомнинг майин хушбўй ҳидини олиб кирди». Ундан бошқа ҳамма қора терга ботди, бир зум ҳамма ўзини жуда ноқурай сезди, мана шу қартайган маҳлуқнинг, бу ерда ҳозир бўлганлардан узоқ ўтиб кетган йиллар билан худди қалқондай иҳота қилинган мана шу ҳайвоннинг катта-катта очилган, пир-пир учайдан кўзларига қараб ўтиришдан ўнгайсизланди, бу маҳлуқ эса уларга ўзининг аллақандай маконларидан, вақтга тобе бўлмаган дунёла-ридан сарасоғ соларди. «Соф бўлингизлар, – деди у худди хумор лолани кўтаргандай қадаҳ кўтариб, – соғ бўлингизлар!» У кўли-даги қадаҳни бирор марта ҳам ҳўпламай ҳадеб чўқишираверди. Мана ниҳоят сукунатни худди машъум тубсиз чоҳдан чиқаётган-дай соатнинг бўғиқ занг овозлари бузди – улар ўн икки бўлганли-гидан дарак бермоқда эди. Аммо генерал Родриго де Агилардан ҳамон дарак йўқ. Аллаким ўрнидан туриб хайрлашиб кетмоқчи бўлди, лекин мих каби қоқиб ташлайдиган унинг назарига дуч келиб ноилож яна жойида қотди. «Марҳамат қилиб, кетманг!» – деган илтимос бўлди. Ҳамма то соат ўн иккига тўла занг уриб бўлмагунча на қимирилаш, на нафас олиш ва на ўз тириклигидан дарак бериши мумкин эмаслигини тушуниб етди. Ниҳоят, охири занг даранглаб урилгач, эшик дарпардалари бирдан сурилди-да, шунда ҳаммалари атоқли давлат арбоби, дивизия генерали Род-риго де Агиларни бор бўй-басти билан кўрдилар. У катта кумуш гардиш патнисга солинган, ҳар томонга гулкарар барглари тўшал-ган, дафна япроқлари ва бошқа турли дориворлар қўшилган, олов селида қип-қизартириб пиширилган эди. Унга бешта олтин бодом донаси қадалган байрам либоси кийдирилган, жасорат белги-си тақилган енги бўм-бўш, кўкрагида ўн тўрт қадоқ нишонлари тақилган, оғзига кўкат япроғи қадаб қўйилган эди. Патнис зиёфат дастурхонига ўрнатилди, хизматбарор официантлар мөҳмонлар-

нинг юзлари қўрқув ва даҳшатдан тошдек қотиб қолганига эътибор бермай, таомни тақсимлай бошлидилар. Ҳар кимнинг олдидағи тақсимчага мудофаа вазирининг ёнгоқлар ва хушбўй доривор қўшилган бир бўлгаги солингандан сўнг, ҳаммани зиёфатни бошлашга таклиф этилди: «Иштаҳангиз ёқимли бўлсин, сениорлар!»

У ўз умрида шунчалар кўп тош оролларни айланиб ўтди, шунчалар кўп зилзилалар ва толе эврилишларини кўрди, оловли учар юлдузларнинг шунчалар кўп зарбаларидан омон қолдики, бизнинг давримизда энди ҳеч ким кунлардан бир кун башоратчи хотиннинг айтганлари қаерлардадир рўёбга чиқиши ва унинг ўлишига ишонмай қўйган эди. Бунга сира бовар қилиб бўлмас, бу ақлга сифмасди. Шу боис топилган жасадни тартибга келтириб кейин кўмиш учун рухсатнома тайёрланар экан, бизнинг ичимизда ҳатто энг хурофотга берилмаганларимиз ҳам ўзимиэга ўзимиэ тан бермаган ҳолда кутар эдикки, мабодо агар бу ҳақиқатан ҳам унинг жасади бўлса, унда эски ривоятларда келтирилган башоратлар мана-мана рўёбга чиқа бошлайди, у ўлган кун ботқоқларнинг жилгаларидан балчиқлар оқиб дарёларни тўлдиради, қонли ёмғир ёғади, товуқлар беш қирорали тухум туғади, ер юзини сукунат ва зулмат қоплайди, зотан у ўлган кун қиёмат қоим бўлади. Унинг ўлганига яна шунинг учун ҳам ишониб бўлмасдики, унинг ҳукмронлиги давридан омон қолган саноқли газеталар ҳамон унинг ўлмаслиги тўғрисида жар солишар ва архив ҳужжатларини далолат қилиб унинг тарихий хизматларини кўпиртирадилар. Унинг ҳар куни биринчи саҳифаларда эълон қилинадиган суратлари вақтнинг тўхтаб қолганлиги ҳақида таассурот уйғотарди. Гарчи ҳамма аллақачон унинг неча ёшга чиққанлиги ҳисобини йўқотиб қўйган бўлса ҳам, биз ҳар куни газеталарда ўша битта одамнинг суратини кўрар, ҳар куни ўша-ўша мундир, погонларда ўша-ўша бешта шон-шараф қуёши ва ҳар куни ўша файрат отига минган, кучкуввати тоғу тошни йиқадиган мағрур ва ўқтам сиймо. Газеталар тинмасдан бир хилдаги суратларни босиб чиқараверишарди: уларда у аллақачонлар очиб бўлинган ёдгорликларни ёки аслида тагтутида бўлмаган маиший хизмат биноларини очар, гўё куни кеча

бўлиб ўтган, аслида эса ўтган асрдаги тантанали мажлисларда раислик қиласарди. Лекин биз газеталарнинг бу гаплари ёлғон-лигини билардик, зоро у Летисия Насаренонинг даҳшатли ўли-мидан сўнг одамлар ичида кўринмайдиган бўлиб қолган эди. Ўша кундан бўён у кимсасиз саройда бир ўзи қолган, давлат ишлари унинг чексиз ҳокимияти даврида қандай бўлса, шундай ўз ҳолиҳа кетиб борарди. Биз унинг бошдан-оёқ пугурдан кет-ган бинода ҳеч кимга кўринмай яшаётганини билардик; биз бу бинонинг деразаларидан оқшом тушиб, хуфтон кириб келаётганига юракларимиз сиқилиб қарапардик – у ҳам баҳарҳол узоқ-узоқ йиллар рўёлари салтанатининг тахтидан туриб мана шу-ларга термилган эди. Биз маякнинг липиллаган шуълалари худ-ди шаффоф кўк тўлқинлардай вақти-вақти билан ярим вайронга залларни ёритганлигини кўрардик; министрикликларнинг чил-парчин бўлган катта ойналари ортида фақир бечораларнинг хира чироқ-лари милтиллаб турганига кўзимиз тушарди.

Бизнинг сон-саноқсиз тўфонларимиздан бири порт атрофида-ги адирларда йўқсил шўрликларнинг барча кулбаларини денгизга ювиб кеттач, камбағал бечоралар тўда-тўда бўлишиб мана шу ярим вайронга иморатни ишғол қилишган эди. Биз пастда тутунга чулғаниб ёйилиб ётган шаҳарни кўрдик. Кейинчалик сотиб юбо-рилган денгизнинг тўлқинлари бир маҳаллар чўлпиллаб қирғоққа урилган, ҳозир эса ястаниб ётган текисликнинг куранг ўнқир-чўнқирлари узра ялт-юлт ётган чақмоқларнинг хира шуълаларида элас-элас кўзга чалинадиган ноаён уфқларни кўрдик; унингсиз ўтган ушбу биринчи кечада биз бирдан унинг улкан салтанатини, унинг сербезгак кўллари, дарёларнинг денгизга қўйиладиган бот-қоқлик ва чалчиқ ерларидаги қўланса буғларга фарқ, дим қўнағ-ларини кўрдик, биз яна унга тегишли вилоятларни ўраб олган очкўзликнинг тиканли симларини ҳам кўрдик, у ерларда янги, ажойиб наслдор сигирларнинг сон-саноқсиз подалари ўтлаб юр-ганини кўрдик; бу сигирларнинг бари тутма ирсий дод – прези-дентининг шахсий тамғаси билан дунёга келган әдилар. Биз шу яқин кунларда ҳам у фақат иккинчи әмас, комета – учар юлдуз-нинг учинчи бора келишигача ҳам яшайди ҳали деб чиппа-чин

ишонардик ва бу биэда әртанги кунимиэга ишонч ва хотиржамлик уйғотарди; гарчи биз унинг ёши борасида турли-туман ҳазилмазоқ қилиб, унга доқионусдан қолган кўна тошбақа ва айниқса филнинг хусусиятларини тақар әдик ва қовоқхоналарда латифалар тўқиб ўтирадик. Бир куни давлат кенгашига президент ўлди деб хабар беришибди, министрлар бир-бирларида аланг-жалаңг қарашиб, қўрқа-писа бир-бирларидан сўрашар әмиш: унга бориб буни ким айтади? – ваҳ-ҳа-ҳа! Бироқ ўша замонларда бу янгилик уни қизиқтиришига ишониш қийин, у балки бу хабар тўғрими ёки латифами фаҳмлаб ҳам етолмасди, зеро бу пайтта келиб хотира-сининг сандиқларида ўтмишнинг бир неча лаҳтак-лухтак парчаларидан бошқа ҳеч нарса қолмаган әди. У сўққа ўзи қолди, худди ойнада кўринган акс шарпа каби гунг әди, у дирвайган ясси оёқларини судраб нурсиз, файзсиз кабинетлардан кабинетта ўтарди. Бир кабинетда ёқаси крахмалланган сюртук кийған аллаким уни кўриб қўлидаги оқ рўмолни силкиттандай, қандайдир бир нарсага имо-ишора қилгандай бўлди, у: «Алвидо, хайр!» деди. Бу англшилмовчилик саройда одат тусига кирди. Сарой ходимлари ҳар сафар уни кўргач ўринларидан туриб, оқ рўмол силкитишлари керак әди: «Алвидо, жаноб генерал, алвидо!» Бироқ буларни у эшитмас, умуман Летисия Насаренога оғир гайғуриб мотам туттган замонлардан бўён қулоғига ҳеч нарса кирмас әди, ўша пайтлар у сайроқи қушларим кўп сайрайвериб овозлари фириллаб чиқмай қолди деб, уларни ўзининг қазноғидаги асалари боли билан боқа бошлади, шундай қилсан, улар баландроқ овоз билан сайрайди, деб ўйлади; қушларини қувватлантириш учун уларнинг тумшуқчаларига пипетка билан канторин дорисини томизарди. Қушларига қарапкан, ўзи ҳам ҳамманинг эсидан чиққан, жуда эски қўшиқларни айтарди: «О январнинг ойи!» – деб кўйларди у. Лекин у англамас ва фаҳмламас әдики, айб қушларнинг овози чиқмай қолаётганида эмас, ҳамма гап унинг ўзининг борган сари ёмонроқ эшитаётганида әди, бир куни кечаси қулоғида доимий суратда зинғиллаб турадиган товуш бирдан тўхтади, қандайдир чил-чил синди, йўқолди, худди пахта тиқилгандай бўлди, шу тиқин орасидан ҳокимият туманларида адашган рўё кемаларнинг

юракни орзиҳтирадиган хайрлашув саслари элас-элас кириб келарди; у тасаввурдаги шамолларнинг гувиллашларини эшигадиган бўлди, унинг ичida қушлар чукурлашарди, юрагида қушлар сайрашарди, ҳақиқий қушлар гунглик чоҳига ботиб, миқ этмай қўйганда мана шу кўнгил қушлари ҳар қалай унга таскин ва тасалли беришарди; ўша пайт ҳукумат қароргоҳига кириш учун рухсат этилган саноқли одамлар уни очилиб ёттан гул буталари остига қўйилган кажава курсида чайқалиб ўтирганини кўрардилар, у соат иккидан бошлаб куннинг энг қизитган палласини мана шу ерда ўтказарди; у кители тутгмаларини ечиб ташлар, қиличи ва юрт байроғи каби икки рангли камарини ҳам ечар, этигини оёғидан итқитар ва қиромизи алвон пайпоқда қоларди – унинг ўн икки дюжин алвон пайпоқлари бор эди, мана шу ўн икки дюжин алвон пайпоқларни Рим папасининг энг моҳир чеварлари тўқиган ва папа унга ҳадя қилиб юборган эди; у ўзининг кажава курсисида чайқалиб ўтишаркан, кўзларини эллитган чала уйқу ичida сарой яқинида жойлашган мактабнинг ўқувчи қизлари унча қаттиқ кўриданмайдиган орқа деворга осилишиб чиқишиб, уни, қуш уйқусига фарқ бўлиб ёттан, ранги-туси оқарган, бошининг икки чаккасига шифобахш малҳам ўтлар қўйган мўйсафидни томоша қилишларини кўтарди – очилиб ёттан гулларнинг чамбари оралаб унга офтобнинг сариқ шуълалари тушар ва уни худди қоплонга ўхшатиб кўрсатарди, унинг оғзи эса ҳавза тагида роҳат қилиб юрган «денгиз иблиси» – мантеррая балигининг жаги каби очиқ эди. «Қари туллак!» – деб шўхлик қилишарди унга қизчалар, у эса уларга жазираманинг титроқ ҳовури оша қарап, уларга табассум қилар ва самимона қўл силкирди, аммо уларнинг овозларини эшигтмас, чигирткаларнинг оламни бошларига кўтариб чириллашлари ҳам қулогига кирмас, дengizdan эсаётган енгил шаббода қанотида етиб келаётган чавақ балиқдар ва чалчиқ ҳидларидан ўзга ҳеч нарсани англамас, фақат товуқлар чўқиб-чўқиб қўяёттанини сезиб, оёқларининг панжаларини қимиrolatiб қўярди. Унинг борлиқ ташқи олам билан алоқаси фақат энг азиз ва орули хотираларининг далва-далва бўлиб кетган бир неча лахтаклари орқалигина сақланиб қолган эди, барча давлат ишларини бир чеккага йигиштирганидан

кейин ёлгиз мана шу хотиралар туфайлигина у яшамоқда әди ва ҳокимият булутзорларида беўй, бехаёл шунчаки парвоз этарди; ва фақат мана шу хотираларгине кимсасиз ҳувиллаган боргоҳда оқшом тушаётган кезлар кезганда, сассиз гунг кабинетларда яширингандар, бунда ҳар турли маълумотномалардан бўш қолган тоза жойларини йиртиб олиб, мана парча-пурча варагларга яна ўша хотираларини нафис ҳусни хати билан ёзиб чиққанларида шу уни теран қариликнинг ўлим ҳиди эсаётган шамолларига қарши туриш, уларга дош беришга кўмаклашарди. Хотиралар уни ўлимдан ҳалос этарди. Бир куни кечаси у шундай деб ёэди: «Менинг исмим Сакариас», кейин у бу жумлани маякнинг пирпираган ёруғида бир марта, иккни, уч, юз мартараб ўқиб кўрди. Ниҳоят ўзининг шунча маротаба такрор-такрор айтилган исми худди ўзидан бегона қилинган, бироннинг номаълум исмидай бўлиб қолди. «Қайси палонингга бу сенга зарил?» – деб сўради у ўзидан ўзи ва қофоз парчасини майдалаб йиртиб ташлади. «Мен бу – менман!» У бошқа қофоз парчасини олди-да, унга иккинчи комета ташриф буюрган замонларда мен юз ёшга тўлган әдим, деб ёэди. Гарчи бунинг шундай бўлганига унинг ишончи комил әмасди, кометани қачон ва неча марта кўрганлигини у эслолмасди; у яна бошқа бир узунчоқ қофоз варагига шуларни ёэди: «Номус жанггоҳида яраланганга шон-шараф бўлсин, босқинчилар қўлида ҳалок бўлган мард асткарларга шарафлар бўлсин» – бу у нима деб ўйласа, барини ёзиш мумкин бўлган даврга мансуб ёзув әди. Кейин у бир бўлак картон қофоз олди-да, унга шу сўзларни ёэди: «Ховожатхонада вуятсиз вишлар тақаланади». У бориб картон қофозни ҳожатхона эшигига ёпиштириб қўйди. Яқинда бу ерда у олий лавозимдаги офицерни қўл ҳунари билан машғул бўлиб турганда ушлаб олган әди. У қайтиб келиб узун қофоз парчаларига яна нима эсида қолган бўлса, ҳаммасини ёзишга тушди. «Летисия Насарено, – деб ёэди у, – менинг бирдан- бир қонуний хотиним». У жуда қариб-қартайиб қолган маҳалда Летисия Насарено уни ёзиш ва ўқишига ўргатган хотин әди. Мана энди унинг сиймосини хәёлида жонлантиришга уринарди, унинг одамлар жамоати ўртасида худди миллий байроқдай икки ранги қўёш шамсиясини

кўтариб, биринчи хонимни бошқа ҳаммадан ажратиб турадиган қора тулки мўйна ёқа таққан ҳолда тасаввуринга келтироқчи бўларди, аммо фақат унинг яланроч ҳолда ётгани кўз ўнгига келарди, назарида у чошгоҳдан кейинги жазирамада пашшахона ичидаги оппоқ рангларга чулғанган бўларди, унинг ипакдек майин оқ баданининг хуморли лаззатини эсларди, электр шамол паррак гир-тир қилиб муздек шабада эпкинларини ёяди, унинг кўкракларининг таранглигини ҳис қиласарди, унинг моча исини жонида туяр, диркиллаган тиниб-тиңчимас қўллари қўлтиридан тараалган тер ҳиди диморини қитиқларди. Назарида бу ҳиддан сут қатиқ бўлиб уюрди, бу тердан олтин занглаб, гуллар сўларди. Аммо севги чогида қандай гўзал әди бу қўллар! Ҳеч ким уддасидан чиқолмаган ишни Летисия Насарено уддалади – ишқ онларида уни ечинишга кўндириди. «Этикларингни ечсанг-чи ахир, – дерди у, – бўлмаса чойшабларимни расво қиласан, уларни Голландиядан келтирганман» – у ечарди этикларини; «Манави ҳарбий камар тўқаларингни ҳам ечиб қўй, бўлмаса тақир-туқурларинг билан юрагимни яралайсан», – у ечарди тақир-туқурларини; «Қиличингни ҳам ечиб қўй, белбогларинг, иштонинг, ҳаммасини еч, жоним, бўлмаса сени яхши сезиб турмайман» – шундан кейин у әгнида нима бўлса барини ечиб ташларди. У илгари ҳеч қачон бундай қилган эмасди, кейин ҳам, Летисия Насаренодан сўнг ҳеч ким билан дунёдаги ҳеч бир аёл билан бундай қилмади.

«Менинг бирдан-бир ҳақиқий муҳаббатим», деб хўрсинарди у ва ўзининг хўрсинишларини эски маълумотномалардан йиритиб олинган энсиз узунчоқ сарфайиб кетган қоғоз парчаларига ёзиб бораарди. Сўнг бу қоғоз парчаларини думалоқлаб найча қилиб ўради-да, бутун саройнинг кавак-тиқишиларига беркитарди, кейин яширган жойларидан уларни топиб олиб ўқирди, булар кимники бўлди экан деб эслашга уринарди, лекин ўзи ҳеч нарсани эслолмасди; бу ёзувлар ҳеч қачон ҳеч кимнинг қўлига тушмади, шундайлигича яширин кавакларда қолиб кетди, айни пайтда Летисия Насаренонинг сиймоси унинг хотирасининг оқова сувларига қўшилиб оқди кетди, хотирасида ёлғиз бир нарса қолди – бу онаси Бендинсон Алварадо ҳақидаги ўзгармас хотиралар әди; у хилват-

даги ўйни, онасининг охирги қунларини, унинг кажава курсида чайқалиб ўтириб ўз ўлимини куттганларини эсларди, ҳовли қўка-ламзор, салқин, онаси қўлидаги идишдаги жўхорини шир-пир қилиб товуқларни чақирап, ўғлим онасининг ўлаётганини сезмасин дерди. У онасини эсларди, ўзи тамарҳинди дараҳтлари со-ясида аргимчоқ тўшакда ётганда, она ўғлига мева шарбати келтирарди, оғриқдан жони оғзига келиб турғанлигини ўғлим сезиб қолмасин деб, ўзи келтирарди шарбатни; У ўзини ҳеч кимсанинг ёрдамисиз ёруғ дунёга келтирган онасини эсларди; ёғлизликда ўзи бўйида бўлди ва ёғлизликда бир ўзи туғди; у одам дош бериши амри маҳол бўлган азоб-уқубатларга сабр-тоқат қилиб, тириклай ириб-чириб бораётганига миқ этмай чидаб келган онасини эсларди; у оғриқлар инсон тоқатидан хориж даражага етгандагина ўзини, ўз табиатини енгиб, ўғлидан сўрашга журъат этди: «Орқамни бир кўриб қўй-чи, нима бўляпти ўзи, худди чўғ босгандек ловиллаб ёняпти, ҳеч тоби тоқатим қолмади!» Она қўйлагини ечиб, ўғлига елкасини ўтироди. Онанинг бутун орқасини ҳидланган, йиринглаган, ичида қурт бижгиб ётган ўйма яра қоплаб олганлигини кўриб даҳшатдан лол бўлиб қолди.

Ўша замонлар тоза расво замонлар эди, жаноб генерал, жамоатчиликка маълум бўлмаган биронта ҳам давлат сири қолмаган эди, бирон-бир буйруқ йўқ эдики, у сўзсиз бажарилса. Байрам дастурхонига тансиқ таом сифатида генеоал Родриго де Агилар қовуриб қўйилгандан бошлабгина ана шундай бўлиб қолди. Аммо ташвишга солган, ҳаяжонга қўйган нарса бу эмас эди. Бендинсон Алварадо касалликнинг паст оловида куйиб адo бўлаётган ўша аччиқ аламли ойларда давлат мушкулотлари ҳеч қандай аҳамиятга эга эмас эди. Осиёй касалликларни яхши биладиган докторлар кўришгандан кейин онани ўғлининг ётоги ёнидаги хонага жойлаштиришди, кампирнинг касали на ўлат, на қўтиր, на мохов ва на шарққа хос биронта балои офат эмас, балки қандайдир ҳинду сеҳр-жодусининг натижаси, ундан фақат шу касаллик билан сеҳрлаган кимсанинг ўзигина халос қилиши мумкин дейишиди. У бунинг ўғлим эканлигини тушунди ва ўзини бутунлай онасига бағишлади; унга жонини фидо қилишга тайёр эди, кун-тун демай

унга қаради; ўзим чириб кетсам ҳам майли, лекин бошқалар онамни тириклай куртлар кемираётганлигини кўрмасалар бас, дерди; унинг барча товуқлари барча бўялган чумчукларини саройга келтиришга буюрди, улар қаерда юрса юраверсин, қаерда учса учаверсин, фақат онам қишлоғини, қишлоқдаги уйини, ҳовли-жойларини соғиниб қолмаса бўлгани, дерди. У онамнинг баданидан чиқаётган қўланса, манфур ҳидларни ҳеч ким сезмасин деб, ўз қўноқ жойларида бих дарахтининг хушбўй чўпларини ўз қўли билан тутатиб туради. Онанинг мараз яраларига ўз қўли билан турли малҳамлар қўярди, илгари сурилган дорилардан қизариб, бўртиб, сарғайиб кетган бутун баданига суртки суриб чиқарди. Сеҳр-жодудан ўлардай қўрқадиган соғлиқни сақлаш министри-нинг қаршилигига қарамай, онасини турк балзами билан даво-лашга уринарди. «Э садқаи сар, она, – дерди у, – бирга ўлсак ёмон бўлмасди». Аммо Бендисйон Алварадо бир ўзи ўлаёттанини тушунар ва ўғлини унга дахлдор бўлган ўтмиш сир-синоатлари билан таништиришга шошиларди. Бу сирларни у ўзи билан бирга гўрга олиб кетишни сира хоҳдамасди, шунинг учун ўғлига у туғилгандан кейин она қорнидан тушган йўлдошни қандай қилиб чўчқалар олдига ташлаганлари, ўткинчи азаматларнинг қайси бири унинг отаси эканлигини аниқлаш учун қандай ҳаракат қилганларини ҳикоя қилиб берарди. Мен сенга тик туриб, ҳатто бошимдан шляпамни ечмаёқ бўйида бўлганман, нега десанг, қовоқҳонанинг орқа каталагида қамиш бўзалар солинган мешларнинг устида қўк пашшалар айланишаётган эди, шулар жуда жонимга тегиб кетувди, дерди. Сени яна вактидан анча илгари туғиб қўйганман, деб ҳикоя қилиб берарди у – август ойи эрталабки пайт эди, хотинлар монастири дарвозаси арки тагида әдим, ёронгулларнинг хира ёруғида чақалоқнинг ўнг мояги каттайиб турганлигини кўрдим, у худди анжир мевасидай эди. «Сен чинқирапдинг, шилти шалаббо бўлиб оқардинг, нафас олганингда кўкрагингда бир нарса ҳуштак чаларди...» Бозор кунлари у чақалоқни кўтариб майдонга келарди, монастир роҳибалари тортиқ қилган йўргакларни ечарди, урён чақалоқни оломонга кўрсатарди, одамлар орасидан биронтаси даббадан, мечкайдан, гавданинг қингир-қийшиқлигидан арzon ва

ишончли дори тавсия қиласмикин дерди. Унга энг яхшиси асалари боли дейишар, бирор пешонасида борига шукур қилинг дер, бошқа бирлари бола катта бўлса пуфланадиган музика асбобларини чалишдан бошқа ҳамма ишга ярайди, деб қўйишарди, ҳеч ким унга унчалар эътибор ҳам бермасди, фақат бир куни кўчада юриб фол очадиган хотин валдираб қолди: «Вой, унинг кафтида чизиқлари йўқ экан, у худо хоҳласа подшоҳ бўлади!» «Кўрдингми, у янгишмаган экан, ўғлим», – дерди Бендисийон Алварадо. У онасига энди ухланг, деб ёлворар, өски гапларни титавергандан нима фойда, дерди. Ватанинг ёзиб қўйилган расмий тарихидан четта чиқиб кетадиган бу нарсаларнинг бари ўлим ёқасида ёттан кампирнинг довдирашларидан бошқа нарса әмас, деб ўйларди. У онасини ухлатмоқчи бўлиб ялиниб-ёлворар, уни бошдан- оёқ юмшоқ ва майин чойшабга ўраб қўярди. У танадаги жароҳатларни тирнамайдиган мана шундай нафис ва юмшоқ чойшаблардан қўпроқ тайёрлашларни буорди. У онасини ёнбошлатиб ётқизиб, то у қўлинин юраги устига қўйиб қўзи илинмагунча аллалаб ўтиради. «Ана шундай, ухла, она. Ўттан оғир нарсаларни кўп эслама, қаёқдан айлантириб келма, ахир бу мен – менман!». У саройдан ташқарида ҳеч бир зот ватанинг буэрук модарзоди тириклай ириб-чириётгани ҳақида хабардор бўлмаслигининг пайида бўларди. Ҳукуматнинг расмий идоралари унинг касаллиги ҳақида сохта баённомалар ёзиб чиқардилар. Уларни даракчилар овоз чиқариб ўқиб беришарди. Бироқ президент онасининг ҳақиқий касали ҳақидаги шов-шувларни тўхтатишнинг сира иложи йўқ эди. Даракчиларнинг ўзлари ҳам навбатдаги бюллетенни ўқиб жар соларканлар одамларга ўлим тўшагида ётган кампирнинг хонасидан чиқаётган сассиқ ҳидларга тоқат қилиб бўлмайди, ундан ҳатто моховлар чидомлай қочишади, деб айтишарди. Кампирни янги сўйилган қўйларнинг қонига чўмилтиришади, деб мишишларни тасдиқлашарди; bemornining tagidan йигиштириб олинадиган чойшабларни ювиб бўлмайди, уларни қанча қайнатмасинлар, яралардан қотган қатирмалар кетмайди, дейишарди. Улар президент энди на фермага ва на хотинлари олдига боради, ваҳоланки, энг чатоқ замонларда ҳам у хотинларини бундай ташлаб қўймаган эди, деб ҳикоя

қилишарди. Генералнинг олдига архиепископ кирганмиш, беморни охирги йўлга ўзим тайёрлайман деганмиш, лекин генерал уни қабул қилмай чиқариб юборганмиш: «Ҳеч ким ўлаётгани йўқ, ҳазратим! Ҳар хил мишишларга ишонманг!» – деб айтганмиш. У ўлатхонадан чиқаётгандай ёмон ҳидларга қарамай, онаси билан бир товоқдан овқат ер, битта қошиқдан фойдаланаарди, у ухлатиш олдидан онасини энг зотдор итнинг ёғидан тайёрланган совун билан чўмилтиради; у онасининг мен ўлганимдан кейин барча жониворларимни ундай қилинглар, бундай қилиб қаранглар, деб айтаётган насиҳатларини эшитиб ўтириб юраги пора-пора бўларди. Она овози ичига тушай-тушай деб сўнгти сўзларини айтарди: «Товусларнинг патларини шляпага тақиш учун юлишмасин...» «Яхши, она», – деб жавоб берарди у онасининг баданига қатронли совун сураркан. «Байрамларда қушларни сайрашга мажбур қилманг...» «Яхши, она», – дерди у ва онасини кечасига янги чойшаб билан ўраб, чирмарди. «Момақалдироқ бўлса курк товуқларни инидан чиқариб қўйинглар, бўлмаса тухумидан калтакесак чиқади...» «Яхши, она, – дерди у ва онанинг қўлинин юраги устига қўярди. – Тинч ётиб, яхши ухланг». У онанинг пешонасидан ўпар: унинг каравоти ёнида ерга юзтубан тушиб ётар, онасининг ўлим яқинлаган сари тобора маънолироқ бўла бораётган тинимсиз алаҳсирашларига қулоқ тутарди. Тунлар тунларга уланар ва унинг юрагида қаҳро-ғазаб орта бораарди ва бу анов мотамсаро душанба, тонг қоронгусининг юракни увиштирадиган сукунатида уйғониб кетганда бутун кўксини қоплаган қаҳро-ғазабни босишга кўмаклашарди. У онаси, уни туғиб дунёга келтирган жонажон онаси Бендинсон Алварадо нафас олишдан тўхтаганидан уйғониб кетди. У ўрнидан туриб онасининг бадбўй танаси ўралган чойшабни ёэди ва хўроzlар қичқириб турганда, бўз тусли тонгнинг гира-шира ёруғида чойшабда она баданининг равшан изи қолганинги кўрди, бу ажиб бир из эди, у соғлом, ёш жувон танасининг изига ўхшарди, шу билан бирга бу унинг онаси Бендинсон Алварадо эди, у қўлинин кўксига босиб ёнбошлаб ётарди; чойшабнинг нариги томонида ҳам ана шундай, тифиз ва текис, худди мойбўёқ билан ишлангандай из бор эди, мўъжиза асанли бу чойшабдан

сассиқ ҳидлар эмас, очилиб турган жонли гулларнинг муаттар ислари келарди, улар бемор хонасининг бўғиқ ёмон ҳавосини то-залаган, мусаффо қилган эди; кейин бу чойшабни сода билан қанча қайнатмасинлар, турли хил совунлар билан қанча ишқамасинлар, сурат у томонида ҳам, бу томонида ҳам қандай бўлса шундай ўзгармасди. У матонинг ўэига, ўзгармас методаги ўзгармас суратта айланди. Аммо ўша қайгули дамларда бечора ўрил рўй берган мўъжиэани унинг бутун чукурлигига илграб ололгани йўқ, бунга аҳамият ҳам бермади, чунки уни ўлимга қарши қаҳро ва разаб чулғаган эди, у онаси ётган хона эшигини қарсилатиб ёпиб чиқиб кетди – бутун бино худди тўп отилгандай эир титради. Шу заҳоти жоменинг жоми мотамга бонг ура бошлади, бутун мамлакат черковлари мотам зангини урдилар – юз кун тинмай ва тин олмай даранглаб турдилар. Одамлар жомнинг биринччи садолари даноқ сесканиб кетдилар ва шуни тушуниб етдиларки, у яна ўз чексиз ҳокимиятининг ҳукм-фармонига кирибди, ўлим олдида ожиз қолиб эзилгандай бўлиб кўринган тушунарсиз қалби яна инсон ақл-идроқи, шон-шарафи интилишларига қарши қаҳру разаб билан тишини қайрайди, бу сафар энди суюкли онаси Бендинсон Алварадо йигирма учинчи февралнинг душанба куни тонг қоронгусида ўлим шарбатини ичгани учун қаҳр-газаб отига минади.

Бендинсон Алварадонинг ўлимидан сўнг мамлакат янгидан бетайин ва нотинч замонга қадам қўйди, ҳеч биримиз унинг ўлган кунини эслайдиган даражада қари эмасдик, аммо унинг дағн молосимининг тарихи бизнинг замонларимизгача етиб келди. Биз унинг бошқа ҳеч қачон онасининг ўлимигача бўлган аҳволга, аввалги ҳаёт тарзига қайтмаганлигини билардик. Юз кун мотам давомида ҳеч ким унинг етим уйқусини бузишга журъят этмади, лекин кейин ҳам уни бирон кимса безовта қилолмади, унинг ўзи ҳам бу қайгуга ботган саройда ўз ғам-андуҳлари билан бирорвнинг кўзига кўриннишни истамасди, боргоҳда мотам бонгларининг аксадоси қотиб қолган, бу ерда соатлар битта вақтни – Бендинсон Алварадонинг ўлган пайтини кўрсатарди, бу ерда ҳамма оғир-оғир хўрсиниб сўйлашар, қўриқчилар салтанатнинг илк пайтлагидаги каби оёқ яланг юришарди; бу уйда фақат товуқларгагина

тўла эркинлик берилган эди, бу ерда эндиликда ҳукмдорнинг кўнглига қараб ҳаётнинг ҳар қандай бевосита асари тақиқланар, ҳукмдорнинг ўзи эса кўзга кўринмас одамовига айланган, дили ожизлик ва қайғу-аламдан лахта-лахта қонга тўлган эди. Бу орада она танини тобутга солиб, ён-атрофини қипиқ ва муз билан тўлдирдилар, мурдага ўлим ҳаётдан ортиқ зарар етказмасин дедилар; тантанали мотам карвони марҳума тобутини елкага олиб унинг жонажон ясситоғларининг энг узоқ номаълум пучмоқлари сари, бутун мамлакат бўйлаб йўлга тушди, ҳар ким марҳуманинг хотирасини ҳурматлаб дуо-фотиҳа қилиш имкониятига эга бўлди, ҳамма ерларда мотам байроқлари шамолда ҳилпиради, ясситоғлик қўнағларида тобутни мунгли ҳазин музика билан қарши олишарди, булар бир замонлар президент поездини кутиб олишга чиққан ўша-ўша индамас одамлар әдилар. Бир маҳаллар, ҳамма замонларнинг бошланишида ҳеч ким танимайдиган қушчи хотин кейинчалик подшоҳ бўлган чала боласини туққан монастир дарвозасининг арки тагига тобутни қўйдилар – ўша муборак дарвозани орадан юз йил ўтиб яна илк бор очдилар; отлиқ аскарлар ҳиндуларни туттут қилиб, худди молдай ибодатхонага ҳайдаб келишар ва қўндоқлар билан уриб ичкарига киритишарди, бунда одамлар ранго-ранг қуёш ойналарининг совуқ нурларини кўриб сарсилиб қолардилар, бунда қирмиз лиbosларга бурканган тўққизта епископ марҳуманинг аза маросимини адo этар, гиряндалар «Авлиёлар ила сокин айла»ни куйлашар, ибодатхона ташқарисида эса ёмғир қуяр ва кейин подшоҳ бўлган чала боланинг туғилганини кўрган ўша ёронгулни сувга сероб этарди. Монастир роҳибалари май ва ширгурунч, чўчқа қовуғлари, тасбеҳлар ва идишларга солинган муборак сув сотишарди, савдо ҳовли теграсидаги арклар остида қизғин борарди, қишлоқ қовоқхоналарида музика чалинар, ҳар ер-ҳар ерда одамлар рақсга тушишарди, мангу тирилиш палласи етди, йилларча чўзилган байрам бошланди – байрам доимий туман босган ўша-ўша яширин сўқмоқлар ва даралар бўйлаб давом этар ва ҳаракат қиласарди. Тириклик чоғларида Бендинсон Алварадо Федерация учун мастона жангларда юрган ўғли изидан бориб бу даралар ва сўқмоқлардан ўтган эди. У ўша сақлаган

ўғлини жангларда; у ўша ўғли терсиана<sup>1</sup> безгагидан алаҳсираб, абдираб отдан қулаг тушганда уни түёқлар остидан омон олиб чиққан; у ўша жигарбандини турли хавф-хатарлардан сақланишга ўргатган, ахир ясситогликлар шаҳарлар, денгизнинг бегона ва тушуниб бўлмайдиган қирроқларида юрганларида ҳар қадамда хатар оёқларни остидан чиқади; она виде-қиролларга ўрнатилган ҳайкаллар ва умуман, ҳар қанақа ҳайкаллардан қўрқарди, дентиз қисқичбақаларини кўрса юраги орқасига тортиб кетарди, қисқичбақалар норасида гўдакларнинг кўзёшлигини ичади, деб ишонарди. У ҳал қиувчи ҳужум бўладиган кечаси чеъаклаб куяётган жала пардаси оралаб биринчи маротаба баҳайбат Ҳукумат Ўйини қўрганда, президент боргоҳининг улуғворлигидан ҳаяжонга тушиб питирлаб қолган, қўрққанидан қалт-қалт титраган эди. Мана шу боргоҳда бир кун келиб омонатини топширишини хаёлига ҳам келтиромаганди. Мана энди унинг фарзанди ҳозир ҳам шу бинода туриб айрилиқ, видо аламини тортади, ерда юзтубан мук тушиб ётаркан, қаҳроғазаб ўтида ожизона ёнади ва кўнглини савол билан пармалайди: «Падарига минг лаънат, сен ахир қай гўрга йўқолдинг, онам қайларга кетдинг қайси ботқоқ чакалакларда адашдинг, юзингни ким энди пашшалардан қўрийди?» У эс-хушидан айрилгудай бўлиб ўртанар, оғир-оғир ҳўрсинарди. Бендисйон Алварадо эса бу вақтда чинор япроқларидан ясалган соябон остида сузиб борар, уфунат анқиган ботқоқликлар оралаб йўл босаётган карвон унинг тобутини елкага кўтариб олган эди; дам қишлоқ ё олис қўналга мактабида, ё селитра қазиб олинадиган саҳродаги баракда ва ё ҳиндулар мазгилида одамлар дуо-фотиха ўқишлари учун тўхташарди; онанинг жасади солинглан тобутни қишлоқларнинг энг яхши уйларига қўйиншар, ёнига илга-ри ўтган замонларда чизилган сурати, қизлик чоғларидаги суратини ўрнатишарди; бу суратда унинг кўзлари хумор боқар, ўзи гўзал, хўб ясанган ҳолда тушган, гарчи ўз хоҳиши билан бўлмасада тиллақош ва тўқилган тўр гол<sup>2</sup> тақилганди, яна юзига упа-элик, ҳаётида бир марта лабларига бўёқ суришларига ҳам изн берганди;

<sup>1</sup> Терсиана – ҳар уч кунда қўзийдиган безгак.

<sup>2</sup> Гола – қадимий тўр ёқа.

ўшанда қўлида шоҳи лола бор әди ва унга шундай дейишганди: «Гул ушлаган қўлингиизни унданай әмас, мана бундай тутиб туринг, сениора! Уни билинтирмай этагингизга ташланг!» – унинг худди мана шундай туришида венециялик сураткаш томонидан сурати олинганди; бу сураткаш Европа ҳукмдорларини суратта туширади, мана шу суратни – давлатнинг биринчи хоними суратини ҳам у ишлаганди.

Энди суратни мурда билан бирга инкор қилиб бўлмас далолат сифатида кўрсатишар, тобутда айнан Бендинсон Алварадонинг ўзи ётибди демоқчи бўлишарди – ҳар бир одам тобутда ёттан майит билан суратдаги аёл бир киши экнлигига тўла ишонч ҳосил қила оларди. Ҳаммаси олдиндан кўзда тутиб қўйилганди: мурда га доим қараб туришарди, зарурат бўлса косметика билан паратфинни янгилашарди, ёғингарчилик мавсумида мурда кўзининг косаларидан могорларни тозалашарди, ҳарбий қўшин тикувчилари либосларга шундай кўз-қулоқ бўлиб туришардики, марҳума худди кечагина кийинтирилганга ўхшарди, улар яна норанж гулларидан чамбарлар доим янгиланишига, бокира келинлик либослари ҳамиша оппоқ оқариб туришига ҳам қаравшарди, таассуфки, марҳума бу келинлик либосларини тиригида кийишга мусассар бўлмаганди. «Маъжусийларнинг бу фоҳишаҳонасида қани бирор айтиб кўрсин-чи сен ўз суратингта ўхшамайсан деб, она! Қани бир мард бўлса шубҳа билдиришга журъат этгани йўқ, ҳеч кимса ҳукмдор ким эканлигини ҳам унтишга журъат этмади – ҳукмдорми абадул-абад ҳукмдор – бу ерда, у ерда – ҳамма ерда – то энг олис ботқоқ чангальзорлардаги йўқсил қишлоқларгача ҳукмдор. Мана шу авлоқ, худо бехабар ерларда бир куни ярим кечаси доқиёнусдан қолган эски чархпалакли кема пайдо бўлди, унинг эшкаклари сувда шалоп-шулуп қилас, палубасида электр чироқлар пирпиради. Соҳилдаги одамлар ўтган ажойиб замонлар қайтиб келганга ўхшайди, деб уни байрам нофораларини чалиб кутиб олишди. «Яшасин ҳақиқий эр! – деган қичқириқлар янгради. – Кимки ҳақиқат учун қайтиб келса, баҳтиёрдир!» Шундан кейин одамлар ширин-шакар мева-чевалар, турли жонлиқ парранда-даррандаларини кўтаганда.

риб кемага томон апил-тапил сузиб ўта бошлашди. Улар кунгурга ёғоч тўсиқлардан ошиб ўтиб, палубага тирмашиб чиқишар, ўз совға-саломларини ҳукмдорнинг оёғи остига хокисорона қўйишини исташар, унинг ўйин соққалари мамлакатнинг тақдирини белгилаб берганлигини ҳаммалари билишарди. Аммо уларни тобут олдига олиб боришарди. Улар эса тиканли туз ва муз бўлаклари билан атрофи ўралган тобутга кўз тикиб лолу ҳайрон бўлиб қотиб қолишарди; президент каютасининг ўртасига, айланиб турган шамолпарраклар остига қўйилган тобут эса атрофдаги ялтироқ қўзгуларда бир неча баробар кўпайиб акс этарди. Ушбу кўхна сайдасаёҳат кемаси кўп ойлар экватор кенгликларида оқимлар ўртасида қаққайиб қолган ўткинчи оролчалар яқинидан ўтиб борди ва ниҳоят сон-саноқсиз ирмоқларнинг сувўтлари чангалида адашди, бу ерларда вақт деган тушунчанинг ўзи йўқ әди, бу ерларда гардения гуллари ақл-Фаросатта эга, игуаналар эса қанот чиқараради, бу ерда, дунёнинг энг хилват чеккасида кема саёзга ўтириди, ёғоч гидиракларининг парраклари олтин қум ичига ботди, гидираклар синди, кеманинг ярми сув остига чўкди, муз бўлаклари эриб кетди, тиканли тош туз сувга айланди, марҳуманинг тобутдаги жасади шишиб, хамирдек қоришган қипиқ-пайраҳалар орасида сузиб юрарди. «Худди мана шунда мўъжиза рўй берди, жаноб генерал! Худди мана шунда майит кўзини очганини кўрдик, улар январда аконит гулидай, худди ойтошдай нур сочиб турганини ўзимиз кўрдик, жаноб генерал! Орамиздаги энг шубҳачи кишилар ҳам марҳуманинг нафасидан тобутнинг шиша қопқоғи терлаб кеттанини ўз кўзлари билан кўришди, унинг юзи терлаганини, у табассум қилиб жилмайганини кўришди. Шундан кейин у ерда нималар рўй берганини сиз тасаввур қилолмайсиз, жаноб генерал, нималар бўлганини бир кўрсангиз әди! Биз ўз кўзимиз билан кўрдик: асли табиатда ҳеч тумайдиган хачирлар бола тувишди, селитралар устида гуллар ўсиб гуллади, кар-тунгларнинг овози, қулоғи очилиб жуда лолу ҳайрон бўлиб қолишди. «Мўъжиза! Мўъжиза! Мўъжиза!» – қичқиришарди улар. Оломон тобутнинг шиша қопқоғини бир зумда чил-чил қилиб синдириди, марҳуманинг жасадини парча-парча қилиб талаб кетишларига оз қолди,

ҳаммалари ўзларига бирон ёдгорлик олиб қолишга уринардила. Шунинг учун бир баталйон гренадерларни жўнатишга тўғри келди, улар эс-хушини йўқотган одамларни базур ушлаб туришди. Одамлар дентиз бағрида булдуруқдек бутун Кариб оролларидан кемага тўда-тўда бўлиб ёпирилиб келишар, издиҳомнинг ҳеч кети кўринмасди. Улар онахонингиз Бендинсон Алварадонинг дилига худовандо табиат қонунларига дош бериш неъматини ато эттанигини эшитишиб, лолу ҳайрона бўлиб мўъжизани кўргани ошиқи шарди. Уларга онахонингиз ўралган кафанинг ипларини, улардан тўқилган хушбўй мой пиликларни сотишарди, унинг тобути ичига тўлган сувни сотишарди, унинг муборак малика сиймоси туширилган қороз суратларни сотишарди, издиҳом эса кўпайгандан- кўпайиб, худди қиёмат қоим қўпгандай бўлди, булар одамлар тўдаси эмас, ақлидан озган, орқасига қайтариб бўлмайдиган туёқлари остида йўлида дуч келган нарсани мажақлаб ташлайдиган, бамисоли зилзила каби гулдирайдиган гажир буқалар подасига ўхшарди.

Сиз буни ҳозир ҳам эшитишингиз мумкин, жаноб генерал, агар яхшилаб қулоқ солсангиз, шу ердан туриб ҳам эшитишингиз мумкин. Қулоқ солинг-а!» Генерал қўлинин ҳовуч қилиб қулогига тутди. Шу кунларда қулогининг зингиллаши пасайган әди. У диққат билан қулоқ тутди. «О онагинам Бендинсон Алварадо!» У моматгулдиракка ўхшаш битмас-тутганмас гувиллашни эшилди, кейин балчиқдек қайнаган бош-кети йўқ одамлар издиҳомини кўрди, издиҳом уфқларга довур чўзилиб кетганди. У шаҳарга оқариб кириб келаётган кундуз каби ёнаётган шамлар селини кўрди, улар кун ўрта чоридан ҳам ёруғроқ әди. Бу унинг шаҳардан доимо ўлардай қўрқадиган, ясситорлик одамларга хос ибтидоий ваҳималар босадиган онаси кириб келмоқда әди; у худди илк бора бу шаҳарга кириб келган маҳалидай издиҳомнинг елкасида келарди; у шаҳар юзини илк маротаба кўрган ўша замонларда урушнинг телба гирдоби давом этар, атроф-тумонатни жанг жадалларини куйган хом гўшт ҳиди босган әди; энди эса Бендинсон Алварадони тинч оломон шаҳарга кўтариб кирав, бинобарин, бундан буён бу шаҳарда у ҳеч нарсадан қўрқмаса ҳам бўлар, чунки унинг ўғли мактаб дарслкларидан вице-қироллар ҳақидаги саҳифаларни йир-

тиб олиб ташлашни буюрган, уларнинг ҳайкалларини буздириб ташлаган әди. «Умуман сенинг уйқунгни бузадиган ҳар қандай бошқа ҳайкаллар ҳам олиб ташланди, она!» Тинч оломон елкасида у ҳеч нарсадан қўрқмаса ҳам бўларди, бунинг устига оломон уни тобутда эмас, шундай очиқ осмонда элтар ва гарчи тобут бўлмаса-да, унинг лоши кўзга кўринмас, у ўрмонлар, водийлар ва гам-қайғудан ларзага тушган мотамзада салтанатнинг тоғлари оша узоқ-узоқ йўл босаркан, унга ҳадя этиб келтирилган уюм-уюм олтинпўшлар, заррин кимхоблар остида кўринмай кеттанди; у боис шифо топган шол-шалайимларнинг ҳадялари – олтин қўлтиқтаёклари уюлган әди унинг устига, кема ҳалокатидан халос бўлганларнинг шукронга олтин юлдузлари уюлган әди унинг устига, неча йиллар умидсизликда юрган тумса хотинлар кутилмаган зудлик билан шу яқин орадаги буталар панасида туғиб қўйиш баҳтига мусассар бўлганликлари шукронасига ҳадя келтирилган ширин гўдакларнинг олтин ҳайкалчалари уюлган әди унинг устига. Ҳудди уруш йилларидағи каби у одамлар тўдасининг ўртасида, йўлида дуч келган ҳар қандай нарсани ўпириб кетадиган сел оқимининг қоқ марказида әди; ҳудди Инжилда тасвиранган каби ҳалқлар бари аллақайга қўчаётгандек әди, бу одамлар денгизи әди ва улар ўз қозон-товоқлари, мол-ҳолларини қаерга жойлаштиришни билмасдилар, бундан кейин нимага умид қилиб, нимадан халос тошилари мумкинлигига ақллари етмасди, улар Бендинсон Алварадонинг ҳеч ким билмайдиган дуоларидангина најот кутардилар, бир замонлар у мана шу дуолари билан бошига қизил латта боғлаб ўт-оловдай қиэзиган жанг майдонларига шаҳд-шиддат билан ташланган ёвқур ўғлидан қаттол душманнинг ўқдарини қайтарарди, ўғли эса жанг жаҳаннами ичига отиларкан, тинимсиз қичқиради: «Яшасин либерал партия! Яшасин федералчилар ғалабаси! Қоч кўрсичёнлар! Йўқолсин сичқоқ годо!» Алалхусус, уни жангларга чорлаган федерализм foяларигина эмасди, у ясси-тоғлик әди, уни ибтидоий қиэзиқишлиар ўз комига тортарди, у денгиз нималигини билишни истарди.

Шаҳарга бало-қазодай ёпирилиб кирган, елкасида марҳума Бендинсон Алварадонинг жасадини елкалаган қашшоқлар ва гадо-

лар иэдиҳоми мамлакатни илгари талаган барча одам тўдалари-дан кўра телбароқ, бебошроқ ва жиловсизроқ әди. Бу сизнинг битмас-туганмас ҳукмдорлигингиз замонларида бизнинг очиқ кўзимиз кўрган энг ваҳшиёна оғир васваса отига минган оломон әди, жаноб генерал! Дунё ҳеч бунақасини кўрмаган әди.

«Сиз ўзингиз бир қаранг, жаноб генерал, қаранг, қандайин мўъжиза-я!» Ана шунда у ниҳоят ҳақиқатан ҳам мўъжиза рўй берганлигига ишонди ва ўз мотамининг зулматидан чиқди, унинг ранги оқарган, юзи янада жиддий тортган, енгига қора латта боғлаган әди; у ўзининг бутун обрў-эътибори, ҳокимиётининг бутун куч-кудратини онажониси Бендинсон Алварадони муқаддаслаштиришга бағишлишга қарор қилди; илло, онасининг барча эзгу амаллари муқаддас аёлнинг эзгуликлари эканлигига рад этиб бўлмас исбот ва далолатлар мавжуд әди. Шу мақсадни кўзлаб у Римга ўзининг энг етук министрларини жўнатди, ўз ҳузурига эса папанинг нунцийини<sup>1</sup> бир финжон печенъели шоколад ичишга чақирди. Уни очилиб ётган гул чамбараклари остидаги арғамчидаги ялангқат кўйлакчан ўтириб, иссиқдан шляпаси билан елпинганча жуда одми бир тарзда қабул қилди. Нунций эса унинг рўпарасига арғамчи кажава ўриндиққа ўтироди. «Бу ўриндигимни фақат сиёга раво қўраман, ҳазрат ота!» У қўлига ванилли қайноқ шоколад солинган финжонни олди-да, уни бир маромда оҳиста хўплаб ўтироди. Нунций янги дазмолланган ридо кийган, ундан лаванданинг хушбўй ҳиди келар, ўзи ҳам бардам ва тетик, тропиклардаги хунобгарчиликлардан йироқ, на ҳавонинг бўғиқлиги, на чант-тўзонга тўлганлиги ва на президентнинг онаси боқиб юрадиган қушларнинг тирик гулчамбарлар оралаб қумалоқлар таишлаб туришига эътибор қиласиди.

У шоколадни ҳўплаб, қизчалардай қисиниб-қимтиниб печенье тишлиларди, тахир шоколадни ҳўплаб тутатишга шошилмас, суҳбатни иложи борича орқароққа суриш пайида әди. Ҳудди мана шу курсида бир яхши замонларда гулхайри қийғоч очилган пором

<sup>1</sup> Нунций – (лат. pontifex – хабарчи, әлчи), Рим папасининг ҳорижий давлатлардаги доимий дипломатик вакили (тарж.).

кунларда бошқа бир нунций, соддафаҳмгина мўйсафид ўтириб, қаршисидаги ҳукмдорни насоро динига даъват этишга интилар, унга Фома Аквиний<sup>1</sup>нинг ақидаларини талқин қиласади. «Мен бугун сизни ўз динимга киритмоқчиман, ҳазрат падар. Ҳаётнинг ўйинларини қарангки, ҳеч охири йўқ! Мен ҳам энди диндор бўлиб қолдим... Энди мен ҳам диндорман», – дея такрорларди у пишагини ҳам бузмай. Ҳолбуки, у ҳамон на худога ва на шайтонга ва на умуман, бу ёруғ оламда бирон нарсага ишонарди. Шунга қарамасдан, ўз онасини муқаддас аёллар сирасига киритилиши ва бунинг қонунийлаштирилишига қаттиқ ишонарди. Онам ўзининг чексиз фидокорлиги, мушфиқ-мехрибонлиги, ўз роҳат-фароғатидан воз кешишга доимо тайёрлиги ва ҳаётда ҳамиша эзгуликка интилиб келганлиги билан шунга сазовор, деб биларди. Бироқ онанинг муқаддаслигига далолатлар келтиаркан, у қора халқнинг тўпори афсоналарига тўхталиб ўтиромади. На гўё Кутб юлдузи мотам карвони юрган томонга юрди, на гўё музика чолғу асбоблари марҳума қўйилган масканларда ўзидан-ўзи жаранглаб чалиниб кетди, деганга ўхшаш гапларни айтди. Унинг бош далолати онаси жон берган пайтда тагига солинган чойшаб эди. У чойшабни худди елкан каби ёзиб кўрсатди. Токи август ойининг порлоқ шуълаларида нунций Бендинсон Алварадонинг акс тасвирини кўрсин, деди. Чойшабда қолган изларда Бендинсон Алварадо ажойиб, ёш ва соғлом эди, мана шу нафис чойшабда ўлган яра босган қари кампирга сира ўхшамасди. Она ёнбошлаб қўлинни юраги устига қўйиб ётарди, ўғли эса унинг тасвирини қўллари билан силаб-сийпалар, она терлашидан қолган намни хис қиласади, матодан чиқаётган нафис гулларнинг муаттар ҳидини димотига тортар, мўъжиза оҳанрабосидан жонсарак бўлган қушларнинг ҳаприқиб сайрашлари, чагиллашларига қулоқ тутарди. «Ана кўрдингизми, ҳазрат падарим? Мўъжиза! Ҳатто қушлар ҳам буни сезишади!..» У шундай деб нунцийга чойшабнинг тасвир қолган

<sup>1</sup> Фома Аквиний – (Thomas Aquinas) – 1226–1274 – Доминикалик файласуф ва диншунос, худо мавжудлигининг беш далолатини илгари сурган (тарж.).

дам ўнг, дам сўл томонини айлантириб кўрсатарди; бироқ нунций жуда сезгири, зеҳнили, ҳар нарсага дикқат-эътибор билан қаради; худди мана шу фазилатлари боис у буюк рассомлар мўйқаламига мансуб асарлар акс эттирилган матоларда вулқон қулларига мансуб зарраларни фаҳмлай билар, у суратларнинг ёрилган чизиқларига қараб санъаткорларнинг феъли-авторини аниқлар, ва ҳатто уларнинг диний йўлдаги иштибоҳдари ҳам назар-эътиборидан қочиб қутулмасди, зотан, бу нарсаларни у рангларнинг қанчалар куюқ ёки сустлигидан илғаб оларди, у коинотнинг гўзаллиги ва уйғунлигини англаб етган эди, табиат эҳромида Ернинг айланасини мушоҳада қилиб лаззат-фароғат топган эди, бунда осмон оламнинг ёлғиз ибодатхонаси устига ўрнатилган гумбази даввор эди, бунда вақт ўтмас, фақат оҳиста сувиз борарди. Шунинг учун у ниҳоят чойшабдан кўзини узиб, ғоятда юмшоқ ва шу билан бирга қатъий қилиб деди: нафис матога туширилган аёл кишининг тасвири ҳеч қандай ҳолда тангримиэнинг ваҳий осори, очиқ башорати эмас ва шунинг учун манзури назар бўломайди. «Ундей эмас экан, ҳазрати олийлари! Бу ўз ишига корафта ва алдашга ҳам жуда уста бир рассомнинг қўл ҳунари. Ўша косиб рассом ҳазрат олийларининг соддалигидан фойдаланибди, зеро булар ҳақиқий мойбүёқ эмас, қўлда тайёрланган ва жуда сифати паст, у билан фақат деворни оқласа бўлади, ҳазрати олийлари! Улар оддий скипидарга қорилган, яна табиий каучук ва ганч ҳам қўшилган... Мана унинг қуриб қолган пўсти. Сиз онангизнинг тери деб айтган нарса – матонинг доим намланиб туриши қора бўёқлар сурилган жойларга олдин олиф шимдирилганиннинг натижаси. Инчунин, мен бағоят таассуфдаман, ҳазрати олийлари!» Чин дилдан хафа бўлган нунций киприк қоқмасдан ўз ҳалинчагидан қараб ўтирган тошметин манов чолга бошқа ҳеч нарса деёлмади. Қандайдир англаб бўлмас оғир осиёча паришонликда хаёли қочиб, тубсиз бир сукунатга ғарқ бўлиб ўтирган чол унинг сўзларини бир оғиз ҳам бўлмади. Нунцийга эътиroz билдириш учун ҳатто лабларини ҳам қимирлатиб қўймади, ҳолбуки ўзи, шахсан ўзи мўъжизага, чойшабнинг сирли тарзда ўзгариб қолганига гувоҳ бўлган эди. «Мен ахир сени ўз қўлларим билан ўша чойшабга

Ўраб қўйган эдим она, сен ўлим сукунатига чўмганингдан сўнг мен кўрқиб кетдим ва мўъжизани кўрдим ўшанда ҳали тонг оқармаган эди назаримда, дунё уммон остига чўкиб кеттандай эди ва мен мўъжизанинг гувоҳи бўлдим, онасини әмсин!» Лекин у нунцийга буларни гапириб ўтиромади, худди игуаналарга ўхшаб икки марта киприк қоқмай кўз қисди, заиф илжайди, хўрсиниб, оҳиста деди: «Майлинигиз, падарим, сиз айтганча бўлсин. Лекин сизни огоҳлантириб қўяй: сиз бир умр ўз сўзларингизни кулфатини тортасиз. Сиз ҳеч қачон ва ҳеч қайда унутмаслигингиз учун, менинг айтганимни то гўрга киргунча эсдан чиқармаслик учун сизга ҳарфма-ҳарф қайтараман: сиз бир умр ўз сўзларингизни кулфатини тортасиз. Мен сиз учун жавоб бермайман, ҳазрат падарим!» Дунё бир ҳафта мобайнида ёмон хавотирликлардан қарахт бўлиб қолгандай эди, у бир ҳафта ичи ҳатто туз тотмади ва ўтирган ҳалинчакдан тушмади. У одатда елкасига қўниб ўтирадиган, гавдаси атрофида гужрон ўйнашадиган қушларни елпич билин ҳайдаб ётарди. Мана шу бир ҳафта давомида у ҳеч кимни қабул қилмади ва биронта ҳам фаромойиш бермади, аммо мутаассиб оломон Апостол нунций идораси саройига ҳужум қилди, жамоат тартибини сақлаш кучлари томошабин бўлиб турди, оломон саройдаги тарихий ёдгорликлар музейини талади, пешин чори ички ҳовлининг ҳовузида ўтирган нунцийни ушлаб яланроҷ ҳолида кўчага судраб чиқардилар-да, боплаб ясадилар. «Гасаввур қилинг-га, жаноб генерал?» Аммо у ҳалинчакда ёттан жойида бир қимиirlаб ҳам қўймади, бу янгиликни эшишиб ҳатто қошини ҳам чимирмади, нунцийни эшакка яланроҷ ўтқазиб бозор ичидан олиб юришибди, устидан мағзвалар тўкишлости, «Ҳей, сен ватиканлик ойимча, иккىқат бўлиб қолибсан, туғиб қўя қол энди!» деб қичқиришарди. Бу хабарларни эшишиб ҳам у қилт ётмади. Ниҳоят чала ўлик нунцийни бозор майдонидаги ахлатхонага элтиб ахлат уюми устига улоқтиридилар, деган хабар етиб келгандан кейингина у ҳалинчакдан тушиб, қушларини бошидан пашибадек қувганча кенгаш залига қараб йўл олди. Бу ерда у қўллари билан гўё юзидағи мотам тўрларини олиб ташлаётгандек ҳаракатлар қилганча пайдо бўлди, лекин барибири енгидаги қора латтани ечмади. У ҳаммага

ўйқусиэликдан шишиб кетган кўзлари билан бир-бир қараб чиқди ва нунций учун сол ясашни, уни шу солга уч кунлик озиқ-овқат билан ўтқизиб, Европа кемалари ўтадиган очик денгизга чиқарип ташлашни буюрди. Бизнинг мамлакатимиэнинг улуғворлигига қўл кўтарадиган бегоналарнинг ҳолига маймунлар йиғлашини бутун ер юзи кўриб қўйисин. «Папанинг ўзи ҳам бундан бўён яхши билиб қўйисин, папа бўлса, ўзининг Римида папа, ўзининг олтин тахтида папа, бу ерда эса мен – бу менман, падарингта лаънат танноз сўтаклар!» Бу огоҳлантириш жуда ўрнига тушди, ўша йилнинг охирларига бориб Бендиён Алварадони авлиё санамлар қаторига қонуний қўшиш устида муҳокамалар давом эттирилди. Унинг чиримайдиган лошини яна одамлар зиёрат қила бошладилар, унинг тобутини бош ибодатхонанинг асосий залига қўйиши, хор ҳамду санолар ўқиб турди, Ватикан билан уруш ҳолатида бўлиш тўхтатилди, де Армас майдонида ҳалойиқ худонинг номини улуғлаб салламно айтиб, тинчликни алқашиб қичқиришарди. Муқаддас маросим конгрегациясининг аудитори, диннинг прокурори ва постулатори, Эритрея<sup>1</sup> деб аталган монсенийор Деметрио Алдоус дарҳол олий боргоҳда қабул қилинди. У Бендиён Алварадонинг ҳаётини энг майда тафсилотларигача ўрганиш вазифаси билан етиб келган эди. Онанинг муқаддаслиги ҳақида ҳеч қандай шак-шубҳага ўрин қолмаслиги керак эди. «Бу ерда қанча хоҳласангиз, шунча тураверинг», – деди президент ҳабашга, унинг қўлларини кафтлари орасига олиб. Унда қора ҳабашга дарров ишонч уйғонди.

Чунки янги вакил дунёда ҳамма нарсадан ҳам ҳаётни яхши кўрар, игуана моякларини ер, хўроz уриштиришга қизиқар, қора-магиз аёллар, ўйин-кулги деса жонини ҳам берар-э, нимасини айтасиз, жаноб генерал, бизга ўхшаб бу нарсаларга суюти йўқ экан-да! Шунинг учун бу дин шариатининг шайтони қаршисида барча ёпилган эшиклар очилди, унга ҳеч қандай тўскинлик қилинмасин, деган кўрсатма бўлди, майли, ўзи ўз кўзлари билан кўриб ишонч ҳосил қилсин, зероки бу поёнсиз ғам-ғусса салтанатида

<sup>1</sup> Эритрея – Ҳабабистондаги вилоят.

инсон кўзидан яширадиган ҳеч вақо йўқ, Бендисйон Алварадо-нинг табаруқлигини шубҳа остига қўядиган бирон бир нима йўқ – бу аёлнинг мубораклиги тақдири азалда ёзилган эди. «Бутун мамлакат сизнинг ихтиёргизда, ҳазрат падарим, – мана у – пойингизда!» Аскарлар Апостол нунцияси идораси саройини тартибга келтиришди, сарой олдида соғайган моховлар гурас-турас бўлишиб тонгни кутиб олишар, уларнинг кети кўринмас, ўзларининг соғлом, тоза баданларини кўрсатишга ошиқишарди. Қалтироқ касалидан халос бўлганлар уларнинг тузалиб кетишганига ишонмай турганларга ипни игна тешигидан чаққон ўтказишларини намойиш этишарди, рулетка ўйнаб бойиб кетганлар ўзларининг ютуқларини кўз-кўз қилишар, Бендисйон Алварадо туши-миэга кириб, керакли рақамларни айтиб турди, шунинг учун ютуқ чиқди, деб овоза қилишарди. Нунцийлар саройига бедарак кетган кишиларини, чўкиб йўқолган яқинларини топганлар келишарди, илгари ҳеч нарсаси бўлмаган, энди эса ҳамма нарсага эришганлар ташриф буюришарди, келаётган одамларнинг кети кўринмас, улар ҳавоси дим хонадан ўтишарди; хона биро маҳаллар одамхўрларни қириб ташлашда ишлатилган аркебузалар<sup>1</sup>, сэр Уолтер Рейлиж қазиб олган тошбақаларнинг тош косалари билан безатилган эди. Бу хонада тиниб-тинчимас ҳабаш шариатпаноҳ кириб келаётганларнинг ҳаммаларининг гап-сўзларини миқ этмай эшитар, ҳеч нарсани сўрамас ва ҳеч кимса билан баҳслашиб ўтирmas эди. У жиққа терга ботиб ўтишарди, одамлардан чиқаётган сассиқ ҳидларга эътибор бермасди, шусиз ҳам ҳаво етишмаган хонада арzon сигарасини тўхтовсиз тутатарди, Бендисйон Алварадонинг авлиё эканлигига гувоҳлик бераётганларнинг сўзларини оқизмай-томизмай ёзиб олар, кейин гувоҳликларига исмларини тўла ёздириб ёки белги қўйдириб, бармоқ босдириб тасдиқлатиб оларди. «Худди сизга ўхшаб, жаноб генерал!» Ҳар ким билганича имзо қўяр, чиқиб кетар, кейин ундан ҳеч фарқ қилмайдиган бошқа бирор кирап ва шундай деб гап бошлиарди: «Мен сил билан оғриган

<sup>1</sup>Аркебуза – оғзидан ўқланиб, пилта ёқиб отиладиган эски милтиқ, пилта милтиқ (тарж.).

әдим», – деб дафтарга ёзарди ҳабаш шариатпеноҳ, бу орада ҳалиги одам яна гапининг давомини айтарди: «Мана энди ўзингиз эшигиди кўринг мен қандай қўйлаяпман!» Кейин бошқаси кириб шундай дерди: «Мен жинсий заиф бўлиб қолган әдим, тақсир. Мана энди ўзингиз бир ускунамга қараб қўйинг. Кун бўйи мана шундай юраман». «Мен жинсий заиф әдим», – деб ёзарди ҳабаш шариатпеноҳ ўчмайдиган сиёҳ билан. Токи инсоният тарихининг охиригача ҳеч ким бу сўзларни ўчириб юборолмасин дерди. «Менинг курсоғимда тирик маҳлуқ ўса бошлади, тақсир». «Курсоғимда тирик маҳлуқ ўса бошлади», – деб ёзиб қўярди у куч-қувватини пича тиклаш учун ўткир кофе дамлаб ичаркан, у навбатдаги сигарани ҳозиргина чекиб тутатаётганидан чўғ олдирап, ҷарчаш нималигини билмас, яланғоч қўксидан тер қўйиларди. «Бу қашиш ҳақиқий эркак әкан, жаноб генерал!» «Ҳа, сениор, ростакам ўғил бола әкан, ўғил боланинг мунақаси кам топилади! Барака топсин!»

Аудитор дам ростламай тер тўкарди, ҳатто тушликка ҳам чиқмасди, то кечгача бир дақиқа вақтини бекор ўтказмасди, лекин кеч киргач ҳам дам олиб ётмасди, бир чўмилиб оларди-да, қирқ ямоқ тушган каноп ридосини устига ташлаб порт қовоқхоналарига йўл оларди. Очликдан ўлар ҳолатда порт юкчилари билан бирга узун тахта столга ўтирар ва улар нимани есалар, шуни ерди. Суюқ ош ичар, қовурилган балиқни қўли билан бурдалар, нимқоронғуда ярқираб турган ваҳшиёна тишлари билан сужкларни ҳам ғажирлатиб майдаларди; суюқ ошни ёса худди ҳиндуларга ўхшаб қошиқ солиб ҳўпламай, идиш-пидиши билан кўтариб ҳўриллатиб ичиб қўя қоларди. Сиз уни мана шу одамлар сиприндилари, елканли ифлос кемачаларнинг матрослари ичида бир кўрсангиз эди, жаноб генерал! Булар ўша маримонда<sup>1</sup> ва гвинеонинг кўк меваларини, ёш-ёш гўр фоҳишаларни Курасаонинг ойнавон отелларига, Гуантанамога<sup>2</sup> дengиздан маҳрум Сантьяго-де-лос-Кабалеросга<sup>3</sup>, дунёнинг энг гўзал ва энг маҳзун оролларига етказиб борувчи

<sup>1</sup> Маримонда – бир туп олхўри.

<sup>2</sup> Гуантанамо – АҚШning Кубадаги базаси.

<sup>3</sup> Сантьяго-де-лос-Кабалерос – Доминикан республикасидаги шаҳар.

кишилар-да; биз бу оролларга боришини кеч оқшомдан то тонг оқаргунча орэу қиласынан. «Шхуна<sup>1</sup>лар денгизга чиққанда биз қанталар бошқача бўлиб қоладик, эсингиздами? Матилда Арсеналеснинг уйидаги тақдирни айтиб берадиган тўти эсингиздами, суюқ ош солинган товоқлардан чиқиб келадиган қисқичбақалар эсингиздами? Эслайсиэми, акула шамолларини? Узоқда чалинаётган ноғараларнинг гумбурлашлари, ўша ҳаётнинг барини бир эсланг-чи, ҳазрат падарим, ўша расвойи радди маърака ҳаёт ўзингиз айтмоқчи, тақсирим, чунки сиз, падаримиэ худди бизга ўшаб гапирадингиз, худди Ит Жанжал Маҳалласида туғилгандек эдингиз!»

Ҳақиқатан ҳам, ҳазрат соҳил бўйидаги қумлоқда футбол ўйнар, жойлардаги устаси фаранглардан ҳам ўтказиб аккордеон чалар, қўшиқ айтишда барча ҳаваскорларни орқада қолдириб кетарди, у матросларнинг болохонадор сўкишларини ўрганиб олди, лотинча сўкиниб барча оғзи шалақларни ора йўлда қолдириб кетди; у бозор бузуқларининг кулбаларида матрослар билан ичишарди; ҳатто шаккоклик қилгани учун улардан бирори билан ёқалашиди. «Бир-бирларини тоза дўппослашяпти! Нима қилайлик, жаноб генерал?» Уларни ажратиб ўтиранглар, майдон очиб беринглар, уришаверишсин дейилди. Нима бўлди денг! «Ҳазрат ютдилар, жаноб генерал!» «Ҳазрат-а? Билган эдим-а. Ҳақиқий ўғил бола!» У ҳаммага содда бўлиб кўрингани билан асли ундаи эмасди. У ўша шўх-суронли кечаларда шунчалар кўп нарсалардан хабардор бўлди-ки, Апостол нундиатураси саройида неча-неча кунлар аброр бўлиб ишлаб бунчалар кўп нарса билмаган эди. У чеккадаги хилват тумтайган қўрғонда ҳам бўлди. Лекин ўша кечаларда билганлари қўрғонда билганларидан ҳам анча ортиқроқ эди; бир куни кечқурун жала қўйиб турган маҳалда у биқиниб қўрғонга кириб борди, назарида доим сергак ва ҳушёр президент хавфсизлик хизматини чалғитишига муваффақ бўлди. У бутун қўрғонни охириги каваккача қўздан кечириб чиқди, уст-боши батамом шилтаи шалаббо бўлди, ташқарида бир сари, лекин уй ичидаги ҳам шиплардан сув оқиб,

<sup>1</sup> Шхуна – елканли кема. Иккитадан еттитагача мачтаси бўлади, елканлари қия ўрнатилиди (тарж.).

чакка ўтиб ётарди, айниқса заҳарли гуллар чирмасиб ўсган Бен-дисйон Алварадонинг серҳашам ётоқдариға қадами еттанды уни иродасизлик ўз комига тортгандай бўлди, юраги қўрқиб пўкиллаб қолди. Бир маҳаллар Бендисйон Алварадо бу чиройли гўшаларни ўз ходима қизларига берган ва улар тоза хурсанд бўлиб маза қилишган әди. «Чунки у жуда ҳам меҳрибон хотин әди, падарим, чунки у фоятда камсуқум әди! У чўри қизларга нафис батис рўйжалилар тўшаб берарди, ўзи бўлса қуруқ бўйра устида, ҳеч вақоси йўқ ҳарбий каравотда ётарди, қизларга ўзининг чиройли байрам либосларини кийдиарди, давлатнинг биринчи хонимининг либослари қандай бўлишини ўзингиз ҳам билсангиз керак; хизматчи қизлар ванналарда чўмилишганда унинг хушбўй туэларидан фойдаланишарди; чўяндан ишланган арслон панжаларда турадиган кенг-мўл гўзал ванналарни рангдор кўпиклар билан тўлдиришиб, қизлар қип-яланроch бўлишиб аскар болалар билан тўйгунча шўхлик қилишарди, бамисоли маликалардай яшашарди; биринчи хоним әса уззу кун ўз қушчаларини бўяб-безатар, ўтин ёқиладиган ўчоққа ўз сабза шўрваларини қайнатар, қўшниларга керак бўлади деб, доривор, шифобахш ўт-ўланларни парваришларди. Доим уни кечаси безовта қилишарди: «Қорним буриб оғрияпти, сениора!» Шунда у бу одамга бақажўхори<sup>1</sup> уругини берар ва чайнашни буюарди; «Чўқинтирган ўғлимнинг кўзи ғилайлаяпти!» – шунда бу одамга эпасоте қайнатмасини берарди; «Мен ўлиб қолай деяпман, сениора!» – деб уйқусидан уйғотишарди уни, бироқ ҳеч ким ўлмас, нега десангиз, барча қўни-қўшниларининг сиҳат-саломатлиги унинг қўлида әди. У ҳали ҳаёт чоғидаёқ авлиё әди, тақсир, ўзининг маъсумалигини турли ифлосликларга қалқон қилиб олди, манави гуноҳ шаҳоватга ботган боргоҳда унга бутунлай бегона бўлган хайлу ҳашам ичидаги ўзининг кичкина камсуқум ҳаётидан ташкари чиқмай яшарди.

Уни зўрлаб президент саройига кўчириб кетишгандан сўнг, бу қўрғон хароб бўлди, ҳаммаёқдан чакка ўтади, роялнинг устига

<sup>1</sup> Бақажўхори – тўп гуллilarга мансуб кўпийллик ёввойи доривор ўт (тарж.).

дайсизми, ҳашамдор меҳмонхонадаги оппоқ стол устига дайсизми, ёмғир, жала ёғади, дарвоқе, Бендинсон Алварадо ҳеч қачон бу стол атрофида ўтирган эмас, бундай столда ўтириб овқат ейиш меҳробни булғаш билан баробар, деб айтарди. Бир ўйлаб кўринг-а, тақсир, ўзининг авлиёлигини олдиндан сезиб билганга ўхшарди, тақсир!» Бендинсон Алварадонинг қўни-қўшнилари қанчалар қизғинлик билан шоҳидлик бермасинлар, қора шайтон аудитор ўз билганидан қолмасди, у яна шу нарсаларни ҳам фаҳмлаб етдики, чеккадаги қўрғоннинг бекаси фақат камтар, кам-сукумгина бўлиб қолмай, шу билан бирга ўзига ёт шароитдан жуда ҳам қўрқар әкан, унга ўз-ўзидан буткул воз кечиш билан бирга руҳий қашшоқлик ҳам хос бир нарса әкан, унга манави тезобланган болут оғочидан ясалган Нептуналар<sup>1</sup>, аввалги рақс тушиладиган ҳувиллаган залларда учиб юрган ҳиндулар санамларининг парча-парчалари, ҳарбий мундирлардаги фаришталар-нинг бари унга ёт ва тушунарсиз әди.

Шу билан бирга, у ўзини олис Ҳабашистон жазирамаларидан бу ерга ҳакиқатни излаш учун ўйллаган уч қиёфали ягона худони ҳам бунда ҳеч қайда учратмади. «У ҳакиқатни у ҳеч қачон бўлмаган ердан қидириб юрибди, жаноб генерал, шунинг учун у ҳеч вақони тополмади, ҳеч нарса топмади мутлақо, ҳамма гап мана шунда!» Лекин монсенйор Деметрио Алдоус шаҳарда юриб билганлари билан қаноатланиб қолмади, у ясситорнинг музлик пояларига хачир миниб чиқиб борди, у Бендинсон Алварадо сиймосининг ҳокимият дағдагалари татсирида бузилмаган соф авлиёлик қирраларининг табиий манбалари ва асосларини топиш ниятида әди. Аудитор қароқчиларнинг чопонига бурканиб олиб, ўзидан ҳам катта этик кийиб, худди иблис шарпасидай туманлар ичидан пайдо бўлар ва илгари ҳеч қачон териси бунчалар қора одамни кўрмаган ҳангоматалаб кишиларни аввалига қўрқитиб, кейин ҳайрону лол қолдириб, сўнг уларда бир қанча қизиқиш уйғотиб пайдо бўларди. Муғамбир ҳабаш одамлар мендан олtingутгурт ҳиди келмаёттанига ўзлари ишонишин деб, тана аъзоларини ушлаб кўришларига так-

<sup>1</sup> Нептун – чашмалар, дарёлар, деңгизлар илохи (тарж.).

лиф өтарди; қоронғуда тишлари қандай ялтираб туришини күрсатиб, уларни хурсанд қилди, ҳамма қатори маст-аласт бўлгунча ичди, ҳамма қатори тотума идишидан чича ичимлигини хўриллатиб ҳўплади. У қишлоқларнинг кўримсиз қовоқхоналарида ерлик кишиларнинг ишончини қозонишга уринарди. Зеро, ўзга бир затонларнинг тонгида бу ерларда қушларни бўяб сотадиган бир хотин бўлганини билишарди, бу қушчи хотин бир талай қуш қафасларини елкаларига ортиб оҳиста юриб бораарди, қафаслар турли чулдираган сайроқи қушлар, олтиндай товланган туканлар, думидаги патлари товусникига ўхшаган гаучарака<sup>1</sup> – мурғийлар билан тўла бўларди. Худди мотам босгандай зерикарли бозорларда яситоғларнинг ёввойи дехқонларнинг кўзини бўяш учун бу мурғийлар товусдай безатилар, чумчукقا ўхшаган кўримсиз қушчалар эса худди зарғалдоқнинг боласига ўхшатиб бўяб қўйиларди.

«Тақсир, ўша қиз ҳув анави ердаги ўчоқ ёнига ўтиар, ўт алангасида исинар, қовоқхонанинг орқа томонидаги каталак уйда бўза солинган мешлар устида биронта раҳмдил йигит бирга ётишга рози бўлармикан деб, мунтазир кутарди. Тақсир, у ким бўлсаням ётишга рози эди, фақат унга овқат олиб бериб қорнини тўйдирса бас эди. Унга кераги фақат шу овқат эди, чунки ўзининг топгани овқатга етмасди, унинг бўяб-бежаб қўйилган қушчаларини сотиб оладиган аҳмоқ бу ёввойилар ичida топилмас эди. Нега десангиз, бир ёмғир ёқандеёқ қушларнинг бўёқлари ювилиб кетар, товус патлари эса уйга етмасданоқ тўкилиб тушарди. Тақсир, у жуда содда бўлгани учунгина шу ишни қиласарди. У қушларнинг девонаси, ясситоғлар девонаси эди, тақсир, нима деб атасангиз, атайверинг, исмини сўрасангиз, ўша пайтларда уни нима деб аташганини ҳеч ким эслолмайди, ҳар қалай, Бендинсон Алварадо эмасди, бу ерларда бундай от қўйишмайди, бундай отларни денгиз томонларда қўйишади, ҳазрат падарим!»

Ана энди бу даҳмазани кўринг! Шайтон шариатпеноҳ ҳатто мана шуларни ҳам исказ топганини қаранг. У ёқка исказ боради,

<sup>1</sup> Гаучарака – мурғийлар оиласига мансуб қуш, учиб бораёттандада тилмай қичқиради.

бу ёққа исқаб боради, ҳеч ким билмаган-эшитмаган сирларни очади. Бўлмаса президент хавфсизлик хизматининг хуфя ходимлари роса ҳаракат қилиб, ҳаммаёқни ёлғоннинг ўргимчак уяси билан тўлдириб ташлашган, ҳабаш прокурорнинг йўлига турли тузоқ, тўсиқлар қўйишган эди. «Нима қилсан экан, жаноб генерал, уни жар ёқасига олиб бориб суробини тўғрилаш пайти етмадимикин? Эшаги қоқилиб жарга қулаб кетмасмикин мабодо?» Бироқ яна кузатишни давом эттиришни буюрилди, ҳабашнинг шахсий хавфсизлигига таҳдид солинмасин, ҳаракатларига тўла эркинлик бериш қатъиян таъминлансан, барча вазифаларини тўсиқсиз адо этиш учун ҳамма шароитлар яратилсин. «Мен шуни бу юраман, шуни талаб қиласман, менинг энг олий амр-фармоним шу – бажаринглар!» У бундай буйруқ бериб таваккал қилаётгани, ўз онаси ҳақидаги, Бендисйон Алварадо ҳақидаги ширин эртакни хавф остига қўяётганини тушунарди. Албатта, ҳабашнинг саъи-ҳаракатлари туфайли онанинг олис-олис замонларда хиралашиб қолиб кетган чинакам қиёфаси рўёбга чиқади, ҳолбуки буларни очиш мутлақо ман қилинган эди. Ҳақиқатан ҳам, у замонларда бу аёл ёш ва әхтиросларга тўла эди, увринди-сувриндиларга чулғаниб ялангоёқ юарди, оёқ андоми ҳисобига ўзини-ўзи боқишдан ўзга иложи йўқ эди, ўзи эса сўлқиллаган ва жуда содда эди, шунчалар содда ва камсуқум әдики, ҳаддан ташқари одми ва жўн тўтиларнинг думларини зотдор хўроздарнинг ялтироқ патларидан ясад чиқар, ва уларни гуакамая<sup>1</sup> деб пулламоқчи бўларди.

Туллаган, касалга чалинган товуқларни гулгул товуқларнинг еллигичдек патлари билан безатиш пайида бўлар ва харидорларни булар жаннат қушлари деб ишонтиришга ҳаракат қиласади. Рост, ҳеч ким унга ишонмасди, салтисвой қуш сотувчи аёлнинг ҳийла-найранглари тузогига илинаман дейдиган аҳмоқнинг ўзи йўқ эди, у эса якшанба бозорларининг туманларида чуркуллаб, битта қушимга бир песо берган одамга бошқа ҳамма қушларимни текинга бераман, дерди. Ясситоғларда бу ҳеч вақоси йўқ тентак қуш сотувчини ҳамма албатта эсларди, лекин алал-оқибат унинг

<sup>1</sup> Гуакамая – тўтиларнинг ноёб қимматбаҳо тури.

асли кимлигини ҳеч ким аниқ айттолмасди, нега десангиз, у чўқинтирилган монастирнинг кўхна сандиқларида унинг туғилган вақти ҳақида ҳеч қандай маълумотлар сақланмаган эди, унинг черков берган шаҳодатномаси ҳам топилмади. Ҳолбуки, унинг ўғлиниң бир йўла учта туғилиш шаҳодатномаси топилди, унинг туғилганинг тасдиқловчи учта ёзув сақланган эди: бунга кўра унинг учта бошқа-бошқа номи бўлиб, турли вазиятларда уч маротаба она қорнида пайдо бўлган эди ва турли ҳолатларда уч бора вақтидан олдин туғилган эди. Диёримизнинг тарихчилари ва бизнинг тарихимизни тўқиб ёзувчилар туфайли, уларнинг ҳақиқат ришталарини қаззоблик ришталари билан чамбарчас борлаб юборганинг тифларини туфайли шундай бўлган эди, унинг дунёга қандай келганинг сирини ҳеч ким билмасин деб ана шундай қилинганди. Бироқ ҳабаш шарнаттиноҳ бу ҳақиқатга қарийб етиб борди, қаззобликнинг қалин қатламларини тешиб ўтди, у сирнинг эшигини энди очаман деганда, жаноб генерал, бирдан миљтиқ товуши гумбурлади ва унинг акс-садоси Кордилера тоғларининг бўздей оқарган тиэма чўққилари ва даралари бўйлаб янгради, тубсиз зовга қулаётган эшакнинг бутун оламни бузган наъраси эшитилди; у барча иқлум минтақалари оша мангу қорлар билан қопланган чўққилардан, катта кемалар қатнайдиган улуғ дарёларнинг сувлари бошланадиган музликлар яқинидан отилиб тушар, тик поялар ёнидан ўтар ва бу ерларда ботаника экспедициясининг олим докторлари ҳиндуларнинг елкасига миниб ўзларининг сирли гербарийларини йигишаради; бу ерларда ёввойи магнолиялар чирмашиб ётган тоғликларда узун жунли қўйлар подалари ўтлаб юарар, улар мўл-кўл озиқ-овқат ва иссиқ кийиммиклар етказиб берар ва шу билан бирга намунавий хулқ-ахлоқнинг мисоли бўлиб саналардилар; бу ер бўм-бўш айвонлари қоғоз гуллар чамбарлари билан безатилган кофе плантациялари ва қўроғонлари яқинидан, жазирама водий ва шиддатли тоғ жилғаларининг мангу шовқин-суронлари ўртасида яшайтурган касалманд одамлар манзилгоҳи яқинидан ўтиб борар, водийдан эсаётган кечки шамол какао плантациясида орқасидан пичоқ уриб номардларча ўлдирилган чолнинг мурдасидан анқиётган оғир ҳидларни атрофга ёяди, какао-

нинг япроқлари катта ва бақувват, гуллари ва мева доналари қизил, данакларидан эса шоколад тайёрлашда фойдаланилди, у шунингдек қимир әтмай турган қүёш, қизиган чанг-тўзон, тарвузлар, қовуналар ёнидан, Атлантико вилоятининг ориқ ва маҳзун сигирлари ўтлаб юрган яйлов ёнидан ўтиб борар, бу ерда икки юз чақирик келадиган атроф-тумонатда бирдан-бир хайрия мактаби жойлашган, аммо ниҳоят шўрлик әшак шалоплаб, худди шарбатга тўла гванабао меваси каби пақиллаб ерга қулади, даранинг қаърида у гвинео чангалзоридаги какликларни хуркитиб юборди ва оғир пишқирганча сўнгти нафасини чиқарди. «Уни ниҳоят қоқиб туширишди, жаноб генерал, Анима-Сола<sup>1</sup>-дарасида уни йўлбарс отиладиган миљтиқдан қулатишди». «Ҳали сизлар унга муҳофаза варақаси берганимга қарамай шундай қилдингларми, ит эмганлар, менинг қатъий телеграммаларимга ҳам қарамадингларми? Падарига лаънат, энди сизга ким эканлигимни қўрсатиб қўяман!»

Зардаси қайнаб дўқ қиласади у. Лекин унинг разабга минганинг сабаби анов қандайдир ходимларнинг буйруққа бўйсунмаганинагина эмасди, унинг ишончи комил әдикси, ундан ниманидир яширишяпти, зудлик билан юборган қўрсатмаларини инкор қилишяптими, демак, нимадир бор, нимадир жуда муҳим нарса бор. У хатто рўй берган воқеа ҳақида маълумот баён қилганларнинг қандай нафас олаёттанига ҳам диққат билан эътибор берди, зеро фақат ҳақиқатни биладиган кимсагина ёлғон гапиришга жасорат қилиши мумкин, деб ўйларди. У қайси бири хиёнат қилаёттанини билиш учун олий офицерларнинг яширин ниятлари устида мулоҳаза юрита бошлади. «Сени йўқ ердан топиб келиб одам сонига қўшмовдимми? Сен эмасмидинг қора тупроққа қоришиб ётган, энди эса мен туфайли олтин каравотда ухлаётган? Қайси биринг бу ишни қиляпсан, валадизинолар? Қани ким, қайси биринг?» Ким бўлсаям, бир киши унинг телеграммаларига тупурганлиги равшан әди, ҳолбуки бу шошилинч қўрсатмаларини шахсан имзолаб, қиздирилган сурғучга ҳукмдор узугининг муҳрини босиб

<sup>1</sup> Анима-Сола – оромсиз дил.

тасдиқлаб жүннаттан әди. Шунинг учун қутқариш тадбирлари нинг тепасида ўзи турди ва ҳар қандай ақлни лол қиласидиган буйруқ берди: «Буюраман қирқ саккиз соат ичиде Деметрио Алдоус тирик ҳолда топилсин ва ҳуазуримга етказилсин, агарда у ўлик ҳолда бўлса, менинг олдимга тирик ҳолда олиб келинсин, агарда уни умуман топиб бўлмаса, ҳар қандай ҳолда у менга етказилиши керак». Буйруқ шунчалар аниқ ва кўрқинчли әдик, белгиланган муҳлатдан анча олдин югуриб маълумот кўтариб киришиди: «Жаноб генерал, уни даранинг ичиде буталар орасидан топишди! Ўша ерда ўсадиган тиллагуллар туфайли унинг ҳамма яра-чақалари тузалди. У ҳаммамиздан кўра тирикроқ, жаноб генерал, ҳамма аъзолари бут ва соғ-саломат, бу бари онажонингизнинг барча гулларга сеҳрли шифобахш куч-қувват баҳши этганлигининг натижаси, онангиз у кишининг хотирасига доғ туширмоқчи бўлган шаккокка ўз авлиёлигини кўрсатиб қўйди, яна бир карра раҳм-شاфқат қилди!» Шаккокни тоғлардан ёғочга тортилган тўр аргамчига солиб ҳиндуларнинг сўқмоқларидан гре-надерлар етакчилигига ерга туширдилар, бу карвоннинг олдида отлиқ жарчи борар ва худди байрам ибодатига чорлагандай шоду хуррамлик билан занг чалар, дунёни президентнинг амри фармони бажо келтирилганидан, Деметро Алдоус омон-эсон қайтиб келаётганидан хабардор этарди. Уни президент саройига олиб келишди, соғлиқни сақлаш министрининг шахсий масъулияти остида ҳурматли меҳмонлар хонасига жойлаштиришди. Бу ерда у етти жилд даҳшатли материал тайёрлаб ўз вазифасини охирига етказди. Ҳар бир жилддаги уч юз эллик саҳифанинг ҳар бирининг ўнг бурчагига қўйидаги сўзларни битиб қўйди: «Мен, Деметрио Алдоус қадим маросим конгрегациясининг худонинг марҳамати билан аудитори, диннинг прокурори ҳамда постулатори жорий йил апрель ойининг ўн тўртинчисида заминда адолатнинг тантанаси парвардигори оламнинг бор шон-шарафи учун ўз имзомни чекиб ва муҳримни босиб шуни тасдиқлайманки, бу ерда нима ёзилган бўлса, бари ҳақиқат, фақат ҳақиқат ва ҳақиқатдан бошқа нарса әмас». «Мана, тайёр, ҳазрати олийлари!» Ҳақиқатан ҳам, мана шу сурғучли муҳ билин тасдиқланган худди

библия каби баҳайбат жилларда ҳақиқат қайд этилган ва у шунчалар рост ва шафқатсиз әдики, уни, шу тирик ҳақиқатни тош-метин мўйса-Фидга ҳар қандай шошма-шошарлик ва ҳовлиқмаликлардан, тамагирликлардан мутлақо холи, бегона одамтина баён қилиб бериши мумкин эди. Чол кажава курсида иссиқдан шляпаси билан елтиниб ўтирганча уни киприк қоқмай эшитди, ҳар бир даҳшатли фош қилишдан сўнг у билинар-билинмас хўрсинар ва ҳақиқат нури айниқса порлаб кетган чоғларда фақат бир оғиз «аҳа» деб кўярди. «Аҳа», – дерди у қолган-кутган овқатга учиб келган апрель ойи пашшаларни шляпаси билан қувиб. У янгидан-янги дам аччиқ, дам лаққа чўғдай ҳақиқатларни буст-бутун ҳазм қилас, улаор кўнгил қоронгулукларини тарқатувчи олов пар-часига ўхшарди. «Булар ҳаммаси кўнироқ ўйин, лўттивозлик, ҳазрати олийлари, кулги томоша», – деганларини эшитарди у ва: «Аҳа», – дерди. Чунки бу ҳақиқатдан ҳам шундай эди, у ўзи истамаган ҳолда онасининг жасадини ҳаммага намойиш қилиш учун олиб чиқишни буюргандан кейин ўзи томоша қўйгандай бўлиб қолди. Тобутни муз ва қипиқ солдириб тўлдиритирди, Бендинсон Алварадо тириклай чи-риб кетибди, деган мишимишлар барҳам есин деди. Кейин бу от ўйин томошасига айланиб кетди. Кейин у онаси ўлимидан сўнг, мўъжизалар кўрсатаётганини эшитди. Шундан сўнг, онанинг жасадини дов-руқни карвон билан қўшиб бутун мамлакатни айланиб чиқишга жўнатди. Ахир, мамлакатнинг муқаддас нарсаси йўқ эди-да. У фақат бир нарсани истарди: шунчалар кўп жабру жафоларни бошидан ўтказгандан сўнг, онаси авлиё даражасига кўтарилганлигини ҳамма билсин, дерди. Онасига ато қилинган валийлик – ёшлиқ чоғларида самарасиз ўтган йилларнинг ажри-мукофоти; ўша пайтларда у қушларни бемаъниларча бўяб юарди, кейин бир умр қушларни ҳеч қандай мақсадсиз бўяб, безантрииб ўтди. «Мотам маросимини одамларни алдаш, лақиљлатиш учун фойдаланадилар, деб ҳатто хаёлимга ҳам келтиромаган эдим!» Маросимнинг бошидаёқ унга ёлрон, алдов ҳамроҳ бўлган эди – найранг ёлрон касаллардан бошланди, истисқо билан оғриган беморлар гўё ўз истисқоларидан оломоннинг кўз ўнгидаги ҳалос бўлдилар – албатта, бунинг учун уларга пул-мул берилди. Аллаким икки юз песо пул олиб, гўё ўзини ўлиб тирилгандай қилиб кўрсатди. Жўуда ёмон чувириди-

ларга бурканиб гўр оғзидан чиқиб келди, оғзи-бурни тўла тупроқ маросимга пешвоз борди. Бир лўли хотинга ўзини икки бошли бадрафтор бола туққандай қилиб кўрсаттани учун саксон песо берниши, бунинг маъноси шу эканки, лўли хотин мўъжизалар-нинг ҳаммаси ҳукуматнинг найранг, кўзбўямачилиги деб кўча-кўйда маҳмоданалик қилиб юрган экан, унинг икки бошли мудҳиш бола туфиши оломоннинг назарида худонинг унга ўша абдирашлари учун юборган жазоси. Мўъжизаларга гувоҳ бўлганларнинг ичидагитта ҳам пулга сотиб олинмагани чиқмади. Муҳими, буларнинг бари мархуманинг ўғлига қилинаётган лаганбафдорлик эмасди, монсенийор Деметрио Алдоус ўзининг текширишлари аввалида шундай хаёлга ҳам борган эди. «Йўқ, ҳазрати олийлари, булар ҳаммаси сафдошларингизнинг ифлос найранглари бўлиб чиқди!» Унинг ҳокимияти қаноти остида томир отиб гуллаб- яшнаган каззобликларнинг энг куфронийси ва энг жанжаллиси ҳам мана шу эди. «Мана шу барча мўъжизаларни тўқиб чиқариб, пулга гувоҳларни сотиб олаётганлар бари сизнинг ҳокимиятингизнинг энг ашаддий тарафдоридилар, ҳазрати олийлари!» «— Аҳа!» «Ўшалар онангиз Бендисйон Алварадонинг кўйлак либосларини тикиб, кейин уларни парча-парча қилиб табаррук эсадлик деб сотганлар...» «Аҳа!..» «Ўшалар онангизни икона қилиб, унинг тасвирини медалга тушириб ишлаб чиқаришни йўлга қўйганлар...» «Аҳа!..» «Онангизнинг тобутидаги сувни атир шишачаларга қўйиб тарқатганлар...» «Аҳа!..» «Раҳматли онангизнинг тасвирини жўн бўёқлар билан чойшабга тушириб, кейин ҳиндуларнинг бозордаги дўконлари орқа тарафидан юзта-юзталаб пуллаганлар ҳам ўшалар...» «Аҳа!..» «Мархуманинг тобути жоме черковининг катта залита қўйилганда қатор-қатор бўлиб зиёратта келган одамларнинг ҳаммаси разилларча алданган эди; ҳалқа қандай тушуғтиромасинлар, мархуманинг жасади чиримаётганлигининг сабаби у авлиё бўлгани учун эмасди ёхуд ҳукмдор ўғлига ёқиши, унинг шуҳратпарамастлик торларини чертиш мақсадида мўм, шағам ва бошқа упа-элик пардоз-андозлар билан қоплаб чиқилганида ҳам эмасди; ҳамма гап шундаки, онангизнинг жасадини оддий тасқара-тулум қилиб ясашган эди, табиат музейларида махлуқларнинг тулумларини одатда

шундай усуллар билан ясаб қўйишади...» «Аҳа!..» – деди у ва ниҳоят булалинг ҳаммасини ўз кўзи билан кўриб ишонч ҳосил қилиш имконига эга бўлди: «Мен тобутнинг шиша қопқоғини кўтардиму ичидаги мотам ленталари шабадамдан майдаланиб кетди, ўликнинг бошидан апельсин гулларининг чамбаракларини олган эдим, отнинг ёлига ўхшаш қалин соchlарни кўрдим, уларнинг барн табаррук эсадалик деб сотиш учун таг томири билан юлиб олинган эди шунда мен сени қўлимда кўтардим она, сенинг никоҳ либо-сингнинг парча-пурчаларига қўшиб сенинг қуруқшаган лошингни қўлимга олдим она, сен офтобда қотирилган қовоқдан ҳам енгилроқ бўлиб қолибсан она, сендан худди эски сандиқнинг ҳиди келарди она ва нимадир сенинг лошингда бетиним виширларди она, буни сенинг бағрингдан чиқаётган сасларингмикин дебман она, лекин сени ич-ичингдан куя кемираётган экан куянинг қайчиши сени тинимсиз қиймаларди она ва сени қўлимда узоқ ушлаб туролмадим, чунки сен тўхтовсиз тўкилиб-сочилиб бормоқда эдинг она, ахир сенинг бутун вужудинг шипшийдам қилиб ташланган, сендеқ баҳтиёр онанинг вужудидан ҳеч вақо қолмаган эди она, сен қўлингни юрагингта қўйиб ухлардинг она энди сендан фақат тўэгин губоргина қолган вужудингнинг мўрт пўстлори менинг қўлимда кул бўлиб совурилди, булат каби хокингда суякларингнинг ялтироқ чанглари тўзириди она, сенинг ясама шиша қўзларинг эса жоменинг пол пилталарида худди бургадек сакраб-сакраб кетди она жоме шомнинг қирмизи яллигларига чулғанмиш эди ва сен фано губорига айландинг она моддий дунёларинг парчаланиб йўқолди ва даракчилар уларни курак билан йиғиштириб тобут ичига итқитдилар». Тошметин мустабид буларни кўриб қылт этмади, унинг киприк қоқмас қўзлари на бу нарса рўй берганда ва на унинг рўпарасига ҳақиқатнинг ойнасини қўйишга журъат этган дунёдаги бирдан-бир одам билан яккама-якка қолганда ҳеч нарсани сездирмади. Улар ҳеч нарласи қўзга ташланмайдиган, давлат туғроси туширилмаган каретада бирга ўтиришар ва дарпардалар оралаб йўқсилларнинг тўдаларига қарашарди, улар арк дарвозаси соясида иссиқдан нафас ростлашарди, бу ерда илгарилар қўрқинчли одам ўлдириш ва баҳтсиз севги, пашшахўр ўсимликлар

ва кишининг иродасини маҳв әтубчи зираворлар ҳақида юпқа китобчалар сотиларди, бу ер энди майда-чуйда буюмлар, латта-путталар бозори бўлиб қолган, бунда доим ясама табаррук нарслар – Бендинсон Алварадонинг либослари ва вужудининг парчалари сотиларди. Монсенйор Деметрио Алдоус бозор оломонидан кўзини узиб, мен текшириб билган нарсаларнинг ижобий томони ҳам йўқ әмас, деб айтганида сұхбатдошининг ичидан ўтаётган фикрларни топди. «Мен шунга амин бўлдимки, мана шу бечора одамлар сиз олий ҳазратларини худди ўзларини севгандек яхши кўрадилар». Ҳақиқатан ҳам, ахир маккорлик Деметрио Алдоус томонидан президент саройида фош этилди; у ҳокимият томонидан боши силаниб неъматларга гарқ қилинган, ҳар ишда омади чопган кишилар ўртасида авж олган маккорона хушомадгўйлик, тубан тамагирлик йўлидаги лаганбардорликни кўрди, қашшоқ авом, камбағал қавм ўртасида у ҳамма нарсадан маҳрум қилинган, ўз ҳукмдоридан ҳеч нарса кутмайдиган одамларнинг муҳаббатини кўрди, зотан улар ҳеч кимдан ҳеч нарса кутмасдилар ва ўз тепаларида турган кимсани шунчалар эътиқод ва диндорлик билан бошларига кўтарар әдиларки, буни худди тупроқ каби сезиб қўлга олиб ушлаб кўрса бўларди. «Шу даражадаки, бунга ҳатто худонинг ҳам рашки келиши мумкин, ҳазрати олийлари!» Аммо бу тан олишни әшитиб олий ҳазрат ҳатто киприк ҳам қоқмади, ҳолбуки бошқа бир пайт бўлса, юраги ҳаяжондан ширин гумуриб кетган бўларди, у лоақал хўрсиниб қўймади, лекин ичидан яширин бир ҳаяжон билан шуларни ўйлади: «Нима, сиз мени ҳеч кимса яхши кўрмаслигини хоҳлармидингиз ҳазрат падарим айниқса мана энди сиз жўнаб кетасиз ва ёлрончи оламингизнинг олтин қуббалари остида менинг шармисор бўлганим ва қайғу-фамларим устидан кулиб юрасиз, мен эса сиз елкамга ағдарган ҳақиқатнинг оғирлиги тагида ёлғиз ўзим қоламан, энди мана мушфиқ меҳрибон онам ҳам йўқ у бу оғир юкни кўтариш учун менга кўмаклашган бўларди, ҳолбуки манов ўлкани ўзим хоҳлаб танлаган әмасман, кошки уни дунёга келиб қандай бўлса шундайлигича, уни сиз қандай кўриб турган бўлсангиз, шундай олганман у азал-азалдан асли ўзи шундай әди, ҳамма нарсанинг баҳридан кечган әди, ундан

шундай нажосатнинг ҳиди анқиб туради, ўзининг тарихи бўлмаган бу одамлар ҳаётда ҳеч нарсага ишонмайдилар, бу мамлакат менга зўрлаб тиқиширилган ҳазрат падарим, ҳеч ким менинг розилигимни сўраган эмас, бу мамлакатнинг парда тутилган каретаси ичida иссиқнинг ҳарорати қирқ даражага боради, намлиқнинг даражаси эса тўқсон саккиз фойиз, бу ерда чанг-тўзондан бўрилиб ўласан ва бунинг устига маккор даббанг қайнаёттан кофе идишидай енгил ҳуштак чалиб туради қабул маросимларида сени доминода ютадиган биронта кимса йўқ ва ҳеч ким ҳақиқатнинг юзига қараб ўтирамайди ўзингиз менинг қобигимга бир кириб кўринг ҳазрат падарим!» У билинار-билинмас хўрсинди, игуана сингари киприклари ни зўр-базўр қоқди ва монсенйор Деметрио Алдоусдан бу оғир гап иккимизнинг ўртамиизда қолсин, деб сўради. «Сиз менга ҳеч нарсани айтмадингиз, ҳазрат. Мен ҳақиқатни эшитганим йўқ, билмайман, бўладими?» Шунда монсенйор Деметрио Алдоус ҳам ваъда берди: «Албатта, ҳазрати олийлари, сиз ҳақиқатни билмайсиз. Бу гап орамизда қолади, сизга эр йигитнинг сўзини бераман». Бен-дисиён Алварадони илоҳийлаштириш ҳақидаги иш унинг авлиё эканлигига далиллар етарли бўлмагани боис тўхтатиуди, Римнинг бу масаладаги хуносаси ҳукумат билан расмий келишувга мувофиқ черковларнинг баланд минбарларидан туриб эълон қилинди, ҳар қандай норозиликлар ва жамоат тартиб-қоидаларини ҳар қандай тарзда бузишларнинг қатъият билан олдини олиш, уларга йўл қўймаслик ҳақида расмий фармойиш чиқарилди. Аммо зиёратчилар оломони кафедрал жоме дарвозасининг тўсинларидан де Армас майдонида гулханлар ёқиб Апостол нунциатураси саройининг фаришталар ва гладиаторлар тасвирланган ранго-ранг ойналарини тош отиб чил-парчин қилиб ташлашганда мана шу тартибни сақлаш кучлари ўртага тушмай қараб тураверишди. «Улар ҳаммаёқни вайрона қилишяпти, жаноб генерал!» Аммо у ўз аргимчогида қимиirlаб ҳам қўймади. «Улар бискай аёллар монастирини қамал қилишяпти. Роҳбалар очдан ўлсин дейишяпти! Улар черковларни, миссионерларнинг уйларини талон-торож қилишяпти, диндор руҳонийларга тегишли ҳамма нарсаларни бузиб ташлашяпти, жаноб генерал!» Аммо у чаман бўлиб очилиб ётган

гул буталарининг салқин соясида аргимчоқда ётганча миқ эт-масди, токи олий мартабали офицерларнинг бари ғалаёнларни тинчтиш ва тартиб-интизомни қон тўкмасдан тиклаш, уларга буюрилган ишни бажаришга қобил әмасликларини тан олиб айтмагунларича, у қўлини ҳеч бир нарсага урмади. Ана шундан кейингина у аргимчоқдан тушди-да, ўз кабинетига йўл олди, бу ерда у бир неча ойдан бери ўй сурис юриб бўлмаган эди, бунда халқ иродаси талабини адо этувчи бирдан-бири киши сифатида бутун масъулиятни ўз эзиммасига олди, у ишга киришиб кетиб ўз илҳом ташаббуси билан бир декрет чиқарди ва уни ўз министрлари билан маслаҳатлашиб ўтирмасдан, қуролли кучларни ҳеч нарсадан огоҳдантирмасдан, таваккалига ёълон қилиб юборди. Бу декретнинг биринчи банди – озод ва згамен халқнинг олий хоҳиш-иродасига кўра Бендисион Алварадони фуқаро сифатида муқаддас деб ёълон қилди ва унга Миллатнинг Ҳомийси, Дардманларнинг Дағмони ва Кушларнинг Паноҳи деган унвонлар берди. Яна шу банднинг ўзида Бендисион Алварадонинг таваллуд куни миллай байрам каби нишонланиши қайд этилди. Декретнинг иккинчи банди у матбуотда чиққан кундан эътиборан ушбу миллат билан Ватикан ўртасида халқаро конвенциялар ҳамда ҳуқуқ нормаларидан келиб чиқадиган барча оқибатлар ҳисобга олинган ҳолда уруш ҳолати ёълон қилди. Учинчи банд сениор архиепископни, барча епископларни, апостол префектларини, черков руҳонийлари ва роҳибаларни, черковга алоқадор бошқа руҳонийлар ва турли даҳлдор шахсларни, улар шу ерда туғилган-туғилмаганликларидан қатъи назар, мамлакатдан зудлик билан бадарға қилишни кўзда тутарди. Уларнинг ҳаммалари мамлакат ерлари ва унинг әллик чақириմгача бўлган дengiz сувлари доирасида қандай сабабга кўра бўлмасин, туриш ҳуқуқидан маҳрум этилдилар. Ва ниҳоят, тўртинчи банд бутун черков мол-мулкларини мусодара ётилишини билдиради. Ибодатхоналар, монастирлар, мактаблар, барча меҳнат куроллари, қорамоллари билан биргаликда экин экиладиган ерлар, черков әгалигидаги қанд заводлари, фабрикалар ва устахоналар, шунингдек, гарчи дунёвий кишилар ҳисобида турса ҳам, аслида черковга тегишли мулкларнинг ҳаммаси мусодара қилинар

эди. Буларнинг барчаси жам ҳолида декрет чиққан кундан бошлаб авлиё хотин Бендисион Алварадо ва унинг барча қушларининг ўлгандан кейинги ажralмас мулки деб эълон қилинди ва буларнинг бари айтиб турib ёздирилди ва олий ҳокимият эгасининг муҳри билан тасдиқланди. «Бўйусунинглар ва бажаринглар!» Бендисион Алварадони фуқаролик йўли билан муқаддас деб қонунийлаштирилиши шарафига ёзилган шодиёна музикалар ва тинимсиз бонг садолари, қарсса-қарсса отилаётган мушакбозликларга алданиб ўтирамай, қандайдир мубҳам обру-эътибор деб ҳеч кимга ҳеч нарсани ишониб топширмай унинг шахсан ўзи декретнинг ижро этилишини кузатиб турди, зотан яна бир карра алдов қурбони бўлишни истамасди. У яна ҳокимият жиловини ўз қўлига олди, бир замонлар бўлганидек, шоҳи қўлқоп кийган қўлида қамчинни маҳкам тутди; ўша шонли замонларда одамлар уни пиллапояларда тўхтатишар ва ундан шаҳар қўчаларида яна ит пойгалари ўтказишни сўрашарди ва у ўтказарди; ундан қопда югуриш бўйича мусобақалар ташкил этишни илтимос қилишарди ва у ташкил этарди; у пайтда ҳеч вақоси йўқ йўқсил кулбаларга кириб борар ва одамларга курк товуқни тухумга қандай ўтқизишдан тортиб, буқачани қандай пичишгача тушунтиради. У яна ҳамма нарсага ўзи диққат қиласди, черковлар мулкларини батафсил рўйхатдан ўтказиш актларини кўриш билан чекланиб қолмасдан мусодара ишларининг бошида ўзи шахсан турарди, кўрсатмалари билан уларнинг қандай бажарилайтгани ўртасида ва озгина бўлсин ёриқ қолишига йўл қўймасди, расмий қофозлардаги ҳақиқат билан ўзгариб турувчи ҳаёт ҳақиқатларини қиёслаб кўтарди. У охириги вице-қиролнинг битмас-туганмас хазиналарини икки қаватли чамадонлар ва маккорона тикилган корсажларда яширин суратда олиб кетишлари мумкин деб гумон қилинаётган энг йирик черковлар жамоаларини ўзи назоратдан ўтказарди. Бу хазиналар камбағалларнинг қабристонларига кўмиб ташланган деган гаглар юради, лекин кўп йиллардан бери қаттиқ ағдар-тўнтар қилинганига қарамай улар Федерация учун бўлган урушларнинг йўлбошчилари томонидан ҳали ахтариб топилган эмасди. Шунинг учун у буйруқ чиқарди: ҳеч бир черков ходими бир марта алмаштирила-

диган кийим-кечакдан бошқа юк олиши мумкин эмас. Бундан ташқари, улар кемага онадан қандоқ туғилган бўлсалар шундоқ, яъни яланғоч чиқишлари буюрилган эди. Буйруқ шундай адо этилди ҳам – улар кемага яланғоч кўтарилдилар: нималар бўлаётганига ақллари етмаган, фақат тинч қўйсалар ва ҳеч қайга кетишига мажбур қилмасалар, бир умр урён юришга ҳам тайёр қўрс қишлоқ руҳонийлари, миссионерлик вилоятларининг безгакдан шалайим бўлган префектлари, бошида сочи қолмаган басавлат епископлар ва уларнинг изидан аёллар – уягчан шафқат ҳамширалари, табиатни худди ёввойи итдай жиловлашга ва чўлсаҳроларда сабзавот етиширишга ўрганган унниқиб, соддалашиб қолган миссионер хотин-қизлар, ўз клавикорд<sup>1</sup>ларидан айрилган бискай қизлар, қўллари ипдай тегманозик селекций<sup>2</sup> роҳиблари – ҳаммалари қип-яланғоч ҳолда кемага чиқиб боришарди. Уларни фақат дунёга келаётганда ато этилган танааларига қарабгина синфий келиб чиқишлари, ижтимоий аҳволлари ва машгулот турлари тўғрисида фикр ҳосил қилиш мумкин эди. Улар божхонанинг улкан биноси ичида какао тойлари ва багре деб аталадиган туэланган балиқ қоплари оралаб узун қатор бўлиб, худди қўрқиб кетган қўйлар мисол ҳалқа қуриб борарадилар, шамолларраклар вужудларини елпир, худди тош ҳайкалдай қотиб қолган чолнинг ёнидан ўтишаркан, улар қўллари билан кўкракларини тўсиб, бир-бирларининг паналарига беркинишга ҳараткат қиласардилар, у қотиб қолган игуана кўзларини олдинга тикиб, яланғоч аёлларнинг тартибсиз оқимига тўғри қараб турарди, унинг нигоҳи совуқ ва ҳеч нарсани ифодаламасди, лекин охириги хотин мамлакат тупроғини тарқ әтмагунча улардан кўзи ни узмади. «Битта қолмай жўнаб кетишиди, жаноб генарал!» У хотинлардан бири эсида қолганига эътибор берди. Хотинлар олдидан ўтиб боришаётганда ҳуркак роҳибалар орасида унга кўз қири тушди, назари уни бошқалардан ажратиб олди, ҳолбуки унинг бошқалардан ажралиб турадиган ҳеч нарсаси йўқ эди. У чийралгандай дуркун ва соғлом, болдиrlари гўштдор, кўкраклари

<sup>1</sup> Торли, клавишли уриб чалинадиган мусиқа асбоби.

<sup>2</sup> Роҳиблик ўюшмаси.

катта-катта, қўллари қовушмаган эди, сочлари катта бор қайчи-си билан текисланган, тишлари худди болтачалардай сийрак ва бақувват, бурни қанқайган товони ясси эди – бошқалардан фарқ қилмайдиган одмигина роҳиба қиз эди, лекин мана шу яланғоч хотинлар издиҳоми ичида фақат утина ўзига ёққанлигини дарров сезди. Шу биргина қиз ҳатто қиё боқмай ёнидан ўтиб кетдию худди ўрмондан чиққан маҳлуқдай ўз ортидан одамни ўртовчи, қитиқловчи ҳид қолдирди; унинг юраги хаприқиб кетди, бу хотинни яна бир кўриш учун кўзини андаккина қийиб қаради, шунда кемага чиқаётганларнинг рўйхатини қилиб турган офицер қичқирди: «Насарено Летисия!» Шунда бояги хотин ўғил болача овоз билан жавоб берди: «Шу ерда!» Ана шундай қилиб, бу исм «шу ерда» деган товуш билан бирга унинг ҳаётига то ўлгунча кириб келди, унинг охирги ғамгин хаёллари сўниб бораётган хотирасининг тубсиз ўлларига ботиб йўқолмагунча бу хотинни эсидан чиқармади; у эсдан оғиб бораётган маҳалларида бу хотиннинг сиймосини хаёлида тиклади ва қофоз қийтиғига шундай деб ёэди: «Кўнглимнинг Летисия Насареноси кўргил сенсиз не бўлди менга!» Бу қофоз парчасини у асал яшириб юрадиган хуфя жойга беркитиб қўйди, атрофда ҳеч ким қараб турган бўлмаса, у қофозни олиб қайтадан ўқириб үлгач, уни думалоқлаб ўраб яна яширади. Шунда у ўша нурафшон ёмғир ёғиб турган ҳеч унутилмас кунда бошидан кечирган онларни хаёлида яна қайта жонлантиради, ўшанда у гарчи ҳеч кимга бундай буйруқ бермаган эса-да, Летисия Насаренони юртига қайтариб олиб келишганидан хабардор бўлган эди. Ўшанда у дентгиз уфқларига сингиб бораётган юқ кемасининг кетидан термулиб туаркан, ўзи билмаган ҳолда фақат: «Летисия Насарено» деб шивирлаган эди. Кейин бу исмни унутмаслик учун: «Летисия Насарено» деб овозини баланд чиқариб тақрорлади, холос. Президентнинг хавфсизлик хизмати Летисияни Ямайкадаги монастирдан олиб қочиб она юртига қайтариши учун шунинг ўзи етарли бўлган эди. Уни монахлар либосида оғзига латта тиқиб қарагай яшикка солиб ёғоч контейнерга жойлаштиришди, яшикнинг бурчаклари сурғуч билан маҳкамланди, тепасига қора қатрон билан «Ойна. Усти. Думала-

тилмасин!» деб ёзилди. Контейнерга расмий рухсатнома бўлиб, президентнинг шароб омборлари эҳтиёжи учун шампан ичиладиган икки минг саккиз юзта биллур идишларни божхона тўловисиз олиб ўтиш ҳуқуқини берувчи лицензия олинган эди. Контейнерни кўмир ташувчи кеманинг энг пастки қаватида келтиришиди. Кучли уйқу дори бериб ухлатилган Летисия у ердан тўғри президент саройига келтирилди ва меҳмонлар учун мўлжалланган хосхонадаги устунлари шипга туташган каравотта яланғоч ҳолда ётқизилди – у кейин қизни шу ҳолатда кўп эслаб юрди – пешин чоғи соат уч эди, қиз чивинлардан тўусувчи парда ортида бўздай оқиши шуълаларга чулғаниб яланғоч ётарди. Турли вақтларда юзлаб аёллар бу ерда худди шундай ётиб ухлашган, унга бу аёлларни ўзи сўрамаса ҳам етказишарди, люминал ичиб беҳуш ётган бу аёлларни у ухлаб ётган чорларида забт этар, лекин барибир енгилиб шарманда бўлар ва бундан ёмон ичи куйиб ўрганарди. Бироқ Летисия Насаренога у тегмади. Унга қандайдир болаларча лол қолиб термулгани термулган эди, энди у божхона залида кўрган хотинга сира ўхшамас, танаси, вужуди шунчалар бошқача бўлиб кетганди. Унинг соchlарини турмаклаб тартибга келтиришиди, маълум жойларини тозалашди, оёқ-қўлларининг тирноқларини қизил бүёқ билан бўяшди, лабларига қизил мой суртишиди, ёноқларини қизартириб, упа-элик билан безашди, киприкларини узайтиришиди, бутун баданини хушбўй моддалар билан ишқалашди, ундан энди косметиканинг чучмал бўйлари анқирди, олдинги ўзига ром этuvчи, сирли моча ҳидининг оҳанрабоси энди йўқолган эди. «Ҳаммасини расво қилишибди бу каллаварамлар э афсус!..» Қиз шунчалар ўзгариб кетган эдикি, қават-қават упа-элик остида энди яланғоч бўлиб туюлмасди... У огули уйқуга чўмган қизга қараб тўймасди, унинг уйқу уммони қаърларидан аста-асталаб сузиб чиқаёттанидан кўзларини узолмасди, оҳиста кўзини қимирлатиб очаётганига тикилар, қиз ҳам уни кўраёттанини кўриб турарди. «У менинг ҳайроналикларимнинг Летисия Насареноси, она!» Қиз эса ҳарир парда оша ўзига тикилиб турган тошметин чолни кўриб қўрқанидан тош қотиб қолди, унинг тошметин тилсизлигининг сабабини тушунмас ва бундан янада даҳшатта тушарди. У ҳатто тасаввур ҳам қилол-

масди: бу чол ақл бовар құлмас даражада кексайғанига, чексиз-чегарасиз ҳокимиятта әга әканлигига қарамай қыздан күра күпроқ қўрқиб кетган эди. Чол илк бора хотин кишига яқинлашишга уриниб кўрган пайтдагидан ҳам кўпроқ гаранг бўлиб қолган, ўзи-ни ўта ожиз, қуролсиз ва ундан ҳам ортиқ ёлғиз сезарди. Бу рўй берган вактдагидан ҳам ортиқроқ даражада нима қилишини бил-масди. Ўшанда у бир куни ярим кечаси дарёда чўмилаётган сол-дат суюқоғини учратди. У чўмилаётган хотинни тузук-қуруқ қўрол-тани ҳам йўқ, фақат унинг сув тагидан шўнгигб чиқиб худди бай-талдай пишқириб параклашинигина әшитиб турарди, унинг ана шу пишқириб пихиллашига қараб вужудининг қанчалар кучга тўлган, гумбази даввор әканлигини тасаввур қиласди. У қоронгу-да хотиннинг ёлғиз ҳиринглаб кулганини әшитар, унинг чўмили-шидан лаззат олаётган тани қанчалар яйраёттанини ҳис қилас ва тикка турганча қўрқувдан қотиб қолган эди, чунки ҳали-ҳанузгача аёл зоти билан бирга бўлмаган, моҳпора эди. Ваҳоланки, мана учинчи урушни кўряпти ва унвони ҳам унча-мунча эмас, артилле-рия лейтенанти. Аммо охир-оқибат хотин нималигини билмаган моҳпора йигит бўлиб қолиб кетавериш ваҳимаси бошқа барча қўрқинчларидан устун чиқди-да, қандай усти-бошида бўлса бари қурол-аслаҳа анжомлари – камарлари, шим-пимлари, юхалтаси, ўроқ қиличи ва миљтиқ-пилтиғи билан ўзини дарёга отди. У ўзи-нинг аслаҳа-анжомларига чалкашиб ич-ичини пўкиллаттан хуфя хавотирлари билан сув ичиде шунчалар шовқин-сурон кўтариб шалоплардики, хотин аввалига қандайдир отлиқ дарёдан сузиб ўтаётган бўлса керак деб ўйлади, лекин шу заҳоти унинг қўрқиб кетган шўрлик бир эркак әканлигини кўрди-да, бечорагинага раҳми келиб, қўлини узатди ва батамом гаранг бўлган йигитни қоронгу-да бошлаб кетди, зотан йигитнинг ўзи қоронгу сув ўртасида ҳеч нарсани қўрмасди. Қоронгулик ичиде унга хотиннинг худди она-лардай сўзлаётгани әшитиларди: «Менинг елкамдан маҳкам уш-лаб ол, бўлмаса оқиб кетасан. Бунақа чўнқайиб турма, тиззалаб ўтиро ва бемалол нафасингни ол, эса оғзингта сув кириб кетади». Шундан кейин у нима деган бўлса, шуни қилди, унга худди бола-дай қулоқ солди ва яна шуларни хаёлидан кечирди: «Онатинам

Бендисйон Алварадо, бу хотинлар ўзларини қандоқ тутишни дарров қайдан билишади, қандоқ қилиб ўзларини худди әркакдек тутишади!» У буларни калласидан ўтказиб тураркан, хотин ёса сувдан кечиб ўтаёттанды ҳеч қандай кераги бўлмаган, фақат урушгагина яроқли ҳамма аслаҳа-анжомларни ечиб ташлай бошлади; сув бўғзидан келар, қўрқиб кетиб дир-дир титрар, уни фақат қатрон совун ҳиди келиб турган хотиннинг баданигина сақламоқда әди. Хотин унинг барча камарлари ва тутмаларини ечиб, бирдан қўли сувда худди шишган қурбақадай балқиб турган жуда баҳайбат бир нимага тегиб кетди-да, қўрқиб сесканди. Хотин уни қўйиб юборди, ўзини орқага олди ва гўлдиради: «Бор ойингни олдига, сени бошқасига алмаштириб олсин, бу аҳволда ҳеч нарсага ярамайсан!» Мана энди Летисия Насарено-нинг яланғоч жисмини кўрганда, уни яна ўша қўрқув, бу сафар яна ҳам қаттиқроқ уни қамраб олди ва шунда у қизнинг ўзи раҳм-шафқат қилиб кўмакка келмагунча, ўзи ўз ҳолича журъат қилиб унинг сирли сувлари бағрига шўнгий олмаслигини сезди. Мана шу раҳм-шафқат, мурувватни кутиб, у қизни ўз қўли билан чойшабга ўрап, граммофон кўярди; билмайди қисматига отасининг ношаръий муҳаббати ёзилиб, баҳтсиз бўлган Делгадина деган қиз ҳақидаги қўшиқ лаппагини неча марта қайта-қайта қўйдийкин сийқаси чиқиб кетгунча; у Летисиянинг хобхонасидаги гулдонларга мато гуллар қўйишни буюрди; нега деганда, қизнинг қўллари тегса, тирик очилиб турган гуллар бирдан сўлиб қоларди. У қизнинг ҳар қандай истагини жон-жон деб адо этишга тайёр әди, шу билан бирга қиз манави қари кишининг ҳар томонлама таъминланган маъшуқаси бўлишдан бошқа иложи йўқлигини тушунгунча узлатда яланғоч ўтириши керак әди. Қўрқувлардан бироз ҳуши ўзига келиб, қиз буни тезгина ва яхши англаб олди ва назокат билан гапни айлантириб ўтирмай, тўғридан-тўғри буйруқлар бера бошлади: «Генерал, деразани очинг, бўғилиб кетяпман!» Унинг амри дарҳол адо этилгач, яна амр әтарди: «Ёпинг! Ой юзимга тушяпти!» У итоат билан қиз хоҳишини ва яна бошқа кўпдан-кўп хоҳишларини худди ишқ инжиқликларидаи қабул қилиб бажаарди. У тобора итоатгўй бўлиб борар ва шу билан бирга тобора ўзига ишончи ортар

ва ниҳоят бир куни нурафшон ёмғир севалаб турганда пардан шартта очди-да, бутун уст-бошида қандай бўлса шундай, унинг ёнига кириб нафас чиқармай, қимир этмай ётди, қизни уйғотмади. У кўп тунлар қизнинг ёнида мана шундай ёлғиз ётди, унинг вуҳуш ҳидлари, жисмининг сеҳоли ҳидларини тўйиб-тўйиб ҳидлади, унинг тобора ҳарорати ортиб бораётган қайноқ нафасини жон қулогини қўйиб тинглади. Бир куни қиз унинг ёнида ётганини ҳис қилиб қўрқиб уйғонди ва қичқириб юборди: «Тушинг бу ердан, генерал!» У одоб сақлаб пастга тушди, лекин қиз ўзининг ёнида ётишга ўрганмагунча, у тутқун бўлган бир йил давомида унга қўл тегизмади; лекин қиз ҳокимият лаззатлари ва дунё роҳат-фароғатларидан унинг яланғоч жисмини томоша қилиш учун воз кечган бу тушуниб бўлмайдиган чолнинг ичидаги фикри-хаёли нимада эканлигини сира билолмасди. Бироқ нурафшон ёмғир севалаб турган яна бир кун келди, шунда тушуниб бўлмайдиган чол ухлаб ётган Летисиянинг қўйнига киришга қарор қилди ва бир чоғлар солдат беваси чўмилаётган дарёга ўзини қандай отган бўлса, шундай бир кийим-боши – белгилари бўлмаган ҳарбий дала либосида, камарлари, қиличи, шими чўнтакларида бир талай калит, олтин нағалли чавандоз этиги билан қизга ташланди. Бу тажковуздан Летисия қўрқиб уйғонди ва қари айғирни бутун абзал-аслаҳаси билан бирга устидан итариб туширишга уринди, аммо чол жон-жаҳди билан ёпишаётганини қўриб қиз ҳийлакорлик билан вақтдан ютмоқчи бўлди. «Абзалингизни ечинг, генерал, – деди у, – бўлмаса манави темир-терсакларингиз кўқрагимга санчилади». У камарлари ва темир-терсакларини ечиб қўйгач, қиз яна талаб қилди: «– Нағалингизни ҳам олиб қўйинг, генерал, бўлмаса унинг юлдузи оёқларимни тилиб юборади! Чўнтағингиздаги калитларни ҳам чиқаринг, биқинимни тешиб юборай дейди!» У қизнинг барча айтганларини адо этди, лекин қиличининг камарбандини юрак ютиб ечгунча орадан яна уч ой вақт ўтди. «Улар нафасимни сиқяпти, генерал!» Унинг френчини ҳам ечтириш учун яна бир ой керак бўлди. «Бу тугмалар юрагимни қон қиляпти, генерал!» Бу кураш жуда узоқ чўзилди, қиз унинг жигига тегмаган ҳолда бу курашнинг оқибатини иложи борича орқага суришга интиларди, у

қизга ёқиши учун кўп нарсаларда унга ён босарди. Шу тариқа Летисиянинг ўғирлаб келтирилганининг учинчи йили бошланганда ўрталарида охирги рўй берган нарса қандай қилиб бўлганлигини на у ва на қизининг ўзи билмай қолдилар, нима бўлдию бир куни кечаси унинг толе чизиги чизилмаган иссиқ, теп-текис юмшоқ кафти роҳиба қалбининг қандайдир нозик сирли торларини чертиб юбордики, қиз эҳтиросдан қалтираб уйғонди, у ўзига қапишиб ётган ваҳший маҳлуқдан қутулиш учун ҳаракат ҳам қилмади, фақат ёлворди: «Этигингни ечсанг-чи ахир. Менинг Голландиядан келган чойшабимни расво қиласан-ку!» Кейин у этигини бир амаллаб ечгандан сўнг, давом этди: «Шимингни еч, белбогингни ҳам еч, ҳамма нарсангни еч, жонгинам, бўлмаса сени ҳис қилмайман!» Шунда бирдан унинг кўзи ўзига тушди: бир маҳаллар онаси уни монастир, дарвозаси тагида ёронгулларнинг хаёлий шуълалари қўйнида дунёга келтирган чоғда худди мана шундай турган әди; шунда у ўзини азалий қўрқувидан қутулгандай сезди, жанговар қўтосдай қаддини керди, ҳаммасини бир қудратли зарб билан остин-устун қилди ва суқунат қаърига юз тубан ташланди, бунда әса фақат Летисия Насаренонинг тиши фижирлагани эшитилар, у кема мачталарининг шамолда қасирлашига ўхшарди. «Насарено Летисия!..» «Шу ерда!» «Шунда қиз иккала қўли билан сочимдан чанглаб ушлади, мен ўлиб ётган тубсиз гирдоб ичиди бир ўзи ўлиб қолмаслиги учун маҳкам ёпишди...» Лекин барибир, ҳар қалай у қизни бу гирдоб ичра ёлғиз қолдирди, поёнсиз зулмат қўйнида ўзи ёлғиз әди, қўзёшларининг шўроб сувларида ўз-ўзини қидирар, қўтосдек кўпик сочиб узун сўлакайларида чалкашиб ётар, ўз ларзалиридан ларзага тушарди. «Онагинам Бендинсон Алварадо, қандай қилиб шунча йиллар бу ширин азобни бошдан кечирмай яшадим-а!» У ўзини бутун ич-ичидан ағдар-тўнтар қилиб ташлаган, вужудини қамраб олган сира ифода қилиб, англатиб бўлмас лаззатдан ўртаниб инграф, ичидан келаётган азобли-ширин ўртанишлардан лолу ҳайрон йигларди. У қандай бир зилзила бутун аъзоиӣ баданини ларзага solaётганини билмасди, нега ўзини сўйилган ҳайвондай сезаётганини билмасди, ҳарир парда остидаги тўшакда қандай маний голланд чойшабини ҳўллаётганини

билмасди, нурафшон ёмғир севалаб турган ва бу билур янглиғ ҳавога нима бўлганини билмасди ва бирдан ҳавода уфунат анқиди.  
— Сиз яхши билмай қолгансиз, жаноб генерал, аззий-баззий жий қилиб қўйгансиз!..

Кечга бориб саройдан қорамолларнинг чириётган тўшларини чиқариб ташладик, ақд бовар қылмайдиган жирканч қаровсизликни бироз тартиб-саранжомга келтиргандек бўлдик. Бироқ ўзимиз топган марҳумнинг жасадини ҳукмдоримизнинг афсонавий сиймосига мос бир қиёфага солиб, тартибга келтиrolмай турардик; сувга чўккан эски кемалар босган морор каби унинг жисми қатирма бўлиб кеттан, биз уни балиқ тозалайдиган қирғич билан қиртишлаб чиқдик, баданига қатрон суртдик ва туэзинг намакобида уни ювдик, ўлик доғларини кеткиздик, биз каноп ва шамни қраҳмал билан қориштириб, унинг воситасида калхатлар мурданинг башарасини чўқиганда қолган ўйиқларни ямаб тўлдирдик, рангига бироз бўлсада тириклик нуқсини бердик, ёноқларига қизил элик сурдик, лабларини қизил бўёққа бўядик, унинг бўм-бўш кўз косаларига шиша кўз ўрнатдик, лекин юзига ҳукмдорона ифода бера билмадик, ҳолбуки бу уни кўпчилик назарига кўрсатишимиш учун зарур әди. Йишлилар шу тариқа давом этаркан, давлат кенгашининг мажлислар залида асрий истибодоннинг меросига қарши курашда умумий бирликка чақириқлар янграмоқда әди, марҳумнинг чангалидан тушиб қолган, кечагина баҳайбат чолнинг ҳеч ким даҳл этолмайдиган ўлжаси ҳисобланган нарсаларни аҳиллик билан бўлиб олишга даъватлар эшитилмоқда әди. Агар-чи, унинг ўлими ҳақидаги хабарни ҳали-ҳануз маҳфий тутишга уринилаётган бўлса ҳам, бу хабар афсонавий бир теэлик билан тарқалмоқда әди, мамлакатга ҳамма, жумладан узоқ қувфиндилик гулхани атрофида бирлашиб, ўзаро даъво-достонларини ҳам унугтган либераллар ва консерваторлар ҳам қайтишди. Улар орасида ҳокимият нималигини унугтган учта олий генерал, охириги фуқаро министр, бош архиепископлар бўлиб, қари мустабид буларни ёнроқ оғочидан ясалган узун стол атрофида машварат қилишини сира истамаган әди. Энди уларнинг ҳаммалари оломоннинг кўчаларга ёғилиб чиқиши, ғалаён-гулувга келишининг олдини олиш учун президентнинг ўлимини

халққа қандай тарзда маълум қилиш устида бир қарорга кетлишга интилишарди. Охир-оқибат иккита бюллетен әзлон қилишга келишилди: биринчи бюллетен президентнинг бетоблиги, шу сабабли у расмий жамоат учрашувларида қатнаша олмаслиги, барча қабул маросимлари қолдирилганлигини хабар қилди. Иккинчи бюллетенде ҳазрати олийлари кексалик билан боғлиқ табиий тоб айнаш ва ҳолсиэлик туфайли хос бўлмалари ни тарқ әтмаётганликлари айтилган эди. Ушбу хабарлардан сўнг бошқа қўшимча маълумот берилмади, фақат жазирама август ойининг сесанба куни тонгнинг олтин шафақлари оламга ёйилаётганда жоме жомлари ҳукмдорнинг қазо қилгани ҳақида бонг урди. Лекин ҳеч ким ўта ишонч билан ҳақиқатан унинг ўлганлигини айттолмас, кафолат бериб, айнан у ўлди деёлмасди. Қандай бўлмасин, биз бу ўлим олдида ўзимизни батамом ношуд сездик, бу қўланса ҳид тарқатаётган мурда бизнинг қўл-оёғимизни боғлаб қўйди. Зоро, марҳумнинг ўрнини ким әгаллаши мумкинлигини ҳеч тасаввур қилолмасдик, бутун дунёнинг кори-борига яраб турган одамнинг ўрнини ким ҳам әгаллаши мумкин: ахир у кексаликнинг худбинлигига бориб, ҳаёт пайтида ўзига меросхўр тайинлашни хаёлига ҳам келтирмади, ҳатто бу ҳақда эшитишни ҳам хоҳламасди, қарилукнинг енгиб бўлмас қайсарлиги билан ўзидан кейин нима бўлишини маслаҳат қилишдан бош тортарди, бу мавзудаги ҳар қандай гапни йўққа чиқараарди, бу айниқса ҳукумат ойна ва бетондан қурилган янги биноларга кўчиб ўтгач, у ўз ҳокимиятининг ҳувиллаган боргоҳида якка ўзи қолгач кучайиб кетди. У боргоҳда худди туш кўраётгандек кезинар, сиғирларнинг таппилари орасида сандироқлар, гулларнинг бутазорлари ораларида касал бўлмаса ҳам қариб-қартайганлиги боис ўлиб бораётган кўр-шоллар, моховлардан ўзга ҳеч кимга буйруқ беришга журъати етмасди. Лекин ҳар сафар ундан яна ўрнига ким ўтиришини зудлик билан айтиш, она юргнинг келажак тақдирини ўйлашни сўрашганда, у яна гапни қатъият билан чалғитар, мужмалликда маҳкам турар ва боз устига жуда узоқни кўзларди. «Мен ўлганимдан кейин дунё нима бўлади деб ташвиш қилиш – ўлимнинг ўзидан ҳам баттар муҳмал иш! Сизга нима керак ўзи? Нимага ташвиш чекяпсиз? Мен ўлган

заҳотим сиёсатдонлар йигилишади: манави шимилтириқни, манов ўлкани ўз ўрталарида бўлишади, годони қувиб чиқаргани мизда қандай бўлиб олишгани өсингиздадир? Мана ўзингиз ҳали кўрасиз, бўлиб олгани ҳали поплар, бойлар, гринголар чопқиллашиб етиб келишади ва ҳаммасини талаб кетишади, камбағал бечорага яна ҳеч нарса қолмайди, аҳволлари яна ҳам бундан бешбаттароқ бўлади. Уларнинг омади ўзи шунаقا чопган: агарда пўқнинг бирон-бир қиммати бўлганда, камбағалларнинг бари орқасиз бўлиб туғилишарди! Худди шундай бўлади, мана кўрасиз!» Кейин у ўзининг жонли замонларидағи кимнингдир ҳикматли сўзини келтиради, ўз устидан ўзини масхаралаб куларди, мен ўлганимдан сўнг жасадимни раббимиэнинг тобути ёнида дафн этиш учун Байтул-Муқаддасга әлтишга шошилманглар ва азият ҳам чекиб ўтируманглар, зеро мен фақаттина уч кун ўлик ҳолатда бўламан, дерди кула-кула. «Умуман бу гапларнинг сариқ чақалик қиммати йўқ, бари шимилтириқ. Сизга ҳозир ақл бовар қилмасдай кўринаётган нарса, вақт ўтиши билан ўз исботини топади. Мен мангуман!» Ҳақиқатан ҳам, ўша пайтлар ҳеч ким нимаики унинг тарихига тааллуқли бўлса, ҳеч бирини инкор этмас, у билан боғлиқ бўлган, әл оғзида юрган гапларни шубҳа остига олмасдилар. Ҳеч нарсани тасдиқлаб бўлмаганидек, ҳеч нарсани инкор этиб ҳам бўлмасди. Биз ҳатто бу жасад уникими ёки уничи әмасми комил ишончга эга әмасдик. Биз ўз ватанимизнинг ҳам унинг тарихидан бошқа ҳеч қандай тарихини билмасдик, биз унинг ўзига, ўз истагига монанд қилиб бино этган юртдан ўзга ҳеч юртни ҳам билмасдик, бу юртни яратаркан, у унинг макон ўлчовларини ҳам ўзгафтариған, вақтнинг оқимини ҳам ўзининг мутлақ иродасига кўра оқишига мажбур қилганди. Ҳозирча у ўз боргоҳи пучмоқларида бебош сандироқларкан, бу тарихнинг манзаралари, бу диёрнинг қиёфаси олис-олис туманликларда, унинг хотираларининг ибтидо маншаларида қад кўтариб пайдо бўларди. Шуниси ҳам борки, у аргимчоги тагига жўхори доналарини сочиб товуқларини донлатаркан, ўз хизматкорларини пайдарпай бемаъни, бевош буйруқлари билан гаранг қиларкан, бу боргоҳ даргоҳида доимо разиллик уя курган ва баҳт-иқбол деган нарса бирон марта бўлсин, бунда

қўним топмаган эди. У гаранг қиласи хизматчиларни: у муз со-линган лимонад сўрар, ҳолбуки унга лимонадни ҳозиргина олиб келишган, у ёса ҳатто бир ҳўплаб ҳам қўймаган эди; манов курсини бу ердан олиб анов ерга қўйишни буюар, ҳолбуки бир зум аввал курсини ўша ердан манов ерга келтиришни айтган бўларди. У ҳокимиятпастликнинг ҳеч тўймас гулханига мана шу тариқа инжилик билан арзимас ўтил ташлаб туар, ташлаган ўтиллари ҳам қорайиб куйиб, тагигача ёниб битмоқда эди. У сейба дарахтининг қуюқ сояси остида мудроққа ғарқ бўлар ва қимир этмай хукм сурарди; пинакка кетган чоғларида олис болаликнинг хира суратлари хаёлида гавдаланарди, бироқ қандайдир сурат аён тортиб, болалар конструкторининг улкан, тушунарсиз, кўзга ташланниб турадиган, худди унгача бўлган ватанимизга ўхшаш бир бўлагига айланганди, у улкан, рўё каби хаёлий мамлакатнинг суратига, мана шу поёнсиз тропик чангальзорлар ва ўтиб бўлмас ботқоқликлар, кўжна тубсиз учурларни кўраркан, уйрониб кетарди; бу ерларда эркаклар шунчалар жасур эдиларки, кайман<sup>1</sup>ларни қуруқ қўлда фақат битта қозиқ билан овлашарди, қозиқ кайманнинг жагига шундай усталик билан тикиб юборилардики, у оғзини ёполмайдиган бўлиб қоларди. «Мана бундай!» – деб у қўрсаткич бармоғини оғзига тиқиб, танглайига ботириб қўрсатарди.

Унинг ҳикоя қилишича, бир куни жумайи муборакда шамол гувиллаёттанини эшишиб, димогига қасмоқ ҳидига ўхшаш ғалати ҳидлар урилибди. Бундай қараса бу шамол эмас, чигирткалар булатдай бўлиб ёпирилаётган экан, пешин пайти бўлишига қаратмай қоп-қоронри бўлиб қолибди, улар йўларида нима учраса ҳаммасини кемириб кетишар, орқаларида кемириб, қиртишлаб ташланган яланғоч дов-дарахтлар, қорайган ўт-ўланлар ва йиртилиб ташлангандай ҳурпайган осмон қоларди. Ер чигирткалар ўтгач, худди энди яратилаёттандек бўлиб қўринарди, бу оғратни у яхши эсларди, қишлоқ ўйининг айвонида каллалари олиниб оёқларидан сўрига осилган хўроздарни эсларди, ерга томчилаб оқаётган қон қўз ўнгига келарди; буни у путурдан кетган эски бир қишлоқда

<sup>1</sup> К а й м а н – Жанубий Америкада тимсоҳларнинг бир тури.

кўрган, бу ерда ҳозиргина қандайдир бир хотиннинг жони узилган әди; у таъзияда бор әди; эски-тускиларга ўраб чирмалган майитни чамбарга солиб олиб боришар, у онасининг қўлидан ушлаганча чамбар ороғасидан пилдираб қадам ташларди; чигиртка булути эса худди шамолдай учгани-учган, майитнинг жасадига сонсиз-саноқсиз қасмоқлар ёғиларди. «Мана қандай әди ўша замонларда мамлакатимиз! Одамлар яқин қариндош-туруғларини ҳам тобуттга солмай кўмишар, алалхусус ҳеч нарсалари йўқ әди». У ўзини арқон билан осган бир одамни кўрди. Бу арқондан илгари бошқа бир ўз жонига қасд қилган кимса фойдаланган экан. Қишлоқ гузарининг ўртасида ўсган дараҳтда бу арқон осилиб, шамолда қимирилаб турарди. Бояги кимса ўзини осганда арқон азбаройи чириганидан шу заҳоти узилиб кетиб, бадбаҳт инсон ерга қулаб, черковга кетаёттан ҳанг-манг бўлиб қолган хотин-халажнинг кўз ўнгидага тупроққа қоришиб ағдариларди. Аммо у ўлмади. Унинг кимлиги, нимага ўзини осмоқчи бўлгани билан ишлари бўлмай, калтак билан уриб-уриб ўрнидан турғазиши. Унинг бу ерларга бегона, келгинди эканлигининг ўзи кифоя әди – улар черковга қатнайдиган ибодатгўйлар танимайдиган ҳар бир кишини бегона деб қарашарди. Мана ниҳоят уни тўқмоқлаб турғизиши, оёғига хитой кишанини уриши ва бошқа баҳтсиз кулфатзада шериклари қаторига шамол пилдираётган офтобрўяга ташлаб қўйиши. «Годо замонларида аҳвол мана шунаقا әди, ҳукуматга қараганда худо қудратлироқ әди у пайтлар!» У ҳокимият тепасига келгач, одамларни якшанба кунлари ўзини осувчилар қўрқитмасинлар деб, барча қишлоқларнинг гузарларидаги дараҳтларни кестириб ташлади, хитой кишанлари билан азоблаш, савойи қилишни тақиқлади. Тобутсиз кўмишни ман қилди, ўзи ҳокимиятта келгандан олдинги замонларни эслатадиган ҳамма нарсаларни тақиқлаб ташлади. У тоғларга темир йўл ўтказди, аҳмоқ эшаклар туфайли рўй берган фалокатлар бошқа тақрорланмасин деди. Кофе плантациялари минтақасига рояллар олиб бораётган карвон ҳалокатта учраган әди. Ўшанда ўттизта эшакда плантаторларнинг мулкларига бал-маскарадлар ўтказиши учун ўттизта рояль олиб бориш мўлжалланган әди. Бу фалокат ҳақида ҳатто хорижда ҳам жуда кўп

ёзишди, шов-шув кўтарилди. Ҳолбуки воқеанинг қандай бўлганини ёлғиз у аниқ биларди, зотан тасодифан очиқ деразадан ташқарига қараб кафвоннинг охирида бораётган эшак муз босган сўқмоқда тийғониб кетиб, орқасидан бошқа ҳаммасини эргаштириб учурга қулаганини бир зум ичидаги кўриб қолган эди. Буни фақат у кўрган эди, қулаётган ҳайвонларнинг даҳшатли ўкиришлари ва тубсиз зовга қулаётган карвон ваҳимасига жўр бўлиб роялларнинг даранг-дурунг гулдирашларини фақат угина эшигтан эди; Австриядан сотиб олинган шу ўттизта рояль кенг, унгача бўлган ҳамма нарсалар каби сирли ҳамда ақл бовар қилмас, дарасининг тубида кундузми, кечами әканлигини ҳам ажратиб бўлмас, қояларнинг ўр-ўйлари узра оппоқ туманлар тошиб кўпираётган ушбу ўлканинг жаҳаннамига учиб, гумбирлаган овоз чиқариб чил-парчин бўлиб кетди. Унинг кўз ўнгида мана шу фалокатнинг рӯёси пайдо бўларди, у нималигини ўзи ҳам ишонч билан аниқ айтиб беролмайдиган яна бошқа рӯёлар кўз ўнгига келар – унинг ўз хотироглари, ўз ҳаётининг манзаралари ёхуд бир замонлар безгакнинг алаҳисирашлари ичидаги эшигтан воқеалари таъсирида турилган суратлар гавдаланарди. Ёки буларнинг барини жамият ва сиёсатда тинчлик-осойишталик ҳукм сурган чөвларда соатлаб мазза қилиб томоша қилган саёҳат китобларининг ичидаги суратларда кўрдимикин? «Дарвоҷе, бунинг нима ҳам аҳамияти бор? Ростми, ёлғонми – фарқи нима? Ҳаммаси, ҳар қанақа шимилтириқ вақт ўтгандан кейин ростга айланади!» – деб айтарди у ўзининг чин болалиги, ҳақиқий болалик пайти умуман тутаб турган қорамол чалпакларини кўрганда қандайдир боғланишлар, сабабиятлар боис пайдо бўлиб, сўнг изсиз йўқ бўлиб кетадиган хотираларининг тубсиз сирғанчиқ балчиқларида эмас, умуман анов узоқ-узоқларда эмаслигини ўзича тушуниб етаркан. У ўз болалигини яккаю ягона қонуний хотини Летисия Насаренонинг ҳузурида илк бора бошидан кечирди. Летисия уни ҳар куни соат иккidan тўртгача чирмовуқ карнай гуллар очилиб ётган сўри тагида мактаб партасига ўтқазиб, уни ўқишиш-ёзишга ўргатарди. Бу Летисиянинг жасорати эди, бу машғулотларда зоҳида ўзининг бутун матонати ва қатъиятини ишга соларди, у әса бунга қарилкнинг бутун ҳайротомуз

сабр-тоқатини кўрсатиб жавоб берарди, ўқишига жон-дилдан берилб даҳшатли иродасини сафарбар этарди. Дунёдаги бошқа ҳамма нарсани унтиб, у ҳижжа-ҳижжалаб талаффуз қиласиди: «Ой-на ол-ди қа-ра-ғай уй-қу-си-дан уй-ғон-ғай». У ўзи-ўзи-дан масти бўлиб, нима деяётганини ҳам эшитмас ва умуман марҳума онажонисининг қушларининг тинмаган сайрашлари остида ҳеч ким ҳам эшитмас, у эса ҳеч тўхтамай такрорлагани такрорлаган эди: «Ҳин-ду и-диш-га сол-ди до-ри-ни... о-та та-ма-ки ў-ра-ди... Се-си-ли-я пиш-лоқ, са-лат, лав-ла-ти, қай-моқ, ба-лиқ, қант со-тар... Сесилия ҳамма нарсани сотади» – деб кула-кула қайтарарди у чирилдоқлар қўшиғи остида ҳозиргина зоҳида устоз ўқитувчиларга хос дона-дона қилиб ўқиб берган сўзларни; алониҳоя бутун атроф-тумонат маконлар шу муаллима овози билан тўлди ва бу уфқларга қадар ястаниб ётган ғам-ғусса диёрида ибтидоий маълум нарсалардан бошқа ҳеч нарса қолмади; фақат осмондаги ой, қўтон ва банан, дон Викторнинг ҳўқизи, Отилияning чиройли кўйлаги... – мана шуларгина мавжуд эди... У ўқиши дарсларини ҳамма ерда такрорлар, бўғин-бўғинга ажратилиб айтилаётган ибтидоий сўзлар ҳар қандай вақт, ҳар қандай ерда худди унинг суратлари каби одамларни ҳол-жонига қўймай таъқиб этарди. Голландиянинг молия вазири расмий тарзда президент қабулида бўлган пайтда Фикрларичувалиб нима дейишини билмай қолди, зоро бадқовоқ қария шойи қўлқоп кийган қўлини амrona силкиб ўзи билан бирга сўзларни такрорлаб айтишни талаб қилди: «Мен о-намни се-ва-ман... Ист-мо-йил о-рол-ни из-ла-ди... Хо-ним о-йи по-ми-дор е-ди...» Буларни талаффуз қиларкан, у худди зангула каби бармолини кўтариб гапни бўлакларга, бўғинларга ажратар, бармолини у ёқ-бу ёққа олиб бораар, унга шу сешанбага берилган ўқиши дарси вазифасини ҳафсала ва иштиёқ билан такрорларди, ниҳоят бу билан у ўз мақсадига эришди: Голландия тақдим этган векселлар бўйича тўловларни кечикиришга мусассар бўлди. «Бу ҳақда бошқа бир фурсат гаплашиб олармиз, жаноб вазир!» Кўршол, моховлар бир куни эрта тонгда ўз гул буталари тагида уйқудан кўз очишиб, уларни чўқинтириб дуо қилаётган ва худди ибодат чорида куйлаётгандай хўмрайган бадқовоқ чолни

кўриб, унинг оғзидан чиқаётган сўзларни әшигтиб лолу ҳайрон бўлиб қолдилар: «Мен ҳукмдорман – мен қонунни севаман!.. Бошир нола айлар саҳрода!.. Маяк бу – жуда баланд минора, унинг нури тунда кемаларга йўл кўрсатади!» У Летисия Насарено томонидан ўзига тортиқ этилган ишқ-муҳаббатдан, кечикиб келган бахту иқболдан масти мустафрақ бўлиб, ҳар бир сўзни уч маротабадан такрорлаб чиқди. Бутун вақтнинг ўзи Летисия Насаренога айланган әди. «Ҳаётим – борлиғимнинг Летисия Насареноси!» Туш чорининг чавақ балиқларнинг ҳидлари ёйилган, әхтиросларга тўлиқ, дим, ҳароратли, қуюқ ҳавосида, тер ҳидига фарқ тўшакда, худди тутқун кўршапалакларнинг қаноттарига ўхаш электр парраклар остида Летисия Насарено билан яланғоч ётишдан бошқа ҳеч қандай хоҳиш йўқ әди. «Сенинг нур сочган сонларингдан ўзга нур йўқ, Летисия, сенинг сифиниладиган санамлар каби қўкрагингдан бошқа яна нима бор дунёда, сенинг яssi товоnlаринг, раийон бўйларинг, узоқ Антигуа оролида январь ойида бўладиган оғир димиқтирувчи ҳароратингдан ўзга не бор, ахир? Сен қачонлардир ўша олис оролда ёғизликнинг әрта саҳарида ёруғ оламга келгансан ва чириган ботқоқларнинг дим ҳавосини шимиргансан!» Улар ҳурматли меҳмонларга мўлжалланган хосхонага кириб яшириниб олишарди, ҳеч кимсаннинг халал беришига ҳаққи йўқ, ҳеч ким хосхона әшигига беш қадам бери яқинлашишга журъат әтмасди. «Чунки мен жуда ҳам бандман – мен ўқиши ва ёзиши ўрганиятман!» Унга ҳатто сариқ безгак бутун қишлоқ аҳолисини ер билан битта қилиб ташлаётгани ҳақидаги хабарни ҳам етказишолмасди. У ўқиб-ўрганар, юрак зарблари зантула зарбларидан ҳам тезроқ урад, улар Летисиядан тараалаётган ўткир моча ислари таъсирида янада тезлашарди, у ўқиб-ўрганар ва тақрорлагани-тақрорлаган әди: «Ли-ли-пут бир оёқ-да ўй-най-ди! Э-шак та-шир юк! Оти-ли-я ю-вар рў-мол! Худди мол дегандай охириг бўғин «о» билан ёзилади!» Бу орада Летисия ишқий әрмаклар пайтида булгаб ташлаган чойшабларни алмаштириб янгисини соларди, уни илиқ ваннага тушириб, атиросувн билан совунлаб, чипта билан ишқалаб, шифобахш япроқлар ивитилган сувни бошидан қуийб чўмилтиради. У билан бирга доналаб тақрорларди: « «X» ҳарфи

мана бундай сўзларда ёзилади: хор, хин-эир, хип-чин! Кейин Летисия унинг ғичирлаб қолган оёқ тўпиқларига какао урувларидан тайёрланган мой суртар, доим белбанд тақиб юрганидан ем бўлиб кетган терисига ёф суреб ишқалар, унинг сўлғин орқасига худди ўш боладай талк кукунини сепарди ва яна она-лардай шапатилаб уриб-уриб ҳам қўярди: «Мана сенга Голландия молия вазирини майна қилганинг учун! Мана сенга! Мана сенга!» Шундан сўнг у шўрлик монахларнинг мазхабларини мамлакатга қайташишнинг пайида бўлар, сен уларнинг қайтишига ижозат бериб ўз гуноҳингни ювишинг керак, деб қулоғига қўярди. Ахир кимдир етимхоналар, касалхоналар ва бошқа худо йўлига қилинадиган хайрли ишлар билан шуғуллашиши ҳам керак-ку. Аммо бунда ҳўмрайган, ўла қолса ҳеч бир нарсани эсидан чиқармайдиган баттол кекчи чонни кўндириш осон эмасди. «Ҳеч қачон!» Ўзи шахсан қабул қилган бир қарорни бутун дунёning кўз ўнгидаги ўзгартиришга уни мажбур қилалигиган куч дунёда йўқ эди, бироқ Летисия ишқий ўйинларнинг ҳансироқлари ичидан ундан сўрашни қўймасди: «Фақат бир нарсани сендан сўрайман, ҳаётим, фақат бир нарсани! Мана шу шўрлик миссионерлар қайта қолишин, улар ахир бир чеккада яшашган, сенинг ишларингга ҳеч қачон аралашибмаган!» Аммо у одатдагидай ўз ҳирсини апил-тапил пихиллаб қондираркан, шундай деб жавоб берарди: «Асло, асло, севгилим, узун юбка киядиган бу шайтон галаларини қайташишга рухсат бергандан кўра менга ўлган афзалроқ, улар әшаклар ўрнига ҳиндуларни эшак қилиб миниб юрадилар, икки пулга қиммат шиша мунҷоқларни олтин наригер<sup>1</sup> ва арракада<sup>2</sup> ларга алиштириб оладилар, йўқ, асло, асло рози эмасман!» Летисия бунга жавобан унинг ҳирадик билан қиладиган жинсий ҳоҳишлиари ни адо этишга сира шошилмас, ҳирсини қондиритишига йўл бермас ва ялиниб-ёлворишини тўхтатмасди, рӯҳонийларга ҳукумат мусодара қилган диний мактабларни қайтариб бериш, черков мол-мулкларини хатлаб қўйишни бекор қилиш, черковга унинг

<sup>1</sup> Наригер – бурунга тақиладиган булоқи.

<sup>2</sup> Арракада – осмали зирак.

қанд заводлари ва казармага айлантирилган ибодатхоналарни қайтаришни сўрагани-сўраган әди.

Бундай пайтларда у жаҳл билан тескари ўтирилиб ётиб оларди: «Сенинг тубсиз муҳаббатингнинг ширин азобларидан воз кечганим бундан кўра яхшироқ, лекин ҳеч қачон худонинг бу қароқчиларини кечирмайман, уларга ён босмайман, бу калхатлар ваттанинг жигар-бағрини неча асрлардан бери чўқиб ётади. Ҳеч қачон! Уларни қайтармайман!»

Лекин улар барибир қайтиб келишди, жаноб генерал!

Улар ўлкага әнг тор, кўзга кўринмайдиган тирқишилардан кириб келишар, сизнинг овлоқ ҳуфия кўрфазлар орқали секин ҳамда яширинча қайтиш тўғрисидаги махфий кўрсатмангизни бажаришарди. Летисия кимни илтимос қилган бўлса, бари қайтиб келишарди, уларнинг ҳаммаларининг кўрган заарларининг ўрни ошиги билан тўланди, ундан сўнг черковга унинг мусодара этилган мол-мулклари қайтариб берилди, фуқаролик никоҳи ва ажralиш ҳақидаги қонунлар, мактабни черковдан ажратиш тўғрисидаги қонун бекор бўлди – умуман, Бендинсон Альварадони – жойи жаннатда бўлсин! – авлиё деб таниш рад этилгандан кейин бунга қасдма-қасд қабул этилган барча қонунлар бекор бўлди. «Сенга яна нима керак?» Бироқ Летисия Насаренога керак бўлган нарсаларнинг сон-саноги йўқ әди. У бир куни сўради: «Қорнимга қулоғингни қўй, бағримда ўсаёттан боланинг овозини эшит». Унинг ўзи ичидан, батнидан келаётган бу овоздан қўрқиб қолган әди. Унинг қурсоғидаги гумонани ўраб-чирмаган муборак сувларда, гумонанинг сокин жаннатида янги бир ҳилқат ғимирламоқда әди. «Сенинг мағзинг», – деди Летисия ва у яхшироқ эшитадиган, камроқ шангиллайдиган қулоғини унинг қорнига қўйди ва шунда ўз боласининг юраги қандай ураёттанини эшитди. «Бизнинг худо олдидаги гуноҳимизнинг меваси, -- деди Летисия, -- бизнинг гуноҳкор севгимизнинг боласи, бизнинг ўғлимиз, унга Эммануэл деб от қўймиз, зотан бу илоҳий от. Унинг манглайида асиł зотининг белги нишонаси ярқираб туради, онасидан ўзини фидо қилишни мерос олади, падаридан – улуғворликни ва у бамисоли отаси сингарни бутун борлиқнинг номукаммал етакчиси бўлади, шу билан

бирга уни осмон қарғар ва она юрти бадном әтажак валади зино каби агарда бузруквори шунча йиллар қабоҳат, ношаръий алоқа, шаккоклик бўлиб келган нарсани меҳроб олдида алқаб, табаррук айламасал» Шунда у тўшак узра тортилган парданинг тўрларини улоқтириб ташлаб, ўрнидан сақраб турди, унинг кўкси худди катта кеманинг қозонидай қайнаб тошди, бағридан қаҳро тўла бир нидо отилди: «Ҳеч қачон! Ўлсам ўламанки, уйланмайман!» У ўзига ёт бўлиб қолган боргоҳнинг залларида баҳайбат оёқларини дупур-дупур босиб чиқиб кетди. Аммо Бендинсон Алварадонинг вафоти муносабати билан тутилган расмий мотамнинг ниҳоясиз узун кечаларидан сўнг сарой яна аввалгилардай улуғворлик касб этиб порламоқда әди. Деразалардан мотам дарпардалари чурук латтадай итқитилди, бўлмаларга ёруғлик оқиб кирди, очилган ойналардан денгиз еллари ёпирилди, айвонларда гуллар очилиб ётарди, ҳарбий машқлар чалинарди, буларнинг барига у гарчи буйруқ бермаганди, лекин буйруқ бермаса ҳам, бари унинг йўл-йўриғига мос әди: бунда албатта унинг вазмин қатъияти ва эътироэга ўрин қолдирмайдиган ҳукм-ҳуккаси зухур этарди. «Розиман!» Бошқа бир буйруққа биноан – бу ҳам у томондан берилмаган, лекин унинг розилиги олинган әди – ёпилаёзган ибодатхоналарнинг эшиклари очилди, монастырлар ва мозорлар табаррук падарларнинг ихтиёрига берилди, черков байрамлари ва Буюк Рўза тикланди – айвонларнинг ланг очиқ эшикларидан сажда қилаётгандарнинг кўйлаганлари барадла эшитиларди, улар яқин-яқинларда уни мадҳ этиб кўкларга кўттарар, эндиликда эса мамлакатга Раббим Лиқосининг кириб келиши муносабати билан шодиёна қиласидар. Раббим Лиқосини Летисиянинг кўрсатмасига кўра кемага солиб олиб келинди, бу Летисиянинг хосхона оғушида дунёга келадиган ва унинг ўз оғзидан эшитиладиган кўрсатмаларидан бири әди. У эса буларни худди ўзининг фармойишларидай кўрсатиб, ҳамманинг ўртасида маъқуллашга мажбур бўлар, бошқаларнинг кўз ўнгига ўз обрў-эътиборини сақлаш учун уларнинг бажарилишини талаб этарди. Летисия диндорларнинг бошкети кўринмайдиган юришларини ҳаракатга солиб турувчи яширин куч әди. Бузрук ўз ойнасидан туриб уларни ажаб-

ланиб томоша қилас, улар илгари Бендинг Алварадонинг хоки пойига сифиниш учун келган мутаассибларнинг тўдаларига қараганда, хийла гавжумроқ, хийла оммавийроқ тарзда ўт-ётганлиги эътиборини жалб этарди. Бендинг Алварадонинг хотираси ҳар турли йўллар билан ўчириларди, яна ўша-ўша диндорларнинг галалари унинг никоҳ лиboslarinинг чуварнингдилари ва суюкларининг хокини шамолга совуришди, унинг номи ёзилган қабрининг лавҳаси мақбарнинг деворига тескари қилиб ўрнатилиб маҳкаммаб ташланди, ишқилиб ҳеч нарса чумчуқ-мусичаларни худди зарфaldoққа ўхшатиб бўяган ва умр бўйи мўйқаламини қўлдан қўймаган марҳума қушчи хотинни эслатиб юрмаса бас әди. «Буларнинг бари сенинг буйргуринг, сенинг амринг, хоҳишинг билан бўлди, чунки сен менга бўлган муҳаббатингта бошқа биронта аёлнинг хотираси соя солишини истамадинг, сен менинг оҳу надоматим манжалалақининг қизи Летисия Насарено!» Уни Летисия Насарено инсон энди ўзгармайдиган ёшда ўзгартирди, бундай ёшда эҳтимол фақат ўлим одамни бошқача аҳволга солади, уйланиш масаласида ранг-баранг кўрпатўшак ўйинлари билан унинг қаттиқ қаршилигини синдириди, «ўлсам-ўламанки, уйланмайман», деганга ўхшаш болаларча қайтарлигини енгди. «Эскиси қоронгуда адашиб қолган қўзичоқнинг қўнғирофидай осилиб қолибди», деб янги белбанд тутишга кўндириди, гўзаллик маликалари билан биринчи вальсга тушганда кийган локланган ялтироқ этикларини кийдирди, унга Буюк Адмиралнинг ўзи совфа қилган ўла-ўлгунча тақиладиган олтин нағални олий ҳокимият рамзи сифатида чап этигининг қўнжига қадаб юришга мажбур қилди, эполетлари худди тош ҳайкалницидай оғир, тилло иплар билан тикилган, позументлар билан безатилган, у аллазамонлардан бери киймай қўйган кителни зўрлаб кийдирди, эй, ўша замонлардами у ҳали ёргунёни айланиб юарди, ҳали уни президент каретасининг дарчасида ўй-хаёлга боттан юзини, маҳзун қўзларини, шоҳи қўлқоп тақсан қайгули силкинган қўлларини қўз учидага кўрса бўларди; ҳа, яна уни әркаклар атрини сепишга, жанговар қиличини белига боғлашга, барча нишонлари ва жумладан, черковга мусодара этилган мол-мулкларини қайтариб бергани учун Рим папаси тақдирлаган

Раббимиз Тобути ордени кавалери лентасини тақишига кўндириди. «Сен мени худди ҳуққабознинг қўғирчоғидек ясатиб қўйдинг!» Мана шу алфозда уни эрталаб барвақт хира қоронғу кенгашлар залига етаклаб борди, бунда деразалардаги сўлиган апельсин шохчалари ва ёниб битган шагамларнинг мўмларидан одам ўлган жойнинг ҳидлари анқирди, уни ҳеч бир күёв маҳрамлар ва гувоҳларсиз бир ўзи етаклаб борди, зоҳиданнинг никоҳ рўмоли билан бўйнидан боғлагандай қилиб борди; у дўмпайған қорнини икки қават юбка остига яширган эди; остки қавати дағал, қалин, худди ганч шинаси каби қаттиқ каноп газмол, устки қавати – шилдироқ муслиндан тикилган эди. Қурсоғидаги ношаръий гумонаси етти ойлик бўлиб қолган, шунинг учун у ўз шармисорлигини яширишга тиришарди. Нимқоронғу тантаналар зали атрофида кўзга кўринмас одамлар уммони у ёқдан-бу ёққа чарчашиб нималигини билмай кезинар, оломоннинг яқинлигидан икковла-ри терга боттанча карахт бўлиб туришарди. Залга олиб борадиган барча йўллар тўсилган, барча чиқиладиган ва кириладиган жойлар беркитилган, деразалар давлат герби туширилган матолар билан тўсилганди – зал кимсасиз, ўлик бўлиб кўриниши керак эди, зоро никоҳ дунёдаги энг буюк сир бўлиб қолиши, у ҳақда бирон-бир зот билмаслиги керак эди. Летисия ҳаво етишмай бўғилар, қурсоғининг қоронғу саёз сувларида сузиб юрган тезпишар гумонасининг сабрсиз тепки ва туртинишларидан бехуд бўларди – бу унинг нишонаси, унинг ўғилчаси. «Ахир сен ўзинг уни ўғил бола бўлишини хоҳладинг!» Кўрингки, ушбу ўғил болакай унинг батни қаърлари қоронғусида худди тантанали либослар кийган архиепископ Раббимизга ҳамду сано ўқиёттандек, сирли бир сас чиқариб куйларди – бу овознинг қаердан чиқаётгани, қаердан келаёттанини билиб бўлмас, у шунчалар секин эдик, йўлакларда эшиклар олдида мудраётган тунқаторлар ҳам эшиштишмасди. Шу билан бирга қурсоғидаги болакайнинг қўрқиши – адашиб қолган ғаввоснинг қўрқиши – худди архиепископнинг қўрқинчи каби қоронғу эди; архиепископ ҳайбатли қариядан: «Сен Летисия Мерседес Мария Насаренони хотинликка олишга розимисан?» – деб сўрашга мажбур бўлганда, юраги бамисоли қини-

дан чиқиб кетиб, омонатини худога топширишига оз қолди. У кимниди хотин қилиб олишга рози эканлигини сўрашга шу пайттacha ҳеч ким журъят этмаган ва бундан кейин ҳам журъят этмайди! Алал-абад ҳеч ким! У жавобан кўзини оҳиста юмиб қўйдиди, деди: «Розиман!» Шунда юраги бир гурс этиб урди ва кўксидаги нишонлар эшитилар-эшитилмас зингиллаб кетди. Аммо «Розиман!» деган сўз қаттий эшитилди ва шу заҳоти Летисия Насарено қурсоғидаги баттол бола гумонани қуршаган сувларда ўзини дарҳол тўла ўнглаб олди-да, ёруғ дунё сари шошилди. Летисия бирдан етти букилиб қолди-да, ҳиқ-ҳиқ йиғлаб пичирлади: «Э раҳмдил худойим, нафсоний эрмаклар учун сенинг муқаддас аҳкомларингни бузган мушфиқ бандангта ўзинг раҳм эт. Неки жазо берсанг, розиман, худойим!» Шундай деб у қўл бармоқла-рига кийган тўр митай<sup>1</sup>ларни шариллатиб йиртиб ташлади, шу билан тос суякларининг қисирлаган овозларини андак босгандай бўлди, чўнқайиб ўтириди-да, икки қават юбкасининг чалкаш этаклари орасидан ўзининг чала ҳаромзодасини пўрт этиб ташлади. Чақалоқ шунчалар ночор ва катта-кичиклиги чала бузоқчадай эди. Летисия чақалоқни ердан кўтарди, шошилинчда бу ерга қўйилган меҳроб атрофида ёнаётган шамларнинг ёруғида унга дикқат билан тикилиб қаради-да, чақалоқнинг ўғил эканлигини кўрди. «Сизнинг айттанингиз бўлди, жаноб генерал – ўғил бола!» Чақалоқ ориқ ва қошиқдаккина эди. Олдиндан ният қилингандай у Эммануэл деган илоҳий номни олишга мусассар бўлди, лекин уни ҳеч нарса билан шарафлай олмади. Бироқ шу ондаёқ барча ваколатлари ва имтиёзлари баробарида унга дивизия генерали унвони берилди, отаси уни қурбонлик тоши узра қўйиб, ўз қиличи билан киндигини кесаркан, уни бирдан бир қонуний ўғли деб эълон қилди. «Ҳазрат падарим, уни чўқинтиринг!»

Ушбу фавқулодда воқеа янги давронинг дебочаси бўлиб, жуда расво замонларнинг бошлангаётганидан дарак берди. Бу замонлар тонг қоронғусидаёқ тўсиб қўйиладиган кўчалар билан эсда қолди. Ҳарбийлар одамларни айвон ва деразаларни маҳкамлаб ёпиб

<sup>1</sup> Митай – қўл бармоқларига кийиладиган икки томони очиқ аёллар қўлқоти.

қўйишга мажбур қилишарди, миљтиқларнинг кўндоқлари билан уриб бозорчиларни ҳайдашарди, эшиклари олтин қабзалар ўрнатилган ялтироқ зирҳли лимузин қандай пайдо бўлиб, қандай учуб ўтиб кетишини бирон зот кўрмасин дейишарди, тақиқларга қарамай том бошига биқиниб чиқиб юрак ютиб мўралаб қараганлар бу ҳукуматга тегишли, президентнинг шахсий лимузини эканлигини кўрар, лимузин ичида эса ҳарбий кийимдаги кўхна қария эмас, паст бўйли собиқ зоҳида ўтирганига кўзлари тушарди, у бошига ясама гуллар тақилган похол шляпа кийиб, бўйни ва елкаларига қорабурул тулки мўйнасини бир нечасини устмавуст ташлаган бўларди – ҳаво жазирاما иссиқ бўлса чикора! Ҳар чоршанба куни эрталаблари бозор дарвозаси олдида унинг лимузиндан тушишини томоша қиласдик – у қошиқдаккина дивизия генералини етаклаб бир тўп соқчилар қуршовида бозорга кириб бораарди; ўша пайтлар ўғли уч ёшларга етиб-етмаган, олтин ҳаллар билан тикилган тантанали ҳарбий мундирда у худди қиз болага ўхшар, шунчалар нозик ва әрка әди. Мундир унга қуйиб қўйгандай ярашган, бамисоли она қорнидан мундир кийиб тушгандек әди. Бу мундир, бу либосларни у ҳали тиши чиқмасданоқ кия бошлаган, Летисия уни расмий маросимларга коляскада олиб келадиган ва бунда у падарининг вакили тарзида иштирок этадиган бўлгандан бери ва онасининг тиззасида ўтириб ўз қўшинларини кўриқдан ўтказадиган бўлгандан бери шу кийимларни кия бошлаган әди; гандбол ўйинидан кейин онаси шовқин-суронга тўлган стадионда боши узра баланд кўтарганда ва томошабинлар навниҳол дивизия генералини гулдурос қарсаклар билан олқишлигандан, у мана шу либосда әди. Миллий байрам муносабати билан намойишда очиқ автомобиль ичида она қўкрагини эмганда у мана шу либосда әди. Ҳудди бузоқча каби сутга тўлган маммага ёпишган гўдаккина генерални томоша қилаётган ва ҳадеса кўз қисишиб, им қоқишиб қўйишаётган сарой аъёнларининг ришва кулгиларига Летисия эътибор бермасди. Бошқаларнинг ёрдамисиз ўзини эплайдиган бўлганидан бери у дипломатик қабулларда қатнашади, ушбу қабулларга у фақат мундирдагина эмас, жанговар нишонлар ҳам тақиб келарди, уларни отасининг орден солинган қутисидан ўзи танлаб

оларди; бола жиддий, ғалатироқ әди; олти ёшда жамиятда ўзини қандай тутишни билар, катталар билан ўзини тенг тутиб суҳбатлашар, бокалдан шампан ўрнига мева шарбатини ҳўплаб қўярди. Гарчи бу фазилат кимдан ўтганлигини аниқлаб бўлмаса ҳам, у жуда ҳам назокатли әди. Рост, бот-бот шундай ҳам бўлиб турардики, гўё тантанали залга қора булат бостириб киргандай бўлиб, қабул маросимига бирдан совуқ тушарди: энг олий ҳокимият шарафига муяссар бўлган шаҳзоданинг ранги бирдан ўчарди-да, эснай бошлар, кўзини уйқу босар ва ухлаб қоларди... Шунда вақт таппа-тақ тўхтарди, гап-сўзлар ярмида узилар, ҳеч ким қимир этмас, зални шивирлаган овоз босарди: «Жим, кичкина генерал ухляяпти!» Кейин адъютант уни қўлда кўтариб ўзига зеб берган қотиллар, кеккайган димоғдор хонимлар орасидан олиб ўтиб кетарди: «Вой ёмон бўлди! Агар олий ҳазратлари билсайди!» – дея эшитилар-эшитилмас шивирлашарди хонимлар истеҳзоли табасумларини укпар елпигичлари билан яшириб. Генералнинг ўзи эса гўё ўзини ҳеч нарсани билмайдигандай қилиб кўрсатарди, майда турмуш икир-чикирларининг менга ҳеч қандай дахли йўқ, болакайнинг баъзи қилиқларига эътибор бериб ўтириш менинг обрў-эътиборим, улуғворлигимга ярашмайди, деб ўзини ишонтирган әди. Ўз пушти камаридан бўлган сонсиз-саноқсиз фарзандлар ичидан шу ўғлини ўзининг бирдан-бири меросхўри деб эълон қилган әди, шунингдек, у Летисиянинг ҳаддан эйёда даъво-достонларига эътибор қаратиб ўтиришни ўзига номуносиб, ярашмайдиган иш деб биларди. Шундай қилиб, Летисия ҷоршанба куни эрталаблари ўзининг қўғирчоқ генералчасини етаклаб бозорга кетарди, уни аскархонанинг ошпаз хотинлари ва деншчик мундири кийган ашаддий каллакесарлар кузатиб, қўриқлаб боришарди. Булар әрта тонгнинг гаройиб ёлқинларида Кариб дengизининг чексиз мавжларида қуёш чиқишидан бир зумгина олдин хаёлда туғиладиган аллақандай рӯёлар, қандайдир шарпалар каби туюларди. Улар кичик қўрфаэнинг сассиқ сувига тиззагача ботиб кириб боришар, елканлари ямоқ-ямоқ бўлиб кеттан кичкина кемачаларга кўтарилишар, уларни талон-торож қилиб қийрата бошлашарди. Бу ер илгарилар қул савдоси ўтадиган порт бўлиб,

кемачалар эндиги замонларда Мартиникадан гуллар, Парамарибо-дан зиравор занжабил келтиришарди. Бояги зердастлар йўлида нима дуч келса ва кўзи нимага тушса, барини талашар, ўлжага зўравонлик билан чангл солишар, балиқчиларнинг ҳамма ўлжала-рини тортиб олишар, ҳатто сотиш учун келтирилган чўчқаларнинг олдига ташланган чикинди балиқдарни ҳам қўйишмасди, улар чўчқа-ларни қўндоқлар билан уриб-суреб, анов алмисоқдан қолган, жуда узоқ, ҳатто тарихдан ҳам илгариғи ўтган замонларда қуллар тор-тилган, лекин ҳали-ҳануз ишлаб турган тарозилар олдида мана шу ташлаб юбориладиган чавақ балиқларни ҳам олиб қўйишарди, э, булар бузруккача бўлган вақтлар эди, у даврларда Сенегалдан олиб келинган беҳад гўзал чўри қизни мана шу тарозуда тортишиб ки-мошди савдосида сотишган, унга тўланган олтиннинг вазни қизнинг вазнидан оғирроқ келган эди.

«Улар ҳаммасини шипшийдам қилиб талашди, жаноб генерал! Мўр-малаҳдан ҳам баттар, тўфондан ҳам баттар!» Аммо буэрук айниқса манави ва ўтган чорсанба кунлар у ҳатто ўзига эп кўрмай-диган нарсаларга Летисия йўл қўйгандан кейин муқаррар суратда етилиб келаётган жанжал олдида ўзини сипо ва вазмин тутарди. Летисия товуқлар ва сабзавот сотиладиган расталарга шитоб би-лан кириб борар, бир гала дайди ит лайчалар унинг бўйнидаги қорабурул тулки мўйналарининг шишадай йилтираган кўзларидан қаттиқ жазавага тушиб акиллашганча унга әргашардилар, бироқ Летисия уларга заррача эътибор бермай савдо залининг баҳайбат равоқлари остидан бурнини баланд кўтариб, кибру ҳаво билан юриб борарди. Равоқларни бадий безаклар билан қуюлган те-мир устунлар тутиб турар, равоқлар остида эса темир шохаларига сариқ ойнадан ясалган улкан япроқлар, пушти ойнадан улкан ол-малар ва зангори ойналардан тўкинлик мугузлари ясаб ўрнатил-ган, улар наботот дунёсининг фусункор ноз-неъматлари билан тўлдирилганди. У энг ширин, сара мева-чевалар ва энг диркил-лаб турган сабзавотларни танлар, лекин қўлини теккизиши ҳамо-ноқ улар ўз таровати ва кўринишини йўқотар, ажабки, нимага қўл урмасин, бари ҳаромга чиқар – ҳар қалай унинг қўлида шундай хусусият бўлиб, бундан ўзи ҳам бехабар эди. Унинг қўли тегса,

янги ёпилган нон могорлаб қолар, унинг тилладан ясалган никоҳ узуги ҳам қорайиб кеттанди. Лекин унинг ўзи буни тан олмас ва сотувчилар билан жанжаллашарди, сиалар яхши, тоза молларингизни беркитиб, менга энг паст, ёкирганларини кўрсатяпсиз, дерди. «Шу ҳам манго<sup>1</sup> бўлдими, бор буни чўчқаларинга бер! Муттаҳамлар! Менинг бурнимга манов айамани<sup>2</sup> тикиштиришини қаранг, мени эшитмаяпти дейсанми, бунинг машшоқнинг бўш калласидай хуштак чаляпти!» Кейин бозорнинг нариги чеккасидан унинг шантаглабини эшитиларди: «Шуми ҳали мол гўштинг! Суюқлар! Гўшт эмас, қуртлаган таппи! Қайси аҳмоқ уни буқанинг қовурғаси дейди, ўлат теккан эшак гўштининг нақ ўзи, итваччалар!»

Ошпаз хотинлар ва хизматкорлар катта-катта саватлару тоғораларини йўлларида дуч келган нарсалар билан лиқ-лиқ тўлдирмагунларича, у шундай шовқинлай берар ва охири овози хириллаб бўғилиб қоларди. Летисиянинг худди қароқчилардай қичқириқлари ит галаларининг акиллашларидан ҳам ўткирроқ әди, улар Шаҳзода Эдвард оролидаги қор босган тулки уяларининг ҳиди келиб турган қорабурул мўйналарнинг думидан тишлаб тортиш пайида бўлишарди. Летисия қорабурулларни бу оролдан тириклай тутиб келишларини талаб қиласарди. Летисиянинг сўкиш ва қарғашлари эса анов гапиришга ўргатилган нотиқ гуакамая тўтиларининг киноя-кесатиқли лукмаларидан ҳам оҳанжамалироқ ва сассиқроқ эшитиларди. Тўтиларнинг эгалари уларга ўзлари Летисиянинг баҳарасига қараб жон-жон деб айтишни истаган сўзларни қичқириб айтишни ўргатишарди: «Летисия – ўғри хотин! Роҳиба – фоҳиша!»

Тўтилар бу сўаларни темир устунларнинг темир шохаларидаги, равоқлар остидаги чанг босган шиша япроқларда ўтириб бор овозларини қўйиб қичқирадилар, бу ерда улар ҳар чоршанба эрта тонгда канда бўлмай тақрорланадиган, ўша қароқчилар босқини, ўша ваҳшиёна буқанер самбапалоси<sup>3</sup>дан амин әдилар, уларга буларнинг қўли етиб боролмасди. Жимит соxта генералнинг шўх-

<sup>1</sup> Манго, <sup>2</sup> айама – тропик мевалар.

<sup>3</sup> Самбапало – кўхна жазава рақс.

шаддод болалиги мана шундай ўтмоқда эди, у ўзини эр еттан йигитдай қилиб кўрсатишга қанча кўп уринса, овози шунчалар ширин ва майнин, хатти-ҳаракатлари эса шунчалар инжава но-зик тортар, боз устига ясама қироллар тақадиган кичкина қиличи ҳам ерда диринглаб судралиб борарди.

У мана шу талончилик рўй берәётган бозор издиҳоми аро ҳеч нарсани мутлақо парвойига келтирилмас, ўзини вазмин, хотиржам, виқор билан тутар, унда туғма олижаноблик, оқсуяклик акс этиб туриши учун онаси шундай ўргаттан эди. Ҳолбуки Летисиянинг ўзи эса айни пайтда қутурган қанжиқдек қаҳру ғазабга миниб ҳамма нарсаларни бозорнинг балчигига отиб булғар, гулдор рўмол ўраган ҳаммасига парвойи палак боққан қари кампирларнинг кўз ўнгидаги оғзидан ҳадеса боди кириб шоди чиқарди. Кампирлар унинг шангиллаб қарғанишларини бамайлихотири әшитиб ўтиришар, елпигичлари билан хотиржам елпинишиб, унинг виждонсизларча қилаётган талончилигини кузатишарди. Тошсанамлар каби бепарво лоқайд ўтирган бу кампирлар ҳатто кўзларини лоқал бир очиб ё бир юмиб қўймас, думалоқланган тамаки япроқлари, коки<sup>1</sup> данакчаларини тинмай кавш қайтаргандай чайнашаркан, чамаси, нафас ҳам олмаётганга ўхшардилар. Гёё шу тинчлантирувчи гиёҳни чайнасалар, бу шармандали талончилик, бу ҳаддан ошган шармисорликка сабр-тоқат билан чидашга, уни ўтказиб юборишга кўмаклашадигандай, дардларини енгил қиласигандай эди. Буларнинг бари ниҳоят шу билан тугардики, Летисия Насарено ўзининг бутун гумашталари куршовида, нобакор жимит генерал-часининг қўлидан етаклаганча туклари тиккайиб тинмай ириллаган итларга қарамай бозордан чиқиб кетар ва қичқириб қўяди: «Ҳисоб қилиб беринглар. Пулинни ҳкумат тўлайди!»

Кампирлар әшитилар-әшитилмас шивирлашарди: «Ҳудойим-еъ, буни генерал билсайди! Қанийди бир мард чиқиб унга айтса!» Бечора кампирлар бузрук ўла-ўлгунча ўзини бутун дунёга шармандаи шармисор қилган, ҳамма биладиган нарсалардан бехабар кетди, деб ишонишарди: ҳар ҳолда Летисия Насарено ҳиндилар-

<sup>1</sup> Коки – кокаин олинадиган ўсимлик.

нинг дўконларидан хунук шиша оққушлар, зиҳи чиганоқ парчалири билан жилолантирилган кўзгулар ва маржондан ясалган қулдоналар, шомликларнинг дўконларидан мотам ленталари ясаладиган тафта газламалар, шаҳарма-шаҳар юрадиган заргар бозоргонларнинг пештакталаридан эса ҳовуч-ҳовуч олтин балиқчалар маржонларини ва муштга ўхшатиб ишланган туморларни талаб олиб кетарди. Заргарларнинг унинг орқасидан қичқириб қолишдан бошқа чоралари қолмасди: «Сен бўйнингда осилиб ётган қорабура Летисия тулкилардан баттаринроқ тулки экансан!» У тўймас кўзлари нимага тушса, барини йигиштириб кетарди: бинобарин зоҳида бўлиб юрган пайтларидан бери сақланиб қолган бирдан-бир нарса – эҳтиёжи бўлса-бўлмаса тиланчилик қилишдек бефайз, фаросатсиз ҳирсини қондиришга интиларди. Лекин фарқи шунда эдик, агар илгари ёсуманлар очилиб ётган вице-қирол маҳаллаларида майд-чуйда нарсаларни тиланиб юрган бўлса, энди катта-катта ҳарбий фургонларни ўзига ёқкан нарсалар билан лимлим тўлдирап ва ҳисоб-китобини ҳукумат билан қиласизлар, деб кетаверарди. Бу «худонинг даргоҳидан оласизлар ҳақларингизни» дейиш билан баробар эди. Чунки анча вақтлардан бери ҳеч ким ўша ҳукуматнинг ўзи борми-йўқлигини билмас, зеро у шарпадай бўлиб қолган эди. Биз де Армас майдони олдидағи тепаликда қалъя деворларини кўрардик, бир маҳаллар тарихий балконидан нутқлар сўзланган, деразаларига тўр дарпардалар тутилган, токчаларида гултуваклар ўрнатилган Ҳукумат Уйини кўрардик. Кечаси бу уй осмонда сузиб бораётган кемага ўхшар, у шаҳарнинг ҳар қандай нуқтасидан ва шу билан бирга денгизда етти чақирим наридан кўзга ташланиб турарди. Уни оқ рангта бўяб, таникли шоир Рубен Дарионинг келиши шарафига дум-думалоқ фонарлар билан ёритила бошлагач, у мана шундай узоқ-узоқдан кўринадиган бўлиб қолган эди. Лекин буларнинг ҳаммаси бир бўлиб ҳам бизни президент мана шу оппоқ деворлар орқасида, ўша Ҳукумат Уйида, ўз саройида истиқомат қилаётганига унчалар ҳам ишонтиравермасди. Аксинча, буларнинг бари хўжакўрсинга қилингапти деб айтишга бизда асослар бор эди, назаримизда ҳарбийлар девор орқасида ҳаёт бир маромда давом этяпти

деган таассурот туғдириш ва урчиётган турли-туман мишишларни йўққа чиқариш пайида бўлардилар; ростдан ҳам, президент қариб-чуриб худо-олло деб хилватни ихтиёр этибдир, дунёу давлатдан, неъматлар ва имтиёзлардан воз кечибдир, ўз бўйнига кафорат олибдир: қолган умрини хокисорликда ўтказармиш, жун чакмонлар киярмиш, нафсини турли темир ускуналар ёрдамида тиярмиш; яна бир гап-сўзларга қараганда у фақат қора нон еб, фақат қудуқ сувини ичаётганмиш, бискай аёллар хонақоҳидаги бир ҳужрада қуруқ ерда ётганмиш; хотин кишини унинг хоҳишига қарамай алоқага зўрлаганининг оғир гуноҳини, роҳибдан бола орттиришдек зил-замбил гуноҳини ювмагунча шу ҳасратда кун кечиравмиш; манав манжалақини қаранглар-а, фақат раббим-худойим йўл бермади, бўлмаса аллақачонлар барча олийнишон орденларни ҳам олиб бўларди! Аммо мишишлар ўз йўлига, бузрукнинг бепоён ғамзада салтанатида ҳамма нарсалар илгари қандай бўлса, шундай борар, чунки унинг ҳокимиятининг калити Летисия Насаренонинг қўлида эди, бинобарин, ҳисоб-китобингизни ҳукуматта беринг, деганида ҳар сафар президентнинг амр-фармони шундай, деб қўярди. «Ҳисоб-китобингизни ҳукумат билан қилинг!» Олдин бу гап қандайдир бир ҳақ олишга андак илинж уйғотар, лекин кун ўтган сайин умидлар барн сўниб битмоқда эди. «Ҳисоб-китобингизни ҳукумат билан қилинг!» Ниҳоят, кунлардан бир кун анча йиллар ўтгандан сўнг моллари қарэга олингандарнинг журъатли бир тўдаси президент саройининг қорувулхонасига бир чамадон ҳисоб-китобини кўтариб боришиди. Энг ажойибини кўрингки, ҳеч ким бизга на «ҳа» деди ва на «йўқ». Навбатчи бизни одмигина қабулхонага олиб кирди, бу ерда бизни анча-мунча назокатли ва анча-мунча ёш бир офицер кутиб олди, у яхши одоб-икром кўрсатиб, табассум қилиб, илтифот билан бир қадаҳ қаҳвага таклиф этди. «Бу президентнинг ҳосилидан, сений орлар!» – деди у. Кейин у бизга деразаларига сим тўрлар тугилган ва шипига шамолпарраклар ўрнатилган, яхши ёритилган оппоқ хоналарни кўрсатди: бу хоналар шунчалар ёруғ ва тоза, атрофимиздаги ҳамма нарсалар шу қадар инсонийлик билан йўғрилган эдики, ҳар биримиз ўз-ўзимиздан лолу ҳайрон бўлиб сўрадик:

«Қани ҳукуматнинг инқироз нишони? Қани унинг атири-упа сепилган уфунатлари? Ахир, ўз вазифасини шовқин-сурон солмай, шошилмай қилаётган, ипак кўйлаклар кийған амалдорлар еб тўймас юҳо ва раҳм-шафқатсиз жаллод бўлиши мумкинми?» Бу орада ёш офицер бизни яна нарироқларга олиб борди: у бизга мўъжазгина ички ҳовлини кўрсатди: бу ерда Летисия Насарено узоқ гариб хоналарга жон таслим қилиш учун жўнатилган кўр-шол, моховларнинг оғир наҳс нафасидан эрталабки ҳаво ва эрталабки шудрингни тозалаш учун барча гулбуталарини қирқтирган ва қайчиллатган эди. Офицер бизга яна бир маҳаллар чўри қизлар турган, худди товуқхонага ўхшаш дориложизинни кўрсатди, занглашган тикув машиналари, темир каравотларни кўрсатди, уларда чўри қизлар иккитадан, ҳатто уттадан бўлиб ётишганди, ёш офицер бу шармандали каталаклар, бу ожизлар уйи бузиб ташланиши, ўрнига мўъжаз ибодатхона қурилажагини айтди. У бизга президент саройининг энг қутлуг ерини ҳам кўрсатди. Пешиндан оғган қуёшнинг олтин нурлари гуллар чаппар очилиб ётган сўрига тушиб турар, узун кўк тахтачалардан ясалган панжара ортида президент Летисия Насарено ба болакай билан бирга ҳозиргина тушлик қилган стол бор эди. Бу стол теграсида фақат улар овқатланишга ҳақли эди. У бизга афсонавий сейба дарахтини кўрсатди, унинг соясига худди икки рангли миллий байроққа ўхшаган матодан ишланган арғимчоқ тўшак осилар, унда президент жазирама туш иссиғида дам оларди. У бизга сут фермаси, пишлоқ ясаладиган хона, асалари қутилари ўрнатилган жойни кўрсатди; президент ҳар куни эртамидан сут соғишини назорат қилиш учун фермага ўтадиган йўлкадан қайтаётганимизда, ёш офицер худди бошига чақмоқ ургандек таппа-тақ тўхтаб қолди ва биз билан ўзи кўрган нарсанинг хурсандчилигини ўртоқлашиб, бармоғи билан тупроқда қолган этик изини кўрсатди: «Қаранглар, бу унинг излари!» Биз улкан товоң изига қараб қотиб қолдик. Бу издан улуғворлик ва қудрат, ўзига ишонган вазмин куч ёғилиб турарди, у бизнинг димогимизни ёлғизликка одатланган қоплоннинг ҳиди, ҳукмдорлик ҳиди билан қитиқларди. Биз бу изни мушоҳада қиласар эканмиз, президент ҳузурига киришига ижозат этилган анов биро-

вимиэга қараганда унинг сирига ўзимизни кўпроқ ошно бўлган-дек ҳис этардик. Бундай бўлганининг сабаби шунда әдики, барча олий мартабали офицерлар бутун олий бош қўмондонликнинг ҳокимиятидан каттароқ ҳокимиятга, ҳукуматдан ҳам кўпроқ ҳокимиятга, президентнинг ўзидан кўра ҳам каттароқ ҳокимиятга эга чиққан, ўроқда йўқ машоқда йўқ – хирмонда ҳозир анов хотинга қарши бош кўтараётган әдилар. Шонгушукратига маст бўлиб кеккайган, ўзини қиролнинг маликаси деб тасаввур қилган Летисия Насарено шунчалар қуюшқондан ташқари чиқиб кетдики, бош штаб энди бунга ортиқ асло чидаб туролмади ва таваккал қилиб бизнинг ичимиэдан бироримизни ҳаммамизнинг тепамизда турган зотнинг қабулига киришга изн берди. «Фақат битта одам киради, – деб айтиши бизга, – генералнинг орқасида нималар бўлаётганини имо-ишора қилиб бўлсаем айтсан». «Шундай қилиб, мен уни қўришга муяссар бўлдим. У сутдек оппоқ каби нетида ёлғиз ўзи ўтирган экан. Деворларда инглиз учқур пойгачи отларининг гравюралари осилган әди. У юмшоқ ўриндиқда ўзини бирор орқага ташлаб ўтиради, тепасида шамолпарраклар айланарди. У мис тугмали, ҳеч қандай белгилари бўлмаган, фижимланган пахталик газламали оқ кўйлак кийган әди, ипак қўлқопдаги қўлларини стол устига қўйган, столда кичикроқ учта бир хил тилла кўзойнакдан бошқа ҳеч нарса йўқ әди. Орқа томонидаги жовонда китоб жилдлари чанг босиб ётарди, улар одам териси қопланган ҳисоб-китоб дафтарларига ўхшарди, ўнг томонидаги дераза очиқ, унга сим тўр тортилган әди. Ундан бутун шаҳар ва булутиз бутун осмон қўринар – ва нақ бу ердан то дengизнинг нариги ёқларигача лоақал битта ҳам қуш қўрин-масди. Мен ўзимни жуда енгил ҳис қилдим, чунки у менга аъёнларига қараганда жуда ҳам содда бўлиб туолди. Унинг қўриниши қандайдир хонаки, жўн, суратларига сира ҳам ўхшамасди, унга раҳмим келди, чунки у бениҳоя қартайган, оғир тортган, касаллик уни бутунлай емириб ташлагандек әди, у шунчалар мажолосизланиб қолган әдики, «Ўтиринг», – деб базўр пицирлади. У ипак қўлқоп кийган қўлини маҳзун силкиб мени ўтиришга унгади. У мени қўзларини четга тикиб, тинглади, бўғиқ ҳирқираб нафас оларди, унинг нафасидан хона

ҳавоси аммиак иси билан тўлди. Кейин у ҳисоб-китоб қоғозла-  
рини камоли диққат билан кўздан кечирди. У мавҳумликни ту-  
шунмасди. Шунинг учун ҳаммасини мактаб боласига тушунтири-  
гандай қилиб изоҳлаб бердим. Мен дастлаб Летисия Насарено  
биз ўтирган ердан то Санта-Мария-дел-Алтаргача икки марта  
бориб келса бўладиган масофа, яъни бир юз тўқсон денгиз ча-  
қиримга teng келадиган узунликдаги тафта газламасига қарздор  
бўлиб қолганлигини айтдим. Шунда у худди ўзига ўзи гапир-  
гандай: «Аҳа!» деди. Унинг бутун қарзи сиз олий ҳазратлари-  
нинг ҳурмати учун маҳсус чегириб ташлаганимиэда, ўн йил мо-  
байнida ўйналган лотереянинг олтига энг катта ютури миқдори-  
га teng, деб тушунтириб сўёзимни тутатдим. У тағин: «Аҳа»,  
деди ва ниҳоят энди кўзимга тик қаради. У кўзойнагини тақма-  
ди, шунда унинг кўзларидан тортинчоқлиги ва надомат чекаёт-  
ганинги кўрдим. У тилга кирганда овози жуда ғалати әканли-  
гини сездим, бамисоли кўксида най ғижирларди. «Далилларин-  
гиз ишонарли ва адолатли, – деди у менга. – Ҳукуматга ҳисоб  
қоғозларингизни тақдим этинг!» Летисия Насарено уни ўз қоли-  
пига солиб ўзгартираётган, тош асридан қолган ёввойи кампир  
Бендисион Алварадонинг мөғор босган тарбияси сарқитларини  
ундан ситиб чиқараётган чоғларда у ҳа, баайни мана шундай  
эди, уни баайни мана шундай ҳолда кўрап эдилар. У бир қўлида  
қошиқ, иккинчисида товоқ у ёқдан-бу ёққа юриб ёки йўл-йўла-  
кай, тик туриб овқатланишга одатланган, Летисия унинг мана  
шу столда ўтиромай овқатланиш одатини йўқотишга тиришарди.  
– Эндиликда улар учовлон чаппор очилган чиромовуқ гуллар ос-  
тидаги чодирда кажава стол атрофида ўтириб овқатланишарди.  
Овқат пайти у болакайнинг рўпарасида ўтиради. Летисия эса  
ёнларида ўтириб, ҳар икковларини ўзини қандай тутиш, яхши  
хулқ-одатларга, овқат яхши ҳазм бўлиши учун уни қандай ейиш  
қоидаларига ўргатарди; Летисия уларни стол теграсида тик ва  
тўғри, елкани стул суюнчиғи билан баробар қилиб ўтиришга  
одатлантириди; уларни вилкани чап, пичоқни эса ўнг қўлда ту-  
тишга, ҳар бир луқмани оғизни очмай, бошни баланд кўтариб  
ўнг жагида ўн беш маротаба ва сўл жагида ўн беш маротаба  
яхшилаб чайнаб ютишга кўниктириди; эри буларинг ҳаммаси

аскархонадаги машқларга ўхшаб кетяпти, деб тўнгилласа, Летисия бунга заррача эътибор бермасди. Кейин Летисия уни тушликдан сўнг «Хукумат хабарлари» газетасини ўқишга ўргатди, бу газетага унинг ўзи васий бўлиб, фахрий бош муҳаррир ҳам ҳисобланарди. У тушлик қилганларидан сўнг, бирпас мудраб тин олиш учун хос ҳовлидаги улкан сейба соясидаги аргимчоқ тўшакка чўзилгани ҳамон Летисия бу газетани унинг қўлига тутиқизарди. «Давлат бошлиғи дунё воқеаларидан хабардор бўлиб туриши керак!» Летисия унинг бурнига кўзойнагини ўрнатиб кўярди-ю, у ўз нашрининг сувга сероб саҳифаларида сузиб кетарди. Бу орада Летисия ўзини монастирда ўргатишгандек, ўғлиниг спорт машқлари билан шугулланар, уни коптот ўйнашга ўргатаркан, олий ҳазратлари ўзининг газетада босилган суратларини томоша қиласди; суратлар шунчалар эски әдик, уларнинг аксарида унинг ўзи әмас, шериги тушган әди; у бечора унинг ўрнига ўлиб кетди, бунга ҳам не-не замонлар бўлди, шунчалар эскики, ҳатто унинг отини ҳам эслай олмайди. У ўтган сесанба куни монастрлар кенгашининг мажлисида ўзини рислик ўрнида ўтириб мажлиси бошқараётгани тасвири туширилган суратларни томоша қилди, ҳолбуки у комета учиб ўтган замондан бу ёғида ҳали бирон марта ҳеч қандай мажлисида қатнашмаган әди; у ўзининг юксак маълумотли министрлари унга тегишли қилиб айтгаётган доно ҳикматли гаплар ва тарихий аҳамиятга әга Фикр-мулоҳазалар билан танишаркан, кўзи пинакка кетганини сезмай қоларди, булат босган августнинг иссиқ ҳавосида димиқиб, пешин чоғининг таффотига оҳиста ботаркан, минифирлаб кўярди: «Падари қусур, пўйқа арзимайдиган газета экан! Одамлар қандай чидашаркин-а бунга!» Бироқ ушбу зериқарли ўқишидан кейин унда нималардир қолар, қандайдир бир тарэза унинг калласида янги фикрларнинг туғилишига сабабчи бўларди ва ҳушини элитган қуш уйқусидан кўзини очаркан, Летисия Насарено орқали ўз министрларига турли-туман фармойишлар берарди; министрлар бу хоним баён қилган унинг фикрларидан Фикр ўқишига уринишиб, яна шу Летисия орқали унга ўз жавобларини етказардилар. «Зеро сен менинг кароматтўйим әдинг, мен ўйлаган нарсаларни боплаб ифода этардинг, энг юксак ро-

яларимни саёз шаклга киритардинг, менинг устимга ҳамма то-  
монлардан бостириб келаётган, олов селларидаи оқаётган олам-  
нинг тинимсиз гулдурослари ва қалдироқлари остида нима қилиш  
кераклигини бехато илғаб олуви менинг эшиттувчи қулогим  
эдинг!» Бузрук шундай дерди, лекин аслида эса ҳаётда у ҳамма  
фойдаланадиган сарой бадрафхоналарининг деворларига ёзиб таш-  
ланган, кимники эканлиги номаълум ёзувлардан энг ишонарли  
манба сифатида ўз ишида фойдаланарди; мана шу ёзувларда у  
ҳеч ким унга айтишга – «ҳатто Летисия сен ҳам» – журъат  
этмайдиган ҳақиқатларни топарди; эрталаб сигирлар соғиб бўлин-  
гандан сўнг, ҳали ходимлар уларни ўчириб ташламасларидан  
бурун тонгда барвақт туриб уларни ўқири. У бадрафхоналар-  
нинг деворларини ҳар куни оппоқ қилиб оқлаб туришга буюриди,  
зотан кимки кўнглини бўшаттиси келса, бўшатсин, кимки оппоқ  
деворга ўз гиазли қаҳру ғазабини сочгиси келса, сочсин, марҳа-  
мат; мана шу исмисиз ёзувлардан у олий қўймондоњларнинг ғам-  
аламларини билди, унинг ҳукмронлигининг тожи остида баланд  
мартабаларга эришган, аммо ичиди уни ёмон кўрадиган кимса-  
ларнинг қаёққа қараб ўрмалаётганликларини англади; у инсон  
юрагининг энг яширин қаърларига кириб боролгандагина ўзини  
мавжуд ҳол-аҳвол устидан тўла ҳукмрон деб ҳис қиласди; юрак-  
нинг сирли қаватларига киришга эса анов-манов шумтакаларнинг  
халажой деворларига ёзиб кетган сўзларини ўқигандагина, худди  
фош этувчи ойнага қарагандай бўлиб тикилиб-тиклиб разм со-  
лгандагина муюссар бўларди. У яна юраги тўлиқиб хиргойи қила  
бошлади, анча йиллардан бери куйлаш эсидан ҳам чиқиб кетган  
эди. Пардапўшнинг тутагандай майда тўрлари орасидан саёзга  
чиқариб ташланган моча китнинг тўшига – ўзининг уйқуда ётган  
хотини Летисия Насаренонинг лошига қарапкан, у куйт-куйларди:  
«Тур ўрнингдан, Летисия, юрагимда тонг отди! Буни ҳаёт дейди-  
лар! Қирғоқдан чиқмас уммон!»

Ҳаёт ўз йўлида давом этар, Летисия Насаренонинг ҳам ажой-  
иб-ғаройиб тарихи давом этмоқда эди; у бузрукдан ниманини  
хоҳласа, ҳаммасига эришган ягона аёл, бузрукдан бир арэмис  
нарсадан бошқа ҳамма нарсага эга бўлди: у бир тўшакда ётиб  
туришдан ўзга барига стищи. Зоро, у ҳар сафар ишқ лаззат-

ларини тотиб бўлгач, ўз хонасига туриб кетарди, бўйдоқ ётоги-нинг эшигига қочиш зарурати туғилиб қолса асқотадиган, доим ёниб турадиган тунги чироғини осарди-да, эшикни ичкаридан уч қулф, уч лўқидон, уч занжир билан маҳкамлаб, ерга юзтубан узала тушиб ёлғиз ётар, Летисия Насареногача қандай кийим-пийими билан ётиб ухласа, Летисия Насаренодан кейин ҳам худди шу алфозда ухлайди, чўкиб ўлган ёлғиз кимсадай тушлар кўриб ҳаётининг энг сўнгти кечасигача шундай ухлайди. Аммо ҳар куни тонгда сигирлар сорилишини қўздан кечириб бўлгач, у Летисиянинг хобхонасига қайтиб келар, бунда тунги маҳлуқнинг ҳидлари гуркиб ётарди, ҳа, у қайтарди, Летисиянинг барча хо-ҳиш-истакларини адо әтиш, унинг доим оч комини қондириш, ҳатто марҳума онаси Бендисйон Алварадога ҳам насиб этмаган ва унинг чексиз бойликлари мероси билан солиштириб ҳам бўлмай-диган, ер юзидағи ҳар қандай одамнинг орзусидан ҳам ошиб-тошиб кетадиган интиҳосиз дов-давлат тортиқ әтиш учун қай-тарди, лекин фақат Летисия Насаренонинг кўнглини олишнинг ўзигина етмасди, айни ҷоқда унинг сон-саноқсиз қариндош-уруг-ларининг ҳам кўнглини олиш керак әди; улар ҳеч ким эшитма-ган номаълум Антил оролларидан тўда-тўда бўлиб ёпирилиб келишарди; ҳаммаси саҳрода тентираган қумроқ, ҳаммаси жул-дурвоқи, Насарено урурига тегишли демасангиз, шундан ўзга ҳеч вақоси бўлмаган қаланғи-қасанғи, юлғич кимсалар ва очқўз-лик алансасида ёнаётган, безгакдек қалтираган аёллар әди. Летисиянинг қариндош-уруглари туз, тамаки, ичимлик сув савдо-сини ўз қўлларига олишар, бобомнинг замонларидан бери ҳар-бийларининг кунига яраб туриши учун бериб қўйилган, қўшин турларининг қўмондонлари ўртасида уларнинг иззат-нафсини қондириб турлиш учун тақсимлаб чиқилган соҳаларга ҳам чангаль уromoқчи бўлардилар. Мана эндиликда мана шу насаренолар-нинг бари ўзганинг туз-насибасига чанг солар, бошқаларнинг имтиёз ва қулаликларига эга чиқар әдилар ва буларнинг бари гўё президентнинг хоҳиш-иродасига кўра қилинар, ҳолбуки бу хоҳишни фақат Летисия баён этар, бузрук эса фақат розилик билдирарди. Ўша пайтлар у Летисиянинг талаби билан қатл әтишининг ваҳший усулини бекор қилди. Шу кунгача ўлимга

маҳкум этилган кимсани тўрт отта боғлаб тўрт томонга тортиб, парча-парча қилиб ташлардилар. Бузрук бу ваҳшийликни электр стулга ўтиқизиб қатл этиш билан алмаштиришга қарор берди. Ҳар ҳолда мамлакатда ҳали хорижнинг десант қўшиллари турган пайтларда ўлдиришнинг маданий усуllibарига биз ҳам ўтишимиз учун бузрукка десант қўмондонининг ўзи томонидан шундай бир электростул совға қилиб топширилган әди. Мана ниҳоят у портдаги қамоқхонанинг зинданларига қадам ранжида қилди, бу ерни даҳшатлар лабораторияси дейиш мумкин әди. Бу ерда энг ҳолдан тойиб рамақијон бўлиб қолган сиёсий маҳбуслар худди қўенлардай тажриба учун танлаб олинди – улар воситасида ўлим тахтини бошқариш машқларини әгаллашлари керак әди. Ускунна ишлаб турганда бутун шаҳарнинг барча электр қувватини сарфлар экан. Биз ўлимга ҳукм этилганлар устидан ўтказиладиган тажрибаларнинг аниқ вақтини билардик, буни аниқлаш қийин әмасди – бирдан электр ўчарди ва биз порт исловотхоналарида қатл этилганнинг жони жаннатда бўлсин деб, битта қадаҳ кўтарар, зимистон қоронғуда нафасимиз ичимишга тушиб, жонимиз ҳалқумга келар, бир дам сукут сақлар әдик. Лекин биз билардикки, битта маҳкум бир әмас, бир неча бор қатл этиларди, кўплари дарров ўлмас әди, жони чала узилиб, тасмаларга осилиб қолар, худди ўт устига қўйилган гўштдай жазиллаб куйиб тутун чиқарар, даҳшатли оғриқдан ҳирқирап әдилар. Жаллодлар ичida кимдир электр билан қатл этишига яна икки-уч бор беҳуда ҳаракат қилиб кўргач, иш чиқаролмай охири азбаройи раҳми келиб, шўрлик мақтулни отиб ўлдиради. «Сенинг хоҳишинг ана шундай адo этиларди, Летисия! Сенинг учун зинданларни бўшатдим, сенинг учун душманларимни кечирдим ва юртга қайтишларига ружсат бердим!»

У ҳайит арафасида фармон чиқарди. Унга кўра энди ҳеч ким ўзгача фикр учун жазоланмайдиган бўлди, тўла виждан эркинлиги эълон этилди, зеро ўзининг айни кузак айёмида у бир нарсага чин дилдан амин әдики, ҳатто энг қаттол душманлари ҳам андаккина бўлсин баҳтли бўлишга ҳақлари бор, зеро, январь ойининг мўъжизий кечаларида у Летисия Насарено билан биргаликда шундай баҳт лаззатини тотиб кўрмоқда; бу хотин дунёда ягона, у

бузрукни ёлғиз ички иштонда айвон зинасида ўтирган ҳолда кўришга мушарраф бўлган, унинг ой нурида олтиндай қизариб товланган улкан даббасига юз суртиш шарафига эришган ягона аёл; у Летисия билан бирга Бобулон ҳукмдорлари томонидан Мавлид шарафига ҳадя этиб жўнатилган ва Ёмғирлар Богига ўтқазилган фусункор қумуш толларни завқ билан томоша қилас, билур фавворалардан кўкка сапчиётган сув зарраларида, уларнинг жаладай қуюлишларида қуёш нурларининг синиб, жило-ланиб ўйнашларини, қуюқ барглар орасида Кутб Юлдузининг чалкашиб, илиниб туришларини кузатишни севарди. Летисия билан биргаликда у радиоланинг мегагерц рақамлари ва пойтахтларнинг номлари кўрсатилган, бутун дунёни қамраб олган жадвалини кўздан кечирав ва масофа-маконларнинг тўсиқлари оша, ўз орбиталарида учиб бораётган сайдерларнинг масхараомуз чинқирган овозлари оша икковлон Сантьяго-де Кубадан ҳар куни эшиттириладиган радиороманнинг навбатдаги бобларини тинглашарди. Ҳар бир бобининг охири юракка хавотир соларди: «Эртагача яшай-да ишқилиб! Кейин нима бўлганини билсайдим!» Уйкуга ётиш олдидан у болакай билан машғул бўлар, унга қандай қуроллар борлиги, уларнинг қандай қўлланишини гапириб берарди. Бу у миридан-сиригача яхши биладиган бирдан-бир соҳа эди ахир. Сиёсий донишмандлик дарсларига келганда, у ҳар сафар болакайга фақат битта нарсани уқтиргани уқтирган эди: «Агар бажаришларига ишончнинг комил бўлмаса, ҳеч қачон буйруқ берма!» У болакайнин ўзи билан бирга бу сўзни қайта-қайта такрорлатгани такрорлатган эди, токи ўла-ўлгунча эсидан чиқмасин, қўлида ҳокимият жилови бўлган кимса фақат мана шу хатога йўл қўймаслиги керак – адo этилишига ишонч бўлмаса, буйруқ бериб бўлмайди. Албатта бу тажрибакор, донишманд ота, етук давлат арбобининггина эмас, айни чоқда қатиқни ҳам пуфлаб ичишга одатланган, қартайиб куч-қувватдан қолган мўйсафиб бобонинг васияти ҳам эди; худо умрини берса, болакай ёруг дунёда қанча яшамасин, то охирги нафасигача бу маслаҳатни эсидан чиқармаган бўларди; чунки бу сўзни биринчи маротаба эшитганда ёши олтида ва яна ўша куни отасининг қўл остида оғир катта тўпдан ўқ узишган эди, инчунин отасининг

нинг ўтиги унинг хотирасида даҳшатли гумбурлаган тўп овози билан қўшилиб кетди. Биз эса оғир замбаракнинг отилишини мудҳиш фалокатнинг сабаби деб тушундик, зеро замбарак овози билан бирга қўрқинчли бўрон турди – гарчи жала қўймаса ҳам, лекин момақалдироқ қасирғалари, чақмоқ ҷақинлари бошланди; худди вулқонлар отилаётгандай гулдурос эшитиларди, Комодор Ривадавия томонлардан эса ваҳимали қутб шамоли ёди, у денгизни онтариб юборди, унинг қалин сув қаватларини афдар тўнтар қилиб ташлади, портнинг эски қул бозори майдонидан сайёр циркни бутун ашқол-дашқоли билан бирга бир парча қофоздай учирив кетди, кейин биз ҳаммамиз тўрлар ташлаб филлар, чўкиб кетган масҳараబозлар ва трапецияларда сузиб юрган – уларни трапецияларга бўрон илк қўзралгандәёқ улоқтириб ташлаган, сўнг трапецияларга қўшиб денгизга итқитган ёди – жирафаларни тутиб, тортиб олардик. Қутурган бўрон кейинчалик Рубен Дарио номи билан машҳур бўлган ёш шоир Феликс Рубен Гарсиа Сармiento ҳам ичидаги бўлган банан ташувчи кемани ҳам тўнтариб ташлашига оз қолди. Ҳайриятки, бу бандор кема бўрондан бир соат ўтгач, портимизга кириб келди. Чошгоҳ пайти соат тўрт ёди, момақалдироқдан кейинги мусаффо ҳавода пашша-чивинлар йилтираб яйрашарди, уммон тинчланди, олий ҳазрат хобхона дарчасидан қараб бўрон калапатра қилган кемачани кўрди, у ўнг бортига қийшайганча кўрфазнинг олтин жилоли сатҳида оҳиста сузарди, капитаннинг ўзи шахсан кема бошқарувида туриб, уни причалга томон эҳтиётлаб олиб ўтарди, капитаннинг ёнида қора мовут куртка ва икки ёғи тугмали нимча кийған йўловчи турарди. Генерал кейинги якшанбагача бу одам ҳақида бехабар қолди. Якшанба куни Летисия Насарено эрига ҳеч қулоқ эшиитмаган илтимос билан мурожаат қилди: «Бугун Миллий театрга шеърият кечасига боришимиз керак!» Шунда у бу кечага бирга боришга рози бўлди. Ўша куни оқшом биз президентни тик оёқда туриб уч соат кутдик. Дим залда қора терга ботдик. Охирги даққиқаларда бизга байрамона костюмлар кийиб боришини уқтириб, бўйнимизга қўйишган ёди. Мана, ниҳоят, Миллий Гимн янгради, ва биз ҳаммамиз қарсак чалиб ҳукумат ложаси томон бошимизни

бурдик. Дуркун зоҳида бошига жингалак патли шляпта кийиб, тафта кўйлагининг устидан қорабурул мўйналарини ташлаб пайдо бўлди. У олқишиларга жавоб бермай генерал мундиридаги болакай ёнига ўтириди, болакай эса қўлидаги шоҳи қўлқопини худди лолага ўхшатиб бувлаб, қарсакларга жавобан силкиб қўйди – онаси ўтмиш замонларнинг шаҳзодалари тобеларини шундай саломлаганлар деб ҳисобларди. Ҳукумат ложасида бошқа ҳеч ким йўқ әди. Лекин унинг ўша ерда эканлигига бизнинг ишончимиз комил әди, кўзга кўринмаса ҳам, биз уни ҳис қиласардик, у бизни шеъриятнинг исёнкор гулгулаларидан ўз ҳимоятига олиб, тинчлигимизни асрарди – ахир у эмасми бизнинг муҳаббатимизнинг куч-қудратини белгилаган, бизнинг ҳиссиётларимизнинг куч-қудратини ва ҳатто бизнинг қай вақт ўлиш муддатларимизни кўрсатиб берган! Ҳа, у ложанинг кўринмас қоронғу пучмоғида әди, ҳеч кимса уни кўролмас, шоир ҳам кўролмасди уни; у шоирни овози момақалдироққа ўхшаган минотавр – қўтос бошли одам<sup>1</sup> деб тасаввур қиласарди. Унинг овозининг қалдироқлари тор зал ичида әмас, гүё очиқ денгиз узра янграп, у олий ҳаэрратни гайрихтиёрий суратда манов ложаю, манов заллардан ва манови ҳаётнинг тирик дақиқаларидан ҳам юксакроқ кўтарилиб, юксак-юксак ёқларга, олтин сурнайлар чалинаётган, уларнинг нурафшон кумуш оҳанглари мавжларида Марс ва Минерва<sup>2</sup>ning зафар арклари, шон-шараф арклари бино бўлаётган ёқларга олиб кетарди.

«Ва лек бу сизнинг шон-шарафингиз әмасди генерал!» Унинг кўз ўнгига азamat қаҳрамонлар, паҳлавон байроқдорлар, тишлаганда қўйиб юбормайдиган улкан қора итлар, темир туёқли азamat тулпорлар, шляпасига қаттиқ укпар таққан ойболта ва найза кўтарган валломатлар келарди, бу валламатларнинг ғалати бир бегона байроқни әгаллаб олганларини кўради. «Ва лек сизнинг

<sup>1</sup> Қўтос бошли одам – юонон асотирларида минотавр – Қуёш қизи Пасифая ва Қрит подшоҳи Миноснинг фарзанди. Пасифая буқага ишқи тушиб бундан қўтос бошли одам туғилган.

<sup>2</sup> Марс ва Минерва – қадимги Римда Марс – уруш илоҳи; Минерва – қадимги Римда – санъатлар, ҳунарлар, истеъододлар илоҳаси.

қуролингиз шон-шарафи учун эмас, бу байроқ әгаллангани, жа-  
ноб генерал!» У қизил ёзинг қүёшларига, қаҳратон қишининг  
музdeck шамолларига, тунлар, замҳарир совуқлар, нафрат-надо-  
матлар ва ўлимга қарши ватаннинг мангу шарафи ва ўлим бил-  
маслиги учун отланган жўшқин йигитларнинг навқирон сафла-  
рини кўрарди; ушбу ватан фуқаролар урушининг ялангоёқ сар-  
бози бўлиб юрган ва безгак титратма-алаҳсирашлари оғушида  
унинг хаёлида туғилган ватанга қараганда анча-мунча улуғвор ва  
бекад шарафлироқ туюларди; у ақл бовар қилмас гулдурос қар-  
саклар ва олқишлиарни эштиб, ўз қоронгу пучмоғида уларга  
кўшилиб, ўзини жуда ҳам ожиз ва noctor сезди. «Онажоним  
Бендисйон Алварадо мана буни ғалаба деса бўлади! Унинг ол-  
диди бу одамларнинг мени олқишлиашларини ҳеч нарсага арзи-  
майди деса ҳам бўлади!» У ўзини бенасиб бўлган, ёлғиз қолган-  
дай ҳис қилди, дим ҳавода ээилди, оёғи узун ёмон чивинлардан  
диққати ошди, ўзи ўтирган ложа устунларининг олтин безакла-  
ри ва ранги ўчган баҳмалларидан озурда бўлди. «Вой онасини  
эмсин, қандай қилиб бу ҳинду шундай гўзал нарсани ёзган орқ-  
асини артадиган қўли билан?» Унга шу ҷоққача номаълум бўлган  
шеърият тилидан юрагининг энг чуқур қаърларигача ларзага  
тушиб, у худди банди этилган фил мисол тинчини йўқотган,  
улкан оёқларини тантанавор ва улуғвор бандларнинг оҳангиди  
ташлашга ҳаракат қилиб у ёқдан-бу ёққа юрас, дам Летисия  
Насарено азамат сейба дарахтининг буюк шохлари ҳосил қил-  
ган улкан аркнинг соясида ҳовли юзасида овоз чиқарип ўқиган  
жарангдор ва эҳтиросли хорал<sup>1</sup>нинг мусиқасига фарқ бўлиб қуш  
уйқусига кетарди. У ўзини ларзага соглан сатрларни халакой-  
ларнинг деворларига ёзиб чиқарди; у янгигина ташланган сигир  
таппиларидан иссиқ ўз сут фермасининг олимпида туриб бутун  
поэмани ёддан ўқишга ҳаракат қиласиди. Аммо шу он ер дина-  
мит зарядининг портлашидан ларзага келди. Динамит арава са-  
ройда турган президент лимузинининг орқа юкхонасида мўлжал-  
даги вақтдан олдинроқ портлаб кетган эди. «Бу жуда даҳшатли

<sup>1</sup> хорал – кўп овоз бўлиб айтиладиган тантанавор қўшиқ.

бўлди жаноб генерал! Бунақа портлашни ҳали ҳеч ким қўрмаган. Ундан кўп ойлар ўтгандан кейин ҳам биз шаҳарнинг турли ерларида куйган, мажақланган темир парчаларини ахтариб топдик». Летисия Насарено бу лимузинда ҳар чоршанба куни ўғилчаси билан бирга бозорни талон-торож қилиш учун бораради. «Суиқастдни унга қарши тайёрлашган экан, жаноб генерал, бошқа бирорвга эмас!» Шунда буэрук пешонасига қарсиллатиб урди: «Падарига лаънат, шуни ҳеч ўйламабман!» Ҳақиқатан ҳам, унинг афсонавий сезгирилиги қаерда қолди! Ахир қаторасига бир неча ойлардан бери халажойлардаги ёзувлар одатдагидай унга ёки министрларидан бирортасига эмас, анави генералларнинг нонини тия қилиш пайдида юрган сурбет насареноларга, дунёвий ҳукумат томонидан аллада азиз, тўрвада майиз қилинаётган черков князларига қарши қаратилмоқда эди. Рост, бир маҳаллар унинг онажонисини авлиё дейишга қарши шундай ҳақоратомуз сўзлар ёзиб ташлашарди. Тўғри, у бундай ёзувларда у қадар хавф-хатар қўрмасди, халажойларнинг илмилиқ ҳавосида етилган, хафагарчиликлардан туғилган бу сўзлар вақт ўтиши билан тўтимонанд киноялару заҳархандаларга, кундалик одатий сўкинишларга айланиб қолади, деб ҳисобларди. Баъзан бу хафагарчиликлар кўчаларга ҳам чиқиб ёйнилиб кетарди, бунга унинг ўзи ҳам атай ўз ҳиссасини қўшарди, у ёки бу жанжалли воқеадан туғилган норозиликлар тезроқ бақирчақир, сўкиниш-қарғашлар билан чиқиб кета қолсин, дерди. Лекин қутуриб кетиш ҳам шунчалик бўладими, бирдан икки квинтал<sup>1</sup> ҳам динамит қўядими? Гагин қаерга? Нақ ҳокимиятнинг ўзига-я! Қандай йўл қўйди мунга, қандай қилиб поэзиянинг фатагутларига шунчалар маҳлиё бўлиб қолиб, ўзининг ички фойибона сезгилари – одамхўр йўлбарс сезгиригини бой берди? Нега ўз вақтида бу эски ҳид – хавф-хатарнинг ҳиссий ҳидини бурни сезмади? Нима бу лўттивозлик? У зудлик билан бутун генералитетни чақирди: титраб-қақшаб ўн тўрт олий қўмондон йифилишди; шунча йиллардан бери улар ўзгаларнинг иродасини ижрочиси бўлиб, бунинг устига барча буйругу амру фармонларни воситачилар орқали олиб адo этиб, мана яна бурниларининг нақ рўпарасида яна

<sup>1</sup> Квинтал – 46 кг.

ўша ақл бовар қилмас чолни кўрдилар, унинг борлиқ жисмоний ҳаёти улар учун жумбоқларнинг жумбоги бўлиб туюларди. «У бизни мажлислар залида ўз тахти – президент курсисида ўтирганча эгнида оддий аскар кийим-боши билан қабул қилди; ундан худди сассиқ кузандек пешоб ҳиди келарди, у жуда нозик тилла кўзойннак таққан эди – ҳолбуки яқингинадаги суратларида ҳам у кўзойнаксиз тушган эди; у беҳад қари ва биздан бениҳоя узоқ эди; у ипак қўлқопини ечиб қўйди, биз унинг қўллари кекса ҳарбийнинг қўлларига ўхшамаслигини кўрдик, улар аёл қўлларидай жуда нафис ва унга қарагандан ёшроқ ҳамда раҳмидироқ одамнинг қўлига менгзарди. Қолган бари тунд ва сув шиммайдиган сариқ шилдироқ қоғозга ўхшарди. Унга разм солиб қараганимиз сари шуни аниқ кўриб турардикки, унинг фоний вужудида ҳаётнинг сўнгти асари қолибди ва бу енгилмас ҳокимиятпарастликнинг асари, якка-ягона, мутлақ ҳокимликнинг асари эди. Асов отни ушлаб туриш қанчалар мушкул бўлса, унга ҳам бу ҳукм демонини тутиб туриш шунчалар машаққатли бўлаёттани аён билнарди. Ҳар биримиз унга олий бош қўмондон каби честь берарканмиз, у миқ этиб оғиз очмади, ҳатто бошини ҳам қимиратиб қўймади; биз унинг олдига яром доира қилиб қўйилган курсиларга ўтиргач, кўзойнагини кўзидан олди-да, ўткир, зийрак нигоҳ билан бизга бирма-бир зеҳн солиб қарай бошлади. У кўнглимиз тубидаги хаёлларнинг барча яширин кавакларини кўриб турарди, бу маҳфий хаёллар бамисоли командреха<sup>1</sup>лар каби ўз қоронгу уяларига кириб кетаётганлигини фаҳмларди ва шафқатсиз суратда уларни фош қилиб ташларди, у бармоғининг учини шундай бир қимиратиб бизни энг олий унвонлар билан тақдирлаган ўша унуг тумани билан қопланмиш кечадан бүён ким қанчалар ва қай алғозда ўзгарганлигини аниқлаш учун ҳар биримизга зарур бўлган даражада вақт ажратарди».

Уларга қанча узоқ тикилиб қарагани сайин тажковузнинг ташкилотчилари мана шу ўн тўртта гизли<sup>2</sup> душман ичида эканлигига

<sup>1</sup> Командреха – сувсар.

<sup>2</sup> Гизли – яшириш, пана, маҳфий

ишончи тобора ортарди. Лекин улар қаршисида ўзини шунчалар ҳимоясиз ва шунчалар ёлғиа сездики, игуанадай бир киприк қоқиб, сўнг бошини кўтарди ва уларни аҳилликка чақирди. «Ҳозир бирлик ва аҳиллик бизга ҳар қачонгидан ҳам зарур, бинобарин гап қуролли кучларнинг шон-шарафи ва равнақи ҳақида бормоқда!» Уларга ақл-фаросат ишлатиш, зиммаларига юкланган шарафли вазифани адo этиш йўлида ғайрат-шижоат билан тезкор чоралар кўришни маслаҳат берди: тажовузкорлар топилсин ва ҳарбий юстиция қўлига топширилсин. «Тамом-вассалом, сенйорлар», – деб тутатди у гапини ичидан ташкилотчи орангизда ўтирибди, ёки ҳаммангиз суиқасд ташкилотчилари бўлсангиз керак, деган ўйни ўтказаркан. Бирдан унинг миясига Летисиянинг тақдиди худонинг қўлида әмас, ҳаммаси менинг қандай оқилона йўл тутишимга, унинг бошига ёпирилиб келаётган хавфхатарнинг олдини олишимга боғлиқ, лекин падарига минг лаънат! Бу албатта, эртами-кечми, муқаррар юз беради, деган фикр ўқдай урилди-ю юрагида жуда оғир бир жароҳат пайдо бўлганини ҳис қилди-да, ларзага тушди. У Летисияни жамоатчилик тадбирларида иштирок этишдан қайтарди, унинг энг суллоҳ қариндош-туруғларини генералитет манфаатлари доирасидан яхшиликча кетишга мажбур қилди; энг билармон ўмбирларини консул қилиб жўнатди, ҳаммадан ашаддийроқларини эса бозордан оқиб ўтадиган каналнинг бўйларини қоплаб ётган қалин тарулия бутазорларидан ўлайлари чиқди; у орадан кўп йиллар ўтиб энди бирдан министрлар кенгashi йигилишига кириб келарди ва ўзининг шунча вақт бўш турган курсисига ўтиради; у руҳонийларнинг давлат ишларига сукулиб киришларига қатъян чек қўйиш ниятида әди. «Сени ғанимларингдан қутқармасам бўлмайди, Летисия!» Кейин у яна ўз генералитетининг қўйнига қўл солиб кўрди ва шунга ишонч ҳосил қилдики, у билан учрашувдан сўнг етти ҳарбий қўмондан унга анча-мунча хайриҳоҳлик билан қарайди; мудофаа вазири эса унинг эски ошнаси әди; шундай қилиб, олти қўмондонга нисбатан ишончи том эмасди, у олти жумбоқни ўйлаб узун тунлар уйқуси қочиб кетарди, кўнгли нимадандир ғам бўлиб, Летисия Насаренога ўлим мухри босилган деган фикр қўркув ва даҳшатта соларди; назари-

да кўрилаётган барча өхтиёт чораларига қарамай, уни ўзининг кўз ўнгидаги ўлдиришаётганга ўшарди, у ходимларни унинг овқатини татиб кўришга мажбур қиласди, айниқса, нон ичидаги балиқ қилтандаги чиққандан сўнг бунга қаттиқ турди; *Летисиянинг* хосхонасидаги ҳавони ҳар куни текширтирарди, зеро у флит<sup>1</sup> баллончаларига ёмон заҳар қўшиб юборишларидан қўрқарди, овқатланиб ўтиришгандаги унинг ранги оқаринқираган бўлса, бундан чўчириди, ишқа гарқ бўлган чоғларида унинг овози чиқмай қолса, бундан чўчириди; *Летисия* ичадиган сувга сариқ безгакнинг микробларини қўшиб юборишмасмикин, *Летисиянинг* кўз дорисига купорос солиб қўйишмасмикин, деб юраги тоза алғов-далғов бўларди. Ўша кунлар ғанимларнинг ўлим хатарига тўла фитналарини ўйлаб еган-ичганини билмас, дили ёришмас, ярим кеча кўз ўнгига келган мудҳиш нарсалардан туриб кетарди. Назаридаги худди шу дамларда *Летисия* ҳинду сеҳогарларининг ёмон фолларидан қон ютаётганга ўшарди. У *Летисиянинг* ҳаётига хавф солаётган юзлаб бўлар-бўлмас хатарларни ўйлаб тамом ақл-хушини йўқотди. У *Летисияни* энг қаҳорли туниқаторлар қўриқламай туриб, саройдан чиқишини таъқиқлади, булар эса ҳар бир шубҳали қўрингган одамни огоҳлантиромай отиш ҳуқуқига әга эдилар. *Летисия* саройдан ҳар чоршанба куни чиқарди, бузрук эса ойна олдида туриб, унинг болакай билан янги зирҳли автомобилга ўтираётганликларини кузатиб, кўнглини чулғаган васасаларни ҳайдашга уринар, қўли билан кулфатни қайтарувчи ишоралар қиласди ва дуо ўқириди: «Онажоним Бендинсон Алвардо уларни ўз паноҳингда асра! Унинг кўксидан ўқларни қайтар, заҳаролуд идишларни ўзинг йўқ қил сеҳр жодуларни фойз айла!» *Летисияни* қўриқлаб бораётган әскорт сиренасининг овози де Армас майдони томондан эшитилмагунча ва маякнинг тонги парпироқ шуълаларидаги нурафшон *Летисия* ва болакай ҳовли йўлкасида то қўринмагунча, у бир зум тинчлик билмасди, *Летисия* бозордан очилиб-сочилиб, баҳтиёр қайтар, машинадан тирик гулгул товуқлар, Энвигадодан келтирилган орхидеялар, Мавлид кечаси ёқиши учун олингандаги рангли лампочкалар шода-

<sup>1</sup> Флит – ҳашаротларга қарши аэрозол.

ларини тушираётган аскар болаларга бақир-чақир қиласди. Мавлид яқинлашиб қолган, унинг арафасида кўчаларга уни улуғловчи ранго-ранг алвонлар осилган, гуж-гуж юлдуз чироклар порлар – ўзини ташвиш-хавотирларини хаспўшлаш учун у шаҳарни беzaшга буюрганди. У хотинини тирик кўрганидан хурсанд бўлиб, уни зинада кутиб олар, қорабурул тулки мўйналаридан анқиган нафталин ҳидини, терлаган баданидан чиқёттган исларни, патак соchlарининг бўйларини шимириб диморига тортарди; унга хобхона учун олинган навбатдаги ўлжани кўтаришга ёрдамлашаркан, ўзини ўз баҳт-иқболини охириги ушоқларини териб олаётгандай, маҳкумлик муқаррар эканлигини ишонч билан ҳис қилаётгандай бўларди. Кошкниди бу баҳт нималигини бутунлай билмас! У кулфатнинг олдини олишни қанча кўп ўйласа, бош қотирса, уни шунчалар кучли умидсизлик кўпроқ чулғаб келарди. Кулфатни қайтариш учун қилаёттган бутун сехро-жодулари уни борган сари кўпроқ муқаррар қилиб қўймоқдайди. У Летисиянинг қисмати учун қўрқа-қўрқа ҳаяжонлана-ҳаяжонлана тамом ҳолдан тойғанча ўз ҳаётининг мудҳиш чоршанбасига яқинлашаркан, алоҳа бир кун юракни увшитириб юборадиган бир хотиржамлик билан шундай деб ўйлади: «Падарига лаънат! Нима бўлса-бўлар! Қанча тез бўлса, шунча яхши». У нима деб ўйлаганинг маъносига ҳали охиригача етмай туриб, қандайдур буйруқ келгандай, фикри бирдан яшин тезлигида рўёбга чиқди. Икки адютант кабинетта ҳовлиқиб киришли-да, бозорда Летисия Насаренова болани қутурган итлар талаб, бурда-бурда қилиб ғажиб ташлашганини айтишди. «Итлар уларни тириклай ғажиб еб ташашди, жаноб генерал! Лекин булар оддий кўча итлари эмас. Улар биз билмайдиган аллақандай бўрибосар итлар. Кўзлари салт-сариқ, қутурган, териси акула терисидай сип-силлиқ! Кимди уларни Летисиянинг қорабурул тулки мўйналарига ташланишга ўргатиби! Олтмишта ит, жаноб генерал, олтмишта, ҳаммаси бир хил итлар! Ҳеч ким билмай қолди. Бир пайт улар сабзавот расталари орқасидан сакраб чиқишиб, Летисия билан болага ташланишиди! Отай десак, отолмадик, ўқимиз итларга эмас, уларга тегадими, деб кўрқдик, жаноб генерал!»

Бу иблисона қонли базм, мудҳиш ўлим гирдоби, айқаш-уйқаш ёпирилган итлар галаси, улар аросати уэра бир зумгинага дам

Летисиянинг, дам боланинг ёлвориб нажот истаб кўтарилиб тушган қўллари; кўз очиб юмгунча ҳар икки қурбон очкўзлик билан апил-тапил ютилаётган, ғажиланаётган гўштга айланди; буларнинг бари бозорчилар, юзлаб одамлар кўз ўнгида рўй берди; баъзиларининг башаралари даҳшатдан қийшайган, баъзилари бадхоҳона ичи қораликларини яширмас, аллакимлар эса ҳўрлиги келиб йиглашарди; лекин мана барчаси тамом бўлди, ва ҳамма Летисиянинг похол бинафша гулли шляпаси ерда булғаланиб ётганини кўрди; даҳшатдан карахт бўлиб қолган, ҳаммаёрига қон сачраган, тош ҳайкалдай бўлиб ўтирган кўкчилар овоз чиқармай шипшишарди: «Оҳ худоим-ей, генерал хоҳламаса, шундай бўлармиди ахир!» Энди президент гвардиясининг боши шармандалиқдан чиқмайдиган бўлди. Улар одам қони сачраган сабзавотлар орасидан ғажиб ташланган оппоқ суюкларнигина топиб келишди. «Шу оқ суюклардан бошқа ҳеч нарса топилмади, генерал!» Рост, суюклардан ташқари яна болакайнинг медаллари, картон қиролнинг қиличи, нима учундир бозордан бир чақирим нарида кўрфазда Летисиянинг сузиб юрган саҳтиён туфличаси ва яна рангли шишалардан ясалган маржон шодаси ва совут парчаларидан ишланган кармончаси топилди. «Мана шу нарсаларни ўз қўлингизга топширамиз, жаноб генерал, яна манови учта калит, қорайган олтиндан ясалган никоҳ узуги ва яна манови эллик сентаво – ўн сентаволик бешта танга. Мана, санаб олинг, марҳамат! Улардан бошқа ҳеч нарса қолмаган!» Мабодо бир неча йил ўтгач, у ўша кулфатзада чоршанбада бўлган воқеаларни бутунлай өсдан чиқариб юборажагини олдиндан билганда, улардан нима қолганлигининг унга мутлақо аҳамияти бўлмас эди, аммо ўшандада у қаҳр-ғазаб билан ўкириб йиглаган ва ушлаб занжирга боғланган одамхўр итларнинг увиллашларидан азоб чекиб тун бўйи ухламай чиқсан эди. У итларни нима қилиш кераклиги ҳақида ҳеч бир фикрга келолмасди, зеро итларни қириб ташлаш уларнинг жигилдонига кириб кетган Летисия ва болакайнин яна қайтадан ўлдириш билан баробар бўлар эди, деган ўй уни саросимага солиб қўйган эди. У бозорнинг темир равоқларини бузиб ташлаб ўрнида магнолиялар экилган, беданалар сайраб турадиган боғ барпо этишини буюрди, боғнинг

ўртасига мармар хоч ўрнатинглар, деди. Хоч маяқдан кўра баландроқ ва ёрқинроқ нур сочиб туриши керак эди, токи келажак насллар тарихий из қолдирган аёлни унутмасинлар. Аммо генералнинг ўзи уни ҳайкал бузиб ташланмасдан анча одиноқ унутиб юборди. Ҳайкални бир куни тунда портлатиб юборишиди ва ҳеч ким бундан норози бўлиб ўтиромади. Магнолияларни эса сигирлар еб кетди; боф сассиқ кўлмакка айланди, аммо генерал ҳеч қачон буни кўргани йўқ, чунки ўз шахсий ҳайдовчисига илгари бозор ўрни бўлган бу жойни доим айланиб ўтишни, бунинг учун ер куррасини айланиб чиқишга тўғри келса ҳам, эринмасликни тайинларди, бунинг устига барча министрликларини ойнаванд биноларга кўчиргандан кейинги ўша даврдан ётиборан у шаҳарга чиқмайдиган бўлган ва боргоҳда бир тўда хизматчи-лар билан ёлғиз ўзи қолган эди; сарой энди саройга ўхшамасди, зеро у бу ерда Летисия Насаренонинг қирол бўлиш даъволари-дан зигирча ҳам из қолдирмасликни буюорди. У кимсасиз йўлка-лар ва бўм-бўш хоналардан мақсадсиз, ишсиз ёлғиз сандироқ-лаб юрар, фақат онда-сондагина генералитетта майд-чуйда кўрсатмалар бериб қўяр ёки қандайдир мушкул бир масала ечилаётган ва уни тўқистугал ҳал қилиш учун президентнинг фик-ри зарур бўлиб қолганда министрлар кенгашининг мажлисида қатнашарди. Бундан ташқари, бадкор әлчи Уилсоннинг таш-рифларига сабри етганча тоқат қиласиди; әлчи сейба дарахти-нинг қуюқ соясида ўрнашиб олганча, унинг ҳузурида узоқ қўр тўкиб ўтирав, уни Балтимор шириналлари билан меҳмон қиласар, яланғоч хотинларнинг суратлари босилган журналларни унга кўрсатар ва енг учида мамлакатга тегишли денгиз макон-ларини ташки қарз бўйича йиғилиб қолган жуда катта миқ-дордаги фоизларини ёпиш ҳисобига беришга қўндиришга уринарди. У дам барча гапларни оқизмай-томизмай тинглаб, дам умуман бир оғиз ҳам сўз қулоғига кирмай әлчининг қўнгил бўшатишига қўйиб берарди: эшитиш қулай ва фойдали бўлса эшитар, бўлмаса эшитмай қўяқоларди. Элчининг оғзи тинмай бидир-бидири тоқатини тоқ қилиб зериктириб юборса, суҳ-батдоши бу вақир-вуқурларни қулоғи ёнидан ўтказиб юборар ва бу ерга яқин қўшни қизлар мактаби томонда қизлар жўр-

бўлишиб айтаётган кўк бутоқда ўтирган қушча ҳақидаги қўшиққа қулоқ осарди. Оқшом тушгач, у ўз меҳмонини саройдан кузатиб қўяр, унга сиз дengizdan бошқа ҳамма нарсани мендан сўрашингиз мумкин, дерди. «Деразамнинг тагида денгиз шовуллаб турмаса, мен қандай яшайман? У бўлмаса бу ҳайҳотдай уйда мен нима қиласман? Қаранг, у худди ёнаётган ботқоққа ўхшайди, мен кун ботаёттандан уни шундай кўриб турмасам, ҳолим нима кечади? Деразаларни чилпарчин қилиб синдириб гувиллаб кириб келувчи декабрнинг шамолларисиз, маякнинг яшил ёлқинларисиз мен қандай яшайман? Мен ўз ясси тогларимнинг туманликларидан чиқиб келган одамман. Безгакдан ўлар ҳолатда фуқаролар урушининг жаҳаннамига ўзимни отганман, биография лутфатларида буни ватанпарварлик туйғулари билан изоҳлаб ёзишади, ҳеч ундей өмас, баъзилар буни авантюра демоқчи бўлишади, баъзилар Федерал ғоялар учун кураш деб кўришади, ҳаммалири омон бўлишсин, лекин асли булар тўғри эмас. Мен фақат ва фақат денгизни кўриш учун шу ишларга бош қўшганман! Бошқа ҳаммаси сариқ чақага ҳам арзимайди, азиизим Уилсон, шунинг учун сиз бундан бошқа биро нарсани ўйлаб топинг». Шундан кейин у элчининг елкасига қоқиб хайрлашарди. Элчини жўннатач, у ўз маконига судралиб борар, илгари идора бўлган, бўшаб қолган ҳувиллаган хоналардаги чирокларни ёқарди. Бир куни йўлаклар ичida адашиб юрган сигиррга дуч келди. Уни зина томонга ҳайдади. Ҳайвон пойандознинг йиртилган жойига туёғи илашиб, зиналардан пастга қараб думалаб қулаб кетди. Боши қоқ ёрилди. Очликдан силласи қуриган моховлар бундан ўзларида йўқ хурсанд бўлишиб, шу заҳотиёқ сигирни сўйиб саранжомлашга тушишди. Летисия Насарено қурбон бўлиб кетгач, барча кўр, шол, моховлар яна бу ерга қайтишган, яна боғда ёввойилашиб кетишган гул бутазорлари ичida яшашарди, яна валинеъматдан бир чимдим шифобахш намак тиланишар, яна юлдузли тунларда қўшиқлар куйлашар, унинг ўзи ҳам уларга қўшилиб ўтган шонли замонлариниг қўшиғини айтишарди: «Сусанна, кел ёнимга, Сусанна!» Кун тушдан оғиб соат беш бўлганда, у молхонанинг дарчасини очиб олдига мовий этакчалар тутган, соchlарини жамалак қилиб ўрган, пайпоқчалар кийган

қизчаларнинг мактабдан қайтишларини томоша қиласди. Шоҳи қўлқопини дарчанинг темир таёқчаларига уриб силкитиб ўйнаркан, ҳирсу ҳавоси эриб қизчаларни ўзига жалб этиб чақиради: «Хой, қизча, ҳой қизча, бу ёққа кел, қани кел, сени бир кўриб қўяй-чи!» «Вой, ойи, ойижон! Биз худди кўр шарпани кўргандек, ундан қочардик, кўзлари бирам ёмон қааради!» Уларнинг ўзидан ура қочиб кетишшеттанини кўриб, ҳафсаласи пир бўлиб ўйларди: «Онажоним Бендинсон Алварадо, ҳозирги қизлар мунча мурғак бўлмаса!» Унинг ўзини ҳеч нарсага яроқсиз деб ҳисоблаб ўз устидан ўзи кулиб юришдан ўзга чораси йўқ эди. Аммо шахсий табиби, ўзининг соғлиқни сақлаш министрини доим канда қилмай бирга тушлик қилишга чақириб турарди. Бир куни табиби уни кўзини кўриш, томир уришини текшириш билан чекланмай, хотирасининг оқма мазак йўлларини тузатиш учун қариллик склерозига қарши суюқ дори ёзиб берганди, у табибини сўкиб бир жойга жўнатди. «Нима қиласман бу суюқ дорингни ичиб! Мен ҳеч қачон касал бўлган эмасман, урушда безгак бўлганман, холос!»

У бутун дунёдан қўлини ювиб, ёргу оламга орқасини ўтирганча ёлғиз бир ўзи овқатлана бошлади. Катта билимдон элчи Мейриленд Марокаш подшоҳлари шундай ёлғиз овқатланишлари ҳақида ҳикоя қилиб берганди. У қаддини тик тутиб, бошини баланд кўтариб, сўл қўлида санчқи, ўнг қўлида пичоқни ушлаб, унутилиб кетган муаллимаси ўргаттан жиддий қоидаларга қаттиқ риоя қилган ҳолда овқатланарди. Кейин у асал солинган идишлар яширилган хуфия жойларни қидириб бутун саройни кезиб чиқарди. Бир-икки соатлардан сўнг ўзининг қаерда юрганлигини унутиб қўяр, яна янгидан излашга тушар ва шу иш орасида девор тирқиши ва ёриқлари орасидан худди сигарет парчасидек ўралиб тиқилиб қўйилган идора дафтарларидан йиртиб олинган ҳошия қофозларни топиб оларди. Қачонлардир бошқа бир замонларда у мана шу ҳошия парчаларини дафтарлардан йиртиб олар ва уларга ўзи ҳам ҳоэир нималигини эслолмайдиган сўзларни ёзиб қўярди. «Эртага сешанба», деб ёзилган эди қофоз ҳошияларидан бирида, бошқа бир ровида эса қуйидаги сўзларни ўқиди: «Сенинг оқ дастрўмолингда қизил иплар билан бир номнинг бош ҳарфлари тикилган, лекин бу

сенинг номинг әмас, ҳукмдорим». У бундан ҳеч нима тушуммай, бошқа бир қороз ҳошиядаги сўзларни ўқиб ҳайрон бўлиб қолди: «Жону дилимнинг Летисия Насареноси, кўргил, сенсиз ҳолим не кечар». «Летисия Насарено» – бу исм деярли ҳар бир қоғоз парчасида учради. Ким бунчалар баҳтсиз бўлган экан-а,— деб ўйларди у, — ўзидан кейин шунча оҳ-воҳлар тўла қороз қолдирибди. У бунинг фаҳмига ҳеч етолмасди. «Менинг ёзувларим бу ерда нима қилиб юрибди, тавба!» Лекин булар унинг дастхати әди, чап қўл билан ёзилган ҳеч кимникига ўхшамайдиган гўзал ҳуснинат, бу хат билан у шу вақтларга келиб халажойларнинг ҳам деворларини безарди ва бундан фароғат қилиб, кўнгли тинчланарди: «Яшасин генералимиз!» У сўлакайи оқиб юрадиган бўлиб қолгани, қуруқликдаги қўшинлар, денгиз флоти ёки ҳаво кучларининг ҳар қандай хизматчисидан ҳам пастроққа тушгани, номнишони йўқ, фақат девор ёриқларига тиқилган қороз парчаларидагина исми ёзилган битта монастир зоҳидасини деб шунча оҳвой, дод-достон қилиб юргани учун ўзидан разабланмас ҳам әди. У фақат машъум чоршанбада, ундан аввал ва кейин бўлган воқеаларни эслолмасди, ўшандан кейин у Летисия ва болакайнинг нарсаларига, адъютантлари унинг ёзув столи устига қўйган нарсаларга ҳатто қўлини тегизишни ҳам истамади; у фақат бир четта қараганча буюрди: «Бу туфли, манави медалларни олиб кетинг, ҳаммасини олиб кетинг, менга марҳумларни эслатиб турмасин». Шундан сўнг уларга тегишли бўлган барча нарсаларни Летисиянинг хобхонасига олиб кетишиди, бунда унинг ҳирсу ҳаволари, телба жунбушлари, тушлик чоғлари ўтган әди. «У ердаги барча дераза-эшикларни маҳкамлаб ташланг, падарига минг лаънат! У ерга қадам ҳам қўйманг, мен буюрсан ҳам кирманг у ерга!»

Шу буйруқни бергандан кейин у кўп ойлар Летисия ва болакайнини ғажиган итларнинг занжирда увиллаб ётишларини эшишиб, даҳшат ичиди дир-дир қалтирас, лекин итларни қассобхонага жўна-тишга юраги бетламас, зоро, назарида итларга қандай бўлмасин зиён етказиш ўз қадодонларига зиён-захмат етказиш билан баробар әди. У ҳалинчак тўшагидан тушмай ҳамма нарсани унутиш, қаҳро-ғазабини босишга уринарди; бинобарин у ўз яқинларининг

ҳақиқий қотиллари кимлар эканлитини биларди. У ўз уйида қотилларни кўрар, ўзини қаттиқ камситилгандай сезар ва бунга матонат билан дош берарди. Шу билан бирга уларни ҳеч нима қилолмас, сабр-тоқатдан ўзга чораси йўқ эди, чунки ўша пайтда уларнинг бўйниларидан уриб мажақлашга унинг куч-кудрати етмасди. У мотам-марсия маросимларини ҳам қилиб ўтиромади, ўзига таъзия билдириб келишларни ман этди, мотам кунларини белгиламади – улкан сейба дарахтининг қуюқ соясида қаҳроғазаб ҳалинчагида чайқала-чайқала ўз вақти-соати келишини кутди. Мана шу сейбанинг қуюқ соясида энг сўнгти жонажон оғайниси бутун генералитетнинг фикрини ифодалаб унга генералитет бу даҳшатли фожиага ҳалқимиз қанчалар матонат ва обрў-эътибор кўрсатиб дош берганлиги билан фахрланади, деб айтди. Ҳаммаёқда тинчлик-ҳотиржамлик, тартиб-интизом ҳукм сурмоқда, деди у. Генерал билинар-билинмас лабини бурди: «Бўлмагур гапларни кўйинг, биродар! Гап ана шунда-да, ҳотиржамлик, гап ана шунда-да, тартиб-интизом! Одамлар зигирча ҳам қайғургандлари йўқ бу баҳтсизлиқдан!» У газетани ҳукумат матбуот марказининг расмий хабарларига қараганда кўпроқ, муҳимроқ бир нарсалар чиқиб қолармикин деб, ўнгдан чапга, чапдан ўнгта қараб сатрмат-сатр ҳижжалаб ўқир, қайта-қайта ўқиб чиқарди, муҳим хабарлардан бехабар қолмай деб, ёнига радио ўрнатти-да, ва ниҳоят, бир куни ўзи кутган хабарни эшилди: бутун радиостанциялар то Веракрус де Риобамбагача миллий хавфсизлик хизмати тажовуз ташкилотчиларининг изига тушганлигини хабар қилди.

«Бор экансанлару ўргимчак гумбаклари!» – тўнғиллади у. Радио ўз хабарини давом эттириди. Шаҳар ташқарисидаги исловот-хоналардан бирида сунқасд ташкилотчилари топилиб, исловотхона миномётлардан ўққа тутилган. «Баракалла, – хўрсиниб қўиди у, – шўрлик одамлар!» Бироқ у ҳалинчак тўшагидан қимирамади, ичида тинимсиз дуо ўқиб ёлвораркан, заррача бўлсин кўнглига туккан ниятини юзага чиқармади: «Онажоним Бендинсон Алварадо қасос олиш учун менга ҳаёт бер, қўлимдан тутиб етакла, онажон ўзинг қўлла!» У онам илтижоларимни эшилди ва қабул қилди деб қаттиқ ишонди-ю, шу заҳоти ўзини тутиб олди,

ғам-аламни жиловлади. Буни унга маълумот бериш учун етиб келган бош штабнинг миллий хавфсизлик хизмати ҳамда жамоат тартиби учун масъул офицерлар ҳам кўришди: «Жаноб генерал, сунқасднинг учта иштирокчиси тартибни сақлаш кучлари билан отишмада ўлдирилди, иккитаси тутилди ва Сан-Херонимога ташланди!» Олни ҳаэррат қўлида мева шарбати тўлатилган идиш билан ҳалинчак тўшагида ўтирганча: «Ўҳў» – деб қўйди ва замбаракчининг қилт этмас қўли билан уларнинг ҳаммаларига бир стакандан шарбат қуийб узатди. «Донишманд чолга қойил қолмай илож йўқ, у ҳар қачонгидан ҳам зийрак ва оқил эди, унинг шунчалар ҳушёrlиги ва эътиборини кўрингки, бизни хумор тутиб турганлигини фаҳмлаб, чекишимизга ижозат берди. Ҳеч қачон бундай бўлмаган – хизмат бурчимиznи адо этаётганимиэда бизга чекишига рухсат этилмаган!» «Манави дараҳт тагида биз ҳаммамиз бир одаммиз», – деди у ва сўнг бозор майдонида рўй берган қотиллик қандай тайёрлангани ва ижро этилганлиги тўғрисидаги батағсил маълумотни хотиржам ўтириб тинглади. Шотландиядан тўда-тўда қилиб саксон иккита овчи итларнинг кучуклари келтирилган, уларнинг йигирма иккитаси турли сабабларга кўра ўлган, қолган олтмиштасини шотландиялик ит ўргатувчи боқдан, у оғир жиноий мақсадларни кўзлаб уларни Летисия Насаренонинг қорабурул мўйналаригагина эмас, унинг ўзига ва болага ҳам қаҳроғазаб билан қутуриб ташланишга ўргаттан. «Уларнинг шахсий буюм-ашёларидан фойдаланиб, итларни хўб машқ қилдиришган, жаноб генерал! Итларга саройнинг кирхонасидан ўғирлаб кетилган манави кийим-бошлар, Летисия Насаренонинг манов корсажи, манави рўмоли, манов пайпоқлари ва боланинг манов мундириини ҳидлатиб туришган, жаноб генерал! Сиз шу буюмларни танийсизми?» У ўзига кўрсатилаётган ашёларга қайрилиб ҳам қаромади, фақат: «Ўҳу!» – дедида, яна уларнинг гапларига камоли диққат билан қулоқ осди: «Бу олтмишта итни акилламаслик керак пайтда акилламасликка ўргатишган, уларга одам гўшти беришган, жаноб генерал, уларга бошқа ҳеч нарсани кўрсатишмаган, ёруғ дунёга чиқаришмаган; уларни марказдан етти чақирим наридаги бир хитойликнинг ташландиқ Фермасида бир неча йил роса чиниқтиришган,

Фермада Летисия Насарено билан боланинг бўйи баравар қилиб ясалган, уларнинг кийим-кечаклари кийдирилган тулумлари бўлган, бундан ташқари, манави суратлар ва газеталардаги расмларни мунтазам равишда итларга кўрсатиб, Летисия билан болани дарҳол танийдиган қилишган». Шундан кейин сардорлар унга ўша сурат ва расмлар ёпиширилган альбомларни кўрсатишиди, кўриб қўйинг қанчалар ишларни қилиб қўйдик дегандай бўлишиди бу силлиққина говфаҳмлар. «Ҳар ким ўз ишини адо этади, жаноб генерал!» Аммо у уларнинг башарасига боқмай, фақат «Ўҳў» деб қўйди ва шундан сўнг сардорлар әнг муҳим гапни айтишиди: албатта, ғаламислар ёлғиз ўзларича иш кўришмаган, улар бари – яширин ташкилотнинг агентлари, марказэлари эса ҳорижда жойлашган. «Манов уларнинг тамғалари, ҳазрати олийлари!» Сардорлар унга фитначиларнинг тамғасини кўрсатишиди – унда иккита кесишган ғоз пати ва ханжар тасвириланган эди, бузрук яна: «Ўҳў!» – деб қўйди. Сардорлар гапнинг давомига ўтишиди. Фитначиларнинг ҳаммаси илгари жинояткорона ишлар қилиб жавобгарликдан қўрқиб ҳукуқ-тартибот идораларидан узоқ вақтлардан бери қочиб юрган кишилар өкан. Сардорлар генералга фитначиларнинг полиция архивларидан олиниб альбом қилинган суратларини кўрсатишиди: «Манови учтаси – ўлдирилди, манов иккиси қўлга олинди, Сан-Херонимо турмасида ўтиришибди, жаноб генерал! Уларни нима қилишни ўзингиз айтасиз! Булар ақатука Маурисио ва Гумаро Понсе де Леон, ёшлари йигирма саккиз ва йигирма учда. Акаси ҳарбий хизматдан қочган, муқим турар-жойи йўқ, касб-кори ҳам бетайин. Укаси ҳунар билим юртида керамикадан дарс берган, анов итлар бу одамни қўриб, қувонганларидан думларини ликиллатиб сакратшиб, унга ўзларининг вафо-садоқатларини билдиришди. Ҳеч шубҳасиз бу унинг инкор қилиб бўлмайдиган айби борлигини кўрсатади, жаноб генерал!» Аммо у бунга жавобан ҳам фақат «Ўҳў» деб қўйди. Бироқ расмий ахборот учун куннинг хуласини чиқараркан, жиноят-қидирив ишларини олиб борган уч сардорни мақтаб, уларни «Ватанга садоқатли аскарлик хизмати учун» медали билан мукофотлади. У медалларни ўзи топшириди ва шу ернинг ўзидаёқ ҳарбий-дала суди ташкил

этиб, у акатука Маурисио ва Гуморо Понси де Леонни отишга ҳукм қилди. «Ҳукм ўқилгандан сўнг, қирқ саккиз соат ичидаги ижро этилиши шарт. Албатта олий ҳазратлари уларни афв қилмоқлари ҳам мумкин».

Шу қирқ саккиз соат ичидаги у ўз ҳалинчак тўшагида ёлриз ётди, бутун дунёдан ёғилиб келаётган афв қилиш тўғрисидаги илтимосномаларга қулоқ солмади; радиодан Миллатлар Ҳамжат миятидаги беҳосил сайрашларни тинглади, бир қанча мамлакатларда уни қоралаб сўкишаётганини эшилди, бошқа бир қатор қўшни ўлкаларда уни мақтаб, қўллаб-куватлашарди; кейин у ўз министрларини қабул қилди, уларнинг ботинар-ботинмай раҳм-шафқатга чақирганларини ҳам, қатъий чоралар кўришни бақириб-чақириб талаб қилганларини бир маромда камоли дикқат қўйиб эшилди, папанинг ўзи унга бўтам деб, шахсий хат ёзиб мурожаат ётди, унда аъло ҳазратлари икки адашган қўзини афв этишини илтижо этмиш эди, аммо у папа вакилини қабул қилмади. У бутун мамлакат унинг индамай турганлигидан ҳаяжонланиб, тўлқинланашётганини ҳам индамай эшилди; узоқдан келаётган отишма овозларига индамай қулоқ тутди, кўрфазга кираверишда рейдда турган ҳарбий кемада ҳеч қандай асосли сабабсиз рўй берган портлашнинг гулдирашларини индамай тинглади. «Ўн бир киши ўлди, жаноб генерал, саксон иккита яралангандар бор, кема ишдан чиқди!» «Маъқул», – деди у ётогининг деразасидан кўрфазга кираверишда ёнаётган улкан машъалага қараб. Сан-Херонимо ҳарбий базасида ўлим ҳукми ижро этилишини кутиб ётган ақа-ука учун охирги кеча кирди. Уларни суратларини кўрганини эслади: ақа-ука туғишган эканлиги шундок қўриниб турибди, қош-кўзлари бир хил. Уларни муқаррар ўлим олдида даҳшатдан қалтираган бўйниларига камера ёрлиги осилган, кимсасиз ночор ҳолда ўтирганларини кўз ўнтига келтироди, чироқ доим ёп-ёруғ нур сочиб ёниб турдиган ўлим камерасидаги аҳвонларини тасаввур қилди; уларни фикри-хаёли ўзига қаратилганини, афв умидида хаёлан унга ялиниб-ёлвораётганликларини туйди; бироқ унинг нима қилиши мумкинлигини олдиндан билишнинг сира иложи йўқ эди; у кунни одатдагидек кеч қилди, ётогининг эшигига навбатчилик қилиб

турган офицер билан хайрлашди, офицер унинг нима қарорга келганини, гарчи бу қарор биринчи хўроэ қичқириғигача қабул қилинганд бўлса ҳам, дарҳол бошқаларга етказиши керак эди. «Тунингиз хайрли бўлсин, капитан», – деди у офицернинг ба-шарасига қармай беписандлик билан, сўнг чироғини илгакка илди, эшикни ичкаридан уч қулфга беркитди, уч тамбани туширди, уч занжирни илди, ерга юзтубан чўзилди ва қушдай зийрак уйкуга чўмди, уйқунинг хафиғ пардалари аро ҳовлидаги итларнинг бе-зовта ҳуришларини, санитар машиналарнинг увиллашларини, му-шакларнинг пақирлаб отилишларини эшитарди, ҳукмнинг шаф-қатсилигидан ларзага тушган шаҳарни чулғаган қалин қоронгу-лик қўйнидан аллақандай нотайин бир байрамнинг музикаси янгради; у ярим кечада жоме қўнгироқлари овозидан уйронди, соат иккода яна уйронди, учда деразалар ва панжараларга ши-тирлаб урилаётган йирик ёмғир томчилари товушидан кўзини очди; худди буқа ўрнидан қўзғалалёттандан қўллайдиган усулини қўллаб жойидан оғир қўзғалди: буқа нима қиласди – аввал орқ-асини кўтаради, кейин олдинги оёқларини тирайди, сўнг пўла бўлган калласини кўтаради, жағидан сўлаги узун ип бўлиб оқиб туради; у худди буқадай ўрнидан турди; навбатчи офицерга ав-вало дераза тагидан дарҳол итларни бошқа жойга олиб кетишни буюреди, қаерга бўлса-бўлсин, фақат мен эшитмасам бўлди, деди лекин итларни ўлдиришмасин, то ўз ажаллари билан ўлгунча ҳукумат ҳисобидан боқилсин; иккинчидан, ўша машъум чоршан-бада Летисия билан болани қўриқлаб борган барча қўриқчи аскарларни айби бўлмаганлиги боис озод қилинсин; ниҳоят, учин-чидан, ака-ука Маурисио ва Гумаро де Леон тўхтовсиз суратда қатл этилсин; бироқ уларни ҳарбий-дала суди ҳукм қилгандай отилмасин, балки бунда қатлнинг бекор қилинганди усули қўллан-син, яъни: тўрт отга боғлаб тўрт томонга тортилсин. Шундан сўнг ака-ука Понсе де Леонларни тўртта отга боғлаб парча-парча қилдилар ва гавдаларининг бўлакларини ҳаммага ибрат бўлсин учун бизнинг фавқулодда ғам-ғуссали салтанатимиз-нинг ҳар ёғида энг кўзга қўринарли ерларга осиб қўйдилар. «Бечора болалар», – деб гўлдиради у оғир ярадор бўлган фил каби улкан оёқларини судраб босаркан, кейин ичиди жон-жаҳди

билан ёлворди: «Онажоним Бендинсон Алварадо, бегуноҳ тўкил-  
ган қонлар учун қасос олишимга мадад бер!» У кечасиу қундузи  
шундай бир одам ҳақида орзу қиласди, у жиноят қидирув ишла-  
рида фавқулодда қобилиятларга әга бўлса, шу маънода илоҳий  
лаёқат билан иш юритса, дерди. У кекчи хаёлининг алаҳсираш-  
лари ичидаги шундай одамни кўз ўнгига келтирас, уни ўзи учрат-  
ган одамлар орасидан гизли ҳаяжон билан ахтарас, кўзларга  
узоқ телмуриб қарабарди; атрофидаги одамларнинг овозларига қулоқ  
тутиб, уни овозининг қандайдир бир ўзгача оҳангларидан би-  
лишга уринарди; шу маънода юрагининг овозига ҳам қулоқ ту-  
тар, хотирасининг барча бурчакларини титиб чиқарди; кейин  
бундай одамни ахтариб топишдан умидини ҳам узиб қўйди, ле-  
кин нима бўлди-ю, бу одам кутилмаганда бирдан унинг рўпара-  
сида кўзни куйдириб юборгудек мафтункорлик билан пайдо бўлди.  
«Бу қачондир, қайдадир менинг кўзларим кўрган одамлар ичидаги  
энг назокатлиси эди, онажоним!» Бу одам худди годолар даври-  
даги каби эскича кийинган эди. Устида ёқасига мангу кўк япроқ  
тиклиган Генри Поул бичимидағи фрак, Пековер бичимли шим,  
тovланиб туруғчи кумушсимон парчадан нимча кийган эди. Бу  
одам Европанинг энг аслзода салонларида довруқ қозонган, у  
ерларда катталиги бузоқдай келадиган, кўзи одамларнинг кўзи-  
га ўхшайдиган бадқовоқ улкан доберман ити билан кўриниш  
берарди. «Хосе Игнасио Саенс де ла Барра, – деб танишиди  
ўзини, – хизматингизга тайёрман, олий ҳазратлари». Бу фуқа-  
ролар урушининг бўронлари супуриб ташлаган, Каудило феде-  
раллари қўшинлари томонидан тору мор этилган оқсуяк аслзо-  
даларимизнинг энг охирги әркли вориси эди; бу оқсуяклар улуғ-  
ворликка бўлган даъволари, ўзларининг молихулиёга фарқ  
қўрғон-қасрлари ва фарангча талаффузлари билан биргаликда  
юртимиздан қувилган, бадарга қилинган әдилар. Ушбу савлат-  
ли зотдор капралнинг ёши ўттиз еттидалиги, етти тилни били-  
шини айтмаса, бошқа ҳеч вақоси йўқ эди. Боз устига, учеб  
бораётган мўлжалга отиш бўйича Довилада ўтказиладиган овчи-  
лик мусобақаларида тўрт маротаба соврин ҳам олган эди. Қома-  
ти унчалар баланд эмас, ўзи келишган, терисининг тузи темир-  
нинг рантига ўхшарди, сочи дурагай одамларники каби бўлиб,

тўғри таралган, бир бўлак толаси оққа бўялган, қолгани тимқора эди, қаттиқ лабларидан иродали киши эканлиги акс этиб турар, кўзлари қаттиқ ва ўткир, жасорат билан боқарди, у салонларга осилган паттиамларда тасвирланган муфарраҳ ҳарбий манзаралар олдида ўзининг голос таёқчаси билан қрикет ўйнагандай бўлиб, рангли суратларга тушишни яхши кўрарди. Олий ҳазратларининг кўз қири капралга тушгани ҳамоноқ ентил нафас олдилар: «Худди ўзи! Менга керак одам!» Шу-шу Хосе Игнасио Саенс де ла Барра бизнинг генералимизнинг хизматига кирди. Ғақат битта шарт қўйди: «Олий ҳазратлари, сиз менга саккиз юз әллик миллион песо миқдорида пул маблаги ажратасиз. Унинг сарф-харажати ҳақида сиз олий ҳазратларидан бошқа ҳеч кимга ҳисоб бермайман. Худди шунингдек, сиз олий ҳазратларидан бошқа ҳеч кимга бўйсунмайман. Ўз томонимдан шуни ваъда қиласанки, икки йил ичида сиз олий ҳазратларига Летисио Насарено ва боланинг ҳақиқий қотилларининг бошларини топшираман». Шарт қабул қилинди: «Маъкул!» Зоро, генерал унинг майдатчидага қилиб ўтиромай ишини кўндаланг ҳал қилишига ишонди. Олдин уни ҳар турли йўллар билан хўб синаб кўрди; унинг иродаси қанчалар кучли ва қай ергача етиб боради деб, кўнгил дунёсининг энг чигал, қоронғи сўқмоқларига кириб чиқди; унинг феъл-атворида, табиатида биронта ожиз ва занф томонлари ҳам борминкин, деб аниқ билишга ҳаракат қилди. Охирги синов шафқатсиз домино ўйинлари бўлди, Хосе Игнасио де ла Барра гарчи изн олинмаган эса-да, уларнинг барини телба бир жасорат билан ютиб олди. «Чунки у мен кўрган мард одамларнинг ҳаммасидан ҳам мардроқ эканлигини кўрсатди она! У ҳаддан зиёда сабр-матонатли экан, у ҳаммасини биларкан, қаҳва тайёрлашнинг етмиш икки хил усулидан хабардор экан, моллюскаларнинг жинсини ажратаркан,nota илмини ва кўрларнинг алифбесини ўрганган экан у узоқ вақт миқ этиб оғиз очмай кўзимга тикилиб тура олар ва мен унинг қадалган кўзларидан ўзимни қаёққа қўйишни билмас, у ўзининг голос таёфининг қабзасига бепарво таяниб қўллари билан инжа ҳаракатлар қилган, жимжилогига тақсан олмос узугининг кўзларини ярқи-ратганда мен ўзимни қайга қўйишни билмасдим, унинг оёғи

тагида ётган кўзи пинакка кетиб барқут терисини қимирлатиб қўядиган сергак ва жаҳлдор итининг олдида мен ўзимни қаерга қўйишни билмасдим, турли лосьонлар сепиб ўзини муаттар этган бу одам олдида мен ўзимни қаерга қўйишни билмасдим, мана шу вужуди на эркалаш ва на ўлимдан қўркувчи фавқулодда қўркам, чиройли ва шу билан бирга ўзини бениҳоя тутиб олган бу одам олдида ўзимни қаёққа қўйишими билмасдим, мен бундай одамни кўрмаганиман ва айни мана шу кимса менга сиз ҳеч ҳарбийга ўхшамайсиз, сиз олий мақсадларни олдингиэга қўйганингиз учун ҳарбий ишга қўл ургансиз», деб айтишга журъат қилди.

«Сиз анов уришқоқларга ўхшамайсиз, генерал! Улар анчамунча жўн-одми одамлар, обрў-эътибор талашишлари ҳам бари жўн-одми. Улар учун унвонлар ҳокимиятдан кўра муҳимроқ, улар ҳокимлик қилишни әмас, буйруқ бериш – қўмондонлик қилишни маъқул кўришади, улар нимагадир хизмат қилишмайди, кимгадир хизмат қилишади, шунинг учун уларни бошқариш осон ва айниқса бирини иккинчисига қайраб турилса», – қаранг, у шундай деди, мен эса табассум қилмоқдан ўзга чорам қолмади, ичимда бу нурафшон одамдан нимани ҳам яширадим, деб ўйладим, унга кўп ҳукуқлар бердим, агар қадрдан дўстим генерал Родриго де Агиларни ҳисобламаганда – унинг жойи жаннатда бўлсин! – бутун ҳукм сурган йилларим давомида ҳеч кимга бунчалик кўп ҳукуқ берган әмасдим!» Шундан сўнг генерал мана шу Хосе Игнасио Саенс де ла Баррани ўз қарамоги ичидаги бутун махфий салтанатнинг тўлақонли хўжайини қилиб қўйди. Бу жазоловчи, таъкиб қилиувчи ва йўқотувчи яширин хизмат әди. Унинг расмий номи бўлмаганидек, муайян жойи ҳам йўқ әди, у ҳеч ерда йўқ, аммо ҳамма ерда ҳозири нозир, у борлиқдан ташқаридаги бир нағсага ўхшар, зеро унинг хатти-ҳаракатлари учун ҳеч ким жавоб бермасди. Бироқ у мавжуд әди – даҳшатли рўё каби мавжуд әди; у кўзга қўринмаган ҳолда давлатнинг бошқа жазоловчи идораларини ўз остига босиб олди, олий қўмондонлар унинг мудҳиш таъсири ва махфиённа ҳар ерда ҳозири нозирлигини тузук-қуруқ сезиб ултурмаслариданоқ у анча олдин ҳамма ишни ўз қўлига олди. Генералнинг ўзи ҳам ўз даҳшатли режаси нимага айланниб кети-

шини олдиндан кўрмаган ёди. «Мен шаҳзодаларга ўхшаб кийинган бу юҳо одамхўрнинг чангалига тушиб қолишими сира ўйламаган эканман, мени шайтондай авраб ўз оҳанрабо тўрига илинтириди». Мана ниҳоят кунлардан бир кун ушбу кимса президент саройига дагал бир қоп келтирди. Қоп кокос ёнроқлари билан тўлатилганга ўхшарди. У қопни ҳеч кимга халал бермайдиган холи жойга қўйишни буюрди. «Уни анов эски архив қофозлар турадиган деворга ишланган жовонга жойлаб қўйсанглар ҳам бўлаверади!» Қопни жовонга жойлаб, эсдан чиқариши, уч кундан сўнг даҳшатли мурда исидан туриб бўлмай қолди, бу ҳид барча деворларга ўтириди, барча ойналарга сассиқ уфунат бўлиб ёпишди; биз бу одам чидаб бўлмайдиган ёмон ҳидни қаердан чиқяпти деб ошхонадан қидирдик, молхоналарни қараб текшириб чиқдик, хушбўй моддалар тутатиб уни хоналардан қувиб чиқаришга уриндик, у эса мажлислар залига ҳам кириб борди. Унинг заҳарли ифлос буғлари худди чириётган гулнинг чучмал исига ўхшаб ҳеч қачон, ҳеч қандай ҳид киromаган тешик-тирқ-ишиларга кириб борарди, бу ерларга вабо вақтида ҳам бундай ҳидларни шамол олиб кира билмаган ёди бу ерларга; сассиқ уфунат эса ҳеч кимнинг хаёлига келмаган жойдан чиқмоқда ёди. У архив қофозлари жовонидан, ўша кокос ёнроқлари тўлдирилгандай туюлган дагал қопдан чиқаётган экан. Уни Хосе Игнасио Саенс де ла Барранинг буйруғи билан жовонга тикиб қўйган ёдилар. Нима экан дeng: қопда генерал билан тузилган келишувга биноан илк бадал жойланган экан: ҳаммаси бўлиб олтита одам калласи, уларнинг ҳар бирига нима сабабдан ўлганлиги ҳақида маълумотнома ҳам ёзилган ёди. Бунда туб аслзодаларга мансуб, кўзи кўр қария, тош асрининг намояндаси дон Непомусено Эстраданинг боши ҳам бўлиб, бу чолнинг ёши тўқсон тўртга кирган, ўзи улур урушнинг фахрийси ва радикал партиянинг асосчиси бўлиб, у маълумотномада қайд этилишича, ўн тўртинчи май куни қариллик боис юрак-қон томирларининг склерозидан қазо қилган ёди; доктор Непомусено Эстрада де ла Фуэнтенинг боши у олдин баён этилган кимсанинг ўғли, гометопат, маълумотномага ишонадиган бўлсак, отаси билан бир вақтда юрак ёрилиши туфайли қазо қилган; Элистер Кастро-

нинг боши йигирма бир ёшда физиолог-талаби; маълумотномада ёзилишича, маст-аласт жанжал-тўполонда санчилувчи оғир нарса билан зарбалар олиш оқибатида ўлган. Лидиса Сантьягонинг боши ўттиз икки ёшда яширин ҳаракат фаоласи жиноий abort натижасида ўлган; Роки Пинсоннинг калласи, унинг яна бир номи Кўзга кўринмас Хасинто ўттиз саккиз яшар пулфлаб учирладиган шарлар чиқарувчи фабриканинг әгаси, худди юқорида қайд этилганлар сингари ўша куни алкоголь билан қаттиқ заҳарланиб ўлган; Наталисио Руиснинг боши: «Ўн еттинчи октябрь» яширин ҳара-катининг йўлбошчиси; ўттиз ёшда; маълумотномада баён этилиши бўйича, юқорида зикр этилган Наталисио Руис бахтсиз севги туфайли тўппончадан ўз оғзига отган. «Ҳаммаси бўлиб, олтита калла, олий ҳазратлари! Олганингиз ҳақида манави квитанцияга кўл қўйинг». Шунда у даҳшат ва қўлансаликдан жигари ағдар-тўнтар бўлиб ушбу квитанцияга имзо чекди ва унинг хаёлидан шу нарса ўтди: «Онажоним Бендинсон Алварадо, бу одам-подам эмас, гирт ваҳҳий! Ноэзик одоб-икро мини кўрингу буни кўринг. Ёқаси-даги гардения гулини кўрингу ишини кўринг!» Лекин у овозини чиқариб бошқа нарсани айтди: «Менга бошқа тасахо<sup>1</sup> юборманг, Начо<sup>2</sup>. Менга оғзаки маълумот бериб турсангиз, бас!» Бироқ Хосе Игнасио Саенс де ла Барра буни қаттиқ туриб рад этди:

«Сиз билан аҳдлашиб, эркакча иш қилишга келишдик, олий ҳазратлари! Лекин ҳақиқатта тик қарашга этингиз юққалик қилса, унда мана, берган олтинингиз, шу ерда хайрлашамиз! Шу ҳам иш бўлдими? Шахсан мен ўзим агар зарур бўлса, тукқан онамни ҳам отиб ташлашга тайёрман!» «Қўйинг, қўйинг, Начо, – деди генерал сипориш билан, – ваҳима қилманг, бурчингиэн адо этинг!» Шундан сўнг кесилган каллалар дагал қопларда пайдар-пай келиб турди, қоплар худди кокос ёнгоқларига тўлатилганга ўхшарди. Генералнинг бутун ичи ағдарилиб кетаётгандек бўларди. «Буларни йўқотинглар», – деб буюради. Кейин ўлим тафсилотларини тинглагач, квитанцияларга кўл қўяди. Шу тариқа у умуман

<sup>1</sup> Тасахо – сурланган гўшт.

<sup>2</sup> Начо – Игнасио исмининг кичрайтирилгани.

олганда тўққиз юз ўн саккизта бошга имзо чекди. Булар бари унинг қаттол сиёсий мухолифлари әди. Каллаларнинг умумий сони ана шунча бўлган кечаси у бир туш кўрди, тушида у аллақандай кўрқинчли маҳлуқ – бир бармоқли ҳайвонга айланиб қолганимиш, у ўз ортидан бош бармоғининг узун чўзилиб кетган изларини қолдирамиши – бу излар янги цемент билан қопланган текислик сатҳида муҳорланар эмиш. У оғзи атчиқ бўлиб уйғонадиган бўлди, тонг қоронғуси кўрқувларидан паноҳ истаб молхонага бораради, ўз маҳзун хотираларининг гўнгхонаси олдида туриб кесилган каллаларнинг қайта ҳисобини қиласар, ўзининг қари мараз хаёлларига шунчалар чўмар әдикни, қулоғидаги қурмағур чигиртканинг тинимсиз чириллашини оёғи остида сўлғин ўт-ўланлар ичидаги сайдраётган ҳашаротлар овози билан аралаштириб юборарди. «Онажоним Бендинсон Алварадо, наҳот менинг ғанимларим шунчалар кўп бўлса? Ҳақиқий айбдорлар эса ҳали ҳам топилгани йўқ!» ғанимларнинг сони масаласига келганда Хосе Игнасио Саенс де ла Барра буни унга шундай деб изоҳлади: «Олтмиштаси учун – олти юзта ортирамиз, олти юзтасига эса – олти мингта, шундай қилиб, олти миллионтага бориб қолади!» «Лекин бу бутун мамлакатнинг аҳолиси-ку, падарига қусур! – қичқириб юборди генерал, – бу аҳволда ҳеч охирига етолмаймиз!» Аммо Хосе Игнасио Саенс де ла Барра парвойига ҳам келтирмай, деди: «Тинчгина ётиб ухланг, генерал! Улар тутаганда, биз тутатамиз!» Вой, баттол-э!

Бу нусха ҳеч қачон иккиланиб ўтирасди. Ўзининг дастлабки режаларидан заррача ҳам чекинмасди – бошқача фикрга зигирча бўлсин тешик қўймасди. У худди доберман ити каби ҳеч нарсага чалғимас, алағда бўлмас әди. Ити ёнида бўлганда унинг ўзига ишончи ортарди – унда ишонч ва сабот зўр әди. Ит генералнинг Хосе Игнасио Саенс де ла Барра билан учрашув ва сұҳбатларининг ягона гувоҳи әди. Рост, олдинига генерал бунга қаршилик кўрсатишга уриниб кўрди: Хосе Игнасио биринчи бора мана шу тизимчадаги улкан, ақл бовар қўймас, териси остида томирлари ва пайлари худди симобдай билтанглаб бўртиб ўйнаб турган, фаткат битта одамга – ҳеч нарсадан кўрқмайдиган, аммо қаҳри ўлардай қаттиқ одамгагина бўйсунадиган шу даҳшатли доберманни

етаклаб кирганда, генерал: «Итни ташқарида қолдиринг!» деб айттан әди. Бироқ Хосе Игнасио Саенс де ла Барра бунга қулоқ солишини ҳам истамади: «Иложи йўқ, генерал! Дунёда мен Лорд Кёхелсиз кирадиган жой йўқ». Шунинг учун ит доим кабинетта өгаси билан бирга киради ва унинг оёғи тагида бемалол мудраб ётарди; генерал билан хўжайини эса кесилган бошларни ҳафсала билан ҳисоб-китоб қилиб ўтиришарди; бироқ генерал андаккина овозини кўтарса, ит шу заҳоти сергак тортиб ўрнидан қўзғалар, еб ташлашга тайёрдай бутун вужуди таранг тортарди. «Унинг одамсимон, худди хотинларницидай кўзлари мени ўйлашга қўймасди, мен унинг одамга ўхшаб нафас олишидан қалтираб кетардим; бир куни навбатдаги қоплардан бирида ўзимнинг энг кекса адъютантларимдан бирининг калласига дуч келиб, азбаройи дарга-заб бўлиб, столга гурс этуб мушт урдим, буни қаранг, ит шу заҳоти дик этиб ўрнидан турди, тишларини ғажир-ғужур қилди, худди аскар қозончасидай гуп этиб қайнади ва тумшуғидан бурчиқиб димогимга урилди». Ўша адъютант эски қадрдони, бирга доим домино ўйнар әдилар, синалган дўст әди, қаҳро-ғазабга минганининг сабаби шунда әди: «Бўлди бас падарига лаънат! Ажина базм тамом!» Бироқ Игнасио Саенс де ла Барра ҳар доимгида унинг ғазабига сув сепди – бир жиҳати далиллар келтирган бўлса, иккинчи жиҳати ёввойи итларни қаттиққўллик билан қўлга ўргатувчилар каби ширин-шакар болохонадор сўзлар билан уни жаҳлидан туширди. Кечалари генерал анов топилмас нусха, у билан худди ўзига тобе одамдай муомала қиласидиган тирик маҳлукот ичидан бирдан бир ўша Саенс де ла Баррага қарам бўлиб қолаётганидан ўзидан-ўзи фижиниб ўртаниб тўлғаниб чиқарди, генерал ўзи билан ўзи ёлғиз қолган чоғларида ўша тусинг кургурнинг яширин салтатнатағи қарши бош кўтарар, унга кулларча бўйсунишдан бирваракай силкиниб ташлаб кутулишни кўзлар, нега десангиз, ушбу тобелик тобора одат тусига кириб борар ва аста-секин унинг бутун ҳожими-ятининг устухонини бошдан-оёқ әгалламоқда әди. «Эртагаёқ бу от ўйинига чек қўяман, – деб фўлдиради у, – бас, етар, падарига лаънат! Суриштириб келганда, Бендисион Алварадо мени бирор-нинг буйругини бажариш учун әмас, ўзим буйруқ қилишим учун

..  
дунёга туққан!» Аммо унинг кечаси билан ўзини яниб чиқарган қарорлари Хосе Игнасио Саенс де ла Барра ўз ити етагида унинг ҳузурига қадам ранжида қилган заҳоти худди кесакдек сочилиб уваланиб кетарди. Генерал яна унинг инжа муомалали-ри, ёқасига тақилган гардения гулига, ўқтам овозига, лосьонла-рининг ўткир ҳидига, крахмалланган манжетларида, ярақ-тюрюқ қилиб турган олмос тутмаларига, салмоқли хассасига, «ўз кўзим билан кўрган одамлар ичиди» энг зарури ва энг тоқат қилиб бўлмайдиганининг ўзига ярашган кўркамлигига асир бўлиб, кўзи ҳамашарди қоларди. Аммо тили калимага келиб шундай дерди: «Ваҳима қилмайлик, Начо, ўз бурчингизни адо этинг!» Шундан кейин яна кесилган бошлар тўлатилган қопларни қабул қилиб олар, юзига қараб ўтирамай яна навбатдаги квитанцияларга имзо чекар, ўз истибодининг шувиллаб сирғаниб оқадиган қумлик-ларига бошдан-оёқ ботар – оёғи остида ҳеч қандай таянчсиз тубсиз қаърларга чўкиб кетарди. У ўзидан ҳар қадамда, ҳар тонг отганда, ўзига денгизни тортиқ қилиб турувчи ҳар дераза олдида сўрагани сўраган эди: «Бу дунёга нима бўлди ўзи? Соат ўн бир бўлиб қолдию аммо бу ўлик уйда бирон жонзотдан дарак йўқ! Ҳой, борми бу ерда тирик бир инсон?» – деб нидо солар, лекин ҳеч ким жавоб бермас, у ёлғиз ўзи, бутунлай ёлғиз эди, ва назарида ўз боргоҳида эмас, худди бироннинг қандайдир бе-гона истинодгоҳида тургандай бўларди. «Эшакларнинг карвонидан юкларни тушириб, мева-чева, қуш, товуқларга тўла саватларни йўлакма-йўлак кўтариб юргорган қатор-қатор хизматчилар қани, тун бўйи сўлиган гуллар ўрнига янгиларини қўйиш учун кўзаларнинг сувини янгилайдиган менинг тили капгирдан тез айланадиган маҳрам хотинларим қайди қолди, қани улар сепган сувлардан қолган кўлмаклар, қушларнинг қафасларини тозалаб, пойандоз гиламларни ташқарига олиб чиқиб тўқмоқлааб қоқадиган ва шунга ҳамоҳанг «Сусанна кел ёнимга, Сусанна ташна бўлдим муҳаббатингга» деб қўшиқ куйладиган ўша хотинлар ҳаммаси қайга кетди, ҳар бир эшикнинг тагига сиядиган ва отилиб чиққан сийдиги билан мажлислар залининг деворларига икки ўркачли тя-нинг суратини чизадиган менинг ориқ-тириқ чалаларим қани,

ёзув столининг тортмаларига тухум қўядиган товуқларни киш-  
кишлаб ҳайдаб юрувчи менинг бесаранжом, жонсарак амалдор  
ходимларим қайга кетди, дипломатлар келганда акиллаб тура-  
диган менинг сонг-саноқсиз лайчаларим қани, ким менинг шол-  
шуруқларимни зинналардан тепиб туширди, ким гулбутазорлар-  
дан менинг моховларимни ҳайдади, ким менинг тенги-туши йўқ  
хўшомадгўйларимни йўқотди?» У ўзининг хавфсизлигига жавоб  
берувчи янги мулоzимларнинг тиккайган елкалари оша ўзининг  
генералитетдаги яқин кишиларини зўр-базўр кўрар, улар худди  
баланд девор орқасида қолиб кеттандай әдилар. Янги мини-  
стрлар таркибини ҳам у тасдиқлагани йўқ ва агар уни кенгашга  
сўзга чиқиши учун таклиф этсалар, буни худди унга марҳамат  
қўрсатаётгандай бўлиб қиласидилар. Олтига фан доктори янги  
министр бўлишган әди, улар қора мотамбоп сюртук кийишар,  
ёқалари тахтакачдай қотирилган бўлар, улар унинг фикридан  
ўзишга ҳаракат қилишар ва давлат ишларини у билан маслаҳат-  
лашмай битиришарди. «Падарига минг лаънат! Қаёққа борсанг  
бор, аммо ҳукумат бу – менман!» деб шовқин-сурон солмоқчи  
бўлса, Хосе Игнасио де ла Барра унга вазминлик билан тушун-  
тира бошларди: «Ундей эмас-да, генерал! Сиз ҳукумат эмассиз.  
Сиз – ҳокимиятсиз!» Кечкурунлари домино ўйнаб ўтириб, зе-  
рикиб ўлай дерди, ҳатто энг пихини ёрган уста ўйинчилар ҳам  
уни зериктириб юборишарди. Зеро, қандай найранг, қандай пи-  
стирма қилмасин, барибир биронта ўйинни ҳам ютқазиш имко-  
ни бўлмасди. Тушлик овқатини ҳам бир соатлар кутишга маж-  
бур әди, зеро овқатни текширувчилар то ҳар бир луқмани  
синовдан ўтказмагунларича уни столга ўтқизмас әдилар. Унинг  
яшириб қўйган жойларидаги асаллар ғойиб бўлди. У Саенс  
де ла Баррага шикоят қилди: «Бу лаънати қандай ҳокимият  
бўлди? Мен шундай ҳокимиятни деганимид?» Бунга Саенс  
де ла Барра ахир бошқача ҳокимият бўлмайди, деб жавоб  
қайтарарди. «Бирдан-бир мумкин бўлгани мана шу бори, ге-  
нерал!» Ул нурафшон замонларда мисли якшанба бозори каби  
гавжум, баравж жаннат бўлган боргоҳнинг ҳаётси бамисоли  
бехуш уйқуга ғарқ әди, бу янги ҳаётда у қўлини нимага уришни  
билмасди, фақат ҳар куни тушдан сўнг соат тўрт бўлишини

интизорлик билан кутарди, соат тўртда маҳаллий радио орқали бериладиган бахтсиз муҳаббат ҳақидаги романнинг навбатдаги бобларини қўйиб эшитарди. У ҳар янги бобни ўз ҳалинчак тўшагида ётганча, қўлида ичилмаган бир стакан мева шарбатини тутганча канда қилмай эшитар, кўзларида ёш ҳалқаланарди. Навбатдаги бобни тинглаб, романнинг аёл қаҳрамони ўша ёшига қиз ўлармикин, ўлмасмикин деб изтироб чекарди. Хосе Игнасио Саенс де ла Барра унинг учун суриншириб билди ва айтиб берди: «Ҳа, генерал, у қиз ўлар экан». «Ундаи бўлса айтинг, ўлмасин-е, падарига! – буюрди у. – Яшасин-е романнинг охиригача, эрга тегсин, бир этак бола турсин, кейин ҳамма одамларга ўхшаб қариб-чуриб юрсин!» Шундан сўнг Саенс де ла Барра генерал ҳокимияттининг ҳузурини кўрсинг деб, асарни қайта кўриб чиқишини айтди. Шундан өтиборан радиоқаҳрамонларнинг ҳеч бири унинг ижозатисиз ўлмайдиган бўлди. Унинг хоҳиш-иродасига кўра бир-бирларини яхши кўрмайдиган йигитқизлар никоқ ўқитадиган бўлишди, аввалги бобларда жони узилган персонажлар кейинги бобларда тирилишди, унинг хоҳиш-иродаси бўйича; салбий қаҳрамонлар олдиндан жазоланишди, барча ижобий қаҳрамонлар бахт-саодатга эришишди, бинобарин, бахтга унинг буйруғи билан эришиларди; шулар боис, у ўзини нима биландир машғул бўлаётгандай, ҳаётини қандайдир маъно-мазмун билан тўлдираётгандай сезарди, зеро, кўп вақтлардан буён қўлининима ишга уришини билмасди; у кечқурун говгумда қўлида фонар ҷироқ қўтариб ўз мулкатурини айланаркан, кимдир аллақачон сигирларнинг емини бериб қўйган ва президент гвардияси турадиган хоналардаги чироқларни ўчириган, кимдир барча хизматчиларни ухлаб дам олишга жўнатган ва мулозимлар бари ухлаб қолишган бўлиб чиқарди. Ошхоналар топ-тоза ярақлар, поллар ювилган, гўшт майдаланадиган кундалар қиртишлаб тозаланган, тозаловчи дорилар суртилган бўларди. Кимдир унинг барча талабларини олдиндан билиб адо ғтарди; бундан ҳам ортиқ, аллаким деразаларнинг лўқидонларини тушириб ёпган ва барча кабинетларнинг эшикларини қулфлаб беркитган, ҳолбуки барча эшикларнинг калитлари фақат унда, фақат унинг ўзидағина сақданарди. У ўчиromoқчи бўлиб қўл чўзгунча

ташқи эшиқдан то ётоқхонасининг эшигигача бўлган йўлакдаги барча чироқлар бирин-сирин ўз-ўзидан ўчарди, у қоронгуда ойналарда ўз аксини кўрмай асоратдаги ҳукмдор каби оғир оёқларини судраб босар, ҳеч ким унинг юлдуз қадамларини кўрмасин деб, орқасидан қора баҳмал қопчиққа солинган олтин нағалини илаштира борарди. Деразалар ёнидан ўтаёттанды ҳамон ўша денгизни, январь ойидаги Кариб денгизини кўрарди. Унга у йигирма уч маротаба қаради ва йигирма уч маротаба ҳам у ўша доим январь ойида бўладиган денгиз эди – у юзини тилларанг бақатўнлар қоплаган ботқоқликка ўхшарди. Ҳамма ойларда, ҳар бир оқшом мана шундай бўларди ва ўша август оқшомида ҳам мана шундай ёди. Қоронгуда оёғини судраб босиб ётоги томон бораркан, Бендинсон Алварадонинг хонасига қараб ўтди. Бу ерда ҳамон тувакда лимон, ўт, аллақачонлар ўлиб кетган қушларнинг қафаслари тураг, онаси охирги ойларда оғриб ётган, тирниклайн чириган ва жон таслим этган азоб-уқубатлар тўшаги ҳам ҳамон шу ерда эди. «Хайрли тун, она», – дея ғўлдиради у, гарчи унга узоқ замонлардан бўён: «Хайрли тун, ўллим, худо ёринг бўлсин», деб жавоб айтадиган кимса бўлмаса ҳам. Онанинг хос хонасидан чиқиб у ўз ётоги сари кетди, қўлидаги ўша-ўша мабодо қочишга тўғри кела-диган бўлса асқатадиган чироқ билан йўлини ёритиб борди. Бирдан у қўрқинчдан қақшаб тўхтаб қолди, хов нарида қоронгуликда чироқнинг шуъласи Лорд Кёхелнинг қорачиқларига тушиб оловли чўғ каби акс этди. Эркаклар сепадиган атир ҳиди анқиди ва генерал бу ҳидни тарқататтандырсан зотнинг амр қувватини ҳис этди, унинг ўз қўрқинчига бўлган нафратини жонида туйди. «Ким бу?» – деб қичқирди у, гарчи унинг кимлигини аниқ билиб турган бўлса ҳам; тантанавор либослар кийган Хосе Игнасио Саэнс де ла Барра боргоҳга бугун тарихий кеча эканлигини өслаттани қадам ранжида қилган эди. «Ўн иккинчи август, генерал! Улуг сана! Сизнинг ҳокимият тепасига келганингизга роса юз тўлди! Шунинг учун, генерал, бутун дунёдан межмонлар ташриф буюришган. Бўлмаса-чи! Ҳаёт энг узоқ давом эттанды ҳам, бундай байрамда фақат бир маротаба қатнашиш мумкин. Бутун мамлакат байрам қиляпти, сиз нима қилиб юрибсиз?» У Хосе

Игнасио қанча ялниб, ёлвормасин, кўндириш учун қанча ҳаракат қилмасин, ушбу байрам кечасини гулдурос қарсаклар ва халқининг алангали муҳаббати шуълаларига кўмилиб ўтказишни истамади ва одатдагига қараганда барвақтроқ ётогига кириб, ичкаридан эшикни уч бора қулфлаб, уч бора тамбасини тушириб, уч бора занжир солди, ҳеч қандай белгилари бўлмаган дағал уст-боши, чап ётигидаги олтин ниқтов нағали билан қуруқ ерга юзтубан тушиб ётди, ёстиқдай кафтларига юзини босди ва шу ҳолатда тек қотди. Ўз вақтида биз уни калхатлар чўқиб ташлаган, қурт-қумурсқа ҳамда дengiz ости сув ўтлари босган ҳолда топган әдик – ҳозир ҳам у ўзининг мана шу азалий ҳолатида ётарди – уйқусизликнинг юмиллас қора чўғларини босган қоронгулик туманлари аро олислардан келаеттган байрам мушакбозликлари гулдурослари, шодиёна муэника садолари, қўнғироқларнинг хуррам жаранглари қулогига элас-элас чалинар, уни кўкларга кўтариб шарафлаёттан, селдай оқаёттан одамлар издиҳомини эшиштар, аммо бу шараф унинг шарафи эмасди. Буларни эшишиб у маҳзун бўлишдан кўра кўпроқ ҳайрону лол бўлиб, гўлдираб қўярди: «Вой қисматимнинг онаси Бендинсон Алварадо! Уша вақтдан бери юз йил ўтиб кетибди! Хувори вақтнинг ўтишини қаранг»

Шундай қилиб, бу унинг ўзи эди, шу ерда эди, йўқ, энди бу унинг шериги эмас, у қабуллар залида, банкет столи устида ётарди, худди ўлган пападай улуғвор ва серҳашам либосларга, ранго-ранг гулларга бурканган эди, агар булар орасида ўзи ўзини кўрса эди, әҳтимол танимас эди – ахир у илгари бир бора ўлиб кўрган ва бир бора мана шу зиёфат столида ётиб ириб-чириган эди – мана яна ҳаётлик чоғларига қараганда ҳам қўрқинчлироқ бўлиб ўлиб ётибди, ичига пахта тиқилган ипак қўлқоплари шишган, унинг товусдай товланган ярқироқ тантанавор мундири мўйсағифдинг кўксини янада чорсироқ кўрсатади, кўкраги сон-саноқсиз нишонлар, тамгалар билан худди совутдек қопланган – бу мукофотларни у устомон ва сурбет малайлари тўқиб чиқарган ҳавоий шоколад урушларда қозонган хаёлий ғалабалари учун олган – сўл ётагида ниқтов олтин нағали, елкаларида Коинот Генералининг ўнта маъюс юлдузи (уни ўлимдан ҳам юқорироқ кўтариш учун охириги

дамда шошилинч тарэда унга ушбу унвон тақдим этилмиш эди) – четдан қараган одамга у мана шундай оппа-очиқ ётарди. Шунинг учун биринчи маротаба унинг бор өканлигига ҳеч қандай шубҳа-иштибо туғилмади, аслида ҳаммага кўрсатиш учун қўйилган мана шу мурдачалик ҳеч кимса унга оз ўхшамас, ҳеч кимса ундан беҳад-беҳисоб йироқ эмасди, милтиллаб ёнаётган шамларнинг ёргурида у худди қизариб-бўзариб бораёттанга ўхшарди. Биз эса қўшни ҳукумат кенгаши залида тун бўйи расмий бюллетеннинг ахбороти устида, ҳар бир сўз устида бош қотирадик – биз бу ахборотнинг тўғрилигига ҳали охиригача ўзимиз ҳам ишониб-ишонмасдик. «Мен ҳарбий юқ машиналарининг босиҳи овозидан ўйғониб кетдим. Думалоқ қўқ темир қалпоқ кийганинг аскарлар елкаларидаги автоматлари ва аслаҳа-танжомлари нинг оғирлигидан қадларини буқкан ҳолда кичик-кичик гуруҳларга бўлиниб кимсасиз йўлаклардан ўтиб боришар, бино йўлакларнига яширинишар, чорраҳаларда тўхтаб туришар, давлат идоралари әшиклари олдида ушланиб қолишарди; баъзилари савдо расталари арклари остига сумбалари қўёшда ярқираган қуролларини олдиларига шай қилиб ётишарди, бошқа бирлари эса – буни мен ўз қўзим билан кўрдим – оғир пулемётларини виџе-қирол маҳалласи биноларининг томларига олиб чиқишарди, мен ҳозиргина ҳовлидан ҳали ҳўл чиннигулларни узиб чиқ-қан эдим, гулларни солиб қўйиш учун нарса қидириб балконнинг эшигини очган эдим, дарҳол дағал вағир-вуғур овозлар ва дўпир-дўпир оёқ товушларини эшилдим – лейтенант бошчилигидаги соқчилар дам у әшик-дам бу әшикни қаттиқ-қаттиқ тақиллатиб әнди-әнди очилётган дўконларни дарҳол ёпишни талаб қилишарди. «Юқорининг бўйруғи! Бугун – миллий байрам» Мен лейтенантга битта чинни гулни отдим-да, нима бўляпти ўзи, деб сўрадим, кўчаларда мунча кўп аскарлар нима қилиб юришибди, мунча шовқин-сурон солишади. Мен ирғитган гулни сакраб тутиб олди-да, аввалига елкасини қисди: «Жонгигам, биз ўзимиз ҳам нималигини билмаймиз», – деди. Кейин менга қўзини қисиб қўйди-да, тўхтовсиз хаҳолаб кулганча бақирди: «Балки мурдага жон биттандир, а?» Бу тахминнинг ҳеч бир ажабланадиган жойи йўқ эди. Аксинча, бизга унинг ер юзидаги тирик ҳаётининг охири

жуда ҳам ҳайратомуз ва англаб бўлмас бир нарса каби туюларди, ва биз унинг шунча йиллардан бери давлат ишларини ўз ҳолига ташлаб қўйиб мана энди тирилиб яна ҳукмронлик жиловини ўз қўлига маҳкам олганига чиппа-чин ишонишимиз ҳеч гап эмасди – назаримиэда у яна ҳар қачонгидан ҳам тирикроқ эди – яна кўланкага ўхшаб кўринган Ҳокимият Уйининг узундан-узоқ тилам пойандозларида унинг кенг ялпоқ товоналарининг шипиллаган овози эшитиларди; бу ерда худди бир маҳаллардай яна таниш пуфакмонанд чироқлар ёнди; биз бошқа бир аллаким эмас, фақат у де Армас майдонидаги ёрилиб ётган тош плиталар орасидан чиқсан майса-қўкатларни чимдид юрган әринчоқ сигирларни ҳайдаб чиқарганига лаққа тушиб ишонишимиз ҳеч гап эмасди; биз шунингдек, сўлғин пальма соясидаги тош плиталар устида ўтирган кўр чол туёқларни аскар этиклари деб ўйлаганини ҳам табиий ҳол деб қарапардик, кўчаларда дўпир-дўпир ҳамон эшитилиб турар ва кўр чол бу орада ўлимни енгиб, уйга ғалаба билан қайтган баҳтиёр валломат ҳақида шеър ўқий бошлаган эди. У қулатилган тош санамларининг ташландиқ маъбади узра чирмашиб ётган хина гулларни бамайлихотир пишиллаб ямлаётган сигирларга қўлларини чўзганча ҳаприқиб, ҳаяжонланиб ўқирди; овқат қидириб сарой зиналаридан дам тушибдам чиқишга ўрганиб қолган сигирларга бу ер маъқул кўриниб, улар оқ-қизил раъно гуллардан чамбарлар таққан мана шу санамлар ва Миллий театрнинг хароба биносини безаган лираларда осилиб турган маймуналар орасида яшашарди. Улар ташналиқдан ўртаниб вице-қирол маҳалласининг салқин, нимқоронги йўлакларига шовқин-сурон билан қасир-қусур қилиб кириб боришаар, бу ерларда бирданига ўнлаб гултуваклар ағдарилиб тушиб сингандай шарақлаган овозлар чиқар ва шу заҳоти қизиб кетган тумшуқларини ҳовлидаги ҳовузга ботирардилар. Лекин улар қанча ичмасин, уларни ҳайдаб юборишга бирон кимса журъят этмас, чунки сигирларнинг сағирлари ва буқаларнинг бўйинларида президент тамғасининг излари аниқ-тиниқ кўриниб турарди. Бу ҳайвонлар муқаддас эди, ҳатто аскарлар ҳам савдо расталарининг тор ва айлана кўчаларида уларга йўл берардилар. Бу кўча аллақачонлар ўзининг аввалги байрамона қувноқлиги ва шайтоний

улуғвор жозибасини йўқотган, йиллар ўтиши билан худди синдириб ташланган қовурғалардай шпангоутлар<sup>1</sup>, вақт емириб ташлаган бушприт<sup>2</sup> ва мачталар, ҳеч кимга кераги бўлмаган абзalanжомларга айланган эдилар, улар сассиқ кўлмакларда чириб ётар эдилар, илгарилар ҳам дengиз бўлган ва юк кемалари тўри савдо расталари олдида тўхтайдиган вақтларда – бу ерда янги тутилган балиқлар ва мева сабзавотлар сотиларди; бўум-бўш раста дўконлари ачимсиқ ёмон ҳид билан тўла әди – бу ерда бир маҳаллар – у эндигина президент бўлиб ўтирган кезлар – ҳиндиларнинг бозори жуда қизирди; кейин ҳиндилар унга раҳмат ҳам айтмай кетиб қолишиди. «Шимильтириқни ебсанлар! – деб қичқорди уларнинг орқасидан қариларча тоқатсизлик ва ғазабга миниб. – Жўнанг ўша англизларингизга, ахлатларини тозаланг!» Лекин бу сўзларни улар ўшишишмади; уларнинг ўрнини сехорли туморлар, илон чаққанга даво бўладиган малҳамлар сотувчи сайтёр бозоргонлар әгаллади, ёнидаги чирик ахлатлар билан тўла ташландиқ жойда ўса кичкина каталак уйчалар пайдо бўлди, улар ичкаридан пар девор билан тор хоначаларга ажратилган әди, уларда кун-тун сийقا патефон лаппакларининг зерикарли хириллаган овози ва ижарага бериладиган фаҳш каравотлари-нинг тинмай фирчиллаши ўшитилиб турарди. Даранглаган жомсадоси миллий мотам бошланганидан дарак бериши замоноқ аскарлар буларнинг барини милтиқ қўндоқлари билан бузиб ташладилар. Ҳа, ким нима демасин, бу ҳақиқий маънодаги мотам әди ва қайгу ҳам самимий әди, зеро биз узоқ вақт илҳақ бўлиб кутган унинг ўлими кўп нарсаларга бизнинг кўзимизни очди. Ҳа, у ўзининг қиролларга хос касалларидан биринга учраб жон таслим қилишини роса умидсизлик ва ноchorлик ичидаги маҳтал бўлиб кутдик, неча-неча марталаб унинг ўлими ҳақидаги шивир-шивир хабарларни, кейин уларнинг яна неча-неча марталаб ёлғонга чиққанлигини ўшидик, қачон бу ҳақиқатта айланаркин деб зор-интизор бўлдик ва бу орада ўзи-миз ҳам тугадик, ёниб-куйиб адо бўлдик, мана әнди ҳам унинг

<sup>1</sup> Шпангоут – кема борти қопламасини мустаҳкамловчи кўндаланг қовурғаси.

<sup>2</sup> Бушприт – кеманинг бурун қисмидаги елканлар мустаҳкамланадиган устун.

батамом, узилткесил кетганига ишонмадик, бунга ҳақиқатан ишончимиз комил бўлмагани учун әмас, балки юрагимиэнинг тубида бундай бўлишини истамас әдик. Биз бундан кейин қандай яшашимизни тасаввур қилолмасдик, усиз умуман ҳаёт қандай давом этишини билмасдик – бизнинг ҳаётимиэда у шу қадар беҳад катта ўринни ишғол қилган экан. «Бу инсон менинг ҳаётимда қанчалар катта маънога эга бўлганини айтиб адо қилолмайман, менинг ёшим ўн иккода, шу ёшимда у менга шунчалар лаззат-фароғатга тўла баҳт ато этдики, бундай баҳтни кейин менга биронта ҳам әркак ато этолмади, ато этолмайди ҳам! Уни ферманинг кичкина дарчасидан оҳиста мўралаб турган пайтидан буён эслаб қолдим, у биз кичкина қизчаларни шунчалар ташналиқ билан томоша қиласди, биз матросча ёқалик кўк кўйлакчаларда мактабдан роса соат бешда чиқардик, у бизнинг хипчагина белларимизга пишиқ қилиб ўрилган жамалак соchlаримиз илондек тўлғаниб тушиб турганлигини кўриб шавқ ўтида ёниб пичирларди: «Онажонгинам Бендинсон Алварадо бу тайлоқчалар нақадар мазали!» Биз кўрафдик унинг кўзлари оч телмурганини, у йириқ қўлқопдаги бармоқларида элчи Фоурбис юборган чиройли идишчани қисимлаб, дамбадам уни юқорига кўтариб бизни әшитсин деб, силкитар, идишча ичидаги ялпизли обакилар тириқларди. Биз барибир юзимизни буриб қочиб кетардик. Фақат бир марта ҳеч ким қарамаётганига ишонч ҳосил қилгач, мен секин дарча олдига беркиниб бордим ва чиройли рангли идишчага қўлимни чўздим – обакиларнинг ширқиллаши менинг ақлу ҳушимни олиб қўйди. У менинг қўлимни маҳкам ва майин ушлади, мени худди шердек юмшоқ кўтариб олди ва ҳеч қаеримни оғритмай дарчадан ичкарига олди, шунчалар эҳтиётлаб, авайлаб кўтардики, мактабга киядиган кўйлагимнинг биронта жойи әзилмади. Кейин у мени хашаклар устига ётқизди, хашакдан ўткир шилтиро ҳиди келарди, кейин менга нимадир демоқчи бўлиб оғзини очди; тили худди танглайига ёпишиб қолгандай эди, у мендан ҳам баттар қўрқиб кетганга ўхшайди деб ўйладим. Юраги шунчалар қаттиқ гурсиллаб ураддики, кўкрагига чил ёпишган кўйлаги устидан унинг зарбалари шундоқ кўриниб турарди. Унинг

ранги ўчган, кўзларида ёш филтилларди, кейин мен билан бирга бўлган эркакларнинг биронтасида бундай ёшли кўрмадим. Унинг чайир бармоқлари титраб турган баданимни силарди – шунчалар куч, шунчалар истак ва шунчалар майниникни кейин мен ҳеч қаҷон учратмадим. Унинг бармоқлари қорнимдан юқорига ўрмалар, титраб қисимлардики, улар остида кўкрагимнинг фунчалари гул-гул очилаётганлигини ҳис қиласдим, ғарам устидага тоқатсизланиб қимирлардим ва нотаниш эркакнинг тер ҳиди анқиган, унинг жиққа ҳўл кўйлагига маҳкам ёпишардим. Кейин унга элчи Бейлдричининг обакилари ҳам керак бўлмай қолди – энди мен ўзим сигирхона деразасидан ошиб тушардим, бу одамнинг қучоқларида ўзимнинг тўлишиб, камолга етажтанимдан қувонардим. Бу кишининг кўзлари маъюс, юраги соғлом әди, у мени бир сават нозу неъматлар билан ғарамхонада кутарди. У менинг ҳидимни яхши қўрар ва менинг ўзимни бу ҳидларни севишга ўргатарди. У биз ейдиган таомларга ҳам менинг ҳидим ва чиқитларим сингиб кетишини жуда ёқтиради. «Сен ширинсан, – деб пичирларди у менга, – сендан портнинг мазаси келади... Мен сенинг обиятингда пиширилган, сенинг тузинг қўшилган буйрагингни егим келади...» У ҳар оқшом баданимни бошимдан- оёғимгача пийпалаб чиқар, унинг ўз ҳирси- ёқтиросининг ўткир қалампирни ва лавр япрори билан тотли қилас, мени алангали гулхайриларнинг оҳиста ёнган ўтида қайнатар – бизнинг хаёлни муҳаббатимизнинг ҳар оқшоми ана шундай кечар, лекин унинг келажаги йўқ әди. У менга таом едирар ва ўзи ҳам кекса одамнинг ҳирси ва саховатига монанд қўшилиб ерди. Мен ундан сўнг мени оғушига олган кўп шошқалоқ, ҳиссиз зиқна пиrolарни кўрдим, лекин улар ичидагидек ёқтиросли ва ундаи сахий зотни ҳеч учратмадим. Биз бир-биromизга росалик тўйган чоғларда сигирлар бизни сўлаткай ва ғадир тиллари билан яламоқчи бўлишар, у шундай пайтлар сигирларни нари италаб, ўзи ҳақида, баъзан дунёдан жуда ҳам безиб кетиши ҳақида оҳиста сўаларди, дунёни боре деб ташлаб кетгим келади, дерди. У менинг ачинишмни ҳам истамасди, шикоят ҳам қилмасди, худди ўзи билан ўзи гаплашаётгандай бўларди. Менга унинг ичидаги даҳшатли бир

сукунат бордай ва бу сукунатни фақат даҳшатли чинқириқ билангина очиш мумкиндай тууларди. Аммо унинг овози равон жааранглар ва чайир қўллари яна баданимда чанқоқ ўрмалай бошлар, яна чапдаст ва толмас чавандоздай отта минарди – у менинг борлиғимнинг бирдан-бир маъносига айланиб қолган эди. Мен ўн тўртга ҳам тўлдим. Бир куни уйимизга елкасидаги погонлари йирик юлдузларга тўла иккита ҳарбий киши келди. Улар эски олтин тангалаар билан лиқ тўлдирилган иккита чамадон келтиришиди. Ярим кечаси мени ва ота-онамни чет элнинг кемасига чиқаришиди. Шу тариқа чет элга бориб қолдим ва узоқ йиллар унинг ўлганлиги хабарини эшитмагунча ўша ерларда яшадим. Мен ўзимнинг зерикарли ва тангной ҳаётимда унинг қучоқларини эслаб минг бора ўлиб тирилдим, аммо у буни билмай кетди. Минг бора дунёда ундан ҳам яхши әркак бормикин деб, дуч келганининг қучорига кирдим, лекин нафрат билан юзимни бурдим, чунки уларнинг бари унинг олдида судралган шиллиқ-күртта ўхшарди. Мен ҳар хил әрқаклардан бир этак бола орттириб, ёшлигимни йўқотиб, адойи тамом бўлиб қайтиб келдим, ўзимни доним болаларни ундан орттиридим деб ишонтиридим, ўлаётганда мени ҳам зигирча бўлсин эсладимикин деган андак умидим ҳам йўқ эмасди...» Аммо генерал у ферма деразасида кўринмай қолган иккинчи куниёқ уни мутлақо унугтган, кейин бошқа бирини имлаб чақирган, кейин яна бошқасини, кейин яна... ҳар оқшом аҳвол шу эди, чунки ўша вақтда у бир хил кийим кийган мактаб қизларининг фарқига бориши қийин эди; назарida ҳаммаси бир-бирига ўхшарди, улар унинг ёнидан бир гала мовий қушчалар каби ўтишар, унга бигиэдай тилларини чиқарип кўрсатишар, қари эшак деб ғашига тегиб хахолаб кулишар ва элчи Римпелмейернинг обакилари шиқирлаган чиройли қутитага қиё қараб қўйишаради. У уларни чақирап, дарчадан кўтариб олар, буниси кечагими ёки бошқасими суриштириб ўтирамасди, уларнинг бари унинг учун матросча ёқали кўк кўйлак кийган битта хилқат эди. У қўзларини ярим юмиб элчи Штреймбергнинг бир тусдаги зерикарли гапларини қулоги ёнидан ўтказиб юбораркан, шу хаёлларга берилиб ўзида ширин бир толгинлик туйди. Элчи унга электр кучайтиргичли зўр бир граммофон

совға қылған әди (у анов ит қараб ўтирганга жуда ўхшарди<sup>1</sup>)? Бунда у мамлакатта тегишли денгиз сувларини катта қарзни тұлаш ҳисобига бериб юбориш түғрисида қўйилаётган қаттиқ талабларни ҳар доим әшитиб турсин, деганга ўхашаш маъно ҳам йўқ әмасди. У бу талаблар ва унинг атрофидаги гапларни ёддан билар ва шунинг учун ҳар доим битта жавобни кандо қилмай тақрорларди: «Шимилтириқ демайсизми, азизим Стивенсон! Нима сўрасангиз сўранг, фақат денгизни сўраманг».

Шундан сўнг у темирнинг овози ўчсин деб, мурватини бураб қўярди. Унинг иқтисод ва молия ишларини яхши идрок қилувчи одамлари бунинг маъноси нима эканлигини оҳанжама қилмай, гапни кўп чуватмай тушунтириб беришган, яна буни қайта-қайта тилга олган билан ёғи чиқармиди. «Шир яланроғчиз, жаноб генерал, тўлайдиган бир тийин ҳам пулимиз йўқ!» Дарвоқе, хазина бўм-бўш, барча заҳиралар тасарруф этилиб, мамлакат қарз ҳисобига кун кечираётганлигини ўзи ҳам биларди. Мустақиллик учун урушлар пайтидаги қарзларни тұлаш учун аввал заём олди, кейин муддати ўтган тўловларнинг фойизларини қоплаш учун яна кетма-кет заёмлар олинаверди, кейин фойизларнинг фойизларини тұлаш гали келди, барибир сира пулни етқизиб бўлмас, улар ўринини босадиган нимадир бериш керак бўлар, қарз берувчиларнинг қаҳроғазабларини нима биландир босиб туришга тўғри келарди: хина ва тамаки монополия қилиб Англияга берилди; каучук ва какао голландларга ўтди; темир йўл қуриш концессияси ва сув йўлларини ишлатиш – немисларга қолди; ҳамма-ҳаммасини бегона чет эл гринголарига очиқ ва ошкора беришга тўғри келди – албатта, бунинг катта қисми яширинча! – берилди. Бу шунчалар махфий тарэза амалга оширилган әдикі, ҳатто айрим махфий битимларни у Хосе Игнасио Саенс де ла Барра favго-тўполон билан асфала-софилинга учраб ҳамманинг кўз ўнгида қатл этилгандан кейинги на билди – худонинг марҳамати билан жаҳаннам ўтида мангу ёнсин! Лекин барибир «бизнинг бошқа иложимиз йўқ, жаноб

<sup>1</sup> Граммофон лаппакларига туширилган фирма белгиси: граммофон эши-таётган ит тасвири.

генерал!» – деган гапни әшитарди ҳар бир молия министрининг оғзидан анов зиқна Гамбург банкчилари унинг ҳиқилдоғидан бўғиб олганларидан кейин уларга тўловларни кечиктириш тўрисида буйруқ берган ўша оғир йилдан буёнига. Ўшанда немис эскадраси портни қамал қилди, инглиз зирҳли кемаси эса ҳеч куттимаганда рейдда пайдо бўлиб, бир бора огоҳлантирувчи тўп отди ва жоменинг қуббасини учирив юборди. Аммо у уларнинг замбаракларидан қўрқиб ўтиради. «Инглиз қиролига ҳалигимни қўйдим! Йўқолсин кайзер! Ўлсан ўламанки, таслим бўлмайман!» – деб бўкириди у охирги дамда ҳаммаси қўлдан кеттандай бўлиб қўринганда, унга ёрдамга етиб келган элчи Чарлз У. Трейколер томонидан қутқариб қолинди, бинобарин элчи худди унга ўхшаб домино ўйини деса, ўзини томдан ташларди. Уни элчи қилиб юборган мамлакатнинг ҳукумати генералнинг Европа мамлакатлари олдидаги мажбуриятларини ўз кафолатига олди, бунинг эвазига бизнинг төркон бойликларимизни муддатсиз тасарруф этиш ҳукуқига эга бўлди. ўшандан бери биз қашшоқ бўлиб қолдик, мангут тиланчига айландик. «Биз ҳатто ичингиздан кийган иштонингизни ҳам қарзга олганимиз, жаноб генерал!» Лекин у бундан заррача ҳижолат чекмасди ва у навбатдаги элчини улуғворлик билан пиллапоягача кузатиб қўяр – одатда барча элчилар аср пайти соат бешлардан бошлаб у билан валақлашиб ўтиришарди. – Кейин у хайрлашаркан элчининг елкасига дўстона қоқиб қўяди: «– Нима бу сизга шимильтириқми, азизим Бейкстер! Ўлсан ўламанки, денгизни бермайман!»

Ҳамма тўланмаган қарэлардан кўра ҳам уни президент саройининг мозорга ўхшаб ҳувиллаб жимжит бўлиб қолгани қаттиқроқ ранжитарди. Булар бари лаънати Хосе Игнасио Саенс де ла Барранинг касофати туфайли рўй берди, у шум қадам олий ишончни оқламади, ҳақиқатан чопилиши керак бўлган каллаларни чопмай, ҳамма бекорчи бошларни чопди – Летисия Насарено билан унинг боласини ҳалок қилган бадкорлар эса ҳамон топилгани йўқ. У тўтиларларнинг тумшугини очиб қанча шифобахш малҳамлар томизмасин, миқ этиб оғиз очишмасди, қўшни мактабнинг ўкувчи қизлари қўк бутоқда ўтирган митти қушча ҳақидаги қўшиқни ҳам

айтмай қўйиши. Булардан етаётган озорларни унтиш керак эди ва унинг бутун туриш-турмуши кўкраклари худди гўр лиму мевасидай кичкина ва қаттиқ ўкувчи қизни зор-интизор қутиш ва у билан ўйнашга кетадиган бўлди. У кўм-кўк сўрилар остига ўрнатилган стол атрофида ёлғиз ўзи ўтириб узоқ овқатланар, вақтини ёлғизликда ўтказар, пешин чорининг жазирاما ҳовурида ширин мудроқ ўйкуга чўмар, кўнглини шунчалар ром эттан телевизион фильмни ўтказиб юбормаслик учун дам-бадам кўзини очарди. Бу фильmdа ҳеч нарса ҳаётta ўхшамасди, лекин у ҳақиқий ҳаётни кўряпман, деб ишонарди, лоақал ҳаёт менинг назаримда мана шундай бўлиши керак эди, деб ўйлар ва бундан жуда ҳам хурсанд бўларди, довруқ қозонган ва қўли ҳаммаёққа етадиган бу одам ўзини ҳамма нарсани биламан деб ҳисобларди, ҳолбуки ишлар бошқачароқ эди. Хосе Игнасио Саенс де ла Барра замонларидан ёътиборан биз унинг радиоласига маҳсус мўлжалланган әшиоттиришлар тайёрлай бошладик, кейин ёпиқ телевизион канални ишга туширдик, энди унинг телевизорининг экранида фақат унинг диди ва хоҳишига мос фильмлар кўрсатилар ёхуд фильмлар шунга мослаб ўзгартириларди. Бу фильмларда фақат бадкирдорлар ҳалок бўлишар, муҳаббат ўлимни енгар, ҳаёт худди денгиз шаббодасидай енгил ва ёқимли эди, у эса булардан мутлақо бехабар эди. Биз ҳаммасини тушунардик. Фақат адоги йўқ қариллик даврида кўп йиллар баҳтли юрсин, матросча ёқали кўк кўйлак кийган қалтираган қизчаларни кўксига босиб овунсин, таскин топсин деб, уни кўзимишни лўқ қилганча алдардик. Аммо кунлардан бир кун у тасодифан уларнинг бироридан сўраб қолиби: «Сени мактабда нималарга ўқитишмайди, сениор, – мен ахир портнинг фоҳишиасиман». У дарҳол чамаси бошқача тушундиммикин деб ўйлаб мени сўзларимни такрорлашга мажбур қилди. Шунда мен унга бўғин-бўғин қилиб такрорладим: Мен мактаб ўқувчиси әмасман, портда юрадиган фоҳиша-ман, дедим. Мени қовоқхонада ушлаб олишиди, қатрон совун ва сочиқ билан тозалаб ювишиди, кейин манави матросча ёқали кўк кўйлакни кийдиришиди, оёғимга яхши қизчаларнинг пайпоқчаларини илдим. Кейин ҳар куни кечки

пайт унинг деразаси олдидан чопқиллаб ўтишни буюришди. Мен бир ўзим эмасдим. Ёнимда менга ўхшаган бошқа суюқоёқлар ҳам чопқиллашарди. Уларни ҳам санитар полицияси ёллаб ювиб-тараб, худди мана шунаقا мактаб кийимларини кийдириб, оёқларига болакайларнинг пойабзалларини бериб, от ёлидан улама соchlар улатиб жўнатишарди. – Мана, қаранг! – бу уламани оппа-осон қадаб қўйса бўлади. Бизга ожиз, ночор, тентак чолдан қўрқиб ўтирманглар, дейишди. Унинг қўлидан ҳеч нарса келмайди. Докторга ўхшаб ечинтириб қарайди, холос. Балки яна андаккина қўллари билан ушлаб, сиқиб, силаб-сийпалаб қўяр – қисқаси, сизнинг олдингизга келганда сиз қиласидиган шу ишларни айтишидидан да, жаноб генерал, – деб бирма-бир оқизмай-томизмай айтиб бердим унга, – биз олдингизда фақат кўзимизни хуморли сузуб, худди ишқингизда ўлиб қолаётгандай бўлиб: «О, муҳаббатим... О, муҳаббатим...» деб эркаланиб нози фироқ қилиб шивирлашимиз керак эди. Мен сизга доим шундай деб шивирлайман, сиз буни жуда ҳам яхши қўрасиз. Бизни аввалига роса машқ қиласиди, бир неча маротабалаб тақрорлатишиди, кейин озроқ пул беришиди, шунча бошоғриғига сариқ чақа тўлашади; санитар солиғи билан сержанттга бериладиган ҳақини чиқариб ташлагандан кейин қўлимизда ўпкаси тушган шу тўрт песо қуриб кеттур қолади. Орқангдан шунча сўта уриб олдингдан шунча бanan еганингдан кейин шуни адолатдан деб бўладими асти! Шуларнинг барини тумрайган чолнинг юзига тўкиб солдим. У гапларимни киприк қоқмай эшилди».

«Онажоним Бендисйон Алварадо, – деб ўйларди у, – нима учун менга бунча жазо?» Бироқ юракдан ўртанаёттанини у на бир оғиз сўз ва на бир имо-ишора билан билдириди. У атрофтумонотни айлантириб аҳвол-вазиятни аниқлашга киришиди, тафсилотларни суриштириди ва тез орада шу нарсаларни билдики, Ҳокимият Уйи билан ёнма-ён жойлашган хотин-қизлар мактабини кўп йиллар бурун ёпишган экан. Епископнинг оқ фотиҳаси билан маориф министри энг баобрў ва давлатманд хонадонларнинг бошлиқлари билан тил биринтириб денгиз соҳилида уч қаватли янги мактаб қуришга маблағ ажратган, бу ерда албатта ушбу тақаббурларнинг қизчалари тумтайган, қўли қаттиқ ва ҳар ерга

етадиган авроқчи чолнинг васвасаларидан ишончли тарэда муҳо-  
фаза этилган әди. Мана энди бу чолнинг қайла ичида тумшуғини  
юқорига қилиб сузиб юрадиган сабало балиғига ўхшайдиган жа-  
сади қаршимизда банкет столида ётарди. Ўлик тусга кириб оқариб  
ётарди. Сўлиған гулхайрилар ва кимсасиз саҳрордаги ой ўпқонла-  
рининг ранги мана шундай оқариб туради, бу бизнинг усиә отган  
илк тонгимизнинг ранги әди. Оппоқ гулларга ўралиб ётаркан, у  
ниҳоят озод бўлган әди, мутлақ ҳукмронлигидан қутулган әди,  
нечатнеча замонлар унинг асоратида яшашдан халос бўлганди.  
Гарчи манави Ҳокимиёт Уйи деб аталган зиндан, тирик прези-  
дентлар учун аталган марқадда ким кимнинг асоратида эканини  
аниқлаш ўта мушкул әди! Бир пайтлар бу мақбар, яъники бор-  
гоҳни хўжайиннинг розилигини сўраб ўтирмаёқ қайта таъмиrlай  
бошлаган, уни ичи ва ташқарисини қандайдир ўлимтик оқ рангта  
бўяб чиқаётгандарида, у – хўжайин хоналар ва йўлакларда оро-  
мини йўқотиб, сарсари кезинар, уни ҳеч ким танимас ва шунинг  
учун қичқириб уришардилар: «Ҳой, сениор, нима қиласиз оёқ  
остида ўралишиб, қочинг, бўялган жойни расво қиласиз!» Шунда  
у янги бўялган деворларга тегиб кетмаслик учун эҳтиётини қилиб  
нари жўнарди. Унга яна бакиришарди: «Ҳой, сениор, пастга туш-  
манг, ҳавоза қулақ бошингиз ёрилади!» Шунда у қобилгина бўлиб  
тепа қаватда қолар, қулоги болта-болғаларнинг гурсиллаши, ғишт  
терувчиларнинг сўқинчларидан гаранг бўларди. ғишт терувчилар  
ҳам уни ҳоли-жонига қўйишмас, юзинг-бетинг борми, деб қараб  
ўтиришмасди: «Қочсанг-чи, ҳой, қари эшшак! Лойимизни ҳаро-  
мини чиқарма тагин!» Шунда у индамай оддий аскардай бўйсу-  
ниб нари кетарди. Бу бемаъни таъмирни у бошламади, лекин  
неча ой бу қийинчилликка миқ этмай чидади, айтишларича, бу  
таъмирлар унинг қуляйлигини кўзлаб қилинаётган экан. У ҳар  
қачонгидан ҳам ёлғизроқ әди ва ўзига ўзи тегишли әмасди. У  
доим қўриқчиларининг назарини ўзида ҳис қилиб турарди – улар  
шунчалар беражм тикилиб қарапдиларки, гүё уни қўриқлашни  
әмас, назорат қилишни мақсад қилиб қўйғангага ўхшардилар. Ҳамма  
овқатларини бир-бир татиб қўришар, қарийб ярмини пакқос туши-  
риб қўярдилар, асал идишларнинг жойларини алмаштирадилар,

юрганда жирингламасин деб, олтин нағалига қопчиқ кийдириб қўярдилар – яна шуларга ўхшаш бошқа қўп эҳтиёт чораларини ҳам қўллашарди, мабодо уларни унинг эски ошнаси Сатурно Сантос кўрса борми, тоза кулган бўларди. Эрталабдан-кечгача ширкда ўйнайдиган япон дорбозларига ўхшаб, пиджак кийиб галстук тақдан бу ўн битта каллакесар уззу-кун унинг атрофида ўралишиб юришар, тинмай кўк ва қизил чироқли аппаратларига қарашарди. Бу чироқлар эллик метр доирасида кимда қуроляроғ бўлса тез-тез ўчиб ёна бошларди. Унинг кортежида еттига ҳаммаси бир хилдаги автомобиль бўлиб, худди орқаларидан бироров қувлаб келаётгандай учиб юришар, бир-бирларини қувиб ўтишар ва шунчалар тез ўринларини ўзгартирадиларки, унинг ўзи ҳам баъзан қайси машинада кетаётганини билмай қоларди. Бироқ калхатларни отиш қанчалик бемаъни бўлса, ушбу эҳтиёткорликларнинг барчаси ҳам шунчалар бемаъни эди. У машина дарчасининг пардасини суриб ташқарига қаради, шунча йиллар дунёдан узилиб хилватда яшагандан кейин кўрдики, биронта ҳам кимса президент кортежининг қоп-қора лимузинларининг муғамбirona муттасил ўрин ўзгартириб югуришларига қайрилиб ҳам қарамасди. У ойнадан ясалган қояларга ўхшаш министрлик биноларини кўрди, улар жоме қуббаларидан юқорироқ кўтарилиб, порт атрофидаги тепаликлардаги негр маҳаллаларининг олақуроқ мингашиб ётган кулбаларини яшириб турарди. Аскар соқчилар деворга мўйқалам билан катта-катта қилиб ёзилган аллақандай шиорни ўчиришарди. У нима ёзилган экан, деб сўради. «Янги ватаннинг бунёдкорига шон-шарафлар бўлсин!» деб жавоб беришди. У бошини қимирлатиб қўйди, лекин бунинг ёлрон эканини тушунди: бўлмаса ўчиришармиди. У то денгизгача чўэзилиб кетган, кокос пальмалари экилган, гулхоналар ясалган, одатдаги олтига хиёбондан ҳам кенгроқ хиёбонни кўрди. Бу ерлар илгари ботқоқ жойлар эди. У шаҳар чеккасида олдида антиқа усулда қурилган айвонли бир хилдаги янги қўрғон уйларни кўрди, яна амазонка усулидаги кўк боғчалар билан қуршалган қатор бўлиб тушган отелларга кўзи тушди. Илгари бу ерлар ахлатхона бўлиб ётарди. Иланг-биланг йўллардан тошбақадай ғимирлаётган машиналарнинг кети қўринмасди;

йўлкаларнинг офтоб раҳмисиз қиздирган томонида одамлар издиҳоми пешин қуёшидан бетоқат бўлиб судралар, йўлкаларнинг соя томонида солиқ идораларининг амалдорлари әмин-эркин сайр этишар, улар сояда юришни хоҳлаганлардан ҳам ҳақ ундиришарди – бечора авом шунинг учун ҳам офтоб тифида жизғинак бўлиб юарди! Аммо уни ҳаммасидан ҳам ҳайратта солган нарса шу бўлдики, ҳеч ким салқин ҳаволи тобутта ўхшаган президент лимузинини кўриб қўрқиб сесканиб кетгани йўқ, ҳолбуки ундан хукмронликнинг зўравор тўлқинлари ёғилиб тургандай эди, ҳеч ким унинг хира кўзларини, хавотир ва ҳайроналик акс этган қийшайган лаб-дудоқларини танигани йўқ, ҳеч ким унинг ўрмалаган, гужрон ўйнаган, ҳеч нарсани фаҳмламайдиган издиҳомни саломлаб силкинганд ӯша машҳур қўлларига эътибор ҳам бергани йўқ; машина уни учирив олиб борарди, газеталар ва туморлар сотаётганлар, музқаймоқ аравачаларининг фичирлашлари ва лотерея билетларини худди байроқчалар каби силкитаётган тарқатувчилар – мана шу кўча ҳаётининг кундалик шовқин-суронлари оралаб ўтиб борарди; бу кўча, бу издиҳомнинг салқин ҳаволи тобути ичиди тинимсиз ҳўрсиниб: «Онажоним Бендисион Алварадо, қаранг, нима бўлди ўзи менинг шаҳримга?» – деб ўртанаётган, генерал мундиридаги чолнинг юрагидан нималар кечаеттганлиги билан илло-билло сариқ чақачалик иши-хуши йўқ эди. Ҳақиқатан, у ҳеч ерни танимай қолди: қани анов эрсиз хотинларининг кўчаси? Улар оқшом чорлари кечки овқатта уч-тўртта балиқ харид қилиш учун дўконга қип-яланғоч бўлиб чиқишар, то кўйлаклари айвонларининг дорларида қуригунча сотувчи хотинлар билан жанжал-сурон қилишарди, қани улар? Қани дўконларининг остонасига чиқиб ёэилишадиган ҳиндулар? Қани уларнинг мунгли куй-кўшиқлар айтиб, ўлимни алaslайдиган рангпар хотинлари? Қани ота-онанинг юзига оёқ қўйиб чаёнга айланган шумтака қизнинг жуда ваҳимали қилиб чизилган сурати? Қани сассиқ кўлмакларга кўмилган разил қовоқхона, исловотхоналар? Машина муюлишдан қайрилди, унинг кўзи бўйинлари улуғвор қайрилган соқоқушларга тушди ва шунда унинг юраги янада қаттиқроқ сиқилди: порт! Қани порт? Қани чегара бузувчиларнинг кемалари? Қани десантчилар ташлаб кетган зирҳ-

ли кема? Қайга йўқолди бу ердан анқиб турадиган тезак иси? Йўқ, афтидан, ҳақиқатан дунёга бир бало бўлганга ўхшайди, у лимузиндан тушиб вагонга чиқди, лекин бу ерда ҳам ҳеч кимса унинг қўлинни – мутлақ ҳукмдорнинг қўлини, бузрук падарнинг нафис қўлинни ахир наҳот ҳеч ким танимасат-я, она! Ясси тоғлар томонга янги темир йўл қурилди, мана у бу йўлни очаётган биринчи поезд вагонида боряпти, пардаси ним суреб қўйилган вагон ойнасидан кимгадир, нимагадир қўлларини силкитяпти, лекин кимга, нега, билиб бўлмайди. Поезд безгак ботқоқлар ўрнида ястанган кўм-кўк хушбўй ўтлоқлардан ўтиб боради, бир пайтлар балчиқ қушларини оламни бузган чагирлашлари тинмайдиган шоликорликлар ортда қолади, президент тамраси босилган сигир подалари ҳуркиб ўзини четта олади, одамнинг ақли бовар қилмас мовий гуллар гуркираб очилган водийларни кесиб ўтади, у эса мотамсаро барқут қопланган, мамлакатни сайру саёҳат қилиш учун эмас, аччиқ қисматининг жанозасигагина ярайдиган вагон купесида ўтириб, ўзидан ғам-алам билан сўрарди: «Қани падлаънат менинг тўрт оёқлик эски поездим? Қани бу ердаги анакондалар билан чирмашиб кетган чирмовуқлар? Қани тинмай қичқирган маймунлар? Қани фусункор сайраган жаннат қушлари? Қани менинг ўзгармас аждарли диёрим, ўлкам, мамлакатим? Ҳаммаси қайга кетди, она?» Фақат бекатлар ва ярим бекатларда турган, бошларига шляпа кийган индамас ҳинду хотинларгина илгариги замонларни ёслатарди; бу хотинлар турли маҳлуқлар шаклида ясалган шакар сепилган ширинликлар, димланган картошка ва товуқ гўштларини сотишарди. Бозор арк остида жойлашган, арк пештоқига гуллардан чамбар қилиб ёзишган шу сўзларни ўқиш мумкин эди: «Ватанинг бузрук отасига мангу шон-шарафлар бўлсин!»

Унинг ҳамон ҳамма нарсага куч-қудрати етарди, шу билан бирга ҳеч кимса унинг айни шу тобда қаерда эканлигини билмасди, асосийси, унинг номидан ҳамма қўрқарди, зотан мамлакатда нима иши қилинмасин, бари унинг номидан қилинарди, гарчи унинг ўзи мудом нимадандир қўрқар, баъзан ўзини таъқиб этилаётган қочқиндай сезарди. «Бунаقا ҳаёт ўлимдан ҳам баттар!» – деб қичқираарди у ҳеч чидаб бўлмай қолганда назокатли Хосе Игнасио

1Саенс де ла Барранинг башарасига, лекин жавобига фақат бир гапни эшитарди: «Асло ундаи эмас, генерал. Бу тартиб-интизом доирасидаги Тараққиёт!» Бундан ташқари у мафтункор табассумлар билан оруланган маҳрамона ишончга тўла сўзларни ҳам эшитардики, буни фақат тасаввур қилиш мумкин. Шунда у яна нечанчи маротаба бўлсайкин, мана шу қуриб кеткур Саенс де ла Баррага бўйсунар, унинг гапига киришга мажбур бўларди, унингсиз эса ўзини бутунлай ташландиқ, ёлғиз сезарди, бўлмаса бу бераҳм жаллод узоқ уйқусиз кечаларда неча-неча бор орзуларида уни таҳқирлаб, неча-неча бор ер билан яксон этиб ташламас эди дейсиз – лекин тонгда уйқудан кўз очиб, яна унинг ҳамма нарсага ҳукмронлиги ва ҳамма нарсага бениҳоя зарурлигини ҳис этарди. Бу лаънати қуёш чиқиб турганда, лабда мафтункор кулги, етагида кўзи одамнинг кўзига, номи одамнинг номига ўхшайдиган, ўзига асиру жоду қилиб оладиган ити – ҳатто бадрафхонага ҳам бирга олиб борадиган, бир зум айрим-майдиган Лорд Кёхел билан бирга кўз ўнгидан пайдо бўлганда бизнинг генералимиз шу аснодаёқ ўзининг тунги қаҳру разаблатрини унутар, унугибина қолмай бу валад нима демасин, барини маъкуллар ва буни заррача бўйин товламай, итоаткорона, шунчалар осон ва шоша-пиша адо этардики, кейин юрагининг тубида ўз-ўзидан дарғазаб бўларди. Аммо бу норозиллик узоқ чўзилмасди, Саенс де ла Барра ундаги бирон-бир ўзгаришни пайқаб қолган заоти, генерал дарҳол Саенсни тинчлантирар, яна ҳаммасини ўз жойига қўярди: «Ташвиш қилманг, Начо. Ўз бурчингиэни адо этинг!» Шундан кейин Хосе Игнасио Саенс де ла Барра яна ҳамма нарса устидан ҳукмрон, яна тутқич бермайдиган бўлиб ўзининг ўша қийноқлар корхонасига, ўша президент саройидан бор-йўғи беш юз қадам наридаги биро маҳаллар голландияликларнинг жиннихонаси бўлган мустамлака меъморчилигининг намунаси саналган ўша зинданхонасига қайтарди. «Бу иморат худди сизнинг саройингиз каби жуда катта, жаноб генерал», дейишарди унга. Ростдан ҳам бу улкан бино бодомзорларга кўмилиб ётар, олди кўм-кўк ўтлоқ, унда дала бинафшалари чаман очилган эди; биринчи қаватда қидирув хизматлари ҳамда фуқаролик ҳолати актларини ёзиш бюроси жойлашган,

бошқа қаватларда әса жаллод ҳаёлининг маккорона маҳсули бўлмиш усталик билан ясалган ваҳшиёна қийноқ асбоб-ускуналари ўрнатилганди. Генерал уларни ҳатто кўришни ҳам истамади, фақат Саенс де ла Баррани огоҳлантириб қўйди: «Ватан олдидаги бурчингизни иложи борича яхши адо этинг, Начо, фақат эсингизда бўлсин: мен ҳеч нарсани билмайман, мен ҳеч нарсани кўрмаганман ва сизнинг идорангизда ҳеч қачон бўлмаганман!» Хосе Игнасио Саенс де ла Барра ҳурмат-эътибор билан тушунадиган йигитлардек таъзим қилди ва жаноб президентнинг хоҳишларини ҳамиша инобатта олишини билдириди. Кейин бу лаъанти Саенс де ла Барра берган сўзининг устидан чиқди. Шунингдек, унинг беш ёшга тўлмаган болаларни жинсий аъзолар орқали ўтказиладиган ток билан қийнамаслик ҳақидаги буйруғини ҳам оғишмай адо этди. Бўлмаса бу болаларнинг отаоналари оғизларига келган гапни қайтармай гапиришдан тоймас эдилар. Бу буйруқнинг бажарилиши устида айниқса қаттиқ туришга тўғри келди, зотан, ҳазрати олийлари бундай қабиҳликдан яна қаттиқ уйқусизликка дучор бўламан, деб қўрқди, лотерея воқеасида шундай бўлганилиги унинг эсида эди. Буйруқ адо этилди, лекин у барибир ўзининг ёнгинасида ваҳшат устахонаси ишлаб турганлигини сира эсдан чиқаролмади, уни эсдан чиқаришнинг иложи ҳам йўқ эди, чунки у жимжит кечаларда поездларнинг гулдираши ва момақалдироқларнинг қасир-қусуридан уйғониб кетарди – бу гулдурос ва қалдироқлар Брукнернинг лаппакларига ёзиб олинган бўлиб, қийноққа солинаётган одамларнинг дод-фарёдлари эшитилмаслиги учун қўйиларди. Бу жаҳаннам қалдироғи тонг қоронғусида худди ваҳший сел келаётгандай эшитиларди, унинг ортидан қийноқлар азобхонасига тушиб қолган ёш келинларнинг никоҳ пўталарининг узуқ-юлуқ парчалари бодом дараҳтлари шоҳларига илиниб қолиб оқариб кўриниб турарди, бу даҳшатли жинниҳонада бир замонлар голланд савдойилари сақланарди. Ҳа, олий ҳазратлари қийноқларда азобланиб ўлаётгандарнинг дод-фарёдлари ётирилиб кириб келадиган уйқусизликдан қўрқарди ва ўзини аямай бурчини адо этаётган анов кимса, Хосе Игнасио Саенс де ла Баррани доим ўйлагани-ўйлаган эди. Мана шу Саенс де ла Барра деганимизнинг фақат

биттагина ожиз томони бор әди: у олифта бўлиб юришни яхши кўрарди, кўкрагига жимжимадор қилиб ҳарфлар тикилган ишак кўйлаклар, энг қиммат ва чиройли оёқ кийимлар, маҳсус гул қутичаларда тирик очилиб турган гардения гуллари, ёрлиқларида босма нақшлар билан меросий тамға белгилари туширилган фаранг лосонлари сотиб оларди. Бошқа ҳамма нарсаларда у ўзини қаттиқ тиярди: унинг маъшгузалари йўқ әди, ҳожатбарор ва қизбет болаларга қарамасди, на дўстлари ва на ўзига тегишли уйи бор әди, у ўз ҳибсхонасида худди дарвешлардай яшар, ҳориб-чарчаб оёқдан толмагунча ишлайверар, сўнг хонасидаги диванга қуларди; у шундоқ ечинмай уст-боши билан фақат кундузи ухлар, уч соатдан ортиқ ётмас, ухлаганда әшиги тагида соқчи турмас, тўппончасини қўл остида тайёр тутмасди, уни фақат уйқу билмас Лорд Кёхел қўриқлар; оғиздан-оғизга ўтиб юрган шивир-шивир гапларга қараганда у агарда янгигина боши уэилган одамларнинг ҳали ҳовури чиқиб турган ичак-чавоқларини – ўзининг бирдан-бир овқатини емаса, ичи ёрилиб ўлгудай аҳволга тушарди; унинг девор орқасида нима рўй берадиганини ҳам кўриб турадиган, одамларга ўхшайдиган кўзи кимдир кабинетта яқинлашиб келаётганини сезиши билан худди аскар қозончасидаги сувдай шақиллаб қайнаб, дарҳол ҳўжасини уйғотарди. Яқинлашаётган кимсанинг ким бўлишининг аҳамиятни йўқ әди: Саенс ҳеч кимга ишонмас ва ҳатто ўзининг ойнадаги аксига ҳам шубҳаланиб қаради; у нима қилмасин, ҳеч ким билан маслаҳатлашиб ўтирмас, фақат сон-саноқсиз агентларнинг маълумотларига асосланибгина ўзи бир қарорга келарди; Хосе Игнасио Саенс де ла Барра қўрқитиш, дўй-пўписа ва катта-катта пул бериш эвазига бутун ер куррасини кўзга кўринмас ўргимчак тўрлари билан ўраб олган ва шулар ёрдамида сайёрамизнинг истаган бир нуқтасида энг жўн резги қочоқ нима нафас олаётганию мамлакатда қандай катта-кичик воқеалар бўлаётганигача ҳаммасидан дарҳол хабардор бўлиб турарди. Ҳа, унинг қўли жуда очиқ әди, лекин бу давлат ҳисобига ҳам эмасди, у ўз ишига шунчалар берилган әдикни, кўпинча тилчилар ва хабаркашларни ўз ёнидан пул сарфлаб сотиб оларди; бундай беғаразлик ёғиз унгагина хос эмасди; фақат бекорчиликдан қўли бўшамайдиган өзма вайсақиларгиниа

бурчак-бурчакларда ёлланган жаллодлар, хабаркашлар ва жо-  
суслар жуда катта пул олади, шунинг учун ҳар қандай ишга  
тайёр, деб минғир-минғир қилишарди; аслида эса уларнинг ак-  
сарияти ҳеч қандай пул талаб қилмай текинга ўз хизматларини  
таклиф этишарди; улар ўзларининг одамларни қийнаб-қисташга  
уста әканликлари, кўнгилли суратда айроқчилик қилишга яраш-  
ларини кўрсатиш, исбот қилиш учун афтидан ҳатто ўзларини  
туққан оналарини ҳам нимта-нимта қилиб, қонга бўялган этини  
чўчқаларга емиш қилиб ташлашга ҳозири нозир эдилар. Улар  
зигирча раҳм-шафқатни билмайдиган, файриинсонийликни қурол  
қилиб олган фаранг қийноқ усталари-рационалистлари қўл ос-  
тида ишлаш имкониятига эга бўлиш учун улар ўз аъло хулқлари  
ҳақида маълумотнома ва тавсия хатлари ўрнига қандай ёвузлик-  
ларни амалга оширганликлари ҳақида далолатнома кўрсатарди-  
лар; тартиб-интизом доирасидаги Тараққиёт – мана шуларнинг  
– айроқчилар ва жаллодларнинг саъй-ҳаракатлари билан амалга  
ошмоқда эди. Уларнинг кўплари – жуда кўпчилиги тўғрисида  
ҳеч ким ҳеч қандай тасаввурга эга эмасди; улар кафелар, музқ-  
аймоқхоналарнинг тегирмон парраклари остида фаромушгина  
салқинлаб ўтиришар, хитой ресторончаларида газета ўқишишар,  
арзон киноларни кўришар, автобусларда ҳомиладор аёлларга жой  
бўшатишишар, улар электр ва сантехника устаси бўлиб олишган,  
пойтахт гангстерлари ва маҳаллий қароқчилар билан талай вақ-  
тлардан буён ёнма-ён истиқомат қилишар, океанларда сузади-  
ган лайнерларда ва халқаро агентликларда хизматчи қизлар ҳамда  
фоҳишаларнинг қалликлари сифатида Кариб мамлакатлари жан-  
нат диёрига саёҳатлар уюштиришар, Бельгия Ташқи ишлар  
вазирининг шахсий котиби бўлиб хизмат бажаришар – худди  
мана шулар фитналарни таг-томири билан қуритишишга, хавфли  
кимсаларни ўлдиришишга кўмаклашар, ҳаддан ташқари жўшқин  
ва жасур кишиларнинг каллаларида урчиб пишаёттан исёнлар-  
ни улар ҳали батамом етилмай турибоқ фош қиласи ва барҳам  
берардилар. Улар ўз ишларини ишонч билан ҳеч қандай тап  
тортмай бажарапдилар, ҳолбуки бундай пайтда барча чинакам  
ватанпарварлар ушбу иблисона ишларнинг бари президент-  
нинг хабари бўлмаган ҳолда қилинаётиди, деб ишонардилар.

«О, агар сиз билганингизда эди, о, фақат сиз билсайдингиз, жаноб генерал», деб хаёлан унга мурожаат этишарди улар ва хаёлан ўша даҳшатли воқеаларни тақрорлашарди ва шунга чин дилдан ишонишардики, агар бизнинг сўзларимиз генералнинг қулоғига етиб борганда эди, унда Саенс де ла Барра аллақачонлар портдаги қўргон мозористонида хиёнаткорлар ичидаги ётиб ер остидан капалакгул бўлиб униб чиққан бўларди; аммо бир куни ниҳоят амал-тақал қилиб генерал ҳузурига кириб оқизмай-томизмай барини мардана гапириб берган фидокорлардан бири лол қолиб ёқасини ушлади: генералнинг кўзи унга ўқдай қадалди, хомкаллангизда яхшилаб уқиб олинг, деди, мен ҳеч қачон ҳеч нарсани билмаганман, билмайман ва бундан кейин ҳам билишни истамайман, мен ҳеч кимнинг тарафида эмасман, – шунда у яна фидокорга қаттиқ синовчан тикилди, – ҳеч ким билан эмасман ва ҳеч нарсани гаплашмаганман; шундан сўнг у бироз ўзига келди, лекин бу узоқ чўзилмади – унга ҳаддан ташқари кўп – қоп-қоп кесилган бошлар етиб келмоқда эди – шунчалар кўп эдикки, энди у Хосе Игнасио Саенс де ла Барра шунча бошларни кесаркан, қон тўкаркан, бундан ўз шахсий баразини кузатмайди, деб ишонмай кўйди. Унга яна шу ҳолат ҳам мутлақо ғалати ва мантиқсиз бўлиб туюлардики, у уч ҳарбий қўшин турларигниг қўмондонлари ўз таҳқири ҳолларига опга-осонлик билан миқ этмай қўнишган ва ҳатто маошлигини ошириш ҳақида илтимоснома ҳам ёзишмасди. У ҳарбийлар ўртасидаги аҳволни зиддан яхшилаб аниқлашга урина бошлади: уларнинг бундай ғалати мўмин-қобил бўлиб қолганликларининг сабаби нима экан – нега улар қўэролон кўтармаяптилар? Нега улар жуда катта ҳукмдорликка эришган анов ҳарбий бўлмаган кимсани олиб ташлашни талаб қилмаяптилар? Бир куни у уларнинг энг жасур ва энг суллоҳлариги йиғиб: қуроли кучларни шон-шавкатини ерга урган қонхўр жўжакхўрзининг патини юлиб ташлаш пайти етмадимикин, нима дейсизлар? – деб сўради. У шу жавобни эшитиб жуда ҳайрон бўлиб қолди: «Ол, асло ундеймас, жаноб генерал, сиз муболага қиляпсиз», – шундан сўнг у Тартиб-интизом доирасида Тараққиёт деб аталадиган маккорона тизимда ким кимнинг томонидао ким кимга қарши

эканлигининг тагига етолмай қолди. Ҳолбуки, бу Тараққиётдан анқиётган ўлакса ҳидига чидаб бўлмас ва ҳар сафар бу унга лотеря билан боғлиқ шўрлик болакайлар қисматини өслатарди. Аммо Хосе Игнасио Саенс де ла Барра жуда ҳушёр әди: у ўз хукмдорини чўғдай куйдирган ташвиш-хавотирларини ҳайвон ўргатувчиларга хос совуққонлик ва сабот билан бостиради. «Бемалол ётиб ухлайверинг, жаноб генерал, дунё – сизники!» – деб такрорлашни хуш кўради Саенс ва генерални сизга тегишли дунёда ҳаммаси жойида, тинчлик-хотиржамлик, белгиланган тартиб-интизомни ўзгартиришнинг сира ҳожати йўқ, деб ишонтиради, шундан сўнг ҳаёт яна аввалгидек давом өтаверар, у яна аслини олганда ҳеч кимга тегишли бўлмаган, ҳаддан ташқари жонига тегиб кетган мана шу президент хилхонасининг гўристондек зулматида тентирагани тентираган ва умидсизлик ичida ўзидан ўзи сўрагани-сўраган әди: «Эй падарига лаънат, мен кимман ўзи одамманми ёки ойнадаги шарпаманми? Кимдирман ўзи мана соат эрталабки ўн бир бўлиб қолган бўлсаю атрофимда эса зор ҳам кўринмаса? Бу сарой саҳросида бир товуқ, паррихта бир товуқ ҳам кўринмайди?» деб ўзи билан ўзи сўзлашаркан, ўша ўтган нурафшон замонлар ҳақидаги хотираларга берилади, у пайтлар қуёш чиқиши билан шол-моховларнинг шовқин-суронлари қулогига чалинар, улар сарқит талашиб итлар билан уришишарди, сигирлар пиллапояларга ҳид таратиб турган чалпакларини ташлаб кетишар ва қанчадан-қанча одамлар уларга сирғаниб йиқилишарди, узоқ-узоқ ерлардан уни деб келган эр ва хотин кишилар унинг олдида тиэ чўкишар – жароҳатларимизни тузатиб қўйинг, болаларимизга оталик қилинг, бизни ич кетишдан қутқаринг, деб илтижо қилишар (у ўзининг салиқаси билан уларни ичбуруқдан халос қила олишига заррача иштибо қилишмасди). Улар ёлворишгани ёлворишганд әди: «Қўлингизни беринг, жаноб генерал, юрагимнинг уриши босилсин – кўксимдаги бу даҳшатли зилзилани фақат сиз тинчита оласиз!» Кейин туганмас бир ишонч билан хитоб этишарди: «Денгизга бир қаранг, жаноб генерал, – фақат сиз кун тутилишлар зулматидан халос қила биласиз! Заминга бир назар солинг – вабо фақат сизнинг нигоҳингиздан чекингай!» Унга томон интилган

минглаб одамлар уни ҳамма нарсага қудрати етади, деб қаттиқ ишонишарди, хоҳласа, шамолларнинг йўлини ўзгартиради, хоҳласа, дунёни қайта бошдан қуради, агар керак бўлса, худонинг корхонасидаги ишларга ҳам бошини қўшаверади. Унинг ўзи ҳам аста-секин бу хаёлий эътиқодга ишониб қолди ва ниманики сўра-масинлар, ҳаммасини қилди. Уларга қўлидан нима келса шуни берарди, нимани таклиф этишса, ўшани сотиб оларди, бунинг сабаби ҳаддан ташқари меҳрибон ва раҳмдил одам бўлганлиги учун әмас, сабаби шунда әдики, унга ҳаддан ортиқ ишонган, унинг куч-қудратини чин кўнгилдан шарафлаган, бор-йўқ өзгуликларини жон-дилдан куйлаганларнинг дари-дунёсига андак-кина қувонч ва шодлик бағишламаслик учун одам қанчалар тош-бағир бўлмоғи керак. Мана энди унга илтимос билан мурожаат өтадиган биронта ҳам кимса қолмаган, унга одмигина қилиб: «Яхши ётиб турдинги эми, жаноб генерал, кунингиз хайрли бўлсин!» деб айтадиган ҳеч ким йўқ әди. У тунлари бўладиган портлашлардан ҳам ғалати бир тасалли оларди, дераза ойнала-ри чил-чил синиб устига сочишларди, қўшинлар ичидан тоза та-пир-тупур бошланарди, ўша қўпоришларда у ўзининг тирик экан-лигини ҳис қиласиди, мана энди бу портлашлар ҳам барҳам топ-ди. Боргоҳни чулғаган бу ўлим сукунатидан кўра ўша гумбур-гумбурлар тузук әди, энди бу сукунатдан бошинг тарс ёрилай дейди, кечалари уйқинг қочади. Ҳа, у тўла ҳукмрон әди, лекин ҳозир деворга тушган ўз сояси ундан кучлироқ әди: у берган ёки энди бермоқчи бўлган барча фармойишлар ҳали оғзини очиб улгурмасиданоқ бажариб қўйилган бўларди, унинг миясида эндигина пишиб етилаётган яширин орзу-ист-таклар кимдири томонидан шиддат билан адo әтилар, бу бора-да расмий газета ҳам хабар босиб чиқарган бўларди, у газетани одатда пешинги тушлик чоғида осма аргамчисида ётганча муто-лаа қиласиди. Унинг ҳар бир қадами, ҳар бир олган нафаси, ҳар бир истаги одам бўйи ҳарфлар билан ёзиларди. Суратларда эса у қурмоқчи бўлган, лекин бунга буйруқ беришни унугтан қўприк, болаларни фақат кўча супуришга ўргатадиган мактаб ва ниҳоят ўзининг бутун нишонларию ленталарини тақиб согин сигир ва нон дарахти ёнида тушгани тасвирланарди. У ўзига ҳам

маълум бўлмаган ниманингдир тантанали очилишида лента қирқ-иб туради. У ҳамон аввалгидек тинчини йўқотган, ҳувиллаган ёлғизлик боргоҳида қари филнидек йўғон оёқларини шапил-латтанча изғир, йўқотмаган нарсасини изларди, зотан, уни йўқотиши ҳиссиёти мудом таъқиб қилгани-қилган эди ва яна аллаким қушларнинг қафаслари устига қора матолар ёпиб қўйганлигини кўрарди, кимдир унинг учун фермадаги сигирларни саноқдан ўтка-зар ва унинг учун ҳар бир деразадан дентизга нигоҳ ташларди; ҳаммаси бус-бутун ва ўз жойида эди, шундан сўнг у чироғини кўтариб ётогига жўнарди; бир куни йўлакдан ўтиб бора туриб президент гвардиясининг қоровулхонасидан келаётган ўзининг овозини эшишиб қолди, билинтиромай бориб қараб бир гуруҳ офицерлар тутун тўла хонада телезкраннинг хира ёрдусига тикилиб мудраб ўтирганларини кўрди; телезкранда ҳам ўзи, фақат ҳозиргидан хипчароқ ва қадди-қомати расороқ. «Аммо бу ўзим эдим, она жон!» Унинг орқа томонида давлат түгроси, олдидаги стол устида уч жуфт тилла кўзойнак, бу ўша фолбин хотиннинг башорати бўйича у ўлиши керак бўлган хона эди; у давлатда бораётган ишларни таҳдил этарди, яна шу қадар ақлли-илмий сўзларни қўллардики, падарига минг лаънат, бунақасини одам бўлиб ҳеч қачон тилга олган эмас! Бир пайтлар гулларга кўмилиб ётган ўз ўлигини кўрганда ҳам бунчалар ҳаяжонга тушмаган эди. «Бу меннинг тирик ўзим эди она ва яна ўз овозим билан сўзлар эдим, мен-а, мен, ҳалойиқ олдига балконга чиқишини ўзимга уят санардим, ҳалқقا қараб туриб нутқ ирод этишдек шармисорликни мен ҳеч қачон енгиб ўтолмаган эдим!.. Бу мен ўзим эдим, ясалмаган, ҳаммага ўҳшаган жайдари ўзим, она! Бу синоатни қандай ясашдийкин деб караҳт бўлиб қолдим?»

Бу телекўрсатувдан генерал шу қадар ғазаб отига миндики, узоқ замонлар давом этган салтанат ҳукмронлигига ҳам бунақаси камдан-кам бўлган. Бироқ Хосе Игнасио Саенс де ла Барра унинг ҳузурида пинагини ҳам бузмади. «Муболага қилиб ўтираманг, генерал, — деди Хосе Игнасио ниҳоятда тўти такаллум билан, — биз ноқонуний иш услугига қўл урдик, биз Тараққиётимиз кемаси — Тартиб-интизом доирасида Тараққиётни ҳалокат-

дан сақлаб қолишимиз зарур әди; бу бизга қўқдан келган ваҳий, генерал, мана шунинг шарофати билан халқнинг жисму жони бўлган ҳокимиятта – сизнинг мавжудлигингизга ишончини сақлаб қолдик, генерал! Ҳар ойнинг охириги чоршанбасида сиз ҳукуматнинг фаолияти ҳақида маъруза қилишингиизни одамлар билишлари керак ва буни давлат телевидениеси ва радиоси орқали кўриб, эшитиб туришлари зарур, зоро бундай маъруза жамоатнинг дардларига малҳам бўлади. Мен масъулиятни ўз устимга оламан, генерал! Манави вазаларга қўйилган олтита кунгабоқар гули ичига олтита микрофонни мен ўрнаттанман – сизнинг овоз чиқариб айтган барча фикрларингиз, сизга ҳар жума куни берган саволларимга жавобларингиз мана шу микрофонлар орқали ёзиб олинган. Менинг саволларимга берган содда-содда жавобларингиз – сизнинг ҳар ойда миллатта қарата айтадиган нутқингизнинг парчалари ахир, сиз буни тасаввурингизга ҳам келтирмас әдингиз! Лекин мен яна шуни ҳам алоҳида таъкидлаб айтмоқчиманки, сизнинг асил тасвирингиз бўлмаган биронта ҳам сурат ва сизнинг ўз оғзингиздан чиқмаган биронта ҳам файрисўз ишлатилмаган бу ерда! Мана бунга ўзингиз ишонч ҳосил қилишингииз мумкин – мана кинотасмалар ва мана грамёзувлар!» Шундан сўнг Хосе Игнасио Саенс де ла Барра унинг столига кинотасмалар ва лаппакларни қўйди ва бўлиб ўтган ишнинг тушунтириши ёзилган қоғозни берди. «Мен бу қоғозга сизнинг қошингиизда туриб, имзо чекаман, генерал, тақдирим сизнинг қўлингиизда, қандай ҳал қилсангиз, ўз ихтиёрингиз!» шунда у Хосе Игнасио Саенс де ла Баррага ажабсиниб тикилиб қолди – Хосе Игнасио унинг ҳузурига биринчи марта ўз итини етакламай, қуролсиз, ранги-қути қум ўчган ҳолда кирганингига эътибор қилди-да, хўрсиниб, шундай деди: «Майли, Начо, ўз бурчингизни адо этинг». Шунда у ҳар қачонгидан ҳам қартайиброқ қўриниб, поёнсиз бир ҳорғинлик билан юмшоқ ўриндиққа суюнди ва суратлардаги қаҳрамонларнинг сотқин кўзлалига тикилди, унинг нигоҳи ҳар қачонгидан кўра ортиқ маҳзунроқ ва хафароқ әди, чеҳрасида эса ҳеч қачон англаб-билиб бўлмас ниятларнинг азалий бир ифодаси қотиб қолган әди. Хосе Игнасио Саенс де ла Барра икки ҳафта ўтгандан кейин унинг ҳузурига

доберман итини тизимчаси билан судраганча кабинетта рухсат-сиз кириб борганида худди мана шу тошдай қотиб қолган чеҳрани кўрди. «Шошилинч хабар, олий ҳазратлари! Қуролли қўзғонга тайёргарлик кўрилмоқда. Фақат сиз унинг олдини ололасиз!» Ана шунда генерал ниҳоят бу одамнинг девордай мустаҳкам, сеҳр-жодудай сирли қалбидаги ўзи кўп йиллардан бери қидирган ҳеч тузатиб бўлмас дарз-ёриқни кўришга муяссар бўлди: «Онагинам Бендинсон Алварадо менинг қасдим-интиқомим, – деди у ўзига ўзи, – қаранг, бу занчалишнинг рангида қон қолмабди, қўрққанидан ичи ўтиб кетяпди!» Бироқ у Саенс де ла Баррани оталарча ғамхўрлик шуълалари билан йўргакларкан, юзи қилт этмади, на қасд қилган ниятлари ва на кўнглидан ўтган хаёлларни билдириди: «Ташвиш қилма, Начо, ҳали вақти-миз бемалол, ҳеч ким бизга ҳақиқат, чин ҳақиқат қаерда экан-лигини каллалаб олишимизга халал беролмайди, падарига лаънат. Ҳамма хабар бир-биридан баттар, бир-биридан қоронғу, уларнинг олдида ўтакетган ёлғон чинга ўхшайди!» Генералнинг бу жумласига қулоқ тутаркан, Саенс де ла Барра тўхтовсиз чўнтак соатига боқарди: «Соат етти бўлиб қолди, генерал! Уча-ла қўшин турлари қўмондоnlари ўз оила даврасида, хотин-бола-чақалари билан бирга кечки овқатни тутатишяпти. Ҳатто оила аъзоларини ҳам шубҳалантирумаслик учун улар уйда овқатлани-шяпти, улар уйдан кишилик кийимида, соқчиларни ҳам олмай орқа эшикдан чиқишиади, бу ерда уларни телефон қилиб чақи-рилган хизмат машиналари кутяпти, улар шу йўл билан бизнинг кузатувчиларимизни чалғитишмоқчи; бироқ уларнинг ҳайдовчи-лари – бизнинг кишиларимиз, генерал, улар буни хаёлларига ҳам келтирмайдилар!» «Ўҳу! – деди генерал ва кулиб қўйди. – Ҳадеб бундай ҳаяжонланаверманг, Начо. Менга яхшиси тушун-тириб беринг-чи, агар бизнинг душманларимиз аскарлардан, рўйхат бўйича кесилган бошлардан кўра кўп бўлса, қандай қилиб шу пайтгача ўз каллангизни омон сақлаб келдингиз?» Аммо Саенс де ла Барра фақат ўз чўнтак соатининг эшитилар-эши-тилмас чиқиллашигагина қулоқ осмоқда әди, зеро унинг зарбра-ри муаллақ осилиб турган ҳаёт дақиқаларини санаётгандай әди: «Уч соатдан кам вақт қолди, генерал! Шу тобда қуруқликдаги

қўшилар қўмондони Конде казармасига йўл олди, ҳарбий-ден-гиз кучлари қўмондони – портдаги қалъага боряпти, ҳаво кучлари қўмондони – Сан-Херонимо базасига кетяпти. Уларни ҳозир ҳам қўлга олса бўлади, ҳар бирорининг орқасидан изма-из миллий хавфсизликнинг фургони боряпти, у мева-сабзавот ташийдиган машина каби ниқобланган». Бироқ генерал зигирча пинагини буз-масди, у Хосе Игнасионинг тобора кучайиб бораётган хавотирлари ўзини бу зотнинг хизмати миннатидан халос қилаётганлигини сезиб турар, дарвоқе, бу хизмат унинг ҳукуматпарастлигидан кўра ҳам шафқатсизроқ әди. «Тингчланинг, Начо, – дерди у, – ўзингизни босинг. Менга тушунтириб беринг-чи, нега сиз ўзингизга ҳудди кемадек катта қўрғон олмадингиз? Агар сизни пул қизиқтиромаса, нега бунча ҳўқиздай ишлайсиз? Нега ёш аскарлардай казармада яшайсиз? Ваҳоланки, мен биламан, энг яхши хотингларнинг иштонлари сизни кўрганда тушиб кетади, бир кечагина бўлса ҳам сиз билан бир тўшакда ётишни хоҳлашади? Нима сиз зоҳидлардан ҳам авлиёроқмисиз, Начо?» Аммо Хосе Игнасио Саенс де ла Баррага ҳаво етишмай нафаси бўғилди, вужудини муздай совуқ тер босди, бу ер кремация ўти ёниб турган жаҳаннамга ўхшаб қолди, аммо у ўзини билдирамади. «Соат ўн бир бўлди, – деди у, – вақтни бой бердик! Ҳудди мана шу дақиқаларда қўзғолон бошланганлиги ҳақидаги шартли сигнални мамлакатнинг барча гарнizonларига узатишмоқда!» Ушбу дақиқаларда аҳвол айни шундай әди: исён кўтарган генераллар янги ҳукмрон хунтанинг расмий суратини олдириш учун тантанали мундирларини кийиб нишонларини тақардилар. Душманнинг кимлиги тайинни бўлмаган бу жангда исёнчи генералларнинг адютантлари улар номидан сўнгги буйруқларни бермоқда әдилар – бутун жанговар ҳаракатлар шундан иборат бўлдики, қуролли кучлар энг муҳим ҳукумат бинолари билан алоқа маркази устидан назворат ўрнатди. Президентнинг кабинетида эса барқутдай Лорд Кёхел хавф-хатарни сезиб, баданидаги мушаклари учганча қаддини ростлади, унинг осилиб қолган пастки жагидан панжаларига битмас-тутанмас кўзёши каби сўлаги узун ип каби илиниб қолди. Олий ҳазратлари бунга парво ҳам қилмади. «Қўрқманг, Начо, –

деди генерал, — яхшиси менга тушунтириб беринг-чи, сиз нега бунча ўлимдан қўрқасиз?» Шунда Хосе Игнасио Саенс де ла Барра бўйнидан жиққа ҳўл бўлган целлулоид ёқасини юлиб олди, шунда унинг опера қўшиқчилариники каби башараси тошдай қотди. «Бу табиий, — деди у, — ўлим олдиаги қўрқув — яшаш бахтининг ёниб турган лаққа чўри. У сизга бегона, шунинг учун унинг нималигини сиз ҳис қилмайсиз, генерал!» Шундан сўнг у одати бўйича калисада чалинаётган жом садоларини бирма-бир санаб борди-да, сўнг ўрнидан қўзғалди: «Ўн икки! Ҳаммаси тугади! Бу дунёда сизнинг ёнингизни оладиган битта ҳам жон қолмади. Мен уларнинг энг охиргисиман, генерал!» Аммо генерал де Армас майдонининг тош ётқизилган саҳнидан ери ларзага солиб гулдираб бораётган танкларнинг оғир шовқинини эшитмагунча ўз ўтирган ерида қимирамади. Танкларнинг гувиллашлари қулогига киргандан сўнг, у кууди: «Сиз янгила-сиз, Начо, менинг ҳали халқим бор». Чиндан ҳам бу шундай эди. Унинг ҳали халқи, мангу бечора халқи бор өди, у ақл бовар қилмас мўйсафиднинг ҳеч кимнинг хаёлига келмаган нидоси билан ҳали тонг ёришмаёқ қўчаларга ёғилиб чиққанди. У давлат радиоси ва телевидениеси орқали бутун миллатта қарат мурожаат қилди, қандай сиёсий қараашларга эга бўлмасин, барча ватанпарварларни бирлашишга чақирди, сўнг қуролли кучларнинг учала қўмондони унинг шахсий кўрсатмасини адo этиб, салтанатнинг ўзгармас идеалларидан илҳомланиб, ҳар қачонгидай халқнинг дахлсиз иродасини ифодалаб мана шу тарихий кечада қонхўр жаллоднинг манфур террор идорасини тугатдилар, жинояткор халқнинг ҳақ ғазабига дучор бўлди, деб эълон қилди. Хосе Игнасио Саенс де ла Барра де Армас майдонининг фонарига оёғидан осилди, жинсий аъзолари кесиб олиниб, оғзиға тиқиб қўйилди, жаноб генерал, сиз олдиндан кўриб айтганингиздай биз хорижий мамлакатларнинг әлчихоналари жойлашган шаҳар қисмини қуршаб олдик ва буйруғингизни тўлаттўқис бажардик. Қонхўр жаллоднинг биронта әлчихонага қочиб беркинадиган ва сиёсий бошпана сўрайдиган йўллари батамом тўсиб қўйилди. Халқ уни осишдан илгари тошбўрон қилди, аммо бундан аввалроқ биз ваҳшӣ итни отиб ғалвир қилиб ташладик,

шунга қарамай у тўртта фуқаронинг ичак-чаворини ағдар-тўнтар қилди, тўртта аскарни тишлаб оғир жароҳат етказди – разил одамхўрнинг қалъасини ҳужум қилиб олаётганимизда ана шу ҳодиса рўй берди, одамлар қонхўрнинг уясидан янгигина, фабрика ёрлиқлари осилган икки юзта мато нимчасини деразадан ташқарига улоқтиридилар, ҳали бирор марта ҳам кийилмаган уч мингта италия пойабзалини чиқарип отдиilar, қаранг, уч мингта, жаноб генерал! Мана, давлат маблағларини нимага сарфлаган! – қанчалаб гардения гуллари солинган қутиларни айтмайсизми – олифта доим ёқасига гардения гулини қадаб юарди – яна жазо-қидирув партитуралари ёзилган сон-саноқсиз Брукнер лаппаклари денг! Кейин одамлар ертўлалардан маҳбусларни озод қилишиди ва собиқ Голландия жиннихонасининг қийноқхоналарига ўт қўйишиди. Улар тинмай: «Яшасин генерал, яшасин чинакам эр! Яшасин ҳақиқатнинг додини берган ҳақиқий инсон!» – деб бақиришарди. Ахир, ҳамманинг ишончи комил эди. – Сиз бу ишларни билмагансиз, жаноб генерал. Сиз юксак кўкларда учиб юргансиз, хавфсизлик хизматидаги қабиҳ жаллодлар сизнинг оқкунгиллигингииздан ўз машъум ниятларида фойдаланиб келишган, биз сизнинг мададингизда қўзғолон пайтида уларни каламушдек бирма-бир тутдик, сиз жаллодларни дахлсизликдан маҳрум қилиш ҳақида буйруқ бердингиз, уларга ёрдам беришни ман этдингиз, одамлар қасд олиб аламдан чиқсин дедингиз. Ахир хавфсизлик хизмати ҳамма нарсага ҳукмрон бўлган узоқ йиллар давомида ҳалқнинг бошига нималар тушмади дейсиз.

У ҳалқ оммасининг бутун хатти-ҳаракатини маъқуллади. «Маъқул!» У шодиёна урилган жомларнинг садоларидан, эркни куйлаған қўшиқлардан, де Армас майдонига йиғилган одамларнинг ундан беҳад миннатдор бўлиб шод-хурорам қичқиришларидан қаттиқ мутаассир бўлди. Одамлар майдонда улкан алвонлар кўтаришган, уларда: «Худойим! Бизни зўравонлик зулматидан халос этган энг улуғларнинг энг улуғи бўлган зотни ўзинг асррагайсан!» деб ёзилганди. Жомлар садоси ва одамлар издиҳомининг гувислаши унга узоқ нурафшон йилларни эслатиб юборди, гарчи бу воқеалар у замонларнинг фақат олис бир рўёси каби кўринарди, у кўча

садолари ва ғулувларига қулоқ осаркан, ўз боргоҳида синалган офицерларни йиғди, улар унинг ҳокимиятидан қуллик кишанларини чилпарчин қилиб олиб ташлашга ёрдам беришди. У тўлқинланиб кетиб барморининг бир ишораси билан ушбу офицерлардан ўз қалтироқ салтанатининг охирги олий қўмондонлигини тузди. Улар Летисия Насарено ва болакайнинг асл қотиллари бўлмиш генералларнинг ўрнига тайинландилар. Қотиллар хорижий мамлакатларнинг элчихоналари олдида сиёсий бошпана олмоқчи бўлиб тургандарида тунги ички кийимларда қўлга олинди. Бироқ, у уларнинг биронтасини ҳам танимади, номларини ҳам эслолмади, бир маҳаллар у юрагимдаги ғазаб ва қаҳр учқунларини то ўлгунимча асрайман, деб аҳд қилганди, мана энди энг муҳими, юрагидан ўша учқунларни қидириб, таҳқирланган ориятдан бошқа ҳеч нима топмади, у ҳам ёниб кулга айланниб бўлган эди – бу кул уломидан аланга чиқараман деб беҳуда уринишга ҳожат қолмаган эди – аланга чиқмас эди! «Йўқолсин ҳаммаси!» – буюрди у, шундан сўнг одамкуш генералларни кемага ўтқизиб, улар ҳеч кимга кепрак бўлмаган ва ҳеч ким эсламайдиган ерга жўнатди, шўрлик занчалишлар! У янги ҳукуматнинг ilk мажлисини ўтказаркан, кўнглида шуни аниқ ҳис қиласдики, манави бари янги асрнинг янги наслининг сара нусхалари – ўша-ўша олис замонлардаги қурби йўқ қўксини чанг босган камзуллар остида яширган жайдари министрларнинг байни ўзи, фақат манов янгилар ановлардан кўра шуҳратпарастроқ, улардан кўра қўрқоқроқ ва лаганбардорроқ, олдингиларга қараганда бемаънироқ ва бефойдороқ эдилар, ҳолбуки бүёқда ташки қарз ақл бовар қилмас даражага етган, тўла тушкунликка учраган қайгу салтанатида сотишга яроқли жами нарсаларнинг қийматидан ҳам ортиқроқ эди. «Темир йўлнинг охирги поезди ясситоғларда тубсиз жарга, орхидеялар чангальзорига қулади, жаноб генерал. Унинг юмшоқ ўринидиқларида қоплонлар мудраб ётибди, дақиёнусдан қолган чархпалакли кеманинг вайрони парчалари шолизорларнинг балчиқларига ботган, бу кема олиб бораётган хатлар почта халталарида чириб кетти, омон қолган бир жуфт Стеллер сигири<sup>1</sup> президент каютаси

<sup>1</sup> Стеллер сигири – XX асрда йўқолиб кетган дентиз сут эмизувчиси.

нинг ойнаванд саҳнида биланглаб юришибди, гўзал сиреналар туғармикинмиз деб хўб уринишади, лекин – пуч!

Ва фақат сизгина буларадан бехабарсиз, жаноб генерал! Албатта, сиз Тартиб-интизом доирасидаги Тараққиётта осонгина ишондингиз, фақат сиз учун биргина нусхада чиқариладиган расмий газетани ўқишдан нарига ўтмадингиз, борлиқ ҳаёт билан алоқаларингиз шунинг ўэигина билан чекланиб қолди, шу газетада фақат сизга маъқул маълумотлар, сизга ёқадиган суратлар ва реклама ёълонлари босилар, улар сизни кўнгил суст кетадиган роҳат-фароғат оламларига ундар, ахир бу дунё сизнинг ҳар кунги одми тушлик чоғидаги ҳаётингиздан кўра бошқачароқ әди-да!»

«Балки шундай бўлса бордир, кейин мен ўз кўзларим билан кўриб шунга ишондимки, ҳукуматнинг ойнаванд юксак бинолари ортида порт атрофларида тепаликларда олакуроқ негр кулбалари сочилиб ётарди то денгиз соҳилингача чўзилган хиёбонларга ўтқазилган паъзма дарахтлари ва шунингдек соҳта классицизм усулида қурилган кўрғон-ҳовлиларнинг устунли айвонлари бизнинг сон-саноқсиз довулларимиз вайронага айлантирган ҳароба-зорларни кўздан яшириб туради, темир йўлнинг икки томонига қурилган гулхоналар эса президент вагони ойнасидан дунё меннинг нигоҳимга гўзалроқ бўлиб кўринисин деб қилинган әди бами-соли суюкли онажоним Бендинсон Алварадонинг кўримсиз қушчаларни бўяб улардан зарғалдоқ ясашига ўхшаб!» Бир пайтлар нурафшон замонларда генерал Родриго де Агилар унга ёқиш учун уни алдарди, Летисия Насарено эса уни яхши кўргани учун эмас, балки ачингани учун ортиқча ташвишга ботирмаслик учун уни алдарди, янги ҳамтовоқлар эса бундай эмас, унга ёқиш учун алдамайдилар, балки уни ўз ҳокимиятининг батамом қулига айлантиришни кўзлаб алдайдилар, у кексалик иллатларига бошдан-оёқ ботиб шундай нарсага айланди ҳам, ҳовлидаги сейба дарахтининг қуюқ соясида аргамчи тўшагида ётиб у бу иллатга тобора чуқурроқ ботиб бормоқда. Бари ёлғон, рӯё ва хулиё әди, ҳатто кўк бутада ўтириб сайраёттан кулранг қушча қўшигини куйлаган мактаб қизчалари ҳам рӯё әди, атрофдаги ҳаммаси хаёл. «Ҳаёт эмас бу, шимильтириқ!» Бу ёлғон рўёларни юрагига яқян олмасликка

тиришди, борлиқ ҳаёт билан келишиш, муроса қилишга уринди, у мамлакатда ишлаб чиқариладиган, хина ва бошқа дори-дар-монлар корхоналарини тиклаш ҳақида фармон чиқарди, бу давлатнинг гуллаб-яшнаши учун зарур әди, бироқ воқелик ҳар қалай сира ҳам кутмаган ишлар билан тўлиб-тошиб ётарди. У дунё шунчалар ўзгаради деб ўйламаган, дунёда унга тобе, унга борлиқ бўлмаган алланималар ҳам борлигига ҳисоб бермаган әди. «Қандайдир саноатни тиклаш ҳақида нима гап бўлиши мумкин, жаноб генерал, агар бизни битта ҳам хино дарахтимиз қолмаган бўлса, какао ҳам қолмади, индиго ҳам қолмади, бизнинг шахсий бойлик-ларимиэдан бошқа ҳеч нарса қолмаган, бу бойликлар беҳисоб, лекин улар сояда қолиб хароб бўляпти!» Шунга қарамай, у бундан хабардор бўлгач, ўзини йўқотиб қўймади ва эски әлчи Раук-сберига писанда йўсинида бир хат ёзиб юборди, у бир қўл домино ўйнаб туриб қандай бўлмасин ҳолос бўлиш ўйлини кўрсатар, деб умид қилди. Аммо әлчидан унга пайров йўсинида шундай жавоб бўлди: «Сизнинг бу ниятиңгиздан шимилтириқ ҳам чиқмайди, олий ҳазратлари! Мана бу мамлакатнинг бари сариқ чақага арзимайди, албатта ёлғиз денгизгина бундан мустасно. У шунчалар тиниқ ва одамнинг иштаҳасини шунчалар қўзғамоқдаки, бутун дунёга етадиган чавақ балиқ шўрвасини пишириш учун унинг тагидаги ўз ўчогига ўт ёқишигина қолди. Шундай әкан, олий ҳазратлари, яхшилаб ўйланг, биз денгизни қарз тўловлари ҳисобига қабул қилишимиз мумкин, акс ҳолда сизга ўхшаган уddyбурон қаҳрамонларнинг юзта авлоди келса ҳам бу қарзларни қоплашга курби етмайди, олий ҳазратлари!» У әлчи Рауксберининг таклифига жиддий эътибор бериб ўтиrmади ва уни пиллапоягача кузатиб қўяркан, шу нарсаларни хаёлидан ўтказди: «Онажоним Бендинсиён Алварадо ўзингиз бир қаранг-га, бу гринголарнинг ваҳшийлигини! Бутун бошли битта денгизни ютиб юборишдан бошқа нарса йўқ хаёлларида!» У одатдагидай меҳмоннинг елкасига қоқиб у билан хайрлашди ва яна ўзи билан ўзи ёлғиз қолди, туман босган ясси тоғларнинг юпқа ҳарир булутларига хаёли чулғанди, улар ичида сарсари кеэди, зеро атрофи бўм-бўш ҳувиллаб ётарди; одамлар издиҳомлари де Армас майдонини тарк этди, ўзлари

билан бирга андозага солингган плакатлар ва идоралар томонидан тарқатилган бир тусдаги шиорларни олиб кетишиди, уларни ишончли жойга беркитиб қўйишади, мабодо куни кечагиндан ҳодисалар рўй бергудай бўлса, яна улардан фойдаланишади; асткар болалар гулдурос қарсаклар орасидаги қисқа танаффусларда текин овқат ва ичкилик тарқатишни тұхтатгандаридан сўнг одамлар издиҳоми тарқади, де Армас майдонида кимса қолмади, сарой ҳам кимсасиз ҳувилларди, ҳолбуки у дарвозаларни ёпмасликни буюрган әди, майли, истаган одам истаган вақтида кириб кўрсин, бир замонлар бу ер ҳамманинг ўз уйи әди, мотам идораси эмас! Лекин у бутунлай ёлғиз әмасди, зеро унинг кўр, шол, моховлари яна қайтиб келишганди, булар ўша-ўша Ҳокимият Уйи деворлари тагида йилларча яшаган кўр, шол, моховлар әди, булар ўша-ўша Деметрио Алдоус Байтулмуқаддас дарвозалари тагида офтоб тигрида ўтириб тахаюл дунёларидан ўтказган кўр, шол, моховлар әдикি, улар қанча қирғин қилинмасин, йўқотилмасин, яна худди илгаригидай қайтиб келаётганликлари унинг кўнгил кўзгусида аниқ кўрингган әди; ҳа, булар бу ҳокимият маконига әртами кечми барибир яна албатта қайтажакларини доим билардилар, ва тақдирнинг барча зарбаларини бошидан кечирган, энг шафқатсиз ҳирсу ҳаволарга ҳам бўйсунмаган, ўзи мангу бўлганлиги боис уннутилмоқнинг барча маккор тузоқларига чап берган зотнинг қўлидан даво топиш учун малҳам туз тиланишларини билардилар. Шундай, Деметрио Алдоуснинг кўз ўнгидан ўтган хаёлот рўёбга чиқди: тонгти сут соғишиндан кейин фермадан қайтаркан, генерал мана шу ёр-биродарларни яна кўришга мусассар бўлди; аҳёrlар синиқ ғишт парчаларидан қандайдир ўчоқлар ясад, тунука консерва қутиларида алланечук чиқит-чиқиндилардан овқат қайнатишарди. Аҳёrlар яратчақа маразларидан оққан заҳарли иркитлардан қорайиб кетган тўшама шолчаларини муаттар ҳидлар тараттган атиргуллар буталари остига тўшаб уларда обёкларини кўтариб, қўлларини қовуштириб ётишарди, бутун ҳовли улар билан тўла әди. Генерал уларга овқат пишириш учун ҳақиқий ўчоқ қуриб беришни буюрди, уларга янги шолчалар сотиб олиб берди, аҳёrlар Ҳокимият Уйига тарқалиб кетмасин деб, ҳовлининг ичкарисида уларга пальма

япроқларидан шиййон қуриб беришни айтди. Лекин бирон кун  
йўқ әдики, дам у, дам бу моховни қабуллар уйидаги эроний ги-  
ламларда ағанаб ётмаган ҳолда топишса, боргоҳ хоналарида би-  
ронтаси адашиб туртиниб-суртиниб юрмаган бўлса, аллақандай  
шоллар зиналардан йиқилиб тил тортмай ўлмаса; у моховлар кир-  
масин, деворларга суюниб, суркалишиб уларда йиринг ва балғам  
изларини қолдиришмасин деб, эшикларни беркитиб юришни бу-  
юрди, аммо у бутун боргоҳдан кафбол ҳиди келиб туришини иста-  
масди, чунки санитария хизмати барча хоналарни кафбол килота-  
си сепиб тозаларди; бироқ моховлар, кўрлар ва шоллар уларни  
қанча ҳайдашмасин, барибир Ҳокимият Уйига, боргоҳ ичкарисига  
кириб бораверишар, зеро уларни лиқиллаб қолган қари мўйса-  
фиднинг мўъжизакор малҳамлари даво бўлади, деган қадим ёв-  
войи кўр-кўрона ишонч ўз ҳолларига қўймасди, ҳолбуки, падар-  
нинг ўзидан энди ҳеч ким ҳеч нарса кутмасди, у эса худди ойке-  
зикдай ўз хотираси ботқофининг оқ буглари ичра туртина,  
пайпаслана кезинар, ҳар қайдаги дуч келган ёриқ, тирқишиларга  
ўраб тиқиб ташланган ёзувлар битилган парча қоғозларни топиб  
ўқир, аргамчи тўшагида соатлаб ётиб, қуриб кеткур янги келган  
әлчи Фишерга қандай қилиб чап беришни ўйларди, зеро янги  
әлчи мамлакатда сариқ беззак касали кенг тарқалмоқда, деб эълон  
қилишни қаттиқ туриб талаб этмоқда эди. Элчининг буни талаб  
қилаётганининг сабаби шунда әдики, агар эпидемия эълон қилин-  
са, бу албатта, әлчи мансуб мамлакатнинг кемаларидан денгиз  
пиёдаларини десант қилиб киритишга имконият яратарди; ўзаро  
ёрдам тўғрисидаги шартномага мувофиқ денгиз пиёдалари номаъ-  
лум бир муддатта – бизнинг ўлиб бораётган мамлакатимизни ян-  
гидан тирилтириш учун зарур бўлган муддаттага киритилиши кўзда  
тутиларди. Унинг нима қисамикин, деб боши қотарди. Ҳокими-  
ятнинг дастлабки йилларини эсларди, ўша пайтлар у эпидемия  
баҳонасида ўз зиммасига фавқулодда ваколатлар олган ва хавфли  
ғалаёнларнинг олдини олиш учун ҳарбий шароит қонун-қоидалаг-  
рини жорий этган эди. Аммо ўшанда у сариқ беззак деб эмас,  
мамлакатда ўлат тарқалди, деб эълон қилди. Маяк уэра сариқ  
байроқ кўтарили, порт ёшилди, якшанба кунлари бекор қилинди,

мархумлар устида йиги-сиги, таъзия маросимлари ўтказиш, кўма-ётганда мотам мусиқалари чалиш тақиқланди; қуролли кучлар президентнинг фавқулодда чораларини бажаришга ташланди ва юқумли касалга чалингандар қисматини ўзлари билганча ҳал қилиш хуқуқига эга бўлдилар – енгларига санитария боғичини боғлаган аскар болалар турли табақага мансуб кишиларни ҳам-манинг кўз ўнгидаги қатл этардилар, ҳокимиятдан норози деб гу-мон қилинган одамларнинг уйларининг эшикларига қизил доира чизиб белги қўяр, жиноятчилар, акабачча хотинлар ва гиёҳванд бангиларнинг манглайига ҳам худди қорамолдек маҳсус белги чизардилар. Элчи Митчеллнинг талабига кўра етиб келган са-нитар ёрдами миссияси эса президент саройи хизматчиларини ўлат юқишидан сақлаш билан шуғуллана бошлади. Санитария миссияси ердан чала болакайларнинг ахлатини йигишириб оли-шар, лупага солиб қарашар, бунинг отини анализ деб аташарди; сув тўлдирилган идишларга дезинфекция дорилари солишар, лабораторияда турли маҳлуқларга аллақандай бемаъни аталалар беришарди, генерал эса кула-кула тилмочлар орқали уларга айт-тарди: «Мистерлар, бунча тентак бўлманглар, ахир, бу ерда сизлардан бошқа ҳеч қандай юқумли касал йўқ!» Аммо улар шундай жавоб қилишарди: «Йўқ, касал бор, олий ҳазратлари! Унинг борлигига юқоридан буйруқ олганмиз. Буйруқ бўйича у бўлиши керак!» Шундан сўнг улар худди мисга ўхшаб кетади-ган аллақандай кўкимтири ва қуюқ дори тайёрлашди, мана шу ярамас малҳамни саройга ким келмасин, барига бошдан-оёқ суртиб чиқишиар, арзийдими, арзимайдими, ҳеч кимнинг юзига, мавқеи-га қараб ўтиришмас, барча президент қабулига келган кишилар белгиланган бир масофада туришлари керак әди; у зал ичкари-сида ўтирас, бу ерга ташриф буюрганларнинг нафаси эмас, фа-қат товушигина етиб келарди, у энг юқори мафтабали яланғоч кишилар билан ишларни овози борича қичқириб муҳокама қилас-ди. Улар остона ёқасида туриб бир қўлларини кўтариб унга мурожаат этардилар: «Олий ҳазратлари!» – Иккинчи қўллари билан эса ярамас малҳам суртилган ночор осилиб турган олат-ларини тўйсадилар – битта одамни касалдан сақлаш учун мана шундай ишлар қилинарди; у эса уйқусизликдан қийна-

либ ётиб бу касални ўйлаб чиқарган эди. Бутун кулфатнинг ёйилишини миридан-сиригача тўқиб, ишлаб чиққан эди; эшитганда одамларни оғир қалтироқ босадиган хабарларни тарқатди ва одамларни қиёмат қойим башоратларига ишонишга мажбур этди ва буларнинг барини одамлар қанча кам тушунса, шунча кўп қўрқади, деган ишонч-эътиқоддан келиб чиқиб қилди. Кўрққанидан ранги ўчиб кетган адютантларидан бири унинг олдида роз туриб маълумот бераркан, у қилт этмай эшитди: «Жаноб генерал, ўлат бутун аҳолини қириб ташлаяпти!» Шунда у президент каретасининг хира ойнасидан қараб кимсасиз кўчаларда ўзининг амири фармони билан қотириб қўйилган вақтни, жонсиз осилиб турган байроқларни кўрди, қизил тўгарак чизилмаган хонадонларнинг ҳам ҳатто әшиклари тапа-тақ михлаб ташланганини кўрди, уйларнинг бўғотларида роса тўқ ўтирган калхатларни кўрди, яна ўликлар, ўликлар, ҳаммаёқда ўликлар ётганини кўрди... Улар шунчалар кўп әдики, санаб улгуреб бўлмасди, улар ифлос кўлмакларда чўзилиб ётар, офтоб нури ярақлаб тушиб турган айвонларда саржиндай қалаб ташланган, бозорнинг ўртасида сабзавот ўюмлари орасида сасиб, чириб айнирди. Ўликларнинг қанчалигини ҳеч ким билмасди, ҳар ҳолда унинг сон-саноқсиз ғанимларининг ҳисоб-китобига қараганда ҳам кўпроқ, ҳатто шахсан ўзининг чамасидан ҳам анча ортиқроқ эди; мурдаларнинг кўпи бамисоли ўлган итнинг лошидай ахлатхоналарга улоқтирилган эди; чириёттан мурдаларнинг қўланса ҳиди, кўчалардан анқиёттан одатдаги бадбўйликдан у ўлат исини, қичим-ма-қўтири, ҳақиқий тоун ҳидини аниқ ажратиб олди, лекин қилт этмади, ўзини бутун ҳокимиётининг мутлақ ҳўжаси деб ҳис қилмагунича офатни тўхтатиш, унга барҳам бериш ҳақидаги ҳеч кимнинг ялиниб-ёлворишилари, илтижоларига қулоқ осмади, чекинмади. Фақат ўлат офатини тўхтатиш на инсон ва на худонинг қўлидан келади, деб умидсизликка тушган чоғимизда биз кўчада номаълум бир каретани кўрдик; ундан анқиб турган ҳокимиётнинг совуқ нафасини аввал ҳеч ким пайқамади – ичи мотамсаро қора барқут билан қопланган ўша каретанинг хира дарчасидан биз фақат ўлаксадай қимтилган юпқа лаблар, ўлик кўзлар ва уйларнинг дарвозаларига ҳовуҷ-ҳовуҷ туз сочаётган

оқ қўлқопли қўлларнигина илғаб олдик; биз қоплониларни ҳуркитиб гардения чангалзорлари оралаб бораётган, юксак тоғлар билан қуршалган вилоятларнинг ўтиш қийин довонларидан худди чангал ураёттандай ўрмалаётган, миллий байроқнинг ранглагрига бўялган поездни кўрдик – ёғиз вагон даричаларининг дарпардалари ортида қайғуга ботган кишининг юзи ва хира, мунгли кўзларини, ўз болалигининг ўлик саҳросига ҳовучлаб туз сочаётган ўша-ўша оқ қўлқопли қўлларни кўрардик; биз яна алмисоқдан қолган чархли кемани кўрдик, унинг граммофонидан шўх лаппакларнинг даранглаган куйлари отилиб чиқар, кема тошлоқ маржонзорлар, қумлоқ оролчалар, баҳорги сув тошқинлари аждаҳоси бус-бутун ютиб юборган, инсон қадами етмаган кўхна ўрмонзорлардан қолган, ағдарилган, тўнгаришган дараҳтларнинг уюмларини айланиб ўтар – президент каютасининг дарчасида биз кунботар шағағидай хиралашаётган кўзлар, оқарган, қимтилган лаблар ва ўша-ўша қурғоқчиликдан ўртаниб шалвираган дараҳтларга шифобахш тузларни ҳовучлаб сочаётган кафтларни кўрдик. Бу туздан тотинган ёки у тушган ерни ялаганлар дарҳол дарддан фориғ бўлишар ва уларга касалликлар, кўз тегишлар ва бошқа нарсалар таъсир қилмай қўярди.

Мана энди у ҳаётининг шомига қараб бораркан, янгидан қўшин киритишига рози бўлиш тўғрисидаги таклифларга ажабланиб ўтирамади, бу нарса сиёсий талвасаларнинг олдини олиш деган кўхна ёлғон сафсалалар билан ниқобланарди, у мияси йўқ министрларнинг важ-корсонларини рад этарди, улар хитоб қилиб шундай дейишарди: «Майли, денгиз пиёдалари қайтиб келишсин, генерал, майли, улар пестицидлар пуркайдиган машиналарини олиб келишсин, майли, оппоқ касалхоналар олдидаги кўм-кўк ўтлоқларда айланиб сув сочадиган фонтанлар ўрнатишсин, майли, касалларимиэнинг ёшини юзга узайтиришсин – майли, келсин улар ва хоҳлаганларини майли олишсин!» У эса бу сўзларга жавобан столни мушти билан гурсиллатиб уради. У әлчи Мак-Куин тақаллуғсизлик билан очигини рўй-рост айтмагунча қаршилик қилди: «Бундан бу ёнги баҳс-мунозараларнинг фойдаси йўқ, олий ҳазратлари, режимни ваъдабозликлар эмас, руҳсизлик, хафсалат

сиэлик тутиб турибди, террор эмас, фақат эски, жуда эски сусткашлик тутиб турибди, режим иложсиз равишда тўкилиб бормоқда, олий ҳазратлари, кўчага чиқиб, ҳақиқатнинг бетига тик қаранг, сиз охирги бурилишга етиб келдингиз – ё денгиз пиёдалари киришади, ё биз денгизни олиб кетамиз, ўзга чора йўқ». «Бошқа иложи қолмади, она, улар Караб денизимизни тортиб олиб қўйдилар!» Элчи Эуингнинг инженерлари денизни бўлак-бўлакларга ажратиши, ҳар бир бўлакка алоҳида рақам қўйиши, бизнинг тўфон, довулларимиздан узоқда, Аризона осмони тагига элтиб ўрнатиш учун шундай қилиши, сўнг денизимизни бутун бойликлари, унда акс ётган шаҳарларимиз, бизнинг телбавор тошқинларимиз ва барча чўкиб ўлувчиларимиз билан бирга қўшиб олиб кетиши. У ўзининг хўб мукаммал ишлаб чиқилган устомон, маккор усул-идораларининг қайси бир тугмасини босмасин, талончиликка қарши миллий норозилик тўлқинларини қўзғатишига ҳаракат қиласин – кўчага, бизни маъзур кўринг, генерал, ҳеч ким чиқмади, на дўқ-пўписалар ва на зўравонлик таъсир қилди – бизга бу ишлар одатдаги чалғитишдан бошқа нарса эмасдай туюлди, унинг мақсади ўша-ўша битта әди – ҳукмронлик ҳирсини қондиришига уриниш әди; майли нима бўлса бўлсин, деб ўйлардик биз, майли, денизни ҳам орқалаб кетишин, садқаи сар, майли, миллий байроғимиздаги аждаҳо билан бирга қўшиб бутун ватанимизни ҳам орқалаб олиб кетишин, майли. Ҳарбийлар кишилик кийимларида уйларимизда пайдо бўлишарди, биз уларнинг мўлтони, тилёғлама гапларига, ширин ватъдаларига асти қулоқ солмасдик, улар бизни ватан учун кўчаларга чиқишига, бақириб-чақириб шиорлар ташлашшига кўндиromoқчи бўлиб ялинишарди: «Йўқолсин оқ танли босқинчилар!» – деб қичқириб юришимизни ва талон-торожга барҳам беришимизни сўрашарди. Аммо, буни қарангки, уларнинг ўзлари бизни хорижий кишиларнинг дўконлари ва хона-донларини талаш, ўт қўйишига даъват этишар, бизни гўё халқ билан бирлиги туфайли кучли бўлган армиянинг ҳимояси остида сурбетларча босқинга қарши намойишшига чиқишимиз учун қўлимизга пул тиқиширишарди; бироқ, жаноб генерал, ҳеч ким кўчага чиқмади, зеро, ҳеч ким ҳарбийлар авваллари ҳам чин ваъда

қилиб, сўнг ваъдаларини бузиб, намойишчилар орасига кириб олган иғвогарлар ҳарбий қисмларга қарата ўт очдилар, деган баҳонада одамларни қирғанларини ҳали ҳеч ким эсидан чиқарганийтундай қилиб, бу сафар, жаноб генерал, халқ бизнинг томонимизда эмас».

Шунинг учун бир қарорга келиши юкини ўз зиммамга олишга тўғри келди ва мен бу ҳужжатга имзо чекдим онажоним Бендинсон Алварадо, ҳолбуки, ҳаммадан кўра яхшироқ биларди дентгиз пиёдаларининг босқинига чидагандан кўра денгизсиз қолган яхшироқлигини. Ахир ўша денгиз пиёдалари буйруқ тайёрлашар ва мени уларга имзо чекишига мажбур қилишарди. Улар эмасми биз томонларга Инжил ва заҳм касалини келтирган, Улар эмасми санъяткорларимизни акабачча қилиб қўйган, Улар эмасми ҳаммага ҳаёт бу осон нарса деб уқтирган ҳамма нарса сотилади ва ҳамма нарса сотиб олинади деб ўргаттган, Улар эмасми қоралар сассиқ деган, Улар-ку менинг аскар болаларимнинг миясига қаерда яхши пул берса ватан ҳам ўша ерда деб қўйган ва ҳарбий шоншарафни икки пулага қиммат нарса, уни ҳукуматлар ҳарбийларни текин жангта солниш учун тўқиб чиқарган деб бошини қотирган. Мана шуларнинг ҳаммаси яна тақрорланмаслиги учун она мен уларга бизнинг денгиз сувларимиздан хоҳлаганча фойдаланиш ҳукуқини бердим инсоният манфаатлари ва халқлар ўртасидаги тинчлик мана шуни тақозо қиласди!» У ўз ётогидан то уфқларгача кўриниб турадиган моддий сувларнигина эмас, бутун сув ости ва сув усти бойликларини, улар узра эсадиган шамоллар вақти-сочатини, обу ҳаволарнинг барча инжиқликларини ва охириги миллибар<sup>1</sup>гача бутун атмосферанинг барини бериб юборди. У уларнинг қилган ишларини ҳатто тасаввурига ҳам сифдиrolмасди: улар олдин шлюзлар билан тўсиғлан, худди шоҳмот таҳтаси каби аввалдан рақамлар қўйилган бўлаклардан улкан насослар ёрдамида сувни, эски денгизимизнинг тўлқинларини тортиб олишди, денгизнинг таги, ўчган қадим вулқонларнинг оғзи кўринди – бигта вулқоннинг улкан комида кутилмагандага кўхна Санта-Мария-дел-

<sup>1</sup> Миллибар – атмосфера босимини ўлчаш бирлигининг мингдан бир улушки.

Дариен деган шаҳаримизнинг қолдиқлари чиқди, бир замонлар уни дengiz ютиб юборган эди. Сўнг биз барча денгизлар ва океанларнинг энг улуғ адмиралининг энг катта кемасини кўрдик. «Мен унинг шундайлигини деразамдан кўрганман, она!» Кема маржон тошлар орасида тиқилиб ётарди. Тарихий кема ҳалокати муносабати билан унга муносиб шон-шараф кўрсатилишига амр-фармон чиқмай турибоқ кема маржон тошлар орасидан тагтуги билан земснарядлар воситасида сугуриб олинди. Шу тариқа улар генерал ҳокимиётининг асоси ва унинг олиб борган урушларининг маъноси бўлмиш барча нарсаларни ташиб кетишди; улардан кейин фақат ой сиртига ўхшаш саҳрогина қолди, у ҳар гал деразалар ёнидан ўтганда уларга қараб юраги орзиқар, оғир хўрсинар ва ичидан бир нидо келарди: «Онажоним Бендинсон Алварадо, оқилалигинг нури билан мени шафоат эт!» У кўркиб уйғониб кетарди. Ватан учун ҳалок бўлган муборизлар қабрларидан туриб сотиб юборилган денгизнинг жавобини талаб этаёттандай бўлишарди; уларнинг деворлардан ўрмалаб келаёттандиларини аниқ эшишарди, уларнинг қабрдан чиқаёттан бўғиқ товушлари қулогига чалинарди, калит тешигидан қараётган уларнинг нигоҳи кўзига кўринарди, улар унинг худди буюк калтакесакники каби улкан оёғига қараашарди, бу оёқ қоронгу бадқовоқ уйнинг балчиқларига аста ботиб бораёттандай бўлиб туюларди. У тинмай хонани кезарди. Уни пассат<sup>1</sup> ва мистрал<sup>2</sup> шамоллари ўраб оларди. Бу шамолларни элчи Эбергейт тортиқ ётган ҳаво қурилма чиқарарди. Улар йўқолган денгизнинг шамолларини эслатиб ва балки уларнинг ўрнини босиб турарди. У улкан қоя тепасидаги ағдарилган диктаторлар учун қурилган уйнинг ёлғиз чироғини кўрарди. «Уларга мазза, тўйган чўчқалардай роҳат қилиб ухлашади, ҳамма азоб менда!»

У кўли меҳнатдан бўшамайдиган онаси Бендинсон Алварадонинг ҳатто ўлимни арафасида ҳам ореганонинг муборак шохчаси осилган хонада соғлом хуррак отиб осуда ухлашини эслади. «Қани

<sup>1</sup> Пассат – океанларнинг тропик кенгликларида йил бўйи барқарор эсиб турувчи ҳаво оқимлари.

<sup>2</sup> Мистрал – шимоли гарбдан эсувчи кучли совук шамол.

эди мен унинг ўрнида бўлсам – ҳеч қачон ўлатдан кўрқмайдиган севишдан чўчимайдиган ва ўлимдан тап тортмайдиган она ўрнида бўлсам эди!» У шунчалар ҳолдан тойган эдики, дengiz бўлмаган ҳолда маяк чироқларининг ёниб туриши унга шубҳали, ўликларнинг ўз қабрларидан туриш ниятлари билан борлиқ бир нарса бўлиб туюлди, у ваҳшатта тушиб бу беозор чироқдан қочишга уринарди, у маяк айланиб шуъла сочиб атрофга ўликларнинг илик суюкларидан чиқаётган нурли губорни тажаллий этиб таратади, деб хаёлидан кечирди. «Ўчиринглар!» – деб қичқирди у; маякни ўчиришди; у уйни ичкаридан барча тешик-тироқишлиарни маҳкам беркитишини буюрди, битта ҳам ёриқ жой қолмасин, уйга ўлим билан тўйингган тунги ҳавонинг ҳатто бир зарраси ҳам кирмасин; у зулмат қучогида ёлғиз ўзи қоларди, нам, тифиз ҳавода нафас ололмай бўғиларди, ҳатто ойналар ҳам кўзига жуда хунук кўринадиган бўлди, ҳолбуки, уларни кўрмас, фақат ёнидан ўтарди, холос; улар туфайли хаёлига хонада бир ўзим эмасман, деган фикр келарди. У дengiz вулқонининг комида от миниб елиб бораётган чавандозни кўрди, унинг отининг туёғи остидан юлдузлардай катта учқунлар саҷаради, лекин бу оқиши ўлимтик ёғдулари билан ой кўтарилиб келмоқдайди. «Йўқотинглар уни! – ўкирди у. – Юлдузларни ўчиринг, падарига лаънат! Худо номи билан буюраман!» – бироқ ҳеч кимса жавоб бермади, ҳеч ким уни эшигтмасди, фақат собиқ министрларнинг хоналаридағи шоллар чўчиб хавл олиб уйғонишди, пиллапояллардаги кўрлар ва тунги шудрингдан уст-бошлари нам моховлар жойларидан қўзғалишиб, унинг йўлини тўсиб чиқишиди, ўз кўлингиздан бизга шифобахш туз беринг, деб ялиниб-эланишди. «Ҳей, сиз мункирлар, ахир шундай бўлган эди-ку: у ёнимиздан ўтиб бора туриб ҳаммамизнинг бошимизни силарди, ҳар биримиznинг жароҳатимизга оқил қўлини, ҳақиқат қўлини теккизарди ва биз ўша ондаёқ яна танамиз соғаяр, кўнглимизга хотиржамлик чўкарди, вужудимиздан куч ёғилар ва яшашга завқ-шавқ түярдик, биз кўзлари ярқ этиб очилган ва яна ёпилган кўрларни кўрдик – лекин гулларнинг ярқироқ очилганини кўриб уларнинг кўзлари қамашди; биз пиллапояларда югуриб юрган шолларни кўрдик; мана менинг ўз аъзои баданимни кўринг, бу

янги онадан туғилган гўдакнинг териси эмасми, жароҳатларим биттандан сўнг мен шундай бўлиб қолдим, бу илк очилган лола-ларнинг атрини эмган тери, мен уни бутун дунёнинг бозорлари-да намойиш қилиб кўрсатаман, мункирларнинг юзи қора бўлсин, бузуклар эса огоҳ топсин, ибрат олсин!» Шаҳарлару қишлоқ-ларда халқ сайилларию байрамларида сарсари кезиб бу сўзларни қичқириб айтиб юрувчилар бизни мўъжизага ишонтиromoқчи ва ҳам унинг билан қўрқитмоқчи бўлардилар; анча вақтлардан бери уларга ҳеч ким ишонмасди, биз уларни сарой хизматчилари бўлса керак, деб ўйлардик, илгари улар ҳукмдорларнинг амру фармонларини халқ ўртасида ёярдилар, эндиликда эса бизни бояги анов нарсага ишонтиromoқчи бўлишарди. Лекин унга ишо-нишнинг сира иложи йўқ эди – қандай қилиб у моховларни тузатсин, кўрларнинг кўзини очсин, шолларни юризиб юбор-син. Назаримизда ҳукумат шу йўл билан гўё президентнинг мав-жуслигига бизни ишонтиromoқчи бўлиб уринарди. Унинг шахсий фармойиши бўйича боргоҳнинг қўриқчилари сони соқчилик да-ражасида қисқартирилди ва бу иш оғзидан сути кетмаган ёш аскар болаларга топширилди. Давлат кенгашининг барча аъзо-лари бунга яқдиллик билан қаршилик билдирилар: «Йўқ, жа-ноб генерал, қўриқчилар бир рота карабинерлардан кам бўлмас-лиги керак. Эҳтиёт чоралари кўрилиши шарт», – деб қаттиқ турдилар. У бунга сира рози бўлмай эътиroz билдириди: «Ҳеч кимнинг мени ўлдиришга зарурати ҳам, хоҳиш-истаги ҳам йўқ. Магарким, агар сиз ношуд министрлариму такасалтанг қўмон-донларим буни хоҳламаса, аммо сизга келсак, сиз ахир мени ўлдиришга журъат этмайсиз, чунки жуда яхши биласизки, мени йўқотганингиздан сўнг бир-бирларингизни ўлдиришга туша-сиз». Шундан сўнг фақат мурти чиқмаган йигитчаларгина бай-талмон боргоҳда соқчилик қиладиган бўлишди. Бу ерда сигир-лар то дарвозадан тортиб давлат кенгашининг залигача салан-глаб юришарди. «Уларингиз чаман ўтлоқ сурати солингган паттиламни чайнаб ташлашди, жаноб генерал, архив ҳужжат-ларни еб қўйишиди». У буни эшитмасди. Фақат бир маротаба-гина у октябрининг шиддатли жаласидан қочиб боргоҳга кирган сигирни ҳайдашга уриниб кўрди. Лекин шунда «Сигир... сий

ир...» – деб тақрорлади-да уларни ҳайдамай қўя қолди ва шундаки «сигир» сўзи «г» билан ёзилишини өслади. Бошқа бир сафар нурафшон замонларда бу ерда шуъла сочиб турган лампанинг қалпогини сигир чайнаётганини кўриб, у пиллапояларда ҳайвонларни қувиб юришнинг ҳожати йўқ деган фикрга келди-да, зиёғатлар залида юрган икки сигирнинг устига товуклар чиқиб, уларнинг танасига ёпишган сўналарни чўқишаёттанига дуч келиб индамай ўтиб кетди. Ўша кечаларда биз баъзан деравазалар ортида липиллаган шуълаларни кўрап, ойнаванд сарой деворлари орқасида йирик ҳайвонларнинг оғир дупурлаган товушларини эшиштардик – шу пайт у кемаларда бўладиган фонарини кўтариб сигирларни тунги жойига ҳайдарди.

Расмий ҳаёт унинг борлигига қандай кечса, унинг йўқлигига ҳам шундай кечарди – ҳукуматнинг газеталари тантанали қабул маросимларида олинган сохта суратларни босардилар; уларда қабулнинг хусусияти қандайлигига қараб, у турли мос либосларда кўриниарди. Унинг миллий байрамлар чогида сўзлаган, неча-неча йиллардан бери биз эшитиб юрган нутқларини радио тўхтамай эшиттириб турарди; у орамизда яшашда давом этарди – саройдан чиқар, калисоларга кирап, суратларда ёритилишига қараганда, ҳамма қатори ухлар, еб-ичарди, ҳолбуки, у одати бўйича йўлга киядиган этигига ивисиган сарой гўшаларида базур оёгини судраб босишини ҳамма биларди, унинг хизматчилари сони қисқариб, уч-тўрт хос ходимгина қолди, улар уни овқатлантиришар, асал идишларни тўлдириб туришарди. Улар барибири кунлардан бир кун сигирларни ҳайдаб чиқаришиди; ўшанда маҳлуқлар бош штабнинг масканини батамом вайронага айлантириб, хуфя хона-даги маршаллар тасвирланган чинни идишларнинг барини кунпаякун қилиб ташлаган әдилар, ҳар нечук фолбин кампирнинг башоратига кўра у худди мана шу хонада жон таслим қилиши керак әди; дарвоҷе, у фолбин кампирни аллақачонлар унугтган әди. Унинг хос ходимлари ундан қандай бўлмасин амру фармонларни муштоқ бўлиб кутишарди, қаҷон у остона ёқасида фонарини осаркин, қаҷон эшик гумбурлаб ёпилиб, учта тамба тушаркин, учта занжир, илтак илинаркин, деб илҳақ бўлиб туришар ва фақат ана шундан

кейингина у энди әрта тонгтacha ўлиқдай қотиб ухлайди деган ишончда ўзларининг биринчи қаватдаги хизматкорлар хонасига тушиб кетишарди. Энди дengiz йўқ, унинг ётоғида ҳаво етишмасди. У сесканиб, титраб-қақшаб уйғониб кетарди, уни уйқусизлик қўрғарди, тумтайган қоронгу саройда йўғон оёқларини судраб босиб шарпадай кезинарди, на сигирларнинг бир маромда кавш қайта-ришлари ва на вице-қиролларнинг кийим жавонларида мудраётган товуқларнинг осуда нафасларига эътибор қиласди; аввалги дengiz ўрида ҳосил бўлган ой сатҳи каби саҳродан келаётган шамолнинг увиллашларигина унга вақтнинг ўтишини эслатиб турарди. Унинг кўз ўнгидаги қўлига кўк буталардан супурги ушлаган онаси Бендинсон Алварадо гавдаланарди. У қўлидаги шу кўк супургиси билан Корнелий Напотнинг ilk нашрлари, Ливио Андронико ва Сесилий Эстато каби унутилиб кетган воизларнинг китобларининг куйган, ёнган саҳифаларини супуриб юради, у ilk бора ўзи учун бўшатилган Ҳокимият Уйига кириб борган ўша қонли кечада буларнинг ҳаммаси бир уюм ахлатта айланган эди; ўшанда шаҳар кўчаларида машхур лотиншунос, жойинг жанинатда бўлгур, тентак генерал Лаутаро Мунос муроҳидларининг охирги баррикадалари ҳали қаршилик кўрсатарди. У безгакдан титраб-қақшаб, кўк супурги кўтарган онаси Бендинсон Алварадо билан бирга ловуллаган ёнғин алангаларида, муҳтарам президентнинг шахсий қўриқчиларининг мурдалари устидан сакраб ўтиб, ҳовли ичида илгарилаб бордилар, президентнинг пурвиқор сайисхонасига тегишли отларнинг ўлик лошларига қоронгуда қоқилиб-суқулиб, даҳлиэздаги зинадан юқорига кўтарилдилар ва мажлислар залига етдилар. Порох ва отлар қонининг қалин аччиқ ҳидидан нафас олиб бўлмасди. «Бу ерда биз ялангоёқларнинг қонли изларини кўрдик, зеро бу ердан отлардан оққан қонларнинг кўлмакларида юрган кишилар ўтишган эди, йўлакларнинг деворларида ҳам худди қўлларнинг қонли изларини кўрдик, мажлислар залида эса юрагига жанговар қилич санчилган қонга ботган Флоренция гўзалининг жасадига дуч келдик. Бу президентнинг хотини эди. Унинг ёнида қўғирчоқ балеринага ўхшайдиган, пешонасидан отилган кичкина қизча ётарди. Бу президентнинг тўққиз яшар қизчаси

эди. Гарибальдига ўхшаган президент Лаутаро Муноснинг жасади ҳам шу ерда эди. У федералчиларнинг ўн тўртта генерали ичида энг чапдаст ва ақллиси эди. Улар ўн бир йил ичида ҳокимият учун қонли талашлар ичига шўнгигб бири кетидан иккинчиси келиб турган кишилар эди. Лаутаро Мунос инглиз консулининг башарасига тик қараб ўз она тилида «йўқ» деб айтولган ягона инсон эди. Мана энди шунинг учун жазосини тортиб ётибди, у ёнбошида оғзидан отилган ўқ туфайли бош чаноги иккига ёрилиб ётарди. Унинг оёғи яланроҷ эди. У ўзини отишдан аввал хотининг кўксига қилич санчган, қизчасини отган, Британия эскадрасининг жазо отряди қўлига тушмасин деб, қирқ иккита Андалузия тулпорини ҳам ўқ узиб ўлдирган эди. Ҳудди мана шунда қўмондон Китченер жасадга ишора қилиб бизнинг генералимизга шундай деган эди: «Кўрдингми, генерал, ўз падарига қўл кўтарганинг ҳоли нима кечади? Ҳукм сурадиган пайтингда, буни унугтма!» У «пайтингда» деб айтди, ҳолбуки, узун уйқусиз тунлар ва кўп галга солицлардан сўнг мени қуролли кучларнинг учала тури бўйича бош қўмондон ва республика президенти қилиб кўтаришган эди. Мамлакатда тартиб-интизом ва иқтисодий барқарорлик тиклангунча қанча вақт талаб қилинса, шунча муддат белгиланган эди». Сенат ва депутатлар палатасининг розилиги билан федералларнинг охирги каудилолари яқдиллик билан шундай қарорга келган эдилар. Бу қарорни инглиз эскадраси тасдиқлади ва доmino ўйинларида шарақлатиб тамга урилгандай бўлди. У узун кечалар консул Мак-Донейл билан домино ўйнаб куч синашарди. «Албатта, бошида на мен ўзим ва на бошқалар ишимиз юришиб кетишига ишонмас эдик». Айниқса, ўша тунги бесаранжом саросимада ким ҳам бунга ишонарди, дейсиз. Бошқалар майли-ку Бендисион Алварадонинг ўзи охирги пайтларгача ва ҳатто ўлим тўшагида ҳам ўғлининг салоҳиятига кўзи етмаган эди; ўғли ўша бошбошдоқлик аросати ичида бошқаришни нимадан бошлашни билмай мутлақо бошини йўқотиб қўйган эди. Бу мебелсиз улкан саройда виде-қиролларнинг пашиша ўтирган ва ўтмишга айланган испан ҳукмронлиги даврларидағи архиепископларнинг суратларидан бошқа тузук-қуруқ ҳеч нарса қолмаганди; она-

бала бу ҳайҳотдай гўшадан безгакка қарши қайнатма қилиб ичиш учун гиёҳ излаб топа олмасдилар. Ҳамма нарсалар аввалги президентлар томонидан ташиб олиб кетилганди, буюк тарихий воқеалар акс эттирилган осма гиламларнинг ўрни чорси бўлиб билиниб қолган, вақт ўтиб уларнинг ўрни девор билан бир тусга кирган әди. Ётоқ гўшалар казарма каби ахлат босган әди; деворлар бир кечага президент бўлмишларнинг қонли бармоқлари билан ёзилган тарихларга тўла әди; ўралиб ётиб терлайман деган одамга ҳеч ердан бир парча шолча топиласди, «Шунинг учун жонажоним Бендинсон Алварадо, деразанинг чанг босган дарпардасини тортиб олиб мени ўшанга ўраб-чирмаб катта пиллапоянинг бир четига ётқизиб қўйди, ўзи кўк супургиси билан президентга ажратилган хоналарни супуриб-сидиришга тушди, бу хоналар қипт-яланғоч бўлиб қолган, инглиз десантининг талончиларига бу ерда талаидиган нарсанинг ўзи қолмаганди». Онаси ҳар бир эшик орқасида уни ётқизиб зўрлашга ҳозиру нозир талончиларни кўк супургиси билан ҳайдаганча оёқ остини амаллаб супуриб олди ва тонг оқариб келаётгандагина катта пиллапоянинг тепасидаги зинага ўтири, дераза дарпардасига ўраб-чирмалган, қора тер босиб тўлғанаётган ўғли шундоқ ёнгинасида ётарди; унинг алланга оташ иситмасини ўзининг вазмин мулоҳазалари билан совутишга уринарди, ўрлим, бу тартибсизликларга эътибор бериб ўтирма, бир қанча тери билан қопланган ўриндиқлар сотиб олишга, уларни ранг-баранг гуллар ва ҳайвонларнинг тасвири билан безатишга тўғри келади. «Буни мен ўзим қиласман, яна аллақанча аргамчи тўшаклар олишимиз зарур. Энг биринчи навбатда аргамчи тўшак керак. Нега десанг, бу ер меҳмон кўп келадиган жойга ўхшайди; ундан кейин, – дея мулоҳаза қиласди у, – биз узун зиёфат столи сотиб оламиз, темир қошиқ ва санҷқилар, алюмин тақсимчалар харид қиласмиз – аскарча ҳаётга шулардан бошқаси ярамайди; ичиладиган сув учун пишиқ сопол кўзалар ва кўмир ёқиладиган ўчоқ оламиз; буларнинг ҳаммаси давлат ҳисобидан бўлади», – деб таскин берарди у ўғлига, аммо ўғлининг қулогига унинг гаплари кирмасди. Субҳидамнинг илк гулхайрилари очиларди, оқ-қирмизи гулхайрилар, худди қутлуг қон каби алвон ва худди бу кеча

қонлари тўкилган баданлар каби оппоқ, – ва мана шу жуфай рангда ҳақиқатнинг яширин ўзаги очилди, у пиллапоя кунжида безгак тутиб, иситмалаб, унишиб, қалтираб ўтирган қартайган қаридан бошиқа ҳеч ким әмаслиги англашинилар ва тўхтовсиз ўй босарди: «Шуми ҳаммаси? Шуми ўтда ёнган от гўштининг ҳиди, шуми жизғинак бўлган ёлнинг иси, шуми бўм-бўш ҳувиллаб қолган юрак, шуми ҳалокатта учраган кема каби уй, шуми ўн иккинчи август тонгига ўхшаб кетадиган барча тонглар ҳокимият ҳаммаси шуми? Қандай бемаза даҳмазага йўлиқиб қолдик ўзи, она!» Бу унинг учун кутилмаганда кириб кела турган зулмат олдидан бўладиган ҳайвоний бир қўркув эди; гарчи денгиз ёқларда тонг отганидан қувониб хўрозвлар қичқирди; гарчи инглизлар саройдаги ўликларни йигиштириб олишаркан, бақириб шўх-қувноқ қўшиқлар айтишди; унинг онаси Бендисйон Алварадо ёса ўзининг ҳисобкитобларидан таскин-тасалли топди-да, мени бу уйда истиқомат қилувчилар учун ювиб тозаланадиган бир ўюм чойшаблардан ортиқ ҳеч нарса ташвишга солмайди, деб айтди; генералнинг ҳафсаласи пир бўлди, у ўзи тушган умидсизлик ҷоҳининг энг тубида туриб, қандайдир оёғи остида заминни ҳис қилди-да, ҳатто онасини юпатишга тушди: «Ҳечқиси йўқ, она, бехавотир ухлайверинг, бу қарода президентлар узоқ ўтириб қолмайдилар, жуда бўлмаганда ярим ой бу ерда турморимизни худойим насиб этсин», у ўзининг сўзлаётган бу гапларига ишонарди, бунга ҳозиргина әмас, балки мустабид ва дарвеш каби яшаган умрининг барча дамларида ишониб келди. Ҳукмдорнинг бир-бирига ўхшовчи иккита бир хил куни бўлмаслигига қанча кучлироқ амин бўлса, бунга ҳам шунча қаттиқ имон келтириди. Бош вазир унга кунда маълумот беради, мана шу маълумотларнинг яшнаган гулдастаси орасига у ҳар куни битта оддий дала чечагини – ҳақиқатнинг чечагини ҳам қистириб ўтади, мана шу ният ичида унга аллақандай яширин бир мақсад бордек туюларди; у ним табассум қиласди: «Менга ҳақиқатни гапирманг, лицензиат<sup>1</sup>, қийналиб қоласиз – мен унга ишонсанм!» У мана шу бир оғиз сўзи билан давлат кенгашининг

<sup>1</sup> Лицензиат – дипломли юристга ҳурматан қилинадиган мурожаат.

унинг сўраб-сўриштирмай имзо қўйишига қаратилган улкан йўл-йўригини барини йўқча чиқарар эди.

«У расмий қабуллар пайтида ўзи билмаган ҳолда иштонига сийиб қўяди деган миш-мишлар юради, уларга тобора одам ишонса бўладигандек туюларди, лекин худди мана шундай гаплар тарқалётган вақтда у менга ҳар қачонгидан ҳам заковатлироқ бўлиб кўринарди»...

«У жуда қартайиб қурб-қувватдан қолган, яланг оёғига шиппак кийиб юрадиган ва кўзойнагининг битта банди ўрнига одми ип тақиб тутадиган бўлганидан бери менинг назаримда борган сари вазмин ва жиддий тортарди»...

«Унинг матонати тобора кучайиб бўарди, фаросати ўткирлашарди, уюм-уюм қоғозлар ичидан у ўқимаёқ керагини бехато таълаб олиб қўйл қўярди»...

«Сизга нима керак ўзи? – жилмаярди у. – Ахир, охир-оқибат ҳеч ким менга қулоқ солмаяпти»...

«Ўзингиз бир тасаввур қилиб кўринг-а, у ҳар қалай сигирлар саройда тўзғиб юрмасин деб, ферманинг дарвозасига катта ёроҷ тамба ўрнаттириди. Кейин бари бир улардан биттаси – «Сигирми?.. Сийирми?..» – унинг кабинетидаги деразага бошини суқиб, диёримизнинг муқаддас меҳроби бўлмиш унинг ёзув столидаги қоғоз гулларни ямлаётганини кўриб қолишибди. У шунда ҳам, ҳеч нарса демай, фақат жилмайиб қўиди: «Мана кўряпсизми, лицензиат, мен айтувдим-ку сизга. Бу мамлакатнинг бутун кулфати шундаки, ҳеч кимса менга қулоқ солмайди» – шунча ёшга кириб ҳам ақлининг тиниқлигини қаранг». Ҳар ҳолда элчи Кипилинг ўзининг тақиқланган хотираларида ҳикоя қилишича, уни болаларга ўхшаб қолганлигини кўрган, у ўз ҳолича ҳаракат қилиш салиқасидан мутлақо маҳрум бўлган; унинг аъзойи бадани сувга чўкиб ўлган одамдай сув босиб шишиб кетган ва доим нам чиқариб, терчираб турган, унинг бутун хатти-ҳаракатлари ҳам худди сувга чўккан кишининг гавдасидай тўлқинлар бетида осуда қимирилаб, чайқалиб турган. – У ҳатто ўзининг кўп сув йифилган чўкиб ўлган одамницидай оппоқ баданини кўйлагини ечиб кўрсатди, унинг лошини мисоли тўлқинлар қуруқликка чиқариб ташлаган ва сал-

қиган терисининг қаватларида дengiz қаърининг ҳашаротларини кўтариб чиққандай эди. Менинг елкамга реморалар<sup>1</sup> ёпишиб олган, қўлтиқларимга полиплар ва майда қисқичбақалар ин қурган, деб унинг ўзи айтарди. У яна шунга ҳам амин әдики, буларнинг ҳаммаси дengизнинг табиий суратда қайтиб келаётганидан дарак беради, бу дengизни биздан сиз тортиб олган эдингиз. азизим Жонсон, нега десангиз, дengизлар худди мушуклар каби ҳамиша қайтиб келадилар; у яна шунга ҳам амин әдики, унинг қовугида ўрнашиб олган қисқичбақасимонларнинг тўдалари бу ўша яқинлашиб келаётган баҳтиёр субҳидамнинг чин даракчила-ри, ўша тонг қоронғусида у ётоги деразасини очади-ю, барча уммонлар ва океанларнинг сардори бўлмиш адмиралнинг учта катта кемасини кўради, зеро, мен уларни излайвериб бутун ёруғ дунёни кезиб чарчадим, унинг ҳам кафтлари худди менинг каф-тим каби, инсоният тарихининг барча буюк инсонлағни каби чизиқларсиз, сипт-силлиқ ва текисми, шу ростми, аниқ шундай-ми, билмоқчи бўлдим». Ҳа, у адмирални қидирарди, уни ҳатто куч ишлатиб бўлса ҳам топиб келишни буюрди, у дengиз сайдеч-ларининг ҳикояларини эшиттан эди, гўёки улар атрофдаги дengизлардаги мавжуд сон-саноқсиз катта-кичик оролларни харитага туширишаркан ва уларга конкистадорлар<sup>2</sup> ўрнига қироллар ҳамда авлиёларнинг номини қўйиб юришаркан, уни ерли ҳалқ-ларнинг таълимотларидан фақат битта сирни – соч тўклилиб кал бўлиб қолишга қарши малҳамнинг сирини қидириб юрганини кўришган. Бир куни президент ўз лимузинида кета туриб уни кўриб таниб қолмагунча биз у билан яна учрашиш умидини йўқотган әдик. Ўшанда у якшанба бозорининг издиҳоми ора-сида франциск воҳидларининг жигарранг ридосини кийган ҳолда тавба қилувчи гунёхкорлар кўтариб юрадиган шақил-дорини чалиб бораради, у шунчалар тубанлашиб қолган әдики, биз бу бир маҳаллар қабуллар залида кўрган қирмизи камзул

<sup>1</sup> Ремора – кема тагига ёпишиб яшовчи балиқ.

<sup>2</sup> Конкистадор – Америка қитъаси очилгач, у ерларни ўзлаштириш учун отланган испан босқинчилари (Писарро, Кортес кабилар). Улар ерли аҳоли-ни қириб ташлаганлар.

кийган, этигиде тилла нағаллари жириңглаган ўша одам әканлигига сира ишонолмасдик; биз уни ғолиб сардор каби ҳарбийларча қадам ташлаб соҳилга тушиб келганини ҳам кўрганимиз; бироқ уни лимузинга чиқариш тўғрисида буйруқ олганимиздан сўнг қарасак, жаноб генерал, унинг ном-нишони ҳам қолмабди – бамисоли ер ютгандай; ҳалқ орасида юрган гапларга қараганда, у мусулмон бўлган эмиш, қичима касалига дучор бўлиб Сенегалда ўлган эмиш, дунёнинг учта турли шаҳарларида бир маҳаллинг ўзида учта қабрга кўмилган эмиш; лекин аслида у умуман ҳеч қаерга кўмилмаганди, зоро ер ўзининг бирон-бир мозорига уни қабул қиласди ва шунинг учун то қиёмат қойим бўлгунча у қабордан қабрга кўчиб юришга маҳкум этилган эди – барча ишамалларининг қинғир-қийшиқ йўллари учун худо уни шундай қисмат билан жазолаганди; нега десангиз, бу одам қаззоб эди, жаноб генерал, у энг разил олтинг-кумуш пуллардан ҳам разилроқ эди; бироқ генерал ҳеч қачон бундай гапларга ишонмасди, у ўз маъбудининг қайтиб келишига ишонарди, қариб-қартайган чоғларида ҳам унинг келишига умидини узмаганди, бу пайтлар соғлиқни сақлаш вазири унинг баданига ёпишган канаджўлакларни қисқич билан бирма-бир териб ташларди; шунда у вазирни булар кана эмас, улар денгизнинг қайтиб келишидан дарак беради, деб ишонтиromoқчи бўларди. Унинг сўзлари шунчалар мантиқли ва ишончли бўлардики, вазир ичида ўйларди: «У одамларга ўзини кардай кўрсатади, лекин кар эмас, ўзи учун нозик қабул маросимларида ўзини соддалик, гўлликка олади, лекин аслида ундаймас». Лекин беҳад қариган эди, ҳар томонлама текширишлар шуни кўрсатдики, унинг шоҳ томирлари шишадан ясалган, буйраклари худди умр бўйи қумлоқда яшагандай қум билан тўлиб қолган, жимо ва ишқ бўлмаганлиги сабабли юраги ҳилвироқ эди, буни кўрган эски қадрдони бўлмиш врач оғайниларча тап тортмай тўғрисини айтиб қўя қолди: «Омонатни топширадиган вақт келибди, жаноб генерал! Ҳар қалай ҳокимият жиловини кимга топширишни айни ўйладиган пайт. Бизни бу бебақо дунёга етимча қилиб ташлаб кетмассиз, ахир!» Аммо у ажабланиб сўради: «Аэзизим доктор, мени ўлади деб сизга ким айтди? Бу қандай бемаънилик? Ўладиганлар ўла-

версин, мен шошилаёттаним йўқ. – Кейин гапни ҳазилга бурди: – Ўтган куни оқшом мен ўзимни телевизорда кўрдим, ҳали ҳам чакки эмасман. Жангла шай буқадайман! У қаҳ-қаҳ отиб кулди ва бошига ҳўлланган сочиқ қўйиб телевизор олдида ҳадеса ер чўқиб ўтирган ўша оқшомни эслади, ёлғизликда ўтадиган ушбу оқшомлар у телевизорнинг овозини ёқмас – ўзининг шаҳд-шид-датли ҳаракатларига ҳайрон қолиб ўтиради (Ростдан ҳам майдонга кирган буқага ўхшарди!), Франциянинг латофатли әлчисига ўқтамона илтифотлар қиласади, ким билади, балки Туркия ё бўлмаса Швеция әлчисидир – нима фарқи бор, ҳаммаси назарида битта одамга ўхшарди, бунинг устига ушбу суратга олишгандан буён шунча кўп вақт ўтган әдики, мафтункор хонимлар даврасида турган, кечки қабул маросимига муносиб либослар кийган, қўлида ҳўпламаган шампань қадаҳи қўтарган ҳақиқатан унинг ўзими, ва бу ҳақиқатан ҳокимият тепасига келган куни – ўн иккинчи августнинг навбатдаги тантанасими ё ўн тўртинчи январь – ғала-ба куни шарафиға ўтказиляптими, ё ўн учинчи март – таваллуд куни нишонланяптими қуриб кеттур бу саналарни асти билиб бўладими! Унинг салтанати даврида саналар шунчалар болалаб кетдики, охири у чалкашиб қоладиган бўлди, қайси сана нимага ўтказилаёттанини сира ажратолмасди, бир маҳаллар у қоғоз пар-чаларига воқеаларни ёзиб, найча қилиб ўраб ҳафсала билан тур-ли тирқишиларга қистириб қўярди, пайти келиб эслашимга ёрдам беради деб ўйларди соддадиллик билан; энди айқаш-уйқаш бўлиб кетган тарихий воқеаларни аниқлаб олишда бу қоғоз парчалари ҳам асқотмай қўйғанди; мана шу қоғозларига ишониб, у ҳаммаси-ни унугтган әди ва уларга турли жойларда дуч келиб, нималигини сира тушунмасди; бир куни асал сақланадиган хуфя жойлар-нинг бирида у шундай қоғоз парчасини топиб олди ва уни ҳижжалаб ўқиб чиқди: «Ет-тин-чи ат-рель док-тор Мар-кос Ле-он-нинг ту-рил-ган ку-нида ун-та бир неч-та я-ту-ар<sup>1</sup> жў-нат-моқ ке-рак». Хат шубҳасиз, унинг қўли билан ёзилган әди, лекин гап ким ҳақида

<sup>1</sup> Ягуар – Жанубий Америка юксак тоглари ва чангальзорларида яшовчи ваҳший ҳайвон.

бораётганлигини мутлақо тасаввур қилолмасди, доктор Маркос дегани ким бўлсайкин, шунда у инсон учун ўз тийнатининг ўзагриши, ўз вужуди ва хотирасининг путурдан кетишидан ортиқроқ таҳқиромуз ва шу билан бирга бундан ортиқроқ адолатли бир жазо йўқлиги устида ўйлади. Буни у Хосе Игнасио Саенс де ла Барранинг сира унтутилмас замонларидан анча илгарироқ тушуниб етган эди; бир куни кўп одамлар қатнашган қабул маросими чоригда бирдан қарийб ҳеч кимни танимаслиги, кимнинг кимлигини эслолмаслигини кўрди – ҳолбуки, у бир маҳаллар ўз ғамгузор поёнсиз салтанатининг қанчадан, қанча ува-ю қишлоқларида яшовчи кишиларнинг кўпларининг исми шарифларини билар, уларни юзларидан танирди! Мана энди аҳвол шу даражага бориб етдики, у каретанинг дарчасидан қандайдир бир йигитчага кўзи тушиб, уни танингандай бўлди, лекин йигитчанинг кимлигини сира эслолмади, ўзининг эси йўқлигидан кўнгли буэилиб, қўриқчиларга йигитчани тутишни буюорди. «Мен унинг кимлигини эслагунимча ўтириб турсин», деди. Бечора қишлоқлик йигитчага турмада йигирма икки йил ўтирди. У ҳар худо берган куни битта гапни қайтарар, унинг бу гапини суд амалдорлари ҳам аниқ тасдиқлаган эдилар. Тўлатўқис исботланган ҳақиқат шундан иборат эдики, йигитчанинг исми шарифи Браулио Линарес Москоте, у дарё флоти хизматчиси Маркос Линарес билан Дельфина Москота деган қизнинг никоҳсиз фарзанди; Дельфина ягуар овига ярайдиган итлар етиштиради, улар Росале-дел-Виррэй деган жойда яшашади, йигитча ҳам ўша ерда туради. Умрида биринчи маротаба пойтахтга келиши; онаси март ойида бўладиган ҳалқ сайилларида иккита кучкни сотиб кел, деб жўнатган; у мен бир ҳўтукни ижарага олиб, ўшанда шаҳарга етиб келдим, деб тақрорлашдан чарчамасди, устимдаги уст-бошимдан бошқа кийим-кечагим ҳам йўқ, шу кийим-бошда бозорвошидаги усти мато билан ёпилган қовоқ-хонада арzon қаҷва ичиб ўтирган эдим, бозорчи хотинлардан овчи итлар сотиб оладиган одам борми, деб сўраб-суриштирдим; хотинлар билмаймиз дейишди, шунда бирдан аллақандай тўстўполон, югурт-югур бошланди, ноғоралар тарак-тарак қилди, сурнайлар чалинди, осмонга ранг-баранг мушаклар отилди, бозор

олдига йигилган одамлар: «Келяпти! Келяпти! Ҳақиқий эр келяпти! Ана у!» – деб қичқиришарди. Йигитча бозорчи хотинлардан «Ҳақиқий эр ким?» – деб сўради. Хотинлар эса унга: «Нима, кимлигини билмайсанми? Давлатнинг эгаси-да!» – деб жавоб берниши. Шунда йигитча кучукларни картон яшикка жойлади-да, бозорчи хотинлардан мен қайтиб келгунимча қараб туринглар, деб илтимос қилди. Ўзи бўлса кўчага югуриб, аллакимнинг деразасига чиқиб олди ва одамлар издиҳоми оша қараб отлар қатор келаёттанини кўрди, эшигига аждаҳо сурати солинган каретага ҳамроҳ бу отларнинг ҳашаматли жигалари ҳилпирав, олтин ҳалли ёпиқлари елпинарди, карета даричасидан ипак қўлқопли қўл одамларни саломлаб силкинарди, йигитча давлат эгасининг оқарган башараси, табассуми ўчган сўлғин дудоқларини кўрди, унинг фояндада мунглир кўзларини кўрди, шундабаногоҳ бу кўзлар минглаб одамлар орасидан йигитчани илғаб олди, игналар деңгизидан игна топгандай бўлди ва шунда карета дарчасидан сўқилган бармоқ йигитча томонга ўқдай санчилди: «Ушланглар анов деразадагини! Уни қаерда кўрганлигимни эслагунимча қамоқда ўтирасин». Ана шундай қилиб йигитчани ушлаб олишиди, уни ёниб турган чўғларга ўтказишиди, терисини қилич билан шилишиди, айт, давлат эгаси сени қаерда кўрган эди, деб қийноқ-қистовга солишиди. Лекин порт қальласи орқасидаги қийноқхонада қанча азоблашмасин, йигитча ўз билганидан бошқа ҳеч бир гапни айтолмади, у ўз гапи устида шунчалар қатъий ишонч ва енгиб бўлмас матонат билан туриб бердики, генерал охири янглишганига иқдор бўлди ва илгари ҳеч қачон Браулио Линарес Москотени кўрмаганлигини тан олди. «Лекин энди бошқа илож йўқ – ўтираверсин! Унга қаттиқ адолатсизлик бўлди, агар аввал душман бўлмаган бўлса, энди албатта бўлади». Шу-шу бечора йигит қамоқхонада чириб кетди. Генерал бўлса, ҳеч нарсани эслолмас ва ҳамон тумтайган Ҳукумат Уйида тинимсиз кезиб, тўхтовсиз ғўлдиради: «Онагинам Бендинсон Алварадо, эй менинг гуллаб-яшнаган кунларим ўзинг менга мадад қил, юзингни пардасини кўтар, жамолингни кўрай ахир, Онагинам мадад қил менга, на ҳожат шунча довруқли ишлару шунча ғалабалару зафар нашидалари агар уларнинг биронтасини

эсламасанг, эслаб таскин-тасалли ололмасанг, қарилек ботқоғига ботганды улар кучингта күч қўшолмаса?» Аммо ҳаётининг энг аччиқ аламангезликлари ва энг баҳтиёр лаҳзалари ва улуғворлигининг энг шарафли дақиқалари – бари унут ҷоҳининг қора ўпқонига чўкиб йўқолди, бу ўпқонларни найча қилиб ўралган, тирқишиларга беркитилган қофоз парчалари билан ёпишга уринишлар ҳам кор қилмади. Содда хаёл! У айтайлик, тўқсон олти ёшга кирган Франсиска Линеро ким эканлигини абадул-абад билмай ўтишга маҳкум этилган эди; у кампирни маликаларга хос шон-шараф билан кўмишга амр этди, сабаби: тирқишилардан бирида тасодифан тоғилиб қолган қофоз парчасида унинг ўз қўли билан шундай қилиш кераклиги ёзиб қўйилган эди. Бундан ташқари, унинг кўзлари кўрмай қолмоқда эди, ҳукм-ҳиккасини кўр-кўронга ўтказишга тўғри келарди – ўн бир жуфт қўзойнак унинг мушкулини осон этолмасди. Аммо ёзув столининг тортмасидан улар ичидан хоҳлаганини олиб, бурни устига қўндириб, улардан фойдалангандай бўларди. Бу ўзи билан гаплашаётган одамларни жуда яхши кўриб тургандай таассурот уйғотарди. Ҳолбуки, аслида унга сұхбатдошлари жонсиз шарпа бўлиб туюлар, уларнинг овозларини ҳам эшитмас, фақат ҳузурида ўтирган одамни сезги билан англаб оларди. У ниҳоятда ночор бўлиб қолганди, ана-мана жони узиламан деб турганга ўҳшарди. Бир куни қабул чогида мудофаа вазири бундан ҳаддан ташқари қўрқиб кетди; генерал бирдан акса урди ва мудофаа вазири: «Соғ бўлинг, жаноб генерал!» – деди. У шу заҳоти иккинчи маротаба акса урди ва мудофаа вазири иккинчи маротаба айтди: «Соғ бўлинг!» Аммо акса уриш тўхтамасди. «У тўқизиничи марта акса урганда, мен соғлик тилаб ўтирамадим. Менга талваса зулматидан ночор қараб турган кўзёшлари ғарқоб бўлган, ўрайган кўзлари, бўғриқиб кетган башарасини кўриб қўрқдим, унинг тили дирвайиб бўғилиб ўлган ҳайвоннинг тилидай осилиб қолди, мен тезроқ бу ердан қочиб чиқишига ҳаракат қилдим, у менинг нақ кўз ўнгимда ўлиб борарди, менинг бунга ҳеч қандай алоқам йўқлигини айтадиган биронта ҳам гувоҳ – бирон-бир тирик жон ёнимда йўқ эди. Лекин мен энди секин чиқиб қочмоқчи бўлиб турсам, у акса уришлари орасида бақириб берса

бўладими: «Кўрқманг, бригада генерали Росендо Сакристан! Тусингизни ел есин, тек туринг, мен сизнинг кўз ўнгингизда ўладиган тентак эмасман!» Мудофаа вазири тек қотди, у эса худди ўлим ёқасида тургандай акса уришда давом этар, ҳуши бошидан учгудай бўларди. Унинг кўз ўнгида минглаб оқ йилтироқ чивинлар каби учқунлар сачаради, лекин у жони борича бир фикрга ёпишиб олган эдикি, онагинаси Бендисиён Алварадо унинг шармандаи шармисор бўлиб акса уришдан ўлишига, бунинг устига ўз хизматчисининг кўз ўнгида ўлишига ҳеч қаҷон йўл қўймайди. «Ҳап тур, ўладиган аҳмоқ йўқ! Ўлсам ҳам юзимни ерга қаратмайман!» Шу воқеадан кейин у шундай бир хуло-сага келдики, одамлар орасида ўлгандан кўра сигирлар ўртасида ўлган авто, чунки одамлар киши ўлаётганда ориятини сақломади деб айбситишлари мумкин. «Нега булар ҳаммаси ўқчасини қўлтиқлаб кўтариб юришибди?» У папанинг элчисини ҳам қабул қиласмиай, у билан худо ҳақида баҳслашмай қўйди, зеро худди чақалоқ каби чой қошиқда шоколад ичишига тўғри келар ва элчи буни кўришини истамасди. У кимлардир менга раҳми келганидан атай ютқазиб бермасин деб, кўрқиб домино ўйнашини ҳам бас қилди. У ҳеч кимни кўргиси келмасди. У ўзини жуда қаттиқ назорат қилишига қарамасдан, товони ясси оёқларини судраб босмасликка шунча уринишига қарамасдан, гарчи уни умр бўйи судраб босган ва бу ерда яшириб ўтирадиган нарсанинг ўзи йўқ эди, у ёшини беркитишнинг сира эпини қиломас, лекин ўзининг ҳақиқий аҳволини бирор билишини хоҳламасди. У ўзининг ёшидан хижолат чекарди, ўзини умидсизлик қаътири-нинг энг чеккасида тургандай сезарди, охирги ғамбода диктаторларни у шундай ҳолатда топарди, уларни бошпана хукуқини олган одамлар каби эмас, худди маҳкумлар сингари сақларди – улар яна дунёга юқумли мараз вабосини тарқатмасинлар деб, уларни ўша қоя устидаги дориллятомда тутарди. У бунинг нималигини биларди, ўзи билан ўзи ёлриз қолган чогида ожизлик, ноҷорлик, ҳеч нарсага қурби етмасликдай мудҳиш, жирканч ҳис-сиёт нималигини бошидан кечирганди, ўша бадбаҳт әрталабда у ичкари ҳовлидаги ҳовузида шифобаҳш малҳам сувда ётиб кўзи илиниб ухлаб қолди. «Онагинам, сиз тушимга кирдингиз гуллаб

ётган бодом дарахтининг япроқлари аро менинг бошим узра чириллаган ва ҷарсиллаган қора чигирткаларни худди сиз яраттандай бўлиб туюлдингиз, назаримда сайроқи зарғалдоқларнинг рангин хонишларини ҳам сиз ясагандай эдингиз, аммо онагинам ичакларим бирдан бўшашиб, ичимдаги ҳамма нарсалар пўриллаб отилиб чиқдию мен уйғониб кетдим уят-шармисорликнинг макруҳ сувларида ғазаб-қаҳрдан қалт-қалт титраб уйғондим, макруҳга айланган сув бетида орегано ва гулхайрининг муаттар япроқлари сузарди, норинж дарахтининг япроқлари тўкиларди ва шунда икотеа тошбақалари менинг ичимдан буралиб отилиб чиқиб сарғимтиро сариқлик сари шодон ташланиши, мана шундай юз қоралик бўлди она!» У ўз чириган вужудининг бу ёмон қилигини ичига ютди, ўз қарилигининг бошқа яна кўп номардликлаriga чидади, қартайишнинг яна янгидан-янги шумликларини ортиқча шоҳидларсиз қарши олиш учун хизматчилар сонини мумкин бўлганча қисқартириди: ҳар қалай ҳўл сочиқ билан ўралган бошини лиқирлатиб бу ҳувиллаган кимсасиз Ҳукумат Уйида нима қилишни билмай тентирашларини ҳеч ким кўрмайди, ҳеч ким кўрмайди унинг сигирларнинг сўналаридан азоб чекишлиари, ҳар бир девор қошида сўнгсиз-интиҳосиз кадардан инграб-инқилашлари, чираб бўлмас бош оғри fidan телба бўлиб увиллашларини ҳеч ким кўрмайди ҳар қалай; у боши қаттиқ оғриши ҳақида шахсий табибига миқ этиб оғиз очган әмас, чунки бу оғриқ яна ўша қартайиш туфайли эканлигини биларди; оғриқ аввал ўзининг оғриқлигини сездириб келарди – у аввал чақмоқнинг олис қалдироқлари билан ҳали кўкда оғир қора булувлар пайдо бўлмасдан бурун яқинлашиб келарди, ана шунда у ҳеч кимса мени безовта қилмасин деб буюарарди; кейин оғриқ иккичаккасига буров солаоди, шунда у нима бўлганда ҳам, уйга ҳеч кимни киритманглар, ҳеч кимни, деб қичқиради, калла чаноғи ичидаги пўлат гаров айланиб тургандай боши ёрилиб кетар дарражага етганда, у уйга ҳеч кимни қўйманглар, ҳатто худо келса ҳам қўйманглар, деб бўкиради. «Ҳеч зот бу ерга киритилмасин! Ўлиб қолсан ҳам киритманглар!» Оғриқ уни шафқатсиз суратда пийпалар, бир зумгина тин олдирмас, ҳатто ўзининг қиёмат-қойими билан баробар чорасизлигини тушуниб

етишига йўл қўймасди, аммо узоқ кутилган саховатли жала қўйиб юборгач, оғриқ босилар ва ниҳоят у бизни ҳузурига чорлар ва худди янгидан туғилгандай бўлиб ўтиради. У овози чиқмайдиган телевизор қаршисида ўтирас ва биз унинг олдидаги мўжказ столга кечки овқатни келтирадик: чўчқа гўшти ва фасолдан қовурдоқ, қирилган кокос ва қовурилган бананлар – унинг ёшига мутлақо тўғри келмайдиган таомлар! Аммо у кечки таомларга қўл урмасди, зеро у алмисоқдан қолган телефильмни томоша қилиш билан андармон бўларди. Бу телефильмнинг маҳсус кўрсатув канали орқали яна қўйилгани, қўйилганда ҳам, жуда шошилинч ичида, тасма онтар-тўнтар қилиб ташлангани – давлат ишларида қандайдир нохушликлар борлигини кўрсатарди – хукумат аниқ ниманидир яширади. «Нима шимилтириқ бўляпти бу ўзи?» – деб гудранарди у, лекин шу заҳоти ўзини ўзи овутиб мендан ҳеч нарсани беркитишмайди, мабодо бирон-бир жиддий воқеа бўлганда, албатта менга хабар қилишарди, деб ўзини ўзи ишонтиради; у шундай хаёллар билан ёлғиз ўзи совиб қолган кечки таомлар рўпарасида ўтирас, жоменинг соатлари саккиз карра занг ургач эса у ўрнидан туриб, идишдаги кечки овқатларни унитазга тўкарди. У кечкурун анчадан бери шундай қиласди, ўзининг аянчли аҳволини ҳеч ким билмасин дерди: унинг курсоти ҳеч қандай овқатни қабул қилмай қўйганди; одамлар уни илгаригидай деб билишларини хоҳларди, ҳамон ўша-ўша нурафшон замонларнинг афсоналарида битилгандай уларнинг эсларидага қолишин истарди, ўзи ҳам ўша афсоналардан тасалли оларди, улар боис ўз-ўзига нафратдан чалғигандай бўларди, аъзойи вужуди ҳар сафар яна панд бериб, яна бир ишқал чиқарганда уни чулғаб оладиган жирканч ижирғанишдан бир зум халос топгандай тин оларди. У базўр нафас олиб турганлигини унунтмоқчи бўлар, ҳалажойларнинг деворларига: «Яшасин генерал! Яшасин чинакам эр!» – деган сўзларни ўзи ёзётганлигини ўйламасликка уринарди. У бир кечада учта аёлнинг кўнглини олиш учун яширинча табиб тайёрлаб берган малҳамни ичгани ва мана шу кексаликнинг соддалиги боис ожизона аччиқ қўзёшлар тўкишга мажбур бўлганини сира эслагиси келмасди. У әркаклик нафсонияти ер билан яксон бўлгач, бўшаниш

учун ўтириб сувни оқизмоқчи бўларкан йирларди: «Жону жаҳоним онажоним Бендисион Алварадо мени газабингта ол, ўз ўти сувларинг била мени муфарраҳ айла!» Бироқ бу шармисорлик унга тушунарли эди, нимага сонгсаноқсиз маротаба ишни әплотмаганлиги сабабини у биларди: тўшакда унга етмаётган нарса эркаклик қуввати эмас, балки ҳар доимгидаи мұхаббат етишмасди. Ошнаси бош вазир унинг қўйнига турли аёлларни солишга ҳаракат қиласарди, лекин улар ҳаммаси унга жуда совуқ кўрининишарди, қанийди энди истараси иссиқроқ бўлса уларнинг. «Ахир қўшни қизлар мактабини ёпиб қўйишиган бўлса, демак, мен бу ажойиб ёқимли ишни унугиб юбормаслигим керак-ку!» Анов аёлларнинг худди сугари йўққа ўшарди. «Фақат сиз учун маҳсус танлаб олинганд, жаноб генерал!» Улар тўғри Амстердамнинг кўргазмаларидан, Будапештнинг кинофестиваларидан, Италиянинг Ўрта Ер дengизи мовий соҳилларидан самолётта ўтқизилиб олиб келинарди. «Ўзингиз бир қаранг, жаноб генерал, мўъжизая-мўъжиза! Дунёнинг энг оғатижон маҳбубалари!» Маҳбубалар ним қоронгулатилган хоналарда камтарин ашуладарси муаллималари қиёфасида уни кутиб олишар, нафис баданларини ечиниб кўрсатишарди; уларнинг болдай иссиқ баданларида чўмилиш либосларининг рангин излари мұхрланиб турарди; уларнинг тишиларидан муздек ялпиз ислари: гул сувларининг муаттар ҳидлари таралар ва улар баҳмал диванга қўйма темирбетон гўлага ўшаб кетадиган улкан буқанинг ёнига ётишарди. «Аммо у ҳеч устидаги кийимини ечмайди, умуман, ечинишни истамайди! Қанча ҳаракат қимладим, нималарни ўйлаб топмадим, барибир! Шунча уриниб уни ҳатто қимирлатолмадим!» «Ўлган балиқдай совуқ чиройли бу ойимча жонимга тегиб кетди,вой мунинг қилиқдари-ей! Очигини тик юзига айтдим: бўлди, бас, яхшиси бориб пардага кириб хонақода ўтири, қизим!» Узоқ-узоқлардан олиб келинган чиройи ҳар қандай одамни довдиратиб қўядиган, энг қиммат нархларда баҳоланган қизлар билан сира ишлари юришмас ва бундан у foятда эзиларди. Аммо бир куни хуфтон пайти соат саккизларда сарой кирхонасида аскар кийимларини юваётган кирчи хотинга дуч келди ва бир шапати уриб уни катта тос тогора ичига ағдарди; хотин даҳватан

ўрнидан сакраб туриб кетди ва: «Мен бугун ярамайман. Мени ҳайз босган!» – деб қўрқиб ўзини оқлаганча қочиб қолмоқчи бўлди. Аммо генерал уни индамасдан икки буқди-да, юзини дазмол таҳтасига босди ва орқасидан туриб шунчалар иштиёқ билан ишга берилиб кетдики, хотин шўрликнинг барча қовурғалари қисирлаб, қўксидан пайдарпай ингроқ отилиб чиқди ва дод деб өҳ-воҳ қилди: «Кўтос бўлиб кетибсиз-е, генерал! Нима бало, эшакдан улги олдингиэм!» Генерал унинг бу оҳ-воҳларидан кўп ҳузур қилди, ўзининг хушомадгўйларидан кунда мадху сано эшишиб ҳам муңчалик роҳат қилмаганди. Шундан кейин кирчи хотинга болаларини умр бўйи бокиши учун нафақа тайинлади; кўп йиллар ўтиб у шу куни сигирларга тунги емини бераркан, яна ҳиргойи қилди: «О сўлим январнинг моҳи!» У ҳиргойи қилас ва ўлимни ўйламасди. У аниқ билардики, ҳатто ўзининг охирги кунида ҳам ожизлик ва заифликка асло даст бермагай ва ақла сигмайдиган нарсаларни ўйлаб ўтиришга ўзига йўл қўймагай; у сигирларини яна бир бошдан санаб чиқди ва ҳиргойи қилиб роҳатланди: «Сенсан қоронғу ўйларимнинг машъали. Сенсан менинг йўлчи юлдузим». У икки марта қайталаб санаб, тўртта сигир йўқлигини кўрди, шундан кейин сарой томон юриб вице-қироллар замонидан қолган либос тахмонларида ухлаёттан товуқларни санаб чиқди, қушларнинг қафасларини саноқдан ўтказди: «Қирқ саккизта» ва уларнинг устига қушлиқ рўмollарни ташлади. Кейин у сигирлар уззукун сарой кезиб ерга ташлаган ва қуриб қолган таппиларни йиғиб ёқди, шунда янги ёқилган таппининг ҳиди ва тутуни унга ҳар сафаргидай болалигини эслатди. Лекин бу гал кўз ўнгидагавдаланган манзара одатдагидай туманлар ичра кўриниб сўнг бир зумда ғойиб бўлмади, балки нигоҳида аён қад ростлаб турди. Ясси тоғликларнинг муздай совуқ шамоли эсади, у кичкинтой болакай совуқда қалт-қалт титрарди, ёнида онажониси Бендисйон Алварадо, у ҳозиргина ахлатхона узра учган калхатлар чангалидан қўй ичак-човоқларини тортиб олди-да, суюгигача совқотиб дағ-дағ қалтираётган ўғилласига таом тайёрлаш пайига тушди.

Тун соат ўн бирга жом чалинди, у йўлаклар ва бўй-бўш хоналардаги чироқларни бирин-сирин ўчириди, қўлида лампа билан

яна бир карра саройни айланиб чиқди, ўн тўртта қоронғу тортган ойналарда ўн тўртта ўз соясини кўрди. Қўлида ёниб турган чироқ кўтарган ўн тўртта бир тусли генерал. Аммо ойналардан бирининг теран сатҳида концерт зали ичидаги осмонга тўнтирилиб ётган сигирни кўрди ва уни чақирди: «Сигир! Сигир! Бу нима қилиқ? Нима бало, ўлиб қолганми?» У кўриқчилар хонасига йўл олди, сигир ўлиб ётганлигини уларга эслатди. «Эрта тонгда албатта олиб ташланглар, бўлмаса қузғунлар учидекелишади!» У буйруқни бергач, қўлида чироқ билан бошқа учта сигирни бутун саройнинг биринчи қаватидан ахтара бошлиди – халажойларни қаради, столлар остини кўрди, ойналарнинг орқасига кўз югуртириди, кейин у юқори қаватта кўтарилиб, сигирларни қидириб барча хосхоналарни қараб чиқди, лекин ҳеч ердан уларни топмади. Бу ҳайҳотдай маконларда фақат биттагина она товуқ истиқомат қиласиди: у унун бўлиб кетган замонлардаги аллақандай зоҳиданинг нимпушти гулчамбарли кўшкида тухум босганча ўтиради. Генерал ўша зоҳиданинг исмини ҳам эслолмади. Кейин у уйқу олдидан бир қошиқ асал ялади, асал идиши ни яширилган жойига қайтариб қўяркан, бу ерда ўзининг кўпдан-кўп қофоз парчали ёзувларидан бирини топиб олди. Бу қофоз парчасида машҳур шоир Рубен Дариога дахлдор қандайдир муҳим сана ёзиб қўйилганди. Ҳудо уни ўзининг энг олий таҳти салтанатига мұяссар қилган бўлсин! Қофоз парчасини ўқиб, у ҳеч нарсани тушунолмади, кейин уни найча қилиб ўраб, яна жойига қўйди ва тилида дуо айтиб пичирлади: «Эй бизнинг падаримиз, самолардаги бизнинг мўъжизапардоз раҳнамойимизсан, ўз қудратинг шаҳди билан осмонларда тайёralарни кўтариб турувчи ва баҳди мұхитларда кемаларни тутиб турувчисан, эй...» У тилида ушбу дуо калималарини такрорлаб, фурқатда қолган фил каби улкан оёқларини судраб босиб нари кетди, уни уйқусизлик ағбор қилган, айлангувчи маяк унга ўзининг сўнгти ли-пирлаган шуълаларини ташлар, уни кўқимтир нурларининг охирги ғарамлари билан кузатарди; у ўзи сотиб юборган денигизни қайғуриб излаётган шамолларнинг шовқинларини эшиштар, узоқ замонларнинг ҳарир шарпалари аро қандайдир тўйда чалинаётган мусиқа садоларини эшиштар, ўшанда жаноблар эҳти-

ётсиэлик қилиб унинг курагига пичоқ санчишларига оз қолган әди; кутимаганда у адашиб юрган сигирнинг устидан чиқди ва унинг йўлини тўёди: «Сигир, ҳай сигир! Жўна бу ердан!» Сигирни орқасига қайтаргач, ўз хобхонаси томон йўл олди, йигирма учта деразанинг ҳар бирида денгизидан айрилган шаҳарнинг чироқлари кўзга ташланарди; ҳар бир деразадан унинг диморига шаҳар ичкариси сирларининг жазирама ҳовури уриларди, мингминглаб одамларнинг ғалати бир нафаси келарди – шаҳар ягона вужудга айланиб нафас оларди, ҳар бир деразада у шаҳарни йигирма уч маротаба кўрди ва ҳар сафаргидаи ҳалқ деб аталадинг англааб бўлмас, бепоён баҳри муҳитнинг улуғвор ва шиддатли эврилишларини яна янгидан ҳис қилди; бу ҳалқни у кўксига қўлини қўйиб уйқуга чўмган ҳолда тасаввур этди ва шунда бирдан ўз генералини ҳаммадан кўра ортиқроқ севгандай бўлиб кўринган кимсаларнинг унга нисбатан гарази қанчалар теран эканлигини ҳис қилди! Уни авлиёдай кўриб, шарафига шамлар ёқишарди, ҳомиладорларнинг кўзи омон-эсон ёрисин деб, жон таслим қилаётганларнинг ўлим шарпасини даф қилиш учун унинг номини асрорий бир эътиқод билан дам-бадам тилга олардилар, бошқа бирорвлар эса унинг игуана каби маҳзун кўзлари, ғамбода дудоқлари, аёлманд нафис қўлларини узоқ замонларнинг телбакезик лимузинининг ўқ ўтмас ойналари ортида кўрган чорларида уни туғиб берган онани, унинг онасини қарғаб, лаънат ўқирдилар. Лой-балчикда қолган өтигининг изларини ўпардилар, орқасидан қарғишлар ёғдирапдилар, кимсасиз Ҳокимият Уйининг жонсиз деразаларида липирлаб учган шуълалар шаҳарнинг ҳар бир ҳовлисидан кўриниб турадиган жазирама иссиқ кечаларда унинг бошига тинмай ўлим тилардилар. «Ҳеч ким биэни севмайди», – деб хўрсинди у зарғалдоқларнинг мусаввири, чевар күшчи, марҳума онаси Бендисион Алварадонинг хосхонасига бoshини суқиб қаарarkan, шўрлик аллақачонлар хоки туробга айланаб ётади ўз мақбарида. «Ҳайрли тун, она», – дея шивирлади у. «Ўлиминг өзгу бўлсин, ўғил», – мақбардан овоз келди.

У хобхонаси эшигидаги илгакка лампасини илганда соат тунги роса ўн икки әди. Даббасида шу он жуда қаттиқ санчиқ сезди –

дабба оғриқнинг әўридан чириллаб юборди. Бутун дунёни, ҳамма нарсани, барча маконларни оғриқ тутди, оламда шу оғриқдан бошқа ҳеч нарса қолмаган әди. У охирги марта әшикни учта кулфини бураб беркитди, уч занжирни илди, уч илгакни туширди, ўз хос тувагига охирги марта ўтири, охирги бор қурбонлик қилгандај жичча пешоб жилдиратди ва ечиниб ўтирмай бор уст-боши билан ўзини саҳт ерга ташлади, у ҳар қандай қабул маросимлари, учрашувларни бекор қилгандан сўнг доим дағал матодан тикилган иштон киядиган одат чиқарган, ҳозир эгнида йўл-йўл ёқасиз кўйлак, оёғида одми, жўн шиппак бор әди, у ёстиқ ўрнига очиқ кафтларига юзини босди ва шу заҳоти оғир уйқуга кетди, бироқ иккidan ўн дақиқа ўтганда у боши тамоми-ла оғирлашиб, гаранг бўлиб уйғонди, у қора терга боттанди – ҳатто бутун кийим-боши жиққа тер әди, одатда у момоқалди-роқдан олдин шундай кўйга тушарди. «Ким у?» – деб сўради у қалтираган овозда, зеро кимдир уни уйқуда чақиргани эсида әди, лекин унинг исмини айтиб эмас, мана бундай деб чақирди: «Никанор! – Яна бир карра: – Никанор!» Бу қулф-қалитларга тегмай деворлар оша тўсиқ билмай кириб келадиган аллаким әди. У диққат билан яхшироқ разм солиб қаради, шунда бу ўлим өканлигини кўрди. «Бу сизнинг ажалингиз әди, жаноб генерал, у тавба қилаётган гуноҳкорнинг увадаларига бурканган, қўлида тутқиси эгри ҳасса тутганди; унинг бош чаногига мозори-стон гиёҳлари чамбарак қилинган, сукъ ёриқлари орасида ер ости чечаклари ўсган, кўз косаларида кўҳна фолбин кампирнинг ўткир кўзлари учқун сочарди». У ажални унинг бутун бўйи ба-робарида кўргач, у нима учун ўзини: «Никанор! Никанор!»\* – деб чақирганини билди. Ахир ажал ҳар бир одамнинг жонини олгани келганда, уни шу исм билан чақиради. Аммо у нидо қилди: «Ажал, шошмай тур! Ҳали менинг паймонам тўлгани йўқ. Мен уйқу ичра ўламан. Ўз қоронғу хобхонам ичра ўламан. Алмисоқдан қолган замонларда фолбин кампир азал сувига қараб туриб, шундай фол очган». Аммо ажал шундоқ жавоб қилди:

<sup>1</sup> Никанор (юонон.) – ғалабани кўрувчи, бу ўринда ўлимнинг мангу ғала-баси.

«Йўқ, генерал! Бу ҳозир ва шу ерда рўй беради! Сиз яланг оёқ бўлиб, тиланчи уст-бошида ўласиз. Бироқ сизнинг жасадингиз устидан чиққанлар, сизни кабинетдан топдик, устига ҳеч қандай нишонларсиз ҳарбий дала кийимини кийган экан, чап оёғининг этиги қўнжида олтин нағали бор экан, деб айтишади. Улар афсо-нага қарши бормаслик, башоратларга ишонч сақланиб қолиши учун шундай қиласидар». Ниҳоят у ажал қандай деган бўлса, шундай жон берди. У буни шу тобда сира хоҳламаганди. Зоро, шунча йиллар беҳосил рўёлар ва ўз-ўзини алдашлардан сўнг эн-дигина шуни англай бошлаган эдики, одамлар яшамайдилар, бал-ки тирикчилик қиласидар, тусини ел олсин, ҳар қанча узоқ ва ҳар қанча уриниб яшамагин, барибир у фақат қандай яшашни ўрга-нишгагина етади – бу ҳам умрнинг энг сўнгти дамида мұяссар бўлади! У умр борасида бир хулосага келганда, ўлди. У ҳаётининг ибтидосида севишга қобил әмасман, деган хулосага келгауди, бунга гўёки қўлларининг кафтларида толеъ чизиқларининг йўқлиги, улар теп-текис, си-силиқ яратилгани ва фолбинлар очган фоллар далолат бўлганди, у жисмоний, ҳирсий муҳаббат ўринини ҳокими-ятта муҳаббат билан босишини мўлжалга олди, кўнгил мулкида ҳокимиятпастлик девини тарбиялади, ҳамма нарсани бу девга бағишлиди; у ихтиёрий суратда қурбон бўлди ва бир умр қурбон-гоҳнинг мудҳиш паст алангасида ёнди; у нафсини каззоблик ва жиноятлар билан боқди, шафқатсизлик ва номуссизликда қад кўтарди, у ўз тўймас юҳолиги ўтини ўчириб турди, туғма қўрқоқ-лигини босди, шундай қилсан, кафтимда маҳкам тутган билур шарни ҳеч ким тортиб ололмайди, деб ўйлади. У фақат бир нарсани тушунмади, ҳокимиятпастлик ҳеч тўймас ҳокимиятпастликни келтириб чиқаради, у тушунмади, ҳокимиятта то қиёмат қойимгача тўйиб бўлмайди, балки яна бошқа дунёлар тура тургунча унга тўйиб бўлмас, жаноб генерал!

Лекин у ахир биларди бошданоқ: унга хушомад қилувчилар уни алдайдилар, у биларди, хушомад учун нақдина оладилар, у биларди, уни шодумон шарафлаган ва унга мангу бахтиёр ҳаёт тилаган издиҳомлар ҳарбийларнинг қурол кучи билан ҳайдаб келтирилади; у буларнинг барини билар ва ўзини шу ёлғонга, шон-

шуҳратнинг шу тубан ўлпонига суюниб яшашга ўргатганди. Эро, ўзининг сон-саноқсиз умргузаронлик йилларида шунга такрор-такрор амин бўлардики, ёлғон шубҳалардан қулайроқ, мұхабатдан нафлироқ, ҳақиқатдан боқийроқдир; у номигагина ҳукмронлик қиласидан бўлиб қолган пайтларгача яшаб, энди ҳеч нарсага ажабланиб ўтирамайдиган даражага етганди; у ҳамма нарса унинг ҳукмидан чиқкан бир маҳалда ҳукм юритарди, у шон-шарафни батамом йўқотганда, шон-шарафларга чулғанарди, ҳеч қандай обрў-эътибори бўлмаган ҳолда қўл остидагиларнинг бўйсунишидан таскин-тасалми топади. Умр кузининг ҳазонгарчилиги бошланганда, у шунга ишонч ҳосил қилдики, ўз ҳокимиятига ҳеч қачон тўла эга бўлолмайди, бутун ҳаётни ҳеч қачон тўлалигича қамраб ололмайди, зеро, бу ҳаётнинг ёлғиз орқа томонинигина билишга маҳкум, чокларнигина кўздан кечиришга маҳкум, таг ўзакнинг ҷалаша чувалган ипларнигина тўғрилаш, суратли ги-ламдаги рўёларнинг тутунакларини ечишга маҳкум бу рўёға ўхшаган борлиқнинг гилами; у ҳатто тахмин ҳам қилолмади, ҳатто охирги дамларда ҳам англомадики, ҳақиқий ҳаёт, чин ҳаёт барчанинг кўз ўнгидаги эди; лекин биз бу ҳаётни бутунлай бошқа томондан кўрардик, жаноб генерал, биз уни хўрланган, маҳрум этилганлар томонида туриб кўрардик, биз уни қайғу-ғамларимизнинг битмас-туганмас йиллари оша ичкаридан туриб кўрардик, сизнинг туганмас сарғайган ҳазонгарчилигингиз йиллари, йиллар оша кўрардик уни, ва шунга қарамай биз яна барибир яшардик ва ҳар ҳолда бизнинг дардимиз дард эди, ўроз лаҳзалири эса – чин ўроз эди; биз мұхаббатимиз ўлим иллати билан заҳарланганини билардик, аммо у ҳақиқий, чин мұхаббат эди, охиригача етадиган мұхаббат эди, жаноб генерал! У ана ўша ҳаётнинг машъаласи эди, сиз эса унда вагон дарчасининг губорли ойналари ортидаги рўё шарпа әдингиз, холос, биз унда мильтиллаб ўтган филтиллаган кўзларнигина, титроқ оқарган лабларнигина, ипак қўлқопли қўлларнинг видо силкинишларинигина кўриб қолардик, холос. Қарангки, бу қўллар толе чизиқларидан ҳам маҳрум эди, ва мўйсафиднинг аслида ким эканлигини биз шу тариқа охиригача ҳам ҳеч қачон билолмадик; ким билсин, балки у бизнинг афсонамиз бўлдимикин, ушбу борлиқ

ҳаётнинг ўнгу терсини ажратолмаган бемаънидан бемаъни бу мўйсафид мустабид, биз уни шунчалик битмас-туганмас эҳтирос билан севар әдикки, у буни ҳатто тасаввурига ҳам келтиролмасди – ахир у биз беш кўлдай яхши билган нарсаларни билишдан шунчалар қўрқар әди: яъники ҳаёт ниҳоятда мушкул ва у елдек тез ўтиб кетгай, аммо бошқа қайтиб келмагай, жаноб генерал! Биз мана шу ягона ҳақиқий ҳаётдан чўчиб ўтиромасдик, чунки биз ким эканлигимизни билардик. У әса бизни ҳам, ўзини ҳам яхши билмай мажхулликда ўтди, бузрук тушмагур, мудом ўзининг чуриллаган даббасига андармон бўлди, тақдир меҳмонининг ногаён бир зарбаси билан омонсиз қулади, илдиз-пилди билан қўпорилиб йитди. Ўз хазонгарчилигининг охириги муэзлаган варар япроқларининг суринган қора издиҳомининг шатирлашларига қўшилиб, у даҳшатга тўлиб ўлим қайигининг чириган увада елканларига жон ҳолатда ёпишганча унут дунё зулумоти сари учиб кетди, у энди ҳаётга бегона, кўчаларга гурас-гурас ёпирилиб чиққан ва хуррам қўшиқлар куйлаган одамлар издиҳомининг еру осмонларни тўлдирган қувончларини эшитмасди, у энди байрам оташбозликларию эрк ногораларини эшитмасди, у энди одамлар ва дунёга өзгу хабар тарқатаётган бонг садоларини эшитмасди, мангаликнинг беҳад-беҳисоб вақти ниҳоят тугаган әди.

*Адабий-бадиий нашр*

**ГАБРИЭЛ ГАРСИА МАРКЕС**

**БУЗРУКНИНГ КУЗИ**

*Роман*

**Муҳаррир  
Ҳикоят МАҲМУДОВА**

**Бадиий муҳаррир  
Баҳриддин БОЗОРОВ**

**Техник муҳаррир  
Елена ДЕМЧЕНКО**

**Мусаҳҳиҳ  
Маъмура ҚУТЛИЕВА**

**Компьютерда саҳифаловчи  
Феруза БОТИРОВА**

**Босишга 29.02.2008 й.да рухсат этилди. Бичвами 84x108 1\32.**

**Босма тобори 10,125. Шартли босма тобори 17,01.**

**Адади 1000 нусха. Буюртма № 40.**

**Баҳоси келишилган нархда.**

**«Янги аср авлоди» нашриёт-матбаа марказида тайёрланди.**

**«Ёшлилар матбуоти» босмахонасида босилди.**

**100113. Тошкент, Чилонзор-8, Қатортол кўчаси, 60.**

**Мурожаат учун телефонлар:**

**Нашр бўлими – 368-36-89;**

**Маркетинг бўлими – 128-78-43**

**факс – 173-00-14; e-mail: yangiasravlodi@mail.ru**